

EP

S

Ex

Equ

Ex

IVSTI LIPSII
EPISTOLARVM
SELECTARVM

III. CENTVRIÆ:

Ex Libris Stampei & Lebricani

Equibus TERTIA nunc primum
in lucem emissa



*C. C. Reines.
Fac. ad J. Byg.
L. G. Marlij.*

ANTVERPIAE,

EX OFFICINA PLANTINIANA,

Apud Ioannem Moretum.


CLIO. IO. CI.

Cum Privilegijs Casareo & Regio.

*Estatum Camala C. M. Co. in Scola Vioris
ich Legato F. de Thonabie*

INSTITUTIONES
 ARITHMETICAE
 ET ALGARABORUM
 IN ARITHMETICA

JOHANNES DE WITTE



EX OFFICINA PLANTINIANA

JOHANNES MORETUS

CL. 15. 61

Beem. F. 11. 7 (a)

AL
 CC
 SE
 V



lucem
 vestri.
 est, q
 per se c
 natus f
 potens
 Belgica

AD PRÆTOREM,
CONSVLES,
ET
SENATVM REIP.
VLTRAIECTINÆ.

Viri Nobiles, Viri Prudentes,



PISTOLAS meas aliquot, quas his diebus collegi, & errantes redegei sub vnum huius Centuriæ velut signum, visum mihi in lucem dare: idque sub tutelâ nominis vestri. Caussam habui duplicem. Prior est, quia lucem aliquam tenui huic, & per se obscuræ scriptioni, conciliare conatus sum à luce vestrâ: quorû antiqua, potens, & amœna vrbs splendet inter Belgicæ primas: vosque in eâ, per prudentiam

dentiam & virtutem. Caussa altera.
quòd beniuolentia vestra huc me im-
pellit & comitas, quâ publicè ac priua-
tim insigni semper in me fateor esse
vfos. Omitto amicitias, quæ mihi cum
plerisque vestrorum ciuium artæ: sed
pedem nunquam in vrbem vestram
posui, quin clara mihi signa semper ex-
hibita exinij cuiusdam adfectus & cul-
tus. Cum honore & amore venientem
excepistis, hærentem habuistis, abeun-
tem dimisistis. Quo meo merito? nul-
lo, fateor: sed solo impulsu beneficæ &
humanæ naturæ. quæ velut fato aut
Genio, inter adsitas omnes gentes, pro-
priè est vestra. Quod eo maius bene-
ficium interpretor; quia tam munes fui-
stis, in re & verbis hæctenus immunem.
Id autem ne vltra sim, verborum ecce
saltem & scripti munus hoc capite: Epi-
stolas inquam meas, nouum & vete-
rem ingenij partum. nouum disposi-
tu, compositu veterem. sed partum
profectò infirmum aut informem: &
quem, per diuturni hoc morbi tædium,
nec

nec fingere nec polire mihi mēs, quem-
que abieciſſe veriùs videor, quàm pepe-
riſſe. Vos ei tutores, imò patres aduo-
co: tangite, tollite expoſitam hanc pro-
lem: & inprimis auctoritatis veſtræ
ſcuto defendite, contra maligni liuoris
dentem. Ita deus vos & veſtram vrbeſ
ciuiliū hac bellorum flammâ ali-
quando eripiat, quâ vndique nunc eſtis
cincti. Lugd. Bat. Id. Nouem.



LECTOREM MEVM
SALVERE IVBEO.

LEN tibi Epistolas nostras, mi Lector, sed in parte: & eam ipsam partem, non mentior, trepidè emisi, & quodammodo volens nolens. Volentem me sanè volentia tua facit. cuius fauoris aura suauiter adhuc mihi spirat: nolentem, ipsum argumentum. Primum, quia id tenue: nec fama ab eo magna spes aut seges. Epistolas enim meras damus: id est, diales nostras nugas, iocos, lusus, & cū amicis garritus. Quid serium hīc magno opere, aut cultum? quin epistolæ esse desinunt, si nimis tales. Ordinem aut dilectum in materiā, curam aut limam in stilo, qui spīa expectat? à me frustrā: quia in blandiente illā haresi sum, ut epistolas sub manu nāci debere censeam, & sub acumine ipso stili. Atque adeo (dicā verè) his non scribo, his vix eas lego. Profluūt mihi ex liquido quoddā canali pectoris: & ut animus aut corpus meum est cū scribo, ita illa. Victor meus solitus dicere, indices ei semper valetudinis nostræ meas litteras, etiam cū indices non essent. Benè. languent enim illæ, excitantur, dolent, gaudent; calent, frigent mecum. Ut verbo dicam, affectus animi corporisq; mei in hāc tabellā. Quod si quædam in his seriæ, tamen pauca: & præponderat, vereor, leuiorum multitudo. Nam nullas esse, falsò dixerim. quia interdum intercurrunt totæ, & ex professo tales, philologæ aut philosophæ, & salubrium aut docentium præceptorum. Consulimus, monemus, cauemus,

mi Lector,
in partem,
si, & quo-
Volentem
acit. cuius
noſcerem,
tenue: nec
tolas enim
gas, iocos,
in hinc ma-
deſcunt,
in materia,
ſtat? à me
m, ut epi-
ſub acu-
non ſcri-
uido quo-
us meum
us dicere,
eas litte-
languent
alent, ſri-
pimi cor-
dam in his
eor, lenio-
dixerim.
ex profeſſo
brum aut
ponemus,
cauemus,

cauemus, apud iuuentutem præſertim: quam cura
mihi ſemper ad utilia, non ſolum ad amœna du-
cere, & animo ac robore ponere ſupra vulgum.
Quas ipſas ſi paullo diligentius ſcripſi, & velut
percolui digniori quadam ſermonis veſte: nihil,
credo, peccaui. quia hoc quoque ſine curâ meâ ma-
gnâ, ſine ambitu. cuius manus facile mentem ſe-
quitur: & cùm impleuit eam materies gran-
dior, chartam mihi ultrò verba. Famam igitur
ſue laudem ſperem hinc haud magnam. atque adeò
infamiâ qui nō timeam; cùm oculos ſue ad æuum
hoc flexi, ſue ad rem ipſam: illud quidem, prouum
ingerere calumnias utraque manu; hanc, natâ ac-
cipere toto ſinu. Detegimur enim in epistolis, &
ſubſicimur oculis panē nudi. Noſſe me, aut
alium vus? epistolae lege, quæ depingunt. Inge-
nij mei, adfectus, iudicij, imò & vitæ, non vana
imago iſtic. Alibi fucus & ſimulatio habitat:
hic candor, hic veritas, & non niſi natiuus ille co-
lor. Quis ſimulet in ſubitâ illâ, & ſæpe calidâ,
ſcriptione animus? non poteſt. qui apud amicum,
& ſe alterum? non vult, non debet. Reuera enim
deprehenditur aut emicat, priuſquam ſe compo-
nat: nec velum ei ducere ſuccurrit, quo tam citò,
& apud tales, ſe tegat. Protrahit igitur hominem
maximè hæc ſcriptio: & ideo iudicij calumnijsq;
exponit. De te tuuſq; memoras? quod carpat repe-
rient, ut vanum, aut iactabundum. De alijs? hic
quoque, quod carpat. Illi in laudes nimis pronus
videbere, alij in reprehentiones: huic ad ſuper-
biam vergere, alteri in adulationem proclinare.
Denique in publicâ & ciuili re, ſub cineribus qui

occulti ignes? Pietatis mihi rem alibi tange:
 apud hanc aut illam partem peristi. Reges aut
 status: cadaver es & funus. Atqui hac in epistolas
 saepe intercurrant necesse est, aut illa ne currant.
 In quibus omnibus etsi nos (quantum prudentia
 quidem mea tulit) temperauimus: tamen vereor
 ut temperet sibi à me quoque intemperies quorun-
 dam. Voces iam audio, & praeuideo. quid ad me?
 ego à verâ culpâ tantum abesse me scio, quantum
 carptores illos à verâ laude. Improvidè fortasse
 alibi aliquid dictum emisitij illi oculi reperiant:
 at nihil impiè aut malignè. Hoc testor, hoc profi-
 teor. mali iuris, mali moris ille, quisquis aliâ men-
 tem mihi affinget ex suâ mente. Nec hoc te ledat,
 quòd vnum aut alterum alibi lesi: apertè, fateor,
 nec tamen nominatim. Se ille quicumque est prius
 prodat & accuset necesse est, quàm me. Cur au-
 tem non liceat? Pestes & vitia hac hominum de-
 tegi, ex visu hominum est: etsi non apertè ipsos. Pe-
 ti se illi sentiant, alij suspicentur. In hoc tamen
 quoque, sicut in ceteris, siquid peccatû: post emen-
 dabitur. quia nunc vnicum hunc librum, velut in
 gustum, damus, & periculi faciendi causâ. Emit-
 to, inquam, hanc Centuriam, aut praemitto ve-
 riùs, ex Epistolari meâ legione, tanquam ad in-
 certa itinerum exploranda: & si nulli aut pauci
 hostes; fidenter omnes copias producam in hunc
 Fama campum. sin laquei & insidiæ; quiescam,
 & tenebo me iure in fidis silentij castris. Tu o bo-
 ne, faue, ama, fauentem, amantem.

INDEX

E

A

Adip
 Alex. d.
 xxx
 Amico cu
 Andree
 Andree
 Augerio
 Casar

Bonaue

Carolo
 Confic
 uerpu
 Corneli
 Corneli

Dominic

Errico M
 Euerard
 lxxix

Florenti
 Francis
 Francis
 Francis

INDEX EPISTOLARVM CENTVRIÆ I.

A.

A BRAMHO Ortelio	Fräis: o Raphelengio Fran-
epist. liij.	cisci Filio lxxvij, lxxxij.
Adolpho Metkercho	xciiij.
Alexandro Ratloni	xij, Gabrieli Roelandio xlvij.
xxxij.	Gaspari Schuermāno xliij.
Amico cuidam	lxij. Georgio Benedicli lxxij.
Andrea Dudithio	xcij. Georgio Ratallero Prasidi
Andrea Schotto	xlv. Vlraiecl. xxv.
Augerio Gislēno Busbequio	Gerarto Falkenburgio iij.
Casaris Legato xxiij, lxiij.	Godschalco Stee Wechio xij.

B.

Bonauentura Vulcanio lxxv.	Gulielmo Brengelio vij.
	Gulielmo Cambdeno xxiiij.

C.

Carolo Clusio xlvij, xcj.	Hadriano vander-Burchio
Consulibus & Senatui Ant-	lvij.
uerpiensi h j.	Hemico Ranzonio lxxxvij.
Cornelio Prunio lix.	Henrico Wiltio lv, xcviij.
Cornelio Valerio j.	Hieron. Berchemio xxj.

D.

Dominico Lampsonio lx.	Iacobo Cuiacio lxxvij, lxxvj.
------------------------	-------------------------------

E.

Errico Memmio lxxxvij.	Iano Doufa ij, xv, xxi;
Euerardo Pollioni xvj, xlvj,	lxxj, xcvi.
lxxiij.	Iano Grotio xvj.
	Iano Grutero xcij.

F.

Florentio Thinnio xc.	Iano Gulielmio Lubecensi
Francisco Bensio liij.	xj, xxxix, lxxvj, lxxiiij.
Francisco Modio xxvij.	Iano Hauteno l.
Francisco Raphelēgio xxxv.	Iano Lernutio x, xij, xx,
	xxxiiij, xl, lj, lxxxvj.

Ioachimo Camerario lxxv.		P.	
Iohanni Ionstono Scoto	Paulo Busio	lxxxix.	
xxxvij.	Paulo Melisso	lxxxij.	
Iohanni Moerentorfio lxxij.	Petro Egmondo	c.	
Iohanni Rotario xcix.	Petro Pythæo	vij.	
Iohanni Sambuco xxxvj.	Philippo Lanoyo Nobilis.	xxij.	
Iohanni Viuiano xlix.	iuueni		
Iosepho Scaligero Iulii F. vj.		R.	
Iosia Mercero xxxij.	R. Pincao	lxxxv.	
	Rolando Wincelio	lxxx.	
L.		S.	
Lauino Torrentio lxiiij.			
xcvj.			
Lernutio & Gisclino xxvij.	Stephano Pighio.	v.	
M.	T.		
Marco Antonio liij.	Theobaldo Teelingio	xxix.	
M. Valerio Collino xcv.	Theodoro Cantero	xlj.	
Martino Antonio Delrio		lxxxiiij.	
xiiij.	Theodoro Leewio	xix.	
Martino Lydio lvij, lxix,	xxvj, xxxj, xxxvj, xlj,		
lxxix.	lxj, lxvij.		
N.	V.		
Nicolao Biesio Casareo Me-	Victori Gisclino	ij, ix, lxx,	
dico xxx.	lxxxj.		



IVSTI LIPSI
EPISTOLARVM
CENTVRIA I.

EPISTOLA I. *Londinium.*

CORNELIO VALERIO S. D.



ITA genus, quod à reditu
elegeram & indicaui presens
tibi mi Valeri, & probaui:
quietum istud, modestam,
latens, remorum ab ambitu
& à curis. Etiam ingressus
serio eram: cum (ecce subi-
tam vim fati) vereor vt subi-
tò id mutem. Nam tempora quæ impendeant, vi-
des; & quæ tela improvisò exorsa ciuiliū bello-
rum. quæ si pertexitur, & nisi stamen eius ac sub-
temen pax aliqua abrumpat, stare mihi diutius
non licitum in hoc loco. Quomodo enim? exposito
cotidie non rapinis solùm militum, sed iniuriis:
quorum quàm libera licentia sit, nosti. Heu vita le-
gem! cui annexum, angere & dolere in omni sorte.
Itaque agellos istos mente iam defero, & specto
Grudios vestros. non planè inuitus, fateor, cum te
cogito & Canterum nostrum: quem tamen audio
& doleo in lento esse morbo. Quid autem tabes ea
est & marcor? an quis alius languor? De illâ, visus
mihi dicere medicus Gemma. quod Musæ tamen
prohi-

prohibeant, & diurnare paulò magis in terris ve-
lint Parnassium hunc alumnum. Sed causla morbi
quæ? studia, an curæ?

* Morbose-
nim produ-
cere & cure
solent.

* Τίς τινος γὰρ τοι καὶ νόσος διὰ διδύμλου:

ait Tragicus. De studiis tamē magis credo: quæ cali-
dè ille nimis habuit & intentè. Numquam vidi tam
indefessum ingenium, & laboris huius Musici aut
appetens magis, aut ferens. Semper ille in libris,
chartis noctu, diu, assiduus, accubus: nec dies so-
lùm omnes appensi & numerati ad hanc curam,
sed horæ. quas singulas ad clepsydram diuidere, &
attribuere ille solitus huic lectioni, aut huic scri-
ptioni. De Plinio suo scribit & iacet alter * Pli-
nius: atqui torpor ille hominis & desidia mera, si
cum hac assiduitate comparetur. Nos, mi Valeri,
remissiores: & si per hanc viam mors. sum immor-
talis. Vis scire, quàm ignauiter cessem? Tot protela
admonitionum tuarum nondum effecere, vt vel
manum adinouerem Commentario Corneliano.
ita subiit me ignauia huius dulcedo: &, quod ille-
ipse Cornelius ait, *inuisum primò desidiam, capi amare*.
Mutabo fortasse, cum loco. Tuus certè non sermo
solùm excitabit me, sed vultus. quem iure vereor
& veneror, ductorem doctoremque meum in me-
liore hoc animi cultu. Vale. In Ischano meo. a. d.
xij. Kal. Decemb. ∞. Id. LXXV.

* Epiſt. v.
lib. iiii.

EPISTOLA II.

Brugas.

VICTORI GISSELINO S. D.

RARAS à te litteras, mi Victor, accipio: sed
certè caras, stillantes mero melle & amore.
Vellem vtrumque. vt & diligentiam tuam amare
possem, & adfectum. At principium tuum vanum,
de abitu meo Coloniam. Vnde hoc autem? ab ami-
co ali-

co aliquo
meis liri
Apag
uincia e
modò h
non fol
cum de
lapio tu
opras. q
Ilcano
illà ad L
bemus?
hoc vot
video, b
tares gl
lant. O
A Sam
Huma
nion
que rel
sue For
bent. In
gerum
doctum
ter suos
qua. Et
miamu
rum alt
hæc ipsa
no. In M

I A N
E C Q
mu

co aliquo, an à famâ? non enim à me certè, aut meis litteris: nec vnquam mihi fuit in mentem. Apage illud scelus (ita loquor) vt pedem hac prouinciâ efferam, non visis vobis. Et sanè paullùm modò hic morbus perseuerasset, veniebam ad te non solùm corporis, sed animi medicum mei. Nunc, cum deo fauente, reualui: & gallum debeo Æsculapio tuo. O diecula illa, quam vnà mecum exoptas, quando exorire? quando te & Lernutium, in Iscano isto, complectar & fruar? quando in petgulâ illâ ad Lunæ lumen garriemus, viuemus, imò & bibemus? Di amicitiae præsides, repræsentate mihi hoc votum. Festino enim, quia vt cogi nubes has video, breui dabunt tempestatem. Circa nos milites globi: qui vereor non vt interpellent, sed pellant. O locum hunc beatum, absque metu isto sit! A Samboco herè ad me litteræ, sanequàm amicæ. Humanissimum virum coram repperi, nō pro opinione mea (tecum hoc sit) literatum. Ita in his quoque rebus, ludit & illudit illud siue Fatū publicum siue Fortuna: & quidā merentur famā, quidam habent. Inter illos, in eadē Germaniâ Andream Ellingerum noui, deus bone, virum magnum & penitus doctum! at ille pænè ignotus latebat & fallebat inter suos. Ita fatua sæpe huius æui iudicia, aut iniqua. Et nos quid speremus, aut laboremus? dormiamus potius aut cucurbitas pingamus. quorum alterum ego quidem iam facio. Scripsi enim hæc ipsa ad lychnum, labente manu, premète somno. In Iscano meo. III. Non. Octob. ∞. Id. LXXVI.

EPISTOLA III. *Lugdunum Bat.*

IANO DOVSE *amicissimam salutem mitto.*

EC QUID tinnunt tibi aures, mi Douſa? ita multus non in sermonibus meis solùm es, sed in lit-

in litteris ad amicos. Vel nunc cum Rogersio nostro, quàm multa, quàm suavis, de te fabulatio! Ad-est enim mihi, ne nescias, hoc ipso tempore, & quidem in mensâ. Ita dico, in mensâ. & in eâ mihi hæc scripta. Abituriebat enim ille, nec fas certè sine meâ manu: penè scripseram animo, quem ille, à me exulem, auferet ad te secum. Non sum ex iis qui

Composita dicta pectore euolunt suo;

Quæ cum componas, dicta factis discrepant:

ut ait Attius, audi, Doufa, veram vocem: mens omnis & adfectus apud te est, ex quo legi suauissimos & felicissimi Genij tuos versus. O te magnum, & mei stomachi vatem! Non Musæ ipsa Liplium magis ament, quàm ille te. Itaque non vltra fero desiderium, &, nisi res nostræ turbidè porrò turbaerint, cis paucos dies excurram: & vsurpabo istis oculis, quem nunc animo, auribus, linguâ. De Gisellino nostro & Lernutio, omnia recta, nisi hoc tamen, quòd vterque nuper in vincla coniectus (percutio te: pone metum.) nuptiarum. Etiam ego in hoc carcere, si vir es, veni, & Iunones nostras vide. Salue mellitissime. Louanij, Nonis Aprilibus
∞. 10. LXXVII.

EPISTOLA IV. *Vbios.*

GERARTO FALKENBURGIO S. D.

MVNVS vestrum accepi egregium, mi Falkenburgij, imò regium. Et cur non, vestrum? ego scio Redigerum caput huic dono fuisse, te pedem: nec tam beniuolo conciliatori minus debere me, quàm datori. Animus enim est, quem in his talibus sesto: nec pretium iis vnquam à se facio, sed ab adfectu, qui in te certè maior. Aurum autem ipsum, quid nisi splendens quædam terra, & ni-

tidius

tidius pa
lris mi
amor, is
quam ta
errorem
rum est
Pulman
audi qu
sum. Eg
Falkenb
intenta,
hoc quo
sculo me
Carus m
dum mi
dem ab
quam. M
mihi ar
metum
velint: c

Hoc eni
non time
adfectus
sed trigi
cum Ner
magna il
Animo
kenburg
vt deum
let imper
no illo
forme ob
cum. P
ni quant

tidius paullò lutum? Iudicium tuum de libellis nostris mihi gratum: sed utinam iudicium! siue tamen amor, is quoque gratus, quia magnus: nec aliter unquam tam rectam certamque mentem cogeret in errorem. De lapsu memoriae quod submones, verum est: corrigam libens. Quod autem his & ad Pulmanum litteris iteras & pungis de seruitute: audi quæso liberè & diffusius paullò meum sensum. Ego qui status patriæ huius sit, nec ignoro mi Falkenburgi, nec nego: (aspera in eo multa, intenta, rigida, præter mores, aut præter leges:) sed hoc quoque scio, qui meus. Apud me ecce, & in rusticulo meo viuo: cur angar, quid Cotta aliquis aut Carus moliantur in aulâ? Vim aliis inferunt? nondum mihi opes delibant aut diripiunt? pereunt eadem absenti. ad impium aliquid adigunt? numquam. Mentem enim istam liberam quis tyrannus mihi artat? internam sententiam quis cogit? cultum metumque diuinum è pectore isto quis eripit? Et si velint: ecce sacram ancoram,

* Τις ἐστὶ δὲ ἄλλος τῷ Σωκράτει ἀφροντής ἄνθρωπος;

Hoc enim firmum aduersus externa omnia telum, non timere propter quod timentur. Sic Socrates adfectus, qui Athenas nō deseruit, infelsas nō vno, sed triginta tyrānis: sic Seneca, qui sub Nerone, imò cum Nerone vixit: sic Heluidius, sic Thraseas, & magna illa sapientum manus. Me cur in alia vocas? Animo diffidis, aut annis? noli. Ego enim mi Falkenburgi in iuuenili hoc pectore sic sum adfectus, ut deum, virtutem, & me constanter colā: non aduler imperatibus, sed nec irrēm: & cum Cornelia no illo * Lepido, inter abruptam contumaciam & deformæ obsequium, pergam iter ambitione ac periculis vacuum. Periculis inquam, quorum non ego (homini quantum licet) occasio sum aut causa. Quod si aliunde

* Quis servus est, perire modo quod non timet?

* De cuius causâ prudentiâ apud Tacitum, Annal. I. V,

aliunde & ab externâ vi ingruant, quomodo aut vbi excludam? Non Vbij vestri ab iis me liberent, non liberæ omnes Imperij vrbes. Sed reuerâ (dicendum est) peccamus multi in hanc partem. prouocamus pericula, & laceessimus sæpe imperantes, vanâ quadam specie aut superbæ libertatis, aut incautæ pietatis. Modestia autem est quæ Deo placita, & his qui dij in terris. Reges vt fulmina esse didici: dura frangere, mollibus plerumque illâsis. Itaque hæc tempora, vt nimbium, habeo: donec desæuierint, latito & me tego. Nec nimium tamen de sæuitiâ illorum queror: quia scio exoriri posse deteriora. Rusticulus ille mihi in mente, qui de Antigono rege viuo questus, cûm obisset successore peiore: terram laboriosè inuertens, & votorum iam pœnitens, *Antigonum*, inquit, *refodio*. Faxit & ille deus, vt hîc turbæ nostræ stent, neu breui procellæ ingruant sæuiores. Sed hæc magis seria fortasse, quam pro epistolâ. occasio tamé iis ex iteratâ tuâ accusatiunculâ: & gaudebo, si consilij mei ratio proba iam apud te probum. Talem enim non minûs repperi, quàm amicum mihi: qui vt esse perseueres, rogo. Ad Redigerum ipsum scripsi seorsum. In Iscano meo, Kalend. Sextilibus. Anno ∞. Iō. LXXV.

EPISTOLA V. *Viennam.*

STEPHANO PIGHIO.

FIDEM meam culpas? audi. Prandium mihi hodie apud heroëm nostrum (non enim virûm dixerim) Busbequium. post prandium longiusculæ etiam fabulæ: sed de litteris, vt apud illum solet. Hæc res diem mihi abstulit, & me tibi. Ignosce, & iâ etiam cognosce. Nam de Prætorû liçtoribus, liçticolæ nescio quid adfero a d te nostrum Prætorum.

Vulgus

Vulgus &
telles tibi
hi ingeri
qui nunc
habeto, v
poteram
ctores le
ligauit i
co clarus

At enim

Liçtores.

Inter orn
res nume
huc ibar
plus duo
splendor
culum i
in quo li
sex liçtor
dum non
dxi: id
Prætori v
aliis extra
tos, plures
mum tibi
rio noto.
filuulam
Lipfio, &
LXXII.

Vulgus & auctoritas veterum sex eos facit. loca & testes tibi noti. At duos fuisse tantum, lex vetus mihi ingerit, apud Censorinum ista. *Prator urbanus qui nunc est, quisque posthac fuerit, duos lictores apud se habeto. usque supremam ius inter ciues dicto.* Cauillari poteram & effugere, tanquam minimum duos lictores lex esse vellet; de pluribus non vetaret, sed ligauit iterum meus Plautus: apud quem in Epidico clarus ab hac re iocus,

At enim vnum à Praturâ tuâ Epidice abest. EP. quidnam? TH. scies.

Lictores duo, duo viminei fasces virgarum.

Inter ornamenta ecce Prætoria disertum duos lictores numerat, duosque fasces. Hac reprehensione, huc ibam: vt censerem Plauti & veteri illo æuo haud plus duos sanè fuisse, at numerum postea auxisse, splendoris maioris causâ. Sed hoc quoque diuerticulum interclusit mihi importunè tuus Valerius: in quo lib. 1. cap. 1. lego de Furio Bibaculo: *Prator sex lictoribus præcedentibus arma ancilia tulit.* quod factum notæ tuæ Chronicæ referunt in annum vrbis DXXVI: id est, ante aditum Plautinum æuum. An Prætori urbano & peregrino si fortè bini tantum: aliis extra urbem, & ad auctoritatem apud subditos, plures? Iuua, iuua: angor ego & resisto. Præmium tibi operæ, cænula cras apud me in diuersorio noto. sed eâ lege, vt ambulationcula præcedat ad siluulam nostram Querquetulanam. Salue à tuo Lipsio, & dormi. Viennæ, Idibus Iuniis ∞. IO. LXXII.

EPISTOLA VI.

In Pisones.

IOSEPHO SCALIGERO IULI F.

S. & amorem nuntior

QVI verè erga te magnus. Nam iam antea, mi Scaliger, cum veneratione quadam amabam te paternæ & tuæ virtutis causâ: nunc magis, cum te quoque video conspirare mecum in hoc adfectu. Nam, quâ de me erant, litteras tuas Plantinus mihi legit: & amicas valdè, & honestas. Atque in amore quidem tuo, gaudeo: in iudicio, triumpho. quia (verè, & ex animo) si quisquam est proborum, cui probari me meaque velim: is tu es, inter probissimos primus. Nam hunc vulgum, morus ego si morer. Epistolicas his diebus emisi: rude opus, nec istarum aurium. Vide tamen: & agnoscere nos in litteris multavelle, te posse. De Plauto quod item ad Plantinum: apage. egone antea? Iamdiu libraui hoc onus, cui impar ista ceruix. Tu hic vnus Hercules siue Atlas nobis, & fulcire debes comicum istud cælum. De Nonio etiam cogitare te audimus. verone & serid? item de Manilio. sed litteræ tuæ nihil tale nunciabant. Credimus tamen: quia hæc omnia per iocum & ludum te posse scimus, in quibus alij sudant. Aquila in nubi- bus, quod Græci dicunt, verè tu es: vides, imò peruides omnia; & quidquid venaris, capis. Sed desino huiusmodi sermonum: quia reuera

* Leue do-
num, sapien-
ti pro multis
laboribus dæ-
cere laudes.

* Κῆρα δὲ τοῖς ἀνδρὶ σοφῷ

Ἀντὶ μὲν τῶν πονηρῶν ὧν ἐν τῷ εἰπεῖν ἀγαθόν.

Tu salve, & me ama, qui te æternum. Louanij, a. d. vi. Kalendarum Decembrium, clo. lo. lxxvi.

EPISTO-

EPISTOLA VII. *Lutetiam.*

PETRO PYTHOEIO IC. S. D.

PLANTINO nostro elapso ex Troiano casu, id est incendio suæ vrbs, & ad vos abeunte : iure mihi amplectenda occasio fuit, mi Pythœe, compellendi tui. quæ iamdiu (verè tibi, & in os dicam) inter paucos Gallos amo & admiror. Ignotum, fateor : sed à vultu, non ab animo. quem politissimum exosculatus sum sæpe in tuis scriptis. Nec blanditiæ apud te sunt. testabuntur id publicè Epistolicae meæ; per hunc tumultum ausæ adspicere lucem: in quibus, si erit tanti, reperies cum benivolentiâ memoriam tui. Te pariter quæso, vti hunc eundem adfectum erga me aut sumas, aut retineas: & vt planè pleneque me bees, mutui seû litteris foueas atque alas. Litteris, non rerum gravium, aut de arcanis regum (quid ad me ista? sed quæ alucinentur liberè & vagè per studia nostra: quid tu, quid Scaliger, quid alij vestri Galli meditentur, eiusdè nobiscum Musæ. Vale, & me ama. quod valdè facturum te scio, si scias quàm valdè ego te. Fratri tuo Francisco, lectissimi ingenij iuveni, à me salutem dicito. Louanij xvi. Kal. Februar. ∞. Io. LXXVII.

EPISTOLA VIII. *Bruxellam.*GVLIELMO BREVGELIO REGIO
CONSILIARIO cognato meo S. D.

MAGNUM, sed amicum mihi dissidium tecum est, de agro deque vrbe. Tu istam præfers, ego illum: & rationes mihi, nisi fallor, magis firmæ. Quas quoniam herè inter differendum leuiter libauimus, visne hac epistolâ (otium enim & libentia mihi) promam accuratius & diducam tibi

per partes? Scio velle. aurium tantum, vt sic dicam, vacuas aedes mihi aperi: & admitte, sodes, peregrinantem veritatem. Agrum & in eo cultum, meliorem Vrbe esse aio, ad Sapientiam, ad Mores, ad Voluptatem: addo & Fructum. De Sapientiâ: non negabis, quin illic aptior ad eam animus, vbi is liberior & magis sui iuris. talis autem in agris est. Opida vise & adi: non effugies, quin vnâ tumultus, procellas, turbas. Circumstrepent enim te subito res hominesque: & negotium tibi non solum tua negotia facient, sed aliena. Vt difficile est in cõuiuio lauto & opiparo solum esse siccum & sobrium: sic vacuum, inter tot occupatos. Ille ad spõsionem te trahet & ad forum: ad nuptias alius & ad templum. In ipsâ viâ clamores alibi & lites: pugna nonnullibi & arma, & mox iudex, lictor, carcer. Domum ipsam tuam cum veneris: ne in secretum venisse te cense aut penetrare. Irrumpent ecce salutatores, inuifores, & nomine amicorum quidam fabulas inopulas captantes. Hos nullum limen submouet, nullum velum: & per omnes rimas inuolant importunæ illæ muscæ. Inter ista & inter istos, quis libris liber locus? quis cogitationibus? sine quibus an vlla legitima ad Sapientiâ exercitio aut via sit, haud cerno. Et tamen fac te felicem aut fortem: otium aliquod in ipsâ vrbe diu luctatus tibi vindices: negotio id liberum, firmum, aut aptum animo vegetando. Spernit enim naturâ suâ includi cælestis ille ignis, & aërem amat ac campos. Vt generosas feras cauea domat & frangit: sic altas mentes vrbicus ille carcer. Equum ad cursum apertus & liber circus prouocat. animum ad studia, vagans vacansque aura. Siluam illam viridem videt? hinc carmen auct aut hymnum deo pangere. Horti illam purpuram? hinc cum libellis suis decumbere. Aquæ illud murmur?

mur? ad e
râ aut si
capiet: &
curister
de quidd
pellet, au
solitudo
ante vrb
Vitam ru
pietia eff
Mores: l
nocetior,
in agris.
commerce
tus illic h
enim seor
gant, &
morbos
cum in n
mali, exa
mixtione.
priè habit
re. cui orig
spectu oco
tores & qu
plurimum
re voluer
stiam, ro
Romulus
cum ciuen
tantum st
quas, qua
est, merce
ducit ad v
minat? ve

mur? ad eam altiori cogitatione abiici. Et nocte ipsa aut sub eam, pictum illud patensque cælum eum capiet: & inter tot stellas errantes, aut inerrantes, à curis terrisque erro, mente scandet super illas. Adde quòd hîc altum securumq; otium: nemo qui appellet, aut interpellet: & amicissima semper studiis, solitudo & quies. Vides igitur quæ in hac parte ager ante urbem habeat: nec vanè à Columellâ scriptum, *Vitam rusticam proximam & quasi consanguineam sapientia esse*. Quòd si nunc ad Vitam me vocas & ad Mores: bonâ fide vtrubi, te quoque iudice, illa innocetior, & hi puriores: veritas tibi exprimet quòd in agris. Oculos paullisper coniice in magna illa & commerciis crebra opida: mêtior, nisi ambigas cœtus illic hominum, an confluges vitiorum. Adfert enim seorsum quisque suas culpas: quas mixti vulgant, & velut contagio, tradunt inuicem capiuntq; morbos animorum. Quin vt flumina per se dulcia, cùm in mare venerint, salescunt: sic homines haud mali, ex agris in urbem redacti, tactu inquinâtur & mixtione. Illic enim ambitio, auaritia, libido propriè habitant: & fons omnium vitiorum, depudere. cui origo, non negabis, ex crebro illo inter se adspectu occursumque. Itaque prudentes olim legislatores & qui semina iecere boni status, ciues suos plurimùm ab urbe & conuentibus abductos, habere voluerunt in agris: quos ad probitatem, modestiam, robur, gymnasium censuere & palæstram. Romulus ille æterni auctor imperij, in duas classes cùm ciuem diuississet, Sernos ac Liberos: istis duo tantùm studia Militiæ & Agri dedit; illis artes reliquas, quæ ad Mercurium & ad lucrum. Ita enim est. mercatura & quidquid artium ad opes ducit, ducit ad vitia: nec animum solùm emollit & effeminat (verè Sallustio dictum) sed corpus. Quis vi-

res & viros vnquam in opidis quæsiuit, aut inuenit?
 aded verus illud verum in omni gente & tuo est,
Optimum militem legi ex agris. Parthi olim belli po-
 tentes: sed sparsi in agris. Scythæ: sed in tuguriis ob-
 errantes. Germani: sed priusquã vrbes coluissent.
 Turcæ hodie: sed minimum dediti in amœnitati-
 bus opidorû. Quin illud ipsum Genitserorum ag-
 men, iure terror orbis, nō ex agris solum, sed pænè
 dicam haris collectû, & mapalibus pastorum. Nam
 Romanos tibi quid ingeram? Curios & Fabricios
 nosti ferentes, occantes: Quinctios arâtes, & Dicta-
 turam induêtes: & vno verbo, non milites solum ab
 agris, sed duces. De Moribus ergo vides. qui si vs-
 quam etiã hodie prisce integriq; quærendi sint, ve-
 stigia reperias in agris. vbi apud se quisque: & ided
 pudor, innocentia, simplicitas manet, & vita mala-
 rum fraudum artiumq; expers. Sed quid possim in
 hac parte magis verè, magis ampliter dicere, quàm
 Hippolytus ille apud Senecam? quẽ, quẽso te, audi,

*Non alia magis est libera & vitio carens
 Ritûsque melius vita quæ priscos colat,
 Quàm qua relictiis manibus campos amat,
 Non illum quare mentis inflammat furor,
 Non aura populi, & vulgus infidum bonis,
 Non pestilens inuidia, non fragilis fauer,
 Non ille regno seruit, aut regno imminet,
 Spei metûsque liber.*

& adde plura pulcherrimi cothurni, quæ omitto.
 Ad Voluptatem enim transeo: quæ tamen hîc tam
 obuia, vt indignè super ea moueri mihi litẽ. Ele-
 menta omnia intueor? vim suam vsumq; palàm &
 toto, vt ita loquar, sinu in hoc rure nostro effundit:
 obscurè & parciter in tuâ vrbe. Solem vide: meliùs
 hîc nitet. Aërem: latiùs latiùsq; diffunditur & ri-
 det. Aquas: puriùs bibuntur. Terram: hîc tantum
 cernitur

cernitur in vero suo vultu. Alibi in planitiem effuse porrigitur: alibi in collem placide adsurgit, aut magis rigide in montem. Illic herbis & sponte natis arbutis vestitur: hinc fruge fructibusque, & feliciore ligno. Quem non delectet tam varius aspectus & cultus magnæ matris? cuius apud vos una facies & vultibus pressæ aut pavimentis. Iam domum si venisti, hinc prorsus gaudiorum & amœnitatis vera sedes. Manè surrexisti? ad musicam quidem. & circumsonant te ac velut salutant chori illi alitum, suauiter fritillantium, trutillantium, minurietium. ad quos non æquiperent se tibiæ, citharæ, aut ex arte vlli cantus. In hortum prospexisti? oculorum aciem tibi præstringet illa ipsa nocte exortum agmen florum & herbarum. In pratum? occurrent Vere nouo arbores odorâ quadam & canâ niue perspersæ: eademque sub Autumnum, aliâ pomorum purpurâ siue cerâ distinctæ. Propius eandem aspice. insitiones mirabere & matrimonia: adulteria etiam, & suppositos fetus, insciâ matre nec inuitâ. Quam lasciuam comprehensionem fecunditatemque: quisquis in ligno non miratur; ipse profecto lignum. Iam ad agros deuertisti & tua rura? illic boues lentè pascuntur & oberrant; hinc pecudes magis vagè lasciuunt & hœdi. Porcus alibi volutatur & grunnit: alibi cristata cohors eugurrit & scalpit. Segetes illic tuas vides, & siliginis, farris, hordei vberes fascēs: siluâ istic, & ad hiemem lignorum strues. Vitem denique alibi florentem aut maturefcentem: & speciam præbabis sacrum illum alibilemque; liquorem. Quorum omnium quæ copia in vrbe sit? quin ne imago quidem satis certa & expressa. Sed ut ij qui parietem intuentur, ex leui linearum ductu, animalia in eo & facies sibi fingunt: sic vos harum rerum fuitiles quasdam umbras. Ita vinitis in pulcherri-

mo hoc mundo, mundi exsules: nec bona aut dona eius plenè vnquam nostis. Postremùm Fructus mihi superest. de quo quid ambigimus? cùm non solum cultus & ornatus plerisque vitæ ab agris sit, sed vita ipsa. Agricultura enim moriatur: & vnà humanum genus. Adde illa commoda. agnū aut hœdum à stabulo, pullum è corte, porcum ab harà, & tor dapes inemptas: quas vos ægrè & carè præstinas à foro aut macello. Quòd si opes omnino quæris & aurum: rideo ego & sperno. & tamen si quis hæc quoque ambiat, non alibi parandorum vberior materia & seges. Non palatia, nō fora, non fœnora plures ad opes euexere: quàm beati isti agri. & addo rei caput, quòd tutò euexere, quòd citò, quòd innocenter. Thales ille olim anno vno diuitias amplas corrogare potuit, emptu prospero omnium oliuarum: & viro prouido sapienti; non hodie idem fas, in segete, pecude, siluâ? Sed de his quia non libenter, nec ampliter quidem dissero: & mitto te, si voles, ad veteres rei rusticæ scriptores, à quibus disciplinam eam petas. Nam ego fastidio, sicut & illud, quod crebrò ac pertinaciter mihi obiciis de dignitate. Dignitatem ea mansio nō habet, inquis: imò nec pietatē, quia patriam is desertum. Dignitatem? me iudice, amplam: qui Reges & Principes fuisse scio in hac parte. An illud dignius, in foro latrare, tribunal siue aulam lambere, fastum in æquales, adulationem in superiores exercere: quàm Sapientiæ sacrum colere, Naturæ opes lustrare & promere, denique placidè viuere, placidè mori? Nam de patriâ, quid ais? In hac confusione rerum ad clauum ego sedeam: vbi nemo auditurus, non nemo etiam irrisurus rectè gubernantem sit? Sæculum hoc paullisper vide. quo noxæ integritas, contumeliæ pudor, ludibrio fides est: & aude
suadere

suadere ut iis præsim, quibus, hoc ipsum (pænè dicam) ægrè mihi est, quòd intersum. Concludens voueo, ut procul ab vndoso illo vrbiù mari, in hoc tranquillo & rurestri portu quiescam & consenscam: vbi Deum in primis piè pureque venerer, deinde Sapientiæ studia & Musarù tractem, & quidquid propriè ad vsum aut cultum animorum. Vbi classica nulla aut tubas audiam, vbi coruos aulae aut fori non videam: sed modèstè tranquilleq; mihi & mecum victitem, expers ambitionis & palentium curarum. Cumque vltimus ille & decretorius dies venerit, spiritum hunc, sine metu, sine motu, emittam: & apud notos ignotosque memoriam mei relinquam bonà potius, quàm magnam. Habes quæ pro agro, in agro scripsi. quæ si approbas, tandem etiam hoc institutum meum: neu vltà commouendum me cense ex beatâ istâ sede. Ita Deus beatum aliquando re faciat, cum vxore liberisque: quos saluto. In Iscano meo IIII. Kal. Octobreis, ∞ .IO. LXXV.

Carmen ecce etiam adiunxi, quod eidem argumento, calore isto effudi.

LAVS ET VOTVM VITÆ BEATÆ.

ILLE est par superis deis,
Et mortalibus altior,
Qui sati ambiguum diem,
Non optat leuis, aut timet,
Quem non ambitio impotens,
Non spes sollicitat lucri:
Quem non concutiant metus
Regum præcipientes minæ,
Non telum implacidi Iouis.
Vno sed stabilis loco,
Vulgi ridet mania:

B 5

Securô-

Securoque oritur dies,

Securo cadit & dies.

Vitam si liceat mihi

Formare arbitriis meis:

Non fasces cupiam aut opes,

Non clarus niueis equis

Captiua agmina traxerim:

In solis habitem locis,

Hortos possideam atque agros,

Illic ad strepitus aque

Musarum studiis fruor.

Sic cum fata mihi vltima

Pernèrit Lachesis mea;

Non vlli grauis aut malus,

Qualis Langius hic meus,

Tranquillus moriar senex.

EPISTOLA IX.

VICTORI GISELINO.

Legi tuas, ad os appressi & ad pectus. O quæ penna tibi me sistat! Ego ille constans deiicior vnâ cogitationis hac plagâ. Scripta mea desideras & nugas: ego te, te. Sed quæ agis? vt ex nuncio intelligo, perbellè. Gaudeo. nam timebam, ob subtractum tibicinem Moufflinum celeri casu. Nos fluctuamus, vt qui maximè. sunt qui ad arma inclinant sunt qui ad Irenen. Aiunt & apud vos puncta esse pro istâ. Quidquid est aut erit, ego te non amo sed pereo. De scriptis, scripsi ad Ocellum nostrum. non inuidebit. Propriid. Kal. Septemb.

EPISTO-

H
nia qu
beat ne
malo, a
ille qui
nia mut
causâ,
si amor
amoris
Peccas
fine me
aulam,
quid is
tantum
to otio
audem
res ocul
hic hab
viuimu
facias,
signific
amorem
Lugdun
LXXX

IANC
A
D
ia
versibus

EPISTOLA X.

IANO LERNVTIO. S. D.

HAFTI VS apud nōs est, ille cuius tu sororem. Eum rogaui de te multa, & rettulit omnia quæ vellem, excepto silentio: quod causam habeat necesse est vel ab obliuione nostri, vel quod malo, ab inertia tuâ. Et quis insolitus hic torpor? Tu ille qui laceffere me soles, taces ad meas binas? *Omnia mutantur*, ait ille: non enim addam vel ominis causâ, mutari amores. melius de te sentio. & tamen si amorem non deseris, non etiam debebas officia amoris. An etiam nunc te angit nupera mea fuga? Peccas: & emenda hanc culpam, vt in amicitia sis sine mendâ. Amicum nostrum audio adscitum in aulam, & in medicum Ducis. Gratulor: & magis, si quid is titulus ad Plautinam aulâ. Nam si nomen tantum, & nihil ab eorum: sperno. Nos hîc in alto otio (Nemesis non audiat:) & te istuc inuitare audemus vel habitandi causâ. Multi certè vestrares oculos flectunt ad hûc portum. Plantinus ædes hîc habet, Typographiam instituit. Quid multa? viuimus & vigemus. Tu vicissim, quid valeas, quid facias, cum Victore, cum vxore, cum amicis, nisi significas: scito serîo me. sed deleo. nec cadat in amorem nostrum vnquam hoc verbum. Vale. Lugduni Barauor. Pridie Idus Septemb. ∞. 10. LXXXII.

EPISTOLA XI.

IANO GVLIELMIO LYBECENSI S. D.

AD FIRMO tibi Iane Gulielmi: pauca munera iamdiu gratiora mihi fuisse, & animo tuo, & versibus, quorum vtrumque tam benignè offers. Ille

Ille enim amoris plenissimus, isti elegantiae: & cor-
gor (nisi ab ingenio meo abea) valde redamare il-
lum, istos aestimare. Hoc magis, quod vltro prouo-
cas, quod ignotum, quod immerentem. Nam quod
beneficia quaedam mea in publicum profers & prae-
texis: define. hoc ipso video quam me ames, qui
non admodum laudanda laudes, & per adfectum
recedis à certissimâ iudicij tui normâ. Itaque hoc
ex fide tibi respondeo. vicissim amari te à me, vero
honestoque adfectu: quem dies ipsa augebit & ac-
cendet. ea est erique tua virtus. Lugduni Bataur.
III. Eidus Sextil. ∞ . Id. LXXX.

EPISTOLA XII. Gandam.

ALEXANDRO RATLONI S. D.

RARÒ scribis. sed nescio an ideò litteræ tuæ
desiderio ipso cariores. His quidem postre-
mis fateor me non voluptate solum perfusum, sed
gaudio: si verbo eo vti nobis fas in tristitiâ hac re-
rum. Nam de Antuerpiâ, quæ monstra audimus?
Deus bone, huccine tandem erupisse tot mensium
consilia malè sana, malè cocta! O factum à regio
iuuene minimè regium! Etsi nobis adhuc tenebræ,
nec de re totâ satis certis nec de causâ. Eiûsne fraus
sue error? an vulgi consternatio & furor? Quiduis
enim potius, quam vt perfidiæ noua hæc macula
inuratur laudatissimæ olim optimæque genti. Sed
hæc publica videbit publicus ille Rector. Tu in re
tuâ quid? etiâ inne fluctuas? sic appâret. atqui sta-
tuendum semel aliquid est, cui firmiter inherescas.
Muratio quidem hæc crebra, & desultorium, vt sic
dicam, genus vitæ, non ex vsu tuo, non ex famâ.
Pessimæ, & Græcorum quoque proverbio damna-
tæ sunt, nutantes & * *δισταλὰς* illæ *ὑπὸ πῦρος*. Litteraria
hæc

* Tiroque
claudicantes
sententiae.

hæc vita & otiosa tranquillitas, quid non habet commodi? Non externa illa fortasse. sed nec terra quæ aurum aut argentum gignit, res alias producit: nec animus, qui se colit & virtutem. Cetera, ille ferè sterilis. Quid tamen præferas huic vni? cui honos, cui salus comes, cui externa & interna quies. Militiam gustasti: & vides quàm non ea suavis. Itaque, mi Ratlo, huc redi: & si me audis, in Musæo hoc portu nauim tuam defige & liga semel sacro morfu. Ad circumfusa illa & vana bona si abis, quis finis? iactabere, & natabis semper inter cupidinum nonos fluctus. Non enim ratio, sed opinio tibi illas ingeret: cui insitum, variare & penitere. Vt chamæleon, quoniam aurâ (vt aiunt) non cibo vescitur; hianti semper est ore: sic illi cupidine, quos ventus inflauit vulgarium opinionum. Hoc volunt, hoc nolunt: hoc hodie spernunt, cras appetunt. & vt rescular, quæ fluminibus innatant, temerè impinguntur in hanc illamve partem. Hinc perpes illud tadium in nobis, & velut nausea omnium rerum. damnamus parentum & nostra vota; & tam cupidè quæsita quædam deferimus, quàm antè quærebamus.

Certa amittimus, incerta appetimus; atque hoc euenit

In labore atque in dolore vt mors obrepat interim.

exclamat verè meus vates. Ecce ille ad aulam adspirat, & intrauit: rursus fastidit, & beatos censet qui latent. Alius priuatim victitat: ægrescit, & inuidet purpuratis. pari que leuitate togati ad sagum properant, & hi rursus ad togam. Et quis non de Lachesi suâ queritur? reges ipsi de suo regno. At tu inter eos esto, quos Ratio, quos Sapiencia firmavit: nec circumagere mihi vulgarium iudiciorum omni vento. Vt Vlysses ille donec Leucothea velum ei supposuit, natat nigrum pontum: sic tu hoc vitæ salum.

salum, donec pectus tibi præcinxerit candida illa
diua. Constātiā dico. quam, audi, admitte, serua.

* Hoc mihi
ex animo vñ-
sum optimū
consilium.

* Η' δ' ἐμοὶ γὰρ ἀδύμῳ ἀπίστῃ φαίνεται βουλή.

Vale. Lugduni Bataur. x. Kal. Octobr. ∞. Io.

L X X I I I.

EPISTOLA XIII. *Brugas.*

I A N O L E R N V T I O meo salutem mitto:

QUAM recepi iam ipse. Hinc enim iure ordior:
& gaudere te iubeo, mi Lernuti, quia à mole-
stissimo morbo reualui, imò revixi. Ad fauces Or-
ci destitutus mihi hos menses fuisse videor: ita me
oppressiuncula & obstructiuncula illa internæ pes-
simis adfecerant modis. Et audésne credere? non
leue momētum ad valetudinem meam habuerant
& litteræ tuæ, & carmen: illæ amicissimæ, hoc sci-
tissimum. nec fuerit vnquam vt tam pias, tam di-
sertas preces non audiuert illa Dea, cuius sedem
aptè in Fortunatis intulis ponis. Quæ autem illa
tam auida Parca, quæ vincla inter nos abrumpere
non parcat sanctissimi amoris? Quin audi me, &
securus animi es:

Dî me tuentur, dis pietas mea

Cura est:

& porrò, vt spero, erit. Turbæ apud nos ingraue-
scunt, abiectâ spe pacis. quæ vereor, vereor autem?
imò spero, vt breui eiciāt me ad vos. procul enim
futuri videmini ab hoc belli nimbo: qui imminet
prorsum capitibus nostris. Sed quid ais? Dousāne
nuper apud vos: nec ad me? ó factū ab amico non
amicum! Quod dixerit, subita resfuit, necessarius
reditus: nihil audio. nuncia illi à me sodes, sex cen-
tis versibus non luet hanc culpam. In Statium ali-
quid meditari te suadet mihi noster Modius. vix
persua-

persuadet. cur enim celes? & quidem cum tuo damno. Nam & mihi notata quædam ad tublimem illum & celsum poetam (ita censeo & appello, non herclè tumidum:) & libri apud nos veteres, qui te iuuent. Innue, mittam. Epistolice nostræ nondum emissæ. sed vix eas teneo: ita ituriunt. De quibus quid iudicaturi sitis, timeo. Alia enim quædam à prioribus meis hæc scriptio. cui nitor ille abest, & luxuria, & Tulliani cincinni: pressa vbique, nec scio an quæsitā nimis breuitas. Quæ me tamen nunc capit. Timanthem pictorem celebrant, quòd in eius operibus plus semper aliquid intelligeretur, quàm pingeretur: velim in meâ scriptiōne. Magni Scaligeri ad Amorum illos * Triumuiros vidi, legi, probavi. In Propertio tamen traiectiones illas versuum crebras, mirari malim quàm imitari. Tu quoque non ita sentis? scio. sed quis Polydamas ausit illum Hectorem? qui diis hominibusque fauentibus tenet profectò. & tenebit hoc regnum. Itali eum quī deiiciant? silent. nec iam à multo tempore quidquam ab eâ gente litteratum. excipio Quæsitā Aldi per epistolam, & Fuluij de Nummis. Muretus noster Orationes pangit & edit, & dat se in floridum illum eloquentiæ campum. ad famam consultè, imò & ad quietem. Nam Criticæ istæ tricæ quàm non latè se spargunt! quàm laboriosè colliguntur, & scribuntur! In quibus nos tamen etiam, nescio quo fato an morbo, insanimus. Pergebam in hoc garritu. sed alius mihi in auribus garritus, nuntij ad excubias trahentis. Arma capio, pono stilum. Quid ais? satin' tuti Belgæ, hoc milite? Ite, dormite in vitramque aurem. Louanij. Idibus Iuniis. æ. D. LXXVII.

* Notæ eius
ad Catullū,
Tibullum,
Propertium

EPISTO-

EPISTOLA XIV. *Louanium.*

MARTINO ANTONIO DELRIO
Consiliario Regio S. D.

MIRA tua fides in me, mira pietas. amoris enim certè verbum leue est, in re quam rari pro fratre fratres audeant, pro liberis parentes. Me meaq; absentis defendisti: & obiecisti te nō molestiis solū sed periculis, in hac flammā rerū. Venisti vtrō ad meos, erexisti, securos esse iussisti: Hoc tantū questus, quōd nō indicassent. Itaque quōd res opesq; meā saluā, quōd scripta & libelli (id est, vita ipsa:) beneficiū est vnus tuum. Quid scribam? gratias agere me? ne concipio quidem: & affecisti me in summo beneficio vnā hac iniuriā, (quod olim ingeniosè ille ad Cæsarem) vt viuendum & moriendum mihi sit ingrato. Gaudere me tantū nuncio; meā causā, tuā, sæculi. Meā, cui is amicus obligit; tuā, cui ea virtus; sæculi, cui hoc exemplum. Mea salus salue. Antuerpiæ a. d. i v. Non. Mart. clo. lo. LXXVIII.

EPISTOLA XV. *Vltraiectum.*

IANO DOVSE meo S. D.

SILENTIUM tuum mihi, Doufa, molestum; absentia multo magis. Vbi autem fides? intra dies octo expectari volebas te: menses ecce labuntur. Statueras hoc iam antea? an quid interuenit? an placēt tibi nouitij isti & fallaces mores? An potius vxoris partio te detinet? quæ genuit tibi (ita audio) decumam iam prolem. Macste hac fortitudine dicam, an fortunā? vtrāque certè opus. nec minus hūc, quā in agricultu, Labori & Euentui litandū. Sed tibi

tibi quidem propitius vterque deus: & gloria Ma-
 faniffæ te manet, si sic pergis. Vide tamen ne dum
 assiduus nimis in illis vallibus, desertū eas nostros
 montes. Suspico: & iure. Vt quid enim procaces
 illæ antea Musæ tuæ tam diu silent? cur tribus his
 mensibus gutta nulla nos irrigauit poëtici tui hu-
 moris? Emenda: & hic & ibi vir esto. Libelli etiam
 tui addicti Plantino, vbi sunt? Solue fodes, aut Præ-
 torem expecta & suspensum capiti tuo libellum.
 Non enim differo, non protollo. Indicem Franco-
 forto en habes. sed sterilem bonarum rerum: & ni-
 hil nundinæ istæ ad Phœbum. Melleri tamen Spi-
 cilegia edita, acutissimi ingenij iuuenis: vtinam re-
 ctissimi, verè addam! Sed profectò aut fallor in
 hac omni litteraturâ: aut ille valdè in censendo, &
 scribendo. Quales pleræque eæ coniecturæ? quàm
 non callidæ solùm, sed calidæ: imò quàm audaces?
 Mihi crede, corrumpendis ista, siue perdendis po-
 tiùs libris litterisq; sunt: si dimanat hæc labes. Et
 dimanabit. ita iuuentutem hanc video: & tantum
 ingenij specie blanditur hic calor. Iam stilus ille
 quis? doctus, antiquus, arcanus, inquires. Scio. sed
 quò tam doctus, antiquus, arcanus? Ego ille ipse
 qui aliquid hîc capere me puto & sapere, sæpe que-
 ro aut non video eius mentem. Quæso, mittamus
 tenuem nimis subtilemque hunc colorem, & Apel-
 læas, vt sic dicam lineas: & Venus nostra inspiciat-
 ur etiam à vulgo. Vt nihil minus expedit. quàm
 agrum optimè colere, (aciebant veteres:) sic censue-
 rim de stilo. Nimis ornas? fucus & adfectatio ap-
 parer. Nimis attenuas? tenebræ & squallor. Modus
 autem in omni re optimus: etiam in epistolâ. quam
 finio, & te saluere iubeo noue Hercules Musarum,
 noue matrum. Lugduni nostræ, a. d. i i i. Nonarum
 Aprilium. æ. lō. lxx.

C

EPISTO.

EPISTOLA XVI. *Vltraiectum.*

EVERHARDO POLLIONI meo S. D.

AMEA enim velut manu es, à domo, & à disciplina. Vt statuarium opus suum delectat, si laudabile: sic in te iure mihi placeam, si tu bonis. Quod futurum omnino est, mi Pollio: si non audies solum præcepta quæ crebrò dedimus, sed obaudies: eaque admixta in hoc pectus. re exprimes & factis. Ad virtutem ante omnia te hortamur: cui litteras istas seruire volumus, magnum vel in paranda cû adiumentum, vel paratâ ornamentum. Non enim solum pulchrior compertiorque per doctrinam virtus, sed fortior: nec colorem modò ab illâ ducit, sed sanguinem & robur. Egregiè noster Seneca: *Etsi magis refert nostrâ fortiores fieri, quam doctiores: tamen alterum sine altero nò fit. Non enim aliunde animo venit robur, quàm à bonis artibus, quàm à contemplatione naturæ.* Quod ita verum scito, si doctrinam non hanc mollem & amœnam solum intelliges, quam φιλολογίαν haud malè appellamus: sed virilem illam magis & robustam, quæ in naturâ aut animo occupatur, quamque φιλοσοφίαν propriè indigetamus. Illa enim sola, tantùm abest vt tutum securumque te præstet inter hos vitæ fluctus: vt moueat sæpe excitetque in ambizioso animo cupidinum nouas tempestates. Itaque vt nautis solitarium Helenæ sidus non placet. non item mihi ista. Gemini illi sunt, qui cû apparuere, tranquillitatem nautis nunciant: tibi hæc duo, si iunges. Quod voueo ex animo: & in firmâ hac spe saluere te iubeo earum mihi caput. Lugduni Batavor. III. Nonas Octob. 60. ID. LXXXII.

EPISTO-

EPISTOLA XVII. *Delfos.*

IANO GROTIO.

AT tu quasi ad Collegium etiam scribis: cui vitam fuisse te nescis, & obiisse illud te abeunte. Certè à nuptialibus tuis facibus, funereq; accensæ sunt Musis & quidquid hîc fuit Musicorû. Rem dico. solutus dudum ille cætus: non tamen etiam vinculum amoris, quo inter nos ligati. Tu mihi sæpe in mète, rarò in oculis: nec leporem & virtutem tuam deleuerit ex animo meo vlla dies. non magis quàm tuo litterarû studia exciderint, etsi callidè id præ te fers, & negas agnoscere te Deas, idq; carmine, quod agnoscant ipsæ deæ. Abi Socratice noster *εἶπον*, & apud tam fidum age ex fide. Tu Musas, te illæ amarunt, amant, amabunt: & cû illis ego. Carmen totum approbum: nec Critica illi à me nota. Rem ipsam & argumentû vt melius nôrim curabo: & legam quæ scripsit Belgicus hic Euclides. Nos Pindaricus *ἀλέκτωρ* ille *νέστορ* respicere cæpit in parte. vtinam diffusiore paulò vultu, vt sanitas apud me sit læta, plena, firma. Quam tibi, vxori, liberis (nónne rectè ita loquor?) opto. Lugduni Batavor. postrid. Kal. Sextil.

EPISTOLA XVIII. *Lutetiam.*

AVGERIO GISLENO BVSBEQVIO,
Cæsareo Legato S. D.

NOMEN ipsum tuum in litteris ante legendum me adfecit, & lectio multo magis. Iudicium talis viri meritò magnum apud me est: & hæc tam prolixa benivolentia, quam solo animo meruisse me scio. Nam rem quidem tu auges: & facis tam liberali beneficij interpretatione, vt vltro obliger, &

nouam gratiam debeam tibi. Quam ut prorsus
soluam, ne exspecta. non est istarum virium; non
item animi. qui magis magisque illigari tibi cupit,
& nunquam dependere, ut pendeat à te semper.
Luij variâtes lectiones ex codice Puteani quas sub-
mittis. grata mihi: etiam vtilis spero, post perfe-
ctum Commentarium Cornelianum, in quo vnus
nunc sum. Absoluto enim eo opere libes sanè ma-
num & limam adiecerim vberimo historicorum.
Permittit iam valetudo: quæ nō paullo melior, post
iter Antuerpiensē & haustum auræ siccioris. Nam
marina ista & palustris, nescio quomodo corpori
huic non amica. Sed quis in Belgicâ alius angulus
ad quietem? Itaque ferimus, & hîc hæremus: donec
Deo visum pacem huic Belgio reddere, & nobis
veterem sedem. Quod, ut res sunt, vouemus potius
quàm speramus. Amplissime & Nobilissimæ Vir
salue, & inter cultores virtutis nominisq; tui Li-
psium non falsò cense. Lugduni Batavor. Non.
Mart. ∞. Id. LXXX.

EPISTOLA XIX. Hagam.

THEOD. LEEWIO *Consiliario* S. D.

IN silentio tuo, mi Leewi, mirabar, & (hanc enim
libertatem amicitia mihi dat) indignabar. Sed
indignatione tibi non ingrata, cuius fons ab amo-
re. Iniuriam mihi ferre videbar, quia priuabas me
hoc alloquio: quod etiam in negotiis occupationi-
busq; meis vsurpo cum libentia & voluptate. Ve-
luti hoc ipso tempore, quo Plantinus cum genero
apud me est: & eripit mihi non inuito optimâ dici
partem. Ego tamen scribo. de re priuatâ, valere me
non optimè, ut hoc anni labentis tempus fluxioni-
bus meis ferè est infestum. De repub. nec multa
nec

nec bona. Hostis Ninouiam obsidere dicitur, & imminere meæ Bruxellæ. certè copias colligit circum illam. Galli lentè & frigide agunt; nec pro ingenio gentis. Ita vides, mi Leewi, in longum traherem, & produci calamitates patriæ iam exhaustæ. Nec abiiciendus tamen animus. quem si ratio non adfectus subegit. ille est eritque in firmâ arce, quam nulli insultus, nulla vis perfringent. Sed opinio nobis hæc facit magna & metuenda, quæ ratione si examinas, leuia sunt. Bellum metuinus. ita enim accepimus à parentibus, ita à nutrice, ita à publicâ vulgi voce. Sed imponunt. Cur enim bellum malum? nempe quia vastitatem inducit, quia pauperiem, quia mortem. Atqui hæc ipsa mala non sunt, nisi malis. Quot viri boni beatique paupertatem appetiere vltro? Litteræ ipsæ diuinæ eam nobis conciliant, vt rectam ad cælos viam. Mors autem quid? metuenda viro? optada potius: quia finis huius miseræ, & principium melioris vitæ. At enim hæc Philosophorum sunt, inquires, dictu pulchra, re & vsu asperrima. Imò, mi Leewi, communis hæc vox totius generis humani: quotiens abstersâ adfectuum illâ nube radius diuinæ mentis illucebit. Sic tu, sic ego loquemur iuuiti, si rem pendemus ad veri iudicij lancem. Signum vis? Ecce pone mihi ex illo ipso corrupto & corruptore vulgo aliquem in morbo. spernet diuitias, spernet opes: sanitatem dumtaxat vouebit corporis & mentis. Scilicet seriò cogitare iam de se cœpit admotus ad extrema: & inanium obliuiscitur, cum periclitatur de salute. Exulant adfectus, cum ratio rediit: & erigit attollitque se animus, corpore iacente. Tamen sani redimus ad eadem omnia: quia litigium illud cum adfectibus fuit, non diuortium: nec proposito aliquatisper boni, sed metu sumus, Quare maneamus in hac viâ,

quam institimus, segregandi nos à vulgo: nec id sermone tantum & velut in pompam fiat, sed reipsa, & quod dicitur, Bonâ fide. Vacillamus, imò cadimus interdum? Surgamus, & citâ celeritate corrigamus, quod temporis ereptum lapsu. Viden' vt iniles quoque, si cecidit, surgat alacrior, & animos irasque sumat à casu? Idem nobis sit, & constanter pergamus ad illum Tranquillitatis internæ portum, qui verè efficit beatos. Vale. Lugduni Batavor, 11 I. Idus Nouemb. ∞, 10. LXXXII.

EPISTOLA XX.

Brugæ.

IANO LERNYTIO meo S. D.

DIMISI nuper à me Oudermannum vestrum sine litteris valdè præter meum votum. Sed mihi crede, ita distinebar, vt eius rei facultas mihi nulla. Nec nunc magna: (Plantinus enim apud me cum amicis est, quibus dies dandi pænè tori:) tamen erigit & conari me iubet epistola tua, si qua alia, plena suauitatum. Vel illud de SVAVIIS tuis quàm mihi spirat! crede, quòd omnes Arabum diuitiæ, imò quòd ille ipse halitus à suauiorum deâ. Tu tantum perge, & damna me huius voti, vt citò teneam amplectarque libellum, & te in illo. Sed de titulo cur mutasti? Mihi simplicius suauiusque inscribi SVAVIA videbantur, quàm funereâ & atrâ voce SECUNDI MANES. An frontes seueras metuis, & consultum tibi is modestiâ inscriptionis? Frustrâ. quatenus ego gustum sumpsi, pura illa basia tua: quæ & Catones capere possint, & dare ipsæ Vestales. Denique quousque scribimus istis? paucis nobis potius. & da quod in sinu tenere Scaligeri possint & Turnebi. De Plantino, verum est. ædes hîc conduxit sanè amplas, &

partem

partem va
Aliquid
dum: cui
licebit, i
illud igne
hæc mul
Germani
lam Sary
edicto ex
hæc aqua
ille ab Ci
Sed feram
hoc litus
ram, & er
turus me
ciunt, stat
ligeron
rum, & p
cum anim
Lugduni

EPI

H

NIM
nupt
hæc agis.
doctrinæ
posse tibi
quàm ab a
quor, quo
•pistola p
fingo & ce
nouo. Sca
filium à p

partem vacantem Typographiæ transferet istuc. Aliquid ea res fortasse me excitabit ad lucubrandum: cum interesse editioni libellorum nostrorum licebit, imò præesse. Nam aliàs, & valetudo sæpè illud igneum, quod in nobis, retundit: & iudicia hæc multorum aut maleuola, aut malefana. De Germania quidem audistin? Proscribere misellam Satyram nostram nuper voluere, & eiicere edicto extra imperij fines. O pisces, pisces! non hæc aqua, in quâ vos natetis: & magis vobis faciat ille ab Cirhærone liquor, quàm hic ab Helicone. Sed ferainus: & quoniam cœpimus, aremus etiam hoc litus. De Venatione in manus iam sumpteram, & eram in secundo libro: reieci, & iterum daturus me videor in torporem. Catarrhi mei id faciunt, statim mihi sub hoc tēpus & solemnes. A Scaligero nuper litteræ edit De Emendatione temporum, & promittit breui exemplar. Vale mi anime, cum animâ tuâ, & cum iis qui ex felici vestro cœtu. Lugduni Bataur. III. Id. Nouemb. 66. Id. LXXXI.

EPISTOLA XXI. *Antuerpiam.*

HIERON. BERCHEMIO IC.

NIMIVM virges, mi Berchemi, de Imitatione. nuper omnibus sermonibus, nunc epistolis hoc agis. Quid censes? aliquos thesauros mihi esse doctrinæ reconditæ? erras. siquid in hoc genere posse tibi videmur, magis à casu siue naturâ est, quàm ab arte. Et tamen quidquid illud est quod sequor, quod teneo; non ultrâ celabitur. & proximâ epistola præcepta aperiam, ad quæ stilum meum fingo & conformo. Tu Minerual, sis, para doctōri nouo. Scaligeri ad Ausonium en tibi. O virum, ô filium à patre magno magnum!

merito cui doctior orbis
Submissis defert fascibus imperium.

Enimuerò ille vnus est, quem miramur, quem emulamur, inò ne mentiar, cui inuidemus. Felicem Galliam hoc sole! cuius claritas non ad eos solùm qui nunc sunt, sed ad posteros diffundetur, quamdiu quidem erit in terris nomen litterarum. De rep. quid scribam? manus mihi labat, & ingemisco. Carcer ille nouus tot Lentulorum quò erumpet? de quibus ambigua hìc fama. alij emissos dicere, alij artius teneri: hì culpam affingere, illi demere. Omnia incerta mihi, pràter illud: quod omnino futurum video, vt plebecula illa aliquid plus faciat. Habet hoc semper noua libertas, vt ad licentiam facilè deflectat: quid censes de vrbe, cui insitum & fatale, turbare? Vt fistulæ diu interclusæ aut interceptæ turbidiores aquas emittunt: sic isti actiones, aliquamdiu pressi. Sed nos quoque hìc in metu. Quidam inter optimates partium non optimatum:

* Nò iusticie rectum murum, sed oblique fraudis scandunt.

qui, vt cum Pindaro dicam, * ἡ δίκας τῶν ὀλιγών, ἀλλὰ σχολιάς ἀναβαίνει ἀπάτας. Plebs ista mollicula, quid augurer? hostis tātū adueniat: ego tibi spondeo, non fore hìc Numantiam aut Saguntum. Cometatū & nos per hos dies vidimus: immanem, dirum, & facie haud sæpe visitatā. Quid portendat, quæris? Chaldaus non sum, nec cæli signa cognoui: tamen hoc vetus noui,

Οὐδ' εἰς κερύτις ὄσις ἢ κακὸν φέρει.

cui versui magis quàm Aristoteli credo, qui hæc talia ad caussas fortuitas refert & infernas. Quid tamen aut quibus minetur, distinctè nouit ille *Prudens futuri temporis arbiter*: ego communiter, non referre cum aureum sæculum: Vale. & illustri Comiti tuo à me salutem. Louanij 11. Id. Octobris.

∞. Id. LXXVI.

EPISTO-

EPISTOLA XXII. Duacum.

PHILIPPO LANOYO, *Nobilissimo iuueni S.D.*

IN Italiam cogitare te audio, nobilissime iuuenum: & audio volens. Placet ea mens quam agnatam scio non nisi optimæ cuique menti. Humiles istæ & plebeïæ animæ, domi resident & adfixæ sunt suæ terræ: illa diuinior est, quæ cælum imitatur, & gaudet motu. Itaque siue prisco siue nostro ævo, peregrinati ferè sunt viri magni. Sed ista hîc cautio: ut id fiat non cum voluptate solum, sed cû fructu. Vagari, lustrare, discurrere quivis potest: pauci indagare, discere; id est, verè peregrinari. Ut tu id possis, finem verum fructumque ante omnia mihi propone, quem is petiturum. Ut enim ij qui iaculum mittunt, non in vanum dirigunt, sed scopum præspeculantur ad quem collineent: sic tu præfini quid peregrinatione istac quæras. Duo, nisi fallor: utilitatem, & voluptatem. Non enim hæc solum, nec ut coronarij bellissimas saltem herbas floretq; struppis aut coronis innectunt, salubrium nullâ curâ: ita hîc tu. Quin contrâ potiùs, plura ad mentem ac salutem referes quàm ad sensus aut ad spectum. Ac de voluptate aliquid dicere vacuum sit: cû ea sponte obuia: nec quisquam tam lapis aut frutex, què non titillet ac flectat amena illa variaque spectio gentium, urbium, locorum. Natura scilicet illuc aurigatur, nec duce opus ullâ ratione. At in utilitate laborandum est. quam nec secuti omnes; nec qui secuti, adsecuti. Eam tibi ingero, & triplici hoc limite designo. Prudentiæ. Sciëntiæ. Morum. Hæc enim omnia peregrinatio adferre debet; si consilio, si ritè instituta. Ac Prudentiam ab eâ peti Homerus nobis satis auctor; ille non poetarum solum eximius,

C 5 sed,

sed, me iudice, sapientum. qui cautæ illi Vlyssææ
prudentiæ quam aliam causam vbique tribuit,
quàm quodd *πολύτροπον* : quodque, vt ipse ait,

* Πολλῶν ἀνθρώπων ἴδεν ἄστα καὶ νόον ἔγνω?

• *Multorum
morem homi-
num & sci-
entiam optata
vidit.*

Et verè. Instituta enim illa varia gētium. ritus mo-
resque hominum, formæ ciuitatum, incredibile
est ad iudicium & prudentiam quàm potèter pos-
sint. si tamen non viâ aut liba ea leuiter; sed ad-
missa, retenta, & collata inter se examinis quadam
lance. Quod ante omnia tibi censeo faciendū. Vi-
de inquam, audi, iudica: nec conquire solūm hæc
talia, sed in ea inquire. Et inquisitio quidem à te &
tuâ mente erit: conquisitio, ab hominibus esse de-
bebit, aut à libris. Nam & libri ferè siue historiæ
peculiares suis quibusque locis & linguis sunt quas
indagabis: & homines auro & vsu prouecti nō de-
erunt à quibus percontando discas. Et si enim mō-
destiam & silentium iure tibi suadeam: tamen ni-
hil abnuo quin per iter fixa sæpe laxes effræni il-
li membro. Ius tibi sermonis. nō in viâ solūm (siqui
eiusmodi comites) sed in hospitio sit: nec ante
mensam modò. sed in eâ, & post eam. Sed sermo-
nis ius intra hos fines, quærendi de moribus, legi-
bus, facie cuiusque vrbis. addo & de Principibus,
bellis casibus, aut siquid euentuum magis insigne.
Hæc notabis, hæc sepones. certus ex iis ciuile illam
prudētiam inseri, tacitâ quadam vi & viâ. Vt enim
herbas vt arbores, crescere non cernimus, sed cre-
uisse: sic factam hanc prudētiam potius, quàm fie-
ri. Atqui incrementum & irrigatio illi, ab his in-
quisitorij, vt sic dicam, humoris guttis: quas altè
perbibit melior animus, & paullatim madescit sa-
pientis iudicij succo. Atque hæc de Prudētiâ dix-
erim: verbis parcè, rebus ampliter, si rebus experi-
ris. Ad Scientiâ te nunc eâdem manu duco. Quam
mirè

mirè fore
illi sedere
cretoq; m
Sed desin
ad duplici
ab Autri
aut à Lib
quin dor
toribus,
illa, obsec
ingenia in
sanæ, lu
Hanc adi
ti ore bib
nebo alio
disertior
lūm mas
etiam ali
tam hun
scendi &
re cortidi
vides. tu
eiusmodi
Nusquan
tonis, ha
pientum
cia, non a
nati, acri
Oculis v
tiam sæpe
gibus, vix
pūsq; In
lum flecte
aut memo
Illic Thra

mirère fortasse, quòd peregrè quæram. cùm domi illi sedes potiùs & hæc litterarum studia quiete secretoq; magis gaudeant, quàm motu aut discursu. Sed defines huius admirationis, si animum flestes ad duplicem, qui ad Scientiam, modum. Aut enim ab Auribus ea, aut ab Oculis est: à Doctore dico, aut à Libris. Et de libris quidem, nemo it negatum quin domi habeantur, tractenturq; meliùs: in doctõribus, aliter esse ratio suadet mecum. Quæ enim illa, obsecro, tam felix regio, quæ felicissima omnia ingenia includat? Quin sparsa illa: & deo dispensante, sua cuique terræ velut gémula quæ illustret. Hanc adi, hanc audi: & sacris illis pectoribus hianti ore bibe abditæ doctrinæ fontes. Quis nõ à Turnebo aliquo doctior redeat? prudentior à Sigonio? disertior à Mureto? quorum ego non auditum solum magno emerim, sed visum. Quòd si notitia etiam aliqua tibi cum iis accedet (& id pronũ apud tam humanos:) deus bone, quæ occasio hîc tibi discendi & ditescendi: quot gazas legere & recondere cottidie poteris latentium litterarum! Mecum vides. tu arripe tantum: & me auctore, in usum eiusmodi virorum omni arte irrepe, vi irumpe. Nusquam meliore damno frons ponitur. Hæc Platonis, hæc Pythagoræ, Democriti, & aliorum sapientium mens fuit: qui relictâ penu artium Græcia, non ad cultos solum, sed ad barbaros peregrinati, acri quodam cupidine discendi. Iam & alia ab Oculis utilitas: qui hîc tibi soli & nudi ad Scientiam sæpe duces. Italiam ecce nunc adis. illam frugibus, vixis, opidis cultâ, illam famâ inclutam scriptisq;. In eâ non vestigium vsquam pones, nõ oculum flestes; quin monumentum aliquod premas, aut memoriam vsurpes, ritus siue historię priscæ. Illic Thrasymenum miserantibus oculis subiicies,

aut

aut æternum imperij vulnus Cannas: hinc magis lætis, Albanum, aut Tybur, aut nobiles Baias. Plinij alibi mantio, & Virgilij aut Propertij patria tibi ostendetur; alibi ruderà Varronianæ aut Tullianæ villæ. Quam & quam arcani gaudij ista visio: cum non animo solum, sed pænè oculis sese inferunt manes illi magni, & sola premimus pressa toties ipsis. Iam coloniæ illæ veteres, iam tēpla, theatra, arcus, sepulchra, lapides, quem non & doceant mirificè & delectent: Doceant dico. quia reuerà notata aut exscripta hæc talia, mirum quantâ luce mentem perfundant, trepidantem per veterum scripta. idque experti dicimus ipsi. Vt omittam etiam illud commodum, quod nescio quomodo attollatur & grandior sese fiat animus, ad spectu tot sublimium & grandium rerum. Cupidinem veræ virtutis & gloriæ ingenerat, visa toties aliena gloria & virtus. Ad Mores iam venio, qui postremus mihi locus; tibi, siquid sapias o adolescens, primus. Ab hoc enim scopo si aberrasti, aberrasti ab aliis: & inutilis, imò noxia, scientia omnis prudentiaque est, secreta à probitate morum. Cetera speciosa puta, hanc necessariam: illa ad ornatum adhibe, hanc ad salutem. In moribus autem duplex mihi præceptio: & ut bonos rectosque; ubique adnotes, & fugias malos & detortos. Sed in bonis, ne mentiar, haud magna fortasse peregrè copia est. Latet enim plerumque verè probi: & in pectore intimo domicilium Virtus habet, non in vultu aut fronte. atque inde ut extrahatur, usu opus & notitiâ quadam propiore: ad quam peregrinantibus raro accessus. Tamen elegantia quædam morum & comitas, & externa quædam, ut sic dixerim, virtus, quin apud externos iure quærat, non negabis. Quid in cultu, vestitu, actionibus deceat; quæ Veneres & lepores in sermone aut gestu; docere te ritè politio-

politio-
atque i
istâ vrb
statâ; v
comptu
non lem
Galliâ
vsurpab
viriles.
animoru
ges, è qu
gna mih
enim nes
ginas ill
diuntur,
vinis ad
niciosè
rè enim
re, more
sed laud
ad mala
penicillo
haud tan
tamur, nu
uigila h
tia cogn
get? ut h
sua labe
tatem eti
gente. Ital
spanias?
Germani
velant ill
hilaritate
in venas

politiores illæ gentes possint, Itali, Hispani, Galli. atque ita rus illud nostrum aptè sepè diluas quæsitâ istâ vrbantate & peregrinâ. Sed quæsitâ, non adfectatâ; vsurpatâ modicè, non ostentatâ: alioqui nihil comptu eo incomptius, elegantîâ ineptius. Risimus non semel eiusmodi histriones, qui ab Italiâ aut Galliâ noui, gestus nescio quos mimicos molestè vsurpabant, & delicias parum nō dicam ciuiles, sed viriles. Tu hæc fuge. & imprimis vera & interna animorum vitia, quorum vbique larga & obuia seges. è quâ ne quas spicas improuidè colligas, magna mihi pro te cura, imò metus. Admittimus enim nescio quomodo & combibimus faciliè peregrinas illas culpas; siue quia nouitate aliquâ blandiuntur, siue quia specie virtutû. Atque vt venena vinis admixta, medicorum scito, perniciousè & perniciosè penetrât: sic peccata hæc adfusa virtuti. Ferè enim ita fit: vt in quâ gente vitia certa increbuerent, mores iam vocetur, nec in veniâ modò veniant, sed laudem. Adde, quòd naturâ ipsâ prouiores nos ad mala imitanda. Vt pictor, leui manu, & volante penicillo, rugas, verrucas, nauios in facie exprimit, haud tam faciliè ipsam: sic probitatè laboriosè imitamur, nullo negotio maculas illas animorum. Aduigila hîc igitur: & iam-antè seriò prouide. quæ vitia cognata vel amica cuique genti. Quis enim neget? vt hominibus singulis, sic populis suæ laudes, suæ labe. Galliam ecce cogitas? leuitatem & vanitatem etiâ, quæ in plerâque eâ (omni, falsò dicam) gente. Italiam? proteruiam in eâ & libidinem. Hispanias? typhum quemdam & Africanum fastum. Germaniam? comestationes & ebrietatem. Quæ velant illi, scio; & comitatè, fiduciam, gravitatem, hilaritatem interpretantur falsò. at tu vitabis, nec in venas rapies peruersi iudicij aurâ blandientem pestem.

pestem. De moribus tantum est. & pertexui hanc telam: nisi quodd leue parergum illi addam de Italiâ ipsâ. Laxat enim nescio quomodo vela huic stilo, prouehitq; longiùs amor & cura tui. In terram igitur terrâ istâ meliorem, fateor, gentem gente nobiliorem: haud scio an probâ magis, an fidam. Ingenium, & subtilitas, & magni erectiq; animi in illis locis habitant: non semper puri, simplices, & ad Gallicam istam niuem. Ideoq; incautis & apertis nobis nonnullum ibi periculum, & quidem à duplici telo. Nam & inter viros multi recti, callidi, periti simulare: & inter faminas, formæ conspicuæ, sed lasciuæ & procaces. Hîc Scylla, ibi Charybdis: & duo hæc discrimina vt enauiges, opus non prudentiâ quadam solùm, sed dicam fortunâ. Prius tamen illud me angit minùs. quod amoliri magnam partem posse videor cauentibus quibusdam præceptis. Nam contra insidiantes illos aut simulantés, quidni firmum scutû à simulatione item aliquâ sit? Cres mihi esto inter Cretas. Nec viam tibi tamé ad fraudes præeo. absit. sed vt medici, venena quædam venenis pello, in salutem tuam non in noxam. Ad minutas & innocentes quasdam simulatiunculas te voco: nec ad alienas insidias, sed ad animi tui opportuna teguméta. In Italiâ totâ tria hæc mihi serua. Frons tibi aperta, lingua parca, mës clausa. Commis & communis vultus aduersus omnes sit, animus externo nulli pateat: & velut in theca clausum eum habeas, dum redeas ad notos animos & verè amicos. Epicharmæ sapientiæ ille nernus hîc valeat, nulli fidere. Nisi facis: non vnus Vlysses Aiacem te circumueniet; & dolorem nobis debes, illis risum. Atque hæc tamé cautio mea propriè in vulgus Italorum dirigitur. Nam de nobilibus cur diffitear: reuera optimates illi plerûque optimi: celsi, alti,

alti, sine
vulgo al
verè vul
manus
claræ re
lorum.
aut mor
sperote
æras tua
minæ. se
tantum
Quarum
lis filias
rues: ne
Tamen
à me du
quam, p
lecebr
hinc est
per gem
ni, contr
magis ve
qui excita
auditu. Ig
aurium a
dos ictus
nera hab
hominib
aut irâ: qu
hil acerbe
locis. Qui
iuriâ delib
habitandu
enim pler
antiquita

alti, sinceri, virtutis, gloria, litterarum amantes. In vulgo aliter esse obseruauimus, qui fex & limus, & verè vulgus. Itaque in illis, vetus Italicus aut Romanus languis ferè apparet: in istis, peream, nisi claræ reliquiæ (fidenter dicam) Gothorum, Vandalorum. Iam contra telum alterum quàm muniam te, aut moneam? Ita sim saluus, vt opto potius quàm spero te hîc planè saluum. Tantùm mihi metus & ætas tua facit, quæ in ipso æstu: & illæ non dicā fæminæ, sed Veneres, Venetæ aut Romanæ. In naturâ tantùm tuâ spes omnis præsidij hîc, & voluntate. Quorum si alterutra ad calidas & callidas istas Solis filias inclinat: quis hominum te seruet? certè rues: nec vllo præceptorum sufflamine te sistam. Tamen ne nihil dicam aut addam: ecce armaturam à me duplicem, Oculis, Auribusque. Oculos inquam, primùm mihi claude, & auerte longè ab illecebroso hoc adpèctu. Aditus enim mali morbi hinc est: nec amor aut cupido facilè irruerit, nisi per geminas has fenestras. Sed & aures etiam muni, contra omnes non Venereos solùm, sed paullò magis venustos sermones. Ij sunt enim qui titillât, qui excitant: & vt cupere ab aspectu est, sic velle ab auditu. Igitur vt athletis olim, muniméta quædam aurium adponi mos (ἀμυνόμενος vocabant) ad vitandos ictus: sic tu hoc firmum contra amatoria vulnera habe velamentum, Amatorium nil audire. De hominibus dixi (quæso ne cum inuidiâ cuiusquam aut irâ: quia liberè aliquid protulerim fortasse, nihil acerbè aut malignè:) adiungam & aliquid de locis. Qui varij in Italiâ omni & pulchri: vt non iniuriâ deliberes, quem præferas ad videndum, siue habitandum. Et meo quidem sensu (vidimus enim plerosque omnes, & triuimus) prima tibi vel antiquitatis causâ, adeunda Roma est: adeunda

tamen,

tamen, non habitanda. Confusio enim ibi & *σύν-
ζωσις*, aëris & morum haud pura puritas: & quod
verissimè à Varrone dictum, turba turbulenta. Lo-
ca igitur illa prisca & vetera, monumēta ac rudera,

— & campos vbi Troia fuit,

cùm lustratus fatis & veneratus fueris: Neapolim
mihi abi, & paullisper infide illam nobilem, illam
cultam, illam amœnam. Per quam viam deliciae lo-
corum multae, quas omitto. sed si inhabitanda diu-
tius Italia est, in Tuscos mihi redi, & illos incole,
linguae, aëris, morum causā. Omnia haec ibi pu-
ra. Quod si de opido etiam quaeris: Florentia mihi
aut Senae placeat: & magis istae. Atiam in ambitu
& reuersione, Bononiam amicam studiis libens vi-
debis, & eadem laude insigne Patavium. quibus
cùm dies aliquot dederis, non pigebit in vrbe ma-
ris domina (Venetias dico) lustrandā ponere septi-
manas. Heu ad inuidiam pulchra, opulens, felix
vrbs! minùs tamē ad nostrum Genium, quia Mer-
curio amiciores quàm Mineruae. At in exitu grande
illud & diffusum Mediolanum te capiet. in quā si-
ne Italiae finis mihi epistolae. Deum supplex preca-
bor, vt te seruet, & tu ista. Vale nobilissime iuuenis,
vale, vale. nec Deus mihi *auguria perficiat, quae
in tristi mente. Antuerpiae III. Nonas Aprilis
∞. ID. LXXVIII.

* Certè ve-
ra obit e-
nim caipsa
peregrina-
tione, prin-
ceps nostrae
iuuentutis.

EPISTOLA XXIII. *Vltraiectum.*

IANO DOVSAE S. D.

HES tu, sacrifica. Lipsius etiam viuit. Discri-
men igitur tibi? inquires. Grande, capitale, mi
Dousa: & quidem sine crimine discrimen, à scrip-
tis iterum meis, non à factis. Satyram ego nuper
scripsi, & illa me pænè proscripsit. locari me putas?
verò,

verò, sen-
agitata:
turbato
be dno
laura po
ignis.
genus:
non id e
ipsis Ca
uter me
priuatum
dis: non e
lis, tenui
docti, vig
mam. E
uum: q
Nisi si h
istarum
Epistoli
de iudici
viui. Tu v
tyram in f
tu certè ei
Lugduni
LXXXI.

E

MVN
hig
stinge iij
tibi debet
rimam inf
Perge in h

verò, serìò, à grauibus, imò à grandibus viris res
 agitata: à proceribus imperij: tanquam in læso aut
 turbato publico statu. Suspendo adhuc te: rem ha-
 be. In iocis illis Menippæ nostræ, aliquid est de
 lauru poëtarum, quam largitur Cæsar: & ab eâ iste
 ignis. Aiunt, ignominiâ à me affici vniuersum id
 genus: aiunt, Cæsarem ipsum aspergi iniuriâ, quasi
 non id ei ius per me aut potestas. Itaque à Legatis
 ipsis Cæsaris litteræ subitò Francofurtū, quæ gra-
 uiter me accusarent, minarentur: & Satyram ipsam
 priuatam irent publicâ luce. Hæc audis? hæc cre-
 dis? non ego ipse: nisi litteras eas vidissem his ocu-
 lis, tenuissem hac manu. O saculum, ô viri! Ite vos
 docti, vigilate, scribite: & pro famâ, subite hanc fla-
 mam. Et tamen vtrumque calumniarum ferax
 æuum: quis materiam iis censuisset in re tam leui?
 Nisi si hoc proprium mihi fatum, vt ex candore
 istarum niuium oriatur semper aliquis ignis. In
 Epistolicis meis nōne simile? Benè certè sperare
 de iudiciis posterorum debeo: cui tam iniqui sunt
 viui. Tu vide, ride, & si vir es, pro Satyrâ nostrâ Sa-
 tyram in saturos illos scribe. Nōne enim nostrâ?
 tu certè eius magna pars es. Vale mi oculissime.
 Lugduni Batauor. III. Kalend. Idlias. ∞. IO.
 LXXXI.

EPISTOLA XXIV. *Londinium.*

GVLIELMO CAMDENO.

MVNVS à te accepi, Vir ornatissime, per mi-
 higratum. Britanniam tuam: quam illustra-
 sti ingenij & industriæ clarâ face. Multum patria
 tibi debet: multum exteri nos, qui per te pulcher-
 rimam insulam videmus, etiam cū non videmus.
 Perge in hoc & simili studiorum genere, quod ab-
 esse

esse non potest quin tibi famam, posteris æternum
ferat fructum. Lugduni Batauorum. iv. Kal. Sextil.

EPISTOLA XXV. *Vltraiectum.*

GEORGIO RATALLERO *Præsidi ibidem
Consilij Regij S. D.*

VALDE alienus à Gratiis omnibus sit, Vir Am-
plissime; cui non & litteræ tuæ gratæ, & hæc
ad amicitiam inuitatio, tam amica, tam honesta.
Quam quod prior, quod vltro suscipis: iure magni
facio, qui scio quàm tu sis magnus. Et amaui qui-
dem te, imò colui iam pridem, tacito quodam sen-
su: qui diu inclusus, libens nunc se promit & exspi-
rat, ad hanc suauem beniuolentiæ tuæ auram. Cui
tamen non dicam paria, sed maiora facio: quo plu-
res mihi ad amorem & æstimum tui causæ. Do-
ctrina, dignitas, virtus, & ante omnia hæc hu-
manitas: quâ trahis & nectis me tibi, adamantino
quodam vinclo. Quod nulla vis, nulla fraus, laxa-
bit aut soluet; donec

Lumine adempto animam moribundo corpore fundam.
Idque tibi nō per epistolam scriptum, sed velut per
syngropham volo sponsum. Tu mihi quæso respon-
de: & hunc, vt sic dicam, amoris noui fruticem,
quem tam amanter eduxisti, euocasti, alere & foue-
re perge beniuolentiæ tuæ radiis, ô Belgij & meus
splendide sol. Lugduni Bat. postrid. Kal. August.
∞. Io. LXXX.

EPISTOLA XXVI. *Hagam.*

THEODORO LEEWIO *Consiliario S. D.*

MAGNUM illud Antuerpiense facinus, ma-
gnum: dicerem & malum, si de causâ mihi
liquidò

liquidò
lum,
cam. H
pinata
mōre r
te posi
nouum
manan
iactum
dum H
ser? qua
iam an
posse eu
per excu
nem iet
sulz tor
Quis e
talliet.
timur,
vicio, p
re tamen
timori.
mo, qui
mano so
Cuius
Quem v
re mei
LXX XI

L
S
ALV
pelle
nunc vici

liquidò constaret, aut sine. Sed tamen hoc ipso ma-
lum, quòd malum imò exitium patriæ trahet se-
cum. Heu, quæ videmus! quæ audimus! quàm ino-
pinata! quàm obliqua! quàm non pro veteri fide &
more regum! Nec tamen, mi Leewi, deiicere. erige
te potius: &, vt palma, attollat se animus contra
nouum hoc pondus. Inspice ludibria rerum hu-
manarum, & aleam ambiguæ Fortunæ: quæ gaudet
iactum aliquem ex occulto iacere, nec expectan-
dum Hinc ille vulgi stupor & querela, Quis putas-
set? quæ non cadit in mediocriter sapientem: qui
iam antè ita meditatus, vt sciat hæc & deteriora
posse euenire. Vt in bello, etiamsi hostis absit, sem-
per excubiæ: ita vigilat ille cõtra improuisum om-
nem ictum. Quis fuit ille dies, cùm hîc & alibi in-
sulæ totæ aquis absorptæ, aut vrbes terræ motu?
Quis eorum, qui tam magnâ ruinâ perierûnt, id pu-
tasset. Nec exempla nobis defunt istarum, quas pa-
timur, cladum: sed ipsi nobis, qui, insito à naturâ
vitio, proni semper ad spes meliores. Quas coërce-
re tamen potius sit, & laxiores habenas permittere
timori. Non deerit consilium aut solatium illi ani-
mo, qui timuit quidquid potuit timeri. Iure à Ro-
mano sopho laudatur is versus,

Cuius potest accidere, quod cuiquam potest.

Quem velim impressum tuæ menti, vnâ cum amo-
re mei. Vale. Lugduni, Prid. Kal. Febr. ∞. I. D.
LXXIII.

EPISTOLA XXVII.

Brugas.

LERNVTIO, ET GISELINO.

SALVETE meæ animæ. ita enim meritò vos ap-
pellem, quia quamdiu istic fui, vixisse videor:
nunc vitâ frui quasi per vmbra. Circumagunt

me hæc turbæ in Numidæ morem: & adhuc discuti-
ri sine lare, sine certis sedibus. quas tamen positu-
rus in Batauis videor, Ordinum vocatu, & stipen-
dio sanequàm honesto. Sed temporaneas, non per-
petuas: saltem,

Dum hæc consilescunt turbæ, atque ira leniunt.

Aliter videtur quibusdam è meis, qui in mutatione
hac rerum ad dignitates & splendores vocant. vi-
deatur: mihi stat vetus illud decretum meum, rei-
pub. tam confusæ non misceri. Orpheus ille vester
Lugduni est, & (inuideo vobis hunc risum) partes
has simulat, & ambit professionem. Exambiétne?
non, si Batauos noui: in quibus certè plusculum,
quàm pro veteri verbo, auris est & cordis. Eurydi-
ce etiam eius hîc: & illa professionem. O Dousa,
vuiis & Satyram non scribis? Sed ridebimus co-
ràm. Ita enim de vobis recepit mihi Winterus ve-
ster, adolescens adprobus & perhumanus. Facite,
& properate ad hæc Neprunia loca: in quibus ego
cum Dousâ tam arctè, tam auidè, vos amplecte-
mur, quàm Amymonem suam illeipse Neptunus.
Sed hospitium quidem vobis (ita iubeo) apud me
erit: familiare scilicet & sobrium, nec propter vos
maiorum fumum vicinia videbit. Properate tan-
tùm. quod vt magis faciatis, nuncio accepisse me
nunc nuper Lutetiâ à Pythæo Trochaicum vetus,
cui titulus Peruigilium Veneris, elegans & scitum
carmen, & dignissimum illâ ipsâ deâ. Plura non
addo. venite, videte, valete. Lugduni Batauorum,
Kalendis Veneris ∞. IO. LXXIX.

Sed heus tu, Lernuti! est quod à te seriò petant
mei horti. non magnum aliquid, sed illud idem
quod hortus tuæ, Seminari. Itaque siquid semi-
nij tibi superest, non illius Plantini (apage nuptia-
les

les nunc
nuntio
hortum,
functi
herè hoc
tam, vt
tor sum

A

A

Qua

Vest

Qua

Tu

Ad

Na

Non

Pelle

Ne n

Effice

Te su

Nec

Ipse

Inte

Exe

(Pat

Ipse

Non

Mile

Sar

Nos

les nunc nugæ) sed istius hortensis: quæso, hoc
nuntio mitte. Habeo enim & colo hîc in ipsâ vrbe
hortum, amœnum potiùs quàm grandem, concess-
su nostri Hauteni. Pro eo, ad Venerem natum mihi
herè hoc Carmen. quidni enim friuola mea mit-
tam, vt eliciam gemmulas tuas? Ita callidè capta-
tor sum: nec nego.

AD STELLAM VENEREM
PRO HORTO.

ALMA Venus, qua calorū colis ardua templā,
Quæ maria ac terras vitali semine complex:
Quâ sine nec flores hortos, nec gramina campos
Vestierunt, neque frugiferas animalia terras,
Quæ vâ solum pedibus sulcant, quæ vâ aëra pennis:
Tu dea, tu faulrix hortorum in cultibus esto,
Adspirēsque meo numen genitale labori.
Nam sine te nil Flora potest, nil flaua Segestis,
Nodutisque herba pubenti optabile numen.
Pelle malum virus à floribus; imbriciorque
Ne noceat Aquilo, neu grando, neu robigo,
Effice. diua potes. Solus Lunaq; potestas
Te superà: sed consensu tua tertiâ regna.
Nec tibi Mercurius certauerit, aut tibi Maiores:
Ipse tuo fasces submittit Iupiter igni.
Interea, dum nos fera mœnena militat
Exercent, lituūque vocant ad ciuica bella:
(Patria da veniam) Hauteni securus in hortis
Ipse habitem, fallitque meos cultura dolores,
Non ego Bellona sim victima, non ego Marti
Miles: nascentique alius mihi risit Apollo.
Sat patriæ Belgisque datum, si fama Camœne
Nostra erit, atque aliquis venienti Lipsius auro.

EPISTOLA XXVIII. *Herbipolim.*

FRANCISCO MODIO. S. D.

ERGONE viuis Modi, & nos amas? De utroque enim ambiguos reddebant & locorum interualla in quibus agis, & silentium quo tamdiu non iuste vsus. At nunc emendasti, & lōgā epistolā cessationis culpam eluisti in parte. nam totam tuum demum, si perseverabis. Et quamquam remotum in te doleo seiunctumque à nobis: tamen quod in iis locis, & apud eum virum es lenit desiderium, & gaudio penè mutat. Amo enim amo, Germaniā illum tractū, in quo beatè viximus olim ipsi: & gratulor de hospite, qui, vt scribis, tam benignus est in meliores Musas. Sæpe apud notos prædicani, sed parum credulos, Homines etiam illa tellus alit ingenio doctrinaq. pares nobis, fide & virtute meliores. Experiris ipse: & magis experieris cotidie, si omisā inanum specie, de re iudicabis ex re ipsā. Interea vides portum aliquem & receptum in his studiis esse, per res adflctas: nec vanum illum quicunque scripsit,

* *Ante mi-*
mutam terra
queuis edu-
cat.

* *Τὸ τέχνηον γὰρ πᾶσι καὶ ἐντέλει.*

Ego quidem auctor tibi sim nō commouendi ex iis locis, donec Belgio huic fiducia status melioris. Nam nūc quā fluctuemur, vides. Fœdera, & domini noui: & omnino aut mutatio, aut interitio rerum. Sed malo aliquid de studiis. Tacitum ad me, siue Eclogas potiùs tuas in Tacitum, si mittes, gratum: & vtar, non sine memoriā eius, per quem vtar. Paramus enim iterū vulgare Commentariū nostrum, sed auctiorem. Habemus & libros duos de Venatione iam adfectos, Saturnalium priorū (quæ dilaudas) titulo & exemplo. Sed & de Epistolis

meis

meis edo
aut fer
rum. Q
Italos
(liberè
tas eas
acuras
litiani
ambitio
deserit
bis nup
alii saud
& Petre
etiam illa
tis? à me
rum ei
illi aper
manis a
inter qu
poëtaru
ora. Vidi
niasse vul
nes audi
multi, cur
dem sper
Laurigeri
dici, mir
cupation
M. Anton
latiuncul
lumnias)
vt nescio
ego seriò
temni per
rifus sepe

meis edendis aliquid cogitabam, si quas colligere aut seruare potui in hoc naufragio nostrarum rerum. Quæ mens iniecta mihi nuper, non nego, per Italos: quorum Epistolas ambitiosè editas vidi, & (liberè dicam) non inuidi. Quid enim à verbis cultas eas censeas? sæpe nec Latinæ sunt. à sententiis acutas? torpor & tepor merus est. O Italia, ubi Politiani tui, aut Barbari? defecisti: & hoc sæculum ambitionis & fuci aliquid fortasse plus habeat, re deseritur & seriâ illâ doctrinâ. Etiam Agellius nobis nuper in manibus: deposuimus, postquam alii s audiuius eam esse curam. De Matulis illis & Petreiiis; iam aliquid inaudiueram. sed quid? etiam illæ nitedulæ extrahi volunt è suis sententiis: à me frustrâ. Tu tantum purga me calumniarum eiusmodi apud Posthium: & animum hunc illi aperi candidiorem vestrâ niue. De poetis Germanis aliquid dixi aut scripsi: at non de germanis, inter quos mihi ipse. Fucos & dehonestamenta poetarum saltem tetigi: quorum fertilis sanè illa ora. Vidimus nos, & vides ipse. Quis non ibi somniasse vult in bicipiti Parnasso? Itaque vates omnes audiunt, & prodeunt: & compri sublimesque multi, cum Cæsareâ suâ lauru. Quos non equidem sperno aut rideo: hoc tantum iis instillo, *Laurigeri multi, pauci Phæbi*. Quin re plerumque didici, minimè re poetas, qui titulo illo sunt & nuncupatione. Extrema tua epistola pupugit me de M. Antonio. Itane est? abiit? certè doleo. Nā æmulatiunculas illas eius (ita appellare malo, quam calumnias) nihil moror. Habere hoc scio ista studia, ut nescio quomodo facilè pariant rivalitatē. quam ego seriò contēno: sed & hoc mihi seriò dolet, contēni per hanc illa. In contētionibus enim istis quis risus sepe vulgi? & iure, cum rā pueriliter desipiētes

eos videant, qui ad sapientiam aliis magistri. Rattallerum Præsidentem quod saluere tu patronusque iubetis: ille verò saluus. iam pridē enim à nobis abiit ad beata illa loca: idque præcipiti quodam fato. Nam benè valens ad curiam cum venisset, subito deliquio animi concidit, nec surrexit. Ita ereptus patriæ optimus ciuis nobis amicus. Hoc antè septem menses accidisse scitote, & mecum dolete. Vale mi Modi, & magno illi patrono tuo à me salutem. Lugduni Batauor. Nonis Augusti. ∞. I. C. LXXXII.

EPISTOLA XXIX.

Hagam.

THEOBALDO TEELINGIO.

APPELLA me verò, & litteris, & sermone: nec excusa. vaco semper ingeniis, quibus discere vacat: quale est, & spero erit, tuum. Hoc excusa, quod ad epistolam profam, carmen non addideris: nam id te decebat. An alienum ab Musis me censebas? non sum. amavi adolescens & nunc amo, & scio eas esse, quæ lato & lato limite ad sapientiam & virtutem ducunt. Lasciua modò caueatur, & obscenæ illius deæ laquei, quos in Musicis illis arbutis sæpe texit. Tu redux me appellabis reduncem, (nam & ipse iam in vltiorem Batauiam exurrebam:) & hoc mihi semper gratior, quod maior in te ardor ad discendum. Ætatis tuæ florem cogita, & æui huius fluxum: quodque Æneas ille Homericus auriga suo dixit tibi ego:

* Verū, age,
nunc manibus
flagrum
& splendens
frena
Accipo.

* Ἀλλ' ἄγε νῦν μάστιγα καὶ λῦτα σπλόνδα
Δέξαι.

Atque vnā salue. Lugd. Bat. Postrid. Id. Sextil.

EPISTO-

EPISTOLA XXX.

Viennæ.

NICOLAO BIESIO *Cæsareo Medico.*

Nos quoque, mi Biesi, Legatum Budensem vidimus. Magna pompa, multi comites: vestis & mores nobis exteris mira. Pellis illa iniecta puerorum antecuntium humeris, numquid abest à prisco Scytharum ritu & habitu, qui pellicem non videtur. Vestis illa laxa à Braccis? nihil. Sed & honoris habendi ritum, quem Cæsari retrogradiens exhibuit (sollemne id genti) odoramur esse à Persis. Ammianus suggerit lib. xviii. de Antonio quodam, qui transfuga ad eos eorumque mores: *Simul hoc dicens e medio prospectu abscessit, non aduersus, sed dum euanesceret, verecundè retrogradiens, & pectus ostendens.* Garritum hunc præmisi. plura, si voles, in cænâ: ad quam bonâ fide me sistam. Salue.

EPISTOLA XXXI.

Hagam.

THEODORO LEEWIO S. D.

ITA certè oportuit. in viam, inquam, officij redire, à quâ exorbitauimus vterque nimium diu. non negligentiam aliquâ, vt scio, aut contemptu: sed fortasse dulcedine cessationis, & fiducia amoris. Id enim de me fateor; de te opinor. Quin sæpe sic afficior, vt quemadmodum mulieres, quæ vterum ferunt, ad omnia nauseant: sic mihi nec scribendi libido vlla sit, nec legēdi. Mare quoddam mortuum esse aiunt, sine vento sine motu: sic sæpe ego. Sed tu me excitasti: præsertim illâ parte epistolæ, quâ consilium à me petis de summâ vitæ. Deliberas de coniugio, aut cœlibatu. Difficile mihi sententiam interponere, præiudicio iam pænè deuinctam. Vides

enim quid ipse fecerim. Ita nisi à coniugio dixerò, damnem me ipse necesse est aut inconstantia, aut erroris. Sed seponam tamen paullisper eam cogitationem, & de totâ re videbo quasi liber & exsolutus. Ac principio coniugium si quis damnet; impius sit in vtramque legem, & ciuium & naturæ. Stare genus humanum non posse omnes scimus, sine viri mulierisque cœtu. Non ergo vniuersè id quaeris, credo, an coniugium probandum; sed strictius, an sapienti, an hoc tempore, an tibi. Sapientia studia & vitæ quietem si sequeris; nescio an ducenda vxor. Exempla veterum sapientium in vtrumuis sunt: ratio magis est vt neget. Si enim liber animus, Deo & sibi vacans, ad sapientiam & tranquillitatem requiritur: non video. quomodo adsumenda illa cura, quæ noctes diesque adhæreat, angat, coquat. Si satis molestiæ in te tuisque cupiditatibus regendis, fræmandis: quid aliunde accerfis, cui imperes & moderè? Cymbam nostram difficulter gubernamus: ecce nauim adiunctam volumus, cum tot armamentis? Et fero adhuc, si reges. sed quid si regere illa vult? si fulmenta lectum scandunt, vt vetus verbum est? quid? nonne bellum tibi non ciuile, sed familiare sumendum est de principatu? At enim moderatam audientemque tibi speras. Ita censeo, & opto. sed quâ in re vnquam magis spes & vota fefellerunt? An ex composito illo vultu, oculis, verbis, toto corpore ad modestiam ficto, vxorem eliges? crede mihi, nulla fides. Proprium hoc & velut innatum illi sexui, vt crude adhuc & vix pueritiam egressæ simulent, fingant, fallant. At enim fide & commendatione aliorum, inquires. Nolim equum sic emere aut agrum. Et quâ in re libentiùs, aut minus cum periculo, fallunt amici? Si in equo aut agro imposuerunt, expostulandi mihi saltem ius est: ac
id non

id non in isto. Canetur tibi illud comicum, *Habeas
vir natus*: & querelæ tuæ in ventum ibunt, imò in
irrisum. In genere hoc prædixerim de sapiente:
iam tempora ista videamus. Si res lætæ & proluxæ:
magis ferrem te ligari hoc nexu. Nempe publica
tolarentur: nempe in spem honorum & felicitis æui
liberos susciperes, educares. At nūc quid nisi com-
munes calamitates & bella? ne domi tu quæras.
Quid nisi exsilium, exitum, imminet, & mutatio
vniuersi status? ne ad aureum sæculum liberos
procudi à te censeas. Denique te ipsum (quod ter-
tiò posui) intuere. Animus tibi ingenuus, & cor-
pus: id est vires valetudoque parum firmæ. Æta-
tis quidem bona pars superest; sed & bona elapsa.
ingenium tibi come, molle; quod ferre iniuriam
potius possit, quàm inferre. Hæc omnia vide sis,
an apta ad mores famineos nostri æui. Et Dioge-
nes quidem ab omni ætate coniugium remouebat,
satis scitè: *Nam iuueni, inquiebat, nondum ducenda est
uxor: semper nunquam.* Græcè hoc sonat meliùs, *τὸν νεὸν
μὴ ἐπιτε, τὸν γέροντι μὴ ἀποτε.* At ego certè non va-
nè id restrinxerim ad statum mediumq. hoc æuum,
quod velut vinū iam deferbuit; & quale, mi Leewi,
est tuum. Hæc in parte vnâ dici possunt, nec pau-
ciora in alterâ: quæ quoniam scio subiici & à te ti-
bi & ab aliis cottidie, laborem non sumam in iis re-
censendis. Eò minùs, quòd frustrà scio suaderi
coniugia aut dissuaderi: quæ à cælesti nutu & à fato
haud vanè esse dicuntur. Benè Euripides,

* *Εὐρὺ δ' ἀνδρὶ καὶ γυναικὶ κοῖται:*

idq; didicimus nos ipsi. Bina Socratis monita tan-
tùm addam. Primum, iuuenes cælibes similes esse
piscibus, qui alludunt circum nassam & gestiunt
inire; contra, qui iam inclusi, exire: simile in ma-
trimonio esse, quod ambiunt liberi, damnant capti.

Alte-

* *Fatalis est
viro atque
femina sho-
tus.*

Alterum, Sciscitanti cuidam Vxorem an non duceret? *Virumuis*, inquit, *feceris, penitebit*. In quo verè oraculo concludo, & ambiguum te sententiæ meæ relinquam, non amoris: qui tam verbosam à me Epistolam expressit. Vale.

EPISTOLA XXXII. *Lutetiam.*

I O S I A E M E R C E R O S. D.

AD me verò sæpe eiusmodi muscæ aduolent (ita per iocum te appellas:) imò apes. quoniam tu & litteræ tuæ plenæ suauitatum, & meri mellis. Ipsâ quidem causâ scribendi quid mihi gratius? Appetere te amicitiam meam: quæ si vitro offerenda sit tam benè natis ingeniis, nihil ab eam à decoro. Tu tamen anteuertisti. etsi non ignotus planè, ut ais: quia famæ aliquis radius te quoque illucet à magno illo patre: cuius eruditio, & virtus, clara apud omnes. Et tu succedes, imò præcedes: si pergis modò in hoc laudis stadio, quod currere cœpisti recto & felici pede. Nam notæ tuæ ad Cornelium nostrum quas mittis (verè, nō blandè dicam) vix tuæ ætatis. Maçte hoc acumine! quod vide te, quæso, ne ambitio deprauet aut calor. Nam illud nisi ad rectum maturumque iudicium dirigis, nocet, non iuuas, & infligis scriptoribus vulnera, non sanas. Nos Tacitum vulgare iterum paramus, cum Commentariis nostris (sive Notæ erunt) ad omnes libros. Nam priores sanè illi ad Annales, refingendi etiam sunt: quia & lapsus alibi sum, & quædam mihi elapsa. Cur negem? semitam sæpe ingredior, cum maximè censeo viam: & gratiam ferio habeam, si quis corrigat, dirigat, reducat. Ad P. Pythæum litteras iam nuper dedi. accepitne? inquirere obsecro. Nam ipse quidem silet: at non in il-

lum

lum meus amor. quod indicabis, & salutem à me
nunciabis ipsi & fratri. Vale. Lugduni in Batavis.
Idib. Martiis. ∞. Id. LXXXII.

EPISTOLA XXXIII. *Gandauium.*

ALEXANDRO RATLO *amicissimam salutem.*

LECTIS litteris tuis, mi Ratlo, & dolui dolo-
rem tuum, & gauisus in constantiâ sum: quòd
videam te quæ euenerunt ita ferre, vt ferenda hu-
mana sunt, & vt dignum est iis sapietiâ studiis quæ
tractas. Nam reuera hæc bella, hæc turbæ, hi discursus,
quid aliud quàm ludi? cruenti fateor, sed tamen
ludi, quos instruit ambitio & sæuitia nostrorum
regum. Itaque non ferenda solum ista, sed ridenda.
Et vidēsne cùm nuces sparguntur, vt currât pueri,
& rixentur? idem isti, qui oppida & arces rapiunt,
diripiunt, alieno malo & suo nullo bono. Atqui ea
ipsa quæ tanti faciunt, propter quæ sudorem san-
guinemque fundunt, si dimotâ vulgi nebulâ consi-
deres, nuces sunt. Quare mi Ratlo mittamus ista,
& habeamus eo loco quo sunt: id est, pro nugis. Ad
nos redeamus, & ad eum quem dicis * πετράγων λί- *lapidem*
θον: in quo solum quies & tranquillitas firma: cetera *quadratum*
fluminis ritu feruntur, vt canit Poëta ille inter verè sa-
pientes. Senecam nostrum tibi placere ex animo
gaudeo. Scio non alios è priscis magis consentire
cum Christianâ pietate, quàm eos qui è Stoica do-
mo. In quo numero etiam Arrianus est, qui digessit
Gracè dissertationes Epicteti, mihi valdè probatas.
Quære, moneo. & lege. Nos hîc turbæ iterum exer-
cent, quæ sub discessum tuum sopitæ. sed sopitæ
tantum: nam euigilant iterum & viuunt, metuo ne
in reip. malum, & scholæ nostræ exitium. Nisi fal-
lor, ea imminet, vt non discessisse à nol. is videa-
re, sed

re, sed nos præcessisse. De Gallis mihi quidem ænigmata. Veniunt; non veniunt; volunt. nolunt: audent timent; & omnia ancipiti metu suspensa & suspecta. Turcarum princeps aliquid in Africâ mouet: & ager is saltem bonâ fide. Mitto ad te Saturnalium meorum primam partem De Gladiatori-
bus, vt videas cruentas etiam illas in pace pugnâs. Salutem quibus dici voluisti. dixi: iidemque te resalutant. de patris tui morbo, doleo: quem à me salutâ, & tu vale. x. Kalend. Feb. ∞. I. LXXXII.

EPISTOLA XXXIV. *Brugæ.*

I A N O L E R N V T I O.

SPES iterum me fecellit. quid fecimus quod totiens in nos vana ista dea? Mercurialis ille hodie ad me rediit, negauit posse. Rem dicam poscere volebat, nec audebat: quia collybum vulgò iam diuenerant trium florenorum in centenos. Id lucellum inhiabat; nec petere scilicet ab amico volebat, nec ego dare, te inconsulto. Tu dispice illic. aut si vis, Atuaticum excurrere: in hoc statu abeuntium, redeuntium, transferentium, reperies qui velit. Loquere cû Moreto, efficaci ad res tales. Sed quid me celasti? tûne Grudios? Perea, nisi adprobo: ad quietum locum, amænum, & quod caput, amicum Paci, & eximium à milite ac Marte. Si expedire te vinculis possessionum tuarum potes, abi, curre, vola. Ego nonne aliquando vicinus? si dî me, & mihi Iscanum meum seruant; quam sedem destinaui reliquæ huic vitæ. Cum lege, si securitas illîc, si status; quem Modestia & Probitas non spernat. Parêre boni possunt & debent; seruire, ancillari, adulari, non nisi vitiorum ancillæ. Valeat autem æternum mihi patria, si valebunt in eâ ista. Tu quoque mi
Lernuti,

Lernuti, (sed ab aliâ mente) mihi vale. 1. Octob.
 1600. 10. LXXXV.

EPISTOLA XXXV. Antuerpiam.

FRANCISCO RAPHELENGIO.

DILATVM mihi responsum ad superiorem
 epistolam tuam, non dimissum. Dum enim
 cotidie discessum sororum tuarum exspecto, at-
 que aliud ex alio interuenit; septimanæ aliquot in
 hoc silentio exactæ, vt vides. Ceterum grata mihi
 tua scriptio, vt & amor: cui à me cum fide respon-
 debo. Filius tuus in studiis perseverat, & effeci-
 mus ne quid Typographia auocaret illum aut im-
 pediret. Cursum certè hunc studiorum interpel-
 lari aut sisti, non erat è re eius. De filio altero tibi
 agnato, gratulor: etiam filius tuus, vt videbis è car-
 mine Genethliaco, quod credo illum iam misisse.
 In Constantiâ nostrâ pergitur: sæpe negotiis, sæpe
 valetudine, retardari. Iuuat tamen opus argumen-
 to saltem utile futurû hodie multis. Nubem enim
 hanc temporum vides: nec Solem aliquem qui pel-
 lat. Ille quidem Gallicus, qui * DISCVSSVRVM
 se promiserat, videtur FOVISSE. Et Austri isti
 cum Circiis mixti & iuncti, vereor vt dent mage
 maiores tempestates. Omnia hodie Principum,
 infida, intuta: nec veri solatij vsquam spes, quàm in
 se cuique. Firmemur iam antè contra hæc omnia,
 quæ euenire homini non solum possunt, sed com-
 muni quadam lege debent. Ciceronis falsi Conso-
 lationem vidimus. quæ me quidem adeò non eri-
 git, vt deiiciat potius: scripta videlicet frigide, so-
 lute, & verbo dicam, inepte. Quis ille tam stultus,
 qui sperauit se posse imponere nobis falsâ hac per-
 sona? sub quâ latet aliquis ne superioris quidem,
 vt su-

* Ad dictum
 eius allusio
 Discutis, &
 fouet.

vt suspicor, æui. Bardi Typographi, qui tam ambiciosè hæc diuulgant! sed credo in nostrum risum, & suum quæritum. Valdè me Ciceronis pœniteat, si ille vel in medio dolore tam elumbis. Nusquam nerui, nusquam sententiarum sanguis: ne color quidem verborum, nisi cum cerusâ & fucò. *† t t* vale, & sine eo me ama. Delphis. huc enim sorores tuas abeuntes deduximus. *III.* Idus Septemb. *∞. ID. LXXXIII.*

EPISTOLA XXXVI. *Viennam.*

IOANNI SAMBYCO S. mitto.

DI V mihi nullum alloquium apud te, ne per litteras quidem. causâ & temporum horum, quæ nos turbant: & locorum, quæ seiungunt. Nam nos, vt audissè te credo, in Batauis agimus, apud Oceanum verè vndosum: & iactamur ciuili tempestate, tibi non ignotâ. At nec loca tamen, nec tempora, gratam mihi memoriam Sambuci excutunt: quam testari volui per hanc occasionem, primò nunc datam. Qui enim illuc viam affectaret, præter hunc adolescentem, nactus sum neminem: & nuncij illi ordinarij, ordines deseruere per hæc bella. In studiis, dum Mars hîc feruet, languidè versamur: ita tamen, vt cogitemus editionem nouam Taciti, cum pleno iustoque Commentario in eius omnes libros. Eâ in re iuuari me à te posse sentio, vsu libri manuscripti, quem memoriâ teneo Viennæ olim vidissè. non illum quidem antiquissimum: sed è quo tamen non dubiè aliquid eruamus, & Criticâ istâ sagacitate indagemus. Quare si cum ad tempus gratificari mihi voueris; amorem in me ostenderis, & simul morem tuum teneris rei litterariæ adiuuandæ. Videtur sub has nundi-

has tunc transmitti ad Plantinianos posse: quibus mandata dedimus accipiendi, adseruandi. Velim voluntas tibi & occasio in mittendo non desit: nobis fides constabit in remittendo. Salue ab eo qui meritissimè te amat, Iusto Lipsio. Lugduni Bataruor. Kal. Martiis. ∞. Io. LXXXIX.

EPISTOLA XXXVII. Hagama

THEODORO LEEWIO S. Dico.

SEMPER amo litteras tuas, præsertim eas quibus (vt sic loquar) nota aliqua impressa est bonæ mentis. Vel hæc postremæ quàm sine adfectione prudentes! quàm verè Philosophum referebāt, & sine vllò fūco! Itaque vt calebant adhuc à meâ latorisq̃ manu, iis rescripsi. Melonis tui odor vel hucusque nares meas adhaui: & mentior, nisi saluam mihi mouet & desiderium gustandi. Sed cohibe tamen. & vide ne gnatum illum, qui vnicus nobis, nimium properè auellas à matre. Auster saltem & imber hic abeat, & soles aliquot videat puriores. Tum licebit,

Extremum hoc oculis lumen radiatum rape.

De Alenconio meherclè quid dicam nescio: ita ænigmati similis res est. Venit, non venit: accessit, recessit. Credo non illum Callipidem, qui prouerbio locum fecit, tardiùs ambulasse, quàm hūc subnixum tot equitum alis. Nec aliud tamen adhuc audimus quàm, Veniet. Si seriò hæc aguntur, facile præfagio difficile & diuturnum bellum: cuius exitus Deo in manu est. Ad nos quidem quid ista? non magis quàm si Æthiopes inter se belligerent, aut noui Indi. In animo nobis pax sit, cum affectibus concordia: & ecce omnia tranquilla. At enim patria periclitatur. Fateor. sed quis nostrum iter præ-

E

cludet

cludet publicis fatis? Habent ista transitus suos, imò interitus: quorum tempora cùm venerint, nulla vis aut consilium ea firmet. Et tamen illi ipsi patriæ, cùm res feret, non manu, non mente, decrimus: atque hoc scilicet agemus, vt non solùm boni viri simus, sed & boni ciues. Vale mi amicissime. Lugduni Batauor. xv. Kalend. Septemb. ∞. I. O. LXXXI.

EPISTOLA XXXVIII. *Rostochium.*

IOANNI IONSTONE SCOTO.

QUOD & me amas, & Constantiam meam laudas, mi Ionstone: alterum valdè amplector & approbo, alterum timidè, quia scio reipsa non attingere me culmen hoc laudis, in quo collocat me tuus affectus. Etsi tamen nonnihil blanditur, quòd Dauid Chytræus (quis ille vir?) pariter tecum, vt ais, siue iudicat, siue errat. Quidquid huius est, amo iam, amo Constantiam meam, quæ tam multos mihi conciliat amicos. In quo numero vt fidenter te deinceps censeas, mi Ionstone, iubeo, non solùm rogo. Quòd si Deus mihi tangere & videre Germaniæ solum iterum dederit (fiet fortasse voto citius, vt res hîc fluunt) te videbo, & dexteram iungam, tesseram Fidei & Amoris. De Carmine gratiam tibi habeo, magis magisque habiturus, si crebrò me epistolis tuis salutaueris, in quibus notas claras video elegantia præscæ & doctri-næ. Lugd. Bat. x i. Kal. April. ∞. I. O. LXXXVIII.

EPISTO.

EPISTOLA XXXIX. *Lucetiam.*

IANO GULIELMIO S.

LIBENS vidi Questiones tuas Plautinas, mi Gulielmi: in quibus non doctrinæ solum notæ vberes & acris cuiusdam iudicij, sed etiam amoris in me tui. Partem enim mihi inscribis, cum magnâ meâ gratiâ (liberè profiteor) vel quia scriptoris eius res est, quem amo vnicè, vel quia beniuolentia hoc testimoniū me delectat ab eo, quem æstimo, quem-que amo. Ego profectò si vnquam occasio erit, præstabo me ad gratiam referendam non modio, sed horreo toto. At in libro eo tuo, magnæ mihi voluptati non semel interpositum iudicium, de studio Sapientiæ & Morum. Macete hac sententiâ! Obsecro enim, vt quid ista humanitatis studia tam ambrosiosè adfectamus, tantum propter ipsa? Abutūtur plerique ad malam & vanam pompam vt scis, verè cum Appione illo cymbala quædam inanis iuuentutis. Tibi melior, vt video & gratulor, mens: atque vt porrò sit, quæso & horror. Nostrum illud de Constantiâ censeo vidisti. nunc damus De Amphitheatro, & cis paucos dies habebis: etsi opus ludicrum, & natum mihi per remissiones, vt stilus ipse indicabit. Dedi litteras ante septimanâ sex ad Egmondū, quibus inclusæ alteræ ad Busbequium de te, imò pro te, quid iis factum, nescio, quia hactenus nihil inaudiui. Quæso inquire. Ille quem tangis, quid & vbi agit? Vtinam in gratiam cum virtute redeat! nam mecum tunc vt volet, & quando volet. Busbequium si contenis, salutem illi à me dicito: & è iuuentute selectâ, Iosæ Mercero, si nosti. Passeratio item doctori publico, & si quibus aliis ex eo numero procerum innotuisti. Vale.

EPISTOLA XL.

Brugae.

IANO LERNVTIO S. D.

CISTÆ tuæ hesterno die ad me perlata binæ. hoc ante omnia scire te volui: sed perlata benè madidæ. per continuum imbrem. Itaque valdè veremur, si quid in iis sit, quod periclitetur ab vodore, ne putifcat: præsertim si quid è lino aut lanâ. Cogitet tua vxor: & si videtur, aliquem fidum huc mittite, qui inspiciat, aperiat, euentilet. Nos quidem amicam & sedulam omnem operam custodiamque pollicemur: quantum id pote. Collocabimus etiam eas bono & aërio loco. Scripsi bis ante septimanas aliquot, & valdè fallor si meas non accepistis. Carmina tua adhuc apud me sunt. Dou- sam enim expecto in horas, cui velim ostēsa. Ego, nisi quid interuenit, intra septimanas duas aut circiter Antuerpiæ ero. velim sanè te videre & amplecti: & si illuc venis, posses mecum pergere in Batavos: atque ita ipsum iter nobis non sine gaudij & amoris fructu. De Gisellini re, omnia hæcenus nequiquam. & nonnihil tui bellarum inter Magistratum & Curatores, occasione professoris cuiusdā admissi Senatu inconsulto. Priuata profectò & publica turbāt. quid refert? si quies modò apud nos & in hoc animo sit: ex quo puro siue impuro, liquidum omne aut turbidum manat humanarum actionum. Vt in corpore ægro & corrupto, quidquid infertur, alimentum est morbi, atque abit in noxam: sic in homine, qui internum illud non depurauit. pectus dico, fontem & originem cupiditatū. Opes adfluunt? auaritia te torquebit, & angor seruandi, dispensandi. Desunt? inopiam non feres, & quæres eas per vndas & per ignes. At motus ab animo
petendus

petendus e
quam su
quies est &
* Oñ

vt ait Hon
exculo. an
tuamque
velim (qu
hominem
nitēris. V
ster Giselin
lentum vt
eo. Io. LX

EPI

GODS

Mih
rec
mus, esti
vix his ter
prædonib
bella. Tu c
gisti, in qu
aspirante
huius tem
es. homin
test, tang
nere, cū
Modio, co
scens eius
bi, sic tem
cum aut
imò volo
mih, sod

perendus est: cui composito semel & securo, numquam superest aliquid aut deest. Sola, mi Lernuti, quies est & internæ illæ opes,

* Οἷόν τ' εἰ ζώουσιν, καὶ ἀρνειοὶ καλέονται,

* Quæ rellē

ut ait Homerus. Vides philosophari me tecum: nec excuso, amplius dico, Sæpe faciam. Valdè enim te tuamque egregiam naturam trahere ad hæc alta velim (quò scio propendes:) & collocare te supra hominem, etiam dum es in humanis. Et enitèris, si nitèris. Vale, & salueat à me virorum optimus noster Giselinus, à quo responsum exspecto, sed non lentum ut solet. Lugduni Batauor. I II. Non. Feb.

∞. IO. LXXXIV.

EPISTOLA XLI. Pontem-Museum,

GODSCHALCO STEEWECHIO S. D.

M IHI & scriptio tua grata, & magis Coloniam reditio: quam extra noxam fuisse gaudeamus, etsi non extra metum. Scimus quàm intutæ viæ his temporibus: quibus ad injuriam omne ius prædonibus non militibus, dant hæc latrocinia non bella. Tu quoque gaude. portum enim iterum attigisti, in quo acquiescere possis, Musarum suauiter aspirante aurâ, sine vento vlllo aut nimbo ciuilis huius tempestatis. De promissis Plantini, securus es. hominem non nosti, si ambigis: & credi illi potest, tanquam Fidei ipsi. Nec tamen deero submonere, cum redierit: quod fiet cis paucos dies. De Modio, certè amicus ei sum. (ingenium & adolescens eius virtus ita merentur.) ac valdè auctor tibi, sic rem in scriptis tuis temperes, ut nequâ parte cum aut stringas aut lædas. Lædas autem? laudes imò volo. Ita de illo ipso Vegetio meruit: & sepono mihi, fodes, omnes istas æmulatiunculas, quæ inter-

E 3

currunt

currunt hæc studia malo iure. malo more. Inuidet quispiam: hoc ipso inferiore se ostendit, quia apud humiles dumtaxat animos habitat, & in altos dirigitur litida illa dea. Sed tu non talis. moneo tamen vel ex superuacuo, quia peccatum hoc in litteratorum nostrâ gente peccatur hodie nimium crebrò. De Vegetio ipso sic scribo. scriptorem non malum potius, quàm bonum esse: & hoc tamen quod in eo boni, deprauatum & pollutum à patribus variâ labè. Creber enim in illorum manibus: quæ nec innoxia vsquequaque, nec pura. sed nec oculata. Itaque non iniuria ad perpurgandum eum tu Modio nostro velut optio succedis: & opto ut cum publico fructu, cum tuâ famâ. Quod fiet, si stilum manumque modestiâ quâdam temperabis & diriges: malisque ambigua quâdam vlcera relinquere, quàm districtè auferre omnia. & præcipiti quodam ferro. Medicos in Criticâ istâ ferre possum: sectotes ad Matrem deum ablegem, procul à virginali nostro choro. Vale mi Steewechi, & mutui- ter me ama. Lugduni Batauor. Postrid. Nonas Octob. cc. Io. LXXXII.

EPISTOLA XLII. *Ultraiectum,*

THEOD. CANTERO S. D.

ITANE Dalius noster abiit? abiit, non visurus amplius, non videndus. Sanè dolui: eò magis, quòd subita ea plaga, & præter expectatum. Nam letalis quidem ille morbus (phthisis enim vera erat:) sed quis putasset tam præcipitis eum fati? Trahere, ut scis, plerumque solet & lento passu ducere ad Orcium illum thesaurum. Sed nimirum ut nauim inrer dum improuisus vortex absorbet: ita homines nigra dea. & præsertim eos, quibus in-

doles

doles meli
Dalius p
scribere m
quitas, qu
nare, Ap
buit, quoc
lestes illa
euolent ac
prum. Q
ptores doc
Esti bona
terdum (e
men nimit
his diebus
tula est, &
nox. Lasci
Artemido
Nescio qu
(id quocu
visus mih
fontibus n
cus noster
Burchio D
eè amat; i
quod me b
Lugduni
Ponpeji
In Arne
pollutas res
vos istas in
habetis? N
calus, & ca
cum? fretu
duplex vit
tio perhoru

doles melior, & ingenium supra annos. Quod in Dalio planissimè fuit. Claudium Quadrigarium scribere memini: *Hac maximè vexaluri deorum iniquitas, quod optimum quemque non sinunt inter nos durare.* Aptè & verè. nisi quòd iniquitati impiè tribuit, quod est æquissimæ æquitatis. Cur enim cælestes illæ animæ diu in hac facce? absantimò, & euolent ad suum cælum. De Arnobio, vrge cœptum. Quis post Tertullianum inter sacros scriptores doctior? ideoque doctorum limâ dignior? Et si bona sanè in eo opera Gelenij: quamquam interdum (quis non Criticorum?) exeret per acumen nimium aut calorem. Satyram quam vulgari his diebus, en tibi. Nomen te terret? frustra. edentula est, & vt antiqui nostri loquebantur, planè innox. Lasciuia alibi agnoscas, nusquam morsum. Artemidorum tuum torū auidè legi, & velut *quasi*. Nescio quomodo non sperno totum hoc diuinare (id quoque fortasse à nostrâ porticu:) & eam rem visus mihi ille commodè & acutè tractasse, ex ipsis fontibus naturæ. Salue. & salutem à me, vt Cornicus noster ait, plenis faucibus propina Lamberto Burchio Decano, viro qui litteras & litteratos vnice amat; ideoque digno qui ab iis vnice ametur. quod me bonâ fide facere ei nuncia, imò sponde. Lugduni Batauorum, quo die Cæsar olim in Curiâ Pompeij. ∞, Id. LXXXI.

In Arnobij tui isto loco, libro I. Et tamen, o isti, qui pollutas res nostras virtutum criminamini: sribiliginēs & vos istas in libris illis maximis atque admirabilibus non habetis? Nōne aliud hæc vtria, aliud dicitis hos vtres? calus, & calum? non item filus & filum? crocus & crocum? fretus & fretum? sanguis & sanguen? Odor duplex vitiū. Ac primum scripserim, res nostras virtutis verborum criminamini. Fugit enim omnino prior

illa verbi syllaba, retrahenda ex Arnobij ipsâ men-
re. Hoc scilicet politi illi & docti Romani obiicie-
bant nostris, *solæcis finis obstras res nostras*, *viriorum de-*
formitate pollutas, ut ipse præmisit. Respondet: va-
riari sermonem pro arbitrio, & illos ipsos veteres à
talibus solæcis finis non abfuisse. *Nam*, inquit, *aliubi*
hæc verba, aliubi dicitis hos vtres. Ita enim alterum vi-
rium tollo; *Aliubi*, inquam; scribo, non *Aliud*. Cla-
mat res, & sequentia exempla. An enim aliud san-
guis, quàm sanguen? fretus, quàm frerum? Mini-
mè. Variatum tantùm licenter genus ostendit, &
modò Vtres positos *ἀντὶ τοῦ ἀσπῶν*, modò Vtria. Ec-
ce in Nonio: *Vtres vsu generis masculini tantum*, *Neu-*
tri, Livius Andronicus: Flacci teget vtria.

EPISTOLA XLIII. Hagam.

THEODORO LEEWIO S. D.

TE verò laudo, non imitaris meam pigritiam,
& quanquam ad binas tuas iam silui, tamen
tertiis etiam lacessis. Etsi, mi Leewi, nulla hîc pigri-
tia. ignoscas aut miserearis potiùs, si scias quàm
per omnes hos dies distrahar & distinear negotiis
nec feriis nec bonis. Amici & alieni adpellant, in-
terpellant: ad conuiuia vocant: & hoc putant com-
itatem, auferre mihi vsum veræ vitæ. Pareo ta-
men, & quamdiu in hoc proscenio sum, sustineo
personam. Mallem ad interiora illa gaudia diuer-
tere, studia dico & sapientiæ exercitationes: à qui-
bus non per hæc solum acerbissima tempora, sed
etiam lætiora, veros petam quietis & gaudij fru-
ctus. Sed differo sæpe illa, non dimitto: quod tibi
etiam vsu venire certò scio. Plantinus nunc adest.
feriò à me monitus de * Thalete illo Gallico, feriò
ad suos iterum scripsit: & illi responderunt iam Lu-
cretiâ

* Na indige-
runt Michæ-
li Mōranti li-
brum Galli-
cū Gustinum
titulo: probū,
sapientem,
& valde ad
meū gustum.

tertiâ se petiisse. apud nos scilicet sapientia illa non habitat. De adolescente quem nuper mihi cōmendaras: scis quàm omnia velim tuâ causâ. Hoc tamē nolo. & si rationes omnes meas audias, scio, ipse non velles me velle. Multis iam recusavi. quos omnes offendo, si vnum admittā. denique rimam aut fenestram hanc si aperio, toto ostio admittendi alij sunt. Quies autem mea id non patitur, & ratio vitæ quam per silentium ago. Pero ergo vt id excuses: & maiora aliqua à me petas, cū opus erit, non neganda. Institutum tuum de omisâ domo, hætenus probo si in eo perseveras. Semel enim constitutum est quod vitæ genus eligas, solitariū an sociabile, illud cum paucis & sapiētibus quos melior Deus adspexit, commune tibi futurum; hoc, cum multis. Et vtrumque tamen illi rectum, qui incommoda vtriusque fert. nam vt omnia tollas, vanè cum vulgo speres. Siue vxor ducitur, siue omittitur: habebis quod doleas, quod querare. nec in hac omni vitâ tam optabile aliquod bonum est, quod nō mixtum poculo aliquo mœrorum. Hæc publica & æterna lex: cui, improbus & refractarius est, quisquis repugnat. Vt athletic olim sors non electio aduersarium dabat, cum quo certarent: sic cuique nostrum vitæ suam conditionem fata, cum quâ luctemur. Hanc vincere oportet, id est ferre. Huius enim pugnæ robur omne in patiendo est, & victoria in cedendo. Res publicæ non in bonâ spe. Præcipuæ aliquot Flandriæ & Brabantię vrbes nauseare incipiunt, & fastidire præsentem hunc statum. siue diuturnitas belli id facit, siue gubernatio non vsquequaque inculcata. Consilia arcana agitare dicuntur de paciscendo cum hoste. quidquid horum est aut erit, nos pessima timere nihil nocuerit: & vt pugiles, iam nunc parari ad strenuam cum omni sorte

E s.

pugnam.

pugnam. Paupertas imminet exsilium? carcer? proponamus interdum animo has imagines; & persuadeamus illi quàm nihil in his aut certè non multum mali sit illis, qui mala ea non putant. Reuera enim ut opinio diuitias bonum fecit, sic eadem inopiam malum. Sed hæc facilia dictu videntur: fortassis etiam factu, si quis conetur. Nunc plerique eò stultitiæ venimus, ut nec aspirare audeamus ad bonam mentem. Sicut ij qui phrenesi laborant, irident aut verberant suos medicos: ita nos. Vale. & me amantissimum tui, ama. De hor- tulo tuo nihil narras noui. meus in eadem causâ. qui iam pridem animam agit, aut potius egit. Credo enim per huius ipsius dici æstum ablatum illi omnem succum & vitam. Hoc quoque feramus. Leidæ. v. l. i. Kal. Iun. ∞. l. l. xxxi. ii.

EPISTOLA XLIV. *Antuerpiam.*

GASPARI SCHVERMANNO Ic. S. D.

LITTERAS tuas, mi Schuermanne libens vidi: at nondum sororem. quam ne frustrâ mihi commendaueris efficiam, si quâ in re operâ meâ illi vsus. Constantiam nostram quòd laudas amasque, gaudeo: complecti magis te velim & amare virtutem ipsam. quâ certè in omni æuo. & hoc nostro imprimis, opus. Hostis, ut audio, vicinus vobis, perfidiâ eorum in quibus numquam fuit eritque fides. qui ut tritina in eam partem vergit, in quâ plus ponderis: sic ipsi in eam, vbi plus æris. Pestis iam olim & calamitas nostri fundi. sed qui auertas? cum etiam nunc immixti nobis, nec longè à clauo, quibus idem morbus. Ambitio aut Auaritia multa regna & opida euertit: utinam ne vtraque hunc Belgicæ statum! Hortaris me, ut iuuen. votis possum,

sum, non consiliis; quis enim audiet? Publicè dico. at priuatim si quosdam possim erigere, & in singulis ciuibus de totâ patriâ bene mereri; non immunis hæc mea quies. Conati id sumus in postremo hoc scripto, & conabimur porrò, si Deus mihi dat vitam. Nam otii ipse mihi parabo, etiam in æstu negotiorum. Gabrieli Roelandio, ad finem tuo, velim ex me nunties beneuolam salutem. Verè eum amo & æstimo inter paucos meos Belgas. Vale. Lugduni Bat. postridie Non. Nouemb. 1610. LXXXIII.

EPISTOLA XLV. *Toletum.*

ANDRÆ SCOTTO.

CARVISSE me alloquio litterarum tuarum tam diu, mi Scotte, non re solùm, sed cogitatione molestum fuit. Illud, quia priuari voluptate eâ mihi durum: istud, quia trahebatur animus hoc silentio in varias suspicionum partes. Quid cense-rem? mutatum esse te: non fidei tuæ videbatur, non amoris. Offensum? verebar. vtrique cùm oculos flecterem ad illum, qui non mihi, non bono cuiquam satis bonus. Sciebam litteras te crebrò commutasse cum eo, & sermones: sciebam & hominem duplicem, cuiq. (sed non mente Ennij) *plures lingue & plura corda*. In aliis didici, quàm illi volupe disiungere & soluere, qui mihi iuncti. At rursus tuæ prudentiæ videbatur, non temerè ei credere, qui aliarum rerum apud te sæpe vanus. &, vt video ac gaudeo, haud planè credidisti. Litteræ hæ tuæ mihi testes, scriptæ ex veteri more & amore. nam binas alteras, quas dedisse dicis, non vidi. Istæ me delectarunt; & te mihi restituerunt, me tibi. De mansionem in Toletanâ vrbe, & in illustri domo,

domo, gaudeo. eò magis, quoniam splendorem hunc cum fructu video, nec interiora illa tua studia interpellari aut abrumpi: quod sæpe in illis aulis. Senecam patrem quòd paras, approbo. Vnicè me sapientia in filio delectat: in patre comitas, lepos, & facundia quèdam profluens ac simplex. Sane Controuersiarum illi libri mirificè non corrupti solùm, sed abrupti: atque opus in eliminandis ingenio meliore, sed in primis libro. quem valdè viderem & integrum si repperisti, vt ais, apud Couarruiam; vtere fodes, & adnitere. nos iuuabimus in parte. Nam quæ notata mihi, quidni transmittam libens? De Lanoij nostri morte, valdè mihi acerbum. Amabam adolescentem altæ indolis, niuei pectoris: & destinabam eum olim in corruptâ hac nostrâ nobilitate velut gemmam. De Papio etiam, vt video, inaudisti: qui mersus Mosâ flumine, dum in eo iuueniliter ludit & natat. Sed hæc tristitia. illud lætius, quòd amicum mihi te interprete & tanquam parario conciliatum video Ant. Couarruiam, virum à stirpe, à fratre, à se verè illustrem. Deus bone, quæ illa ad me epistola! mentior, si ab aliquot annis litteras vidi magis litteratas. Imbutum profectò arcanâ doctrinâ pectus illud oportet, quod promittam docta. Quidni ita iudicem? facile nobis * ἐν τῇ κεχαρτέῳ τὸ ὄρασμα γινώσκουσιν. Veterani venatores ceruum ex impresso vestigio dinouerint: ego ex scriptiunculâ virum. Saluta quæso à me: & quoniam te serente, & sub tuâ velut manu, hæc amicitia surrexit, effice vt eodem te irrigante, augeat & crescat. Libellos nostros misimus, & in his Electa: in quibus reperies amicam memoriam tui. Iure, quia amamus te, & æstimamus: quod velim à te mihi fieri, alterum certè. Vale Nonis Iulii, ∞. Id. LXXXII.

** è simbrâ
de veste in-
dicare.*

EPISTO-

E V

LIT
rat
terum
remitte
gnum e
virtutis
altas eri
nium qu
lud in st
nos mo
queris
Fetie n
ne. Su
rianum
hoc vel
uorum

E

GABR

G
R
enim
amant
dixerat
teræ &
lux &
bis libe
lùm fer
cùm o
dies m

EPISTOLA XLVI. *Vltraiectum.*

EVERARDO POLLIONI S. D.

LITTERAS tuas & adiunctum carmen, Eue-
 rarde, legi lubens. Alteræ memoriæ mei; al-
 terum diligentiam tuam testabatur: quam te non
 remittere in ipsis remissionibus, lætor. Et ita te di-
 gnum est. Quid ætatis sis, vides. in hoc vere, nisi
 virtutis doctrinæq. feceris sementem, frustra cūm
 ætas erit, expectaueris fructum. Indoles tua inge-
 niumque ad alta te vocant, & sæpe Homericum il-
 lud instillant: ——— * Παιδείης ἀρετῆς μνησθεο: nec
 nos monitores tibi defuimus aut doctores. Nisi se-
 queris & adsequeris, præter ipsum te, quem culpes?
 Feriæ nostræ finem habent cum ipso Caniculæ fi-
 ne. Sub id igitur tempus te expecto: sed ad Vale-
 rianum scitum: *vegeta ingenia quò plus recessus sumunt,*
hoc vehementiores impetus edunt. Vale. Lugduni Bata-
 uorum VI. Idus Sextil. ∞. IO. LXXXI.

* *Omnis*
virtutis me-
mor esto.

EPISTOLA XLVII. *Antuerpiam.*GABRIELI RÖELANDIO IC. *mitto salutem.*

GRATÆ mihi tuæ gratiæ: quas tamen ita ad
 me mittis, vt ipse eas non dimittas. Habitant
 enim apud te illæ diuæ: nec aliud pectus magis
 amant, scio, inter meos Belgas. Fama ita mihi antea
 dixerat: nec mentitam eam, firmant lepidæ istæ lit-
 teræ & litteratæ. Atque vrinam post hos nimbos
 lux & sol aliquis tranquillitatis, in quo apricari no-
 bis liberè liceat, & sermones sæpe miscere, non so-
 lùm scripta. Voueo. quid sperem tamen nescio,
 cūm oculos deflexi ad hunc rerum statum: qui in-
 dies minùs stabilis, & nisi à Deo aliquo fulciatur,
 (non

(non enim à Gallo illo tibicine) ruer. Iani Guilielmi litteras accepi: paullo antè etiam librum *Questionum*. quem ego ita probo, vt negè aliquid melius in hoc genere vidisse ab aliquot annis. Rectam viam adolescens ille ingressus est: & ingenium in eo ac iudicium pariter magna. At tu mi Roelandi salutem, quod vt mihi quoque magis magisque sit, litteris me tuis sæpe appella. Doufa, nisi fallor, scripturus est: quem scire debes tui peramantem. Ad finem tuum Schuermannum saluta. Lugduni Bat. Non. Maiis. ∞. Io. LXXXIV.

EPISTOLA XLIIX. *Viennam.*

CAROLO CLVSIO S. D.

Et salutem à te accepi, mi Clusi, & munera quæ Plantinus noster reddidit; bis mihi grata, quia & à te missa, quem tacito quodam sensu dudum amo, & quia missa in optatū mihi finem. Vis enim ea sancientiæ amicitia esse, & offers velut arras: quas libens accipio, & restipulor tibi sanctè, eā fide & officiis cultum à me iri hanc nouam amicitiam, quæ sunt inter verè bonos. Talem enim te scio, nec minùs integritate & ingenuâ quadam virtute clarum acceptumque, quàm doctrinâ. Atque vtinam tempora aut conditio nostra permittant, minus longè vt absimus: non litteris solū beniuolentiam hanc foueremus, sed alloquijs & adspectu. Sed istud quoniam non datur, nec fortasse citò dabitur (augescunt enim hæ turbæ, & in isto mari cotidie maiores fluctus:) quod relictum est alterum amplectar, & te amicissime Clusi per chartaceum hoc æquor (vt cum poëtis loquar) sæpe adibo, sæpe salutato. Vale. Lugd. Bat. Non. Maiis. ∞. Io. LXXXIV.

EPISTO.

EPISTOLA XLIX. *Antuerpiam.*

IOHANNI VIVIANO. S.

VTRUMQUE libellum carminum tuorum accepi, mi Viuiane: gratissimum mihi & argumento, & tersâ (ita sentio) versione. Sciunt experti, quàm arduum sit in talibus & mentem scriptoris exprimere, & non abire à proprietate aut venustate prisca sermonis. quod vtrumque egregiè es adsecutus. Atque meo voto, poëta nostri alij laborent in similibus argumentis: quibus non oblectari tantùm animi possint, sed instrui & iuuari: pietas & mores inseri, qui nimium exsulant ab hæc æuo. Itaque Proverbia eiusdem regis, hortor te, accelera & vrge; quibus ne in externâ quidem sapientiâ melius aliquid apud omnes Sapientes. Otium nōne adest? Mercurius certè vester non calet. Mars vobis ante portas, & hætenus non nimis felix. Deus tamen ille noster iuuabit: quem bonum & propitium semper scimus bonis, vtcunque externa ista cadant. Remitto muneri Constantiam nostram recusam, cum Epistolæ nouæ additione ad Lectorem. Douæ non libellos tuos offerre potui, non salutem. abierat enim à nobis in Angliam peregrinandi causâ. De loco Iosephi nihil mihi in mente, præter adsentiri Ortelio. Sed nec in Serrato nummo iuuo multum: de quo tamen quid sentiam, iam dixi in Notis meis ad Tacitum, qui tantùm non absolutus. Vale mi Viuiane, & pariter me ama. Lugduni Bataur. ∞. 10.

LXXXIV.

EPISTO-

EPISTOLA L.

Lugd. Batauor.

IANE HAVTENE

ALIPSI O tuo salue. Suaues herè conuiuas habuimus (auribus enim meis inerrat ille sermo) elephantos. Multa de ingenio eorum, deque mirâ indole, garriuimus: omnia iucundè, nisi quòd in plerisque indignabar haud plenam mihi esse fidem. Quid censebatis? madidum esse me? non fui. Quin siccus nunc & sobrius ingeram tibi eadem: & laudum hunc campum stilo paulkò certius decurram, quàm linguâ. Nonne Hilariûm isti dies sunt? lubet ludere hûc lusum. Sed fides mihi prius stabilienda veterum, quibus præcipuè innisa mea fides. Non nemo enim eam herè eleuabat: & nimios harum rerum aiebat fuisse, aut vanos. Itâne? quibus igitur hæc res notior? Nobisne, qui omni hoc nostro æuo vix * vnum vidimus, eumque pusillum, iuuenem, bonarum artium rudem: an illis, quibus cottidiè bellua ea in ore, in oculis? quibus tam crebra de ingenio & moribus eius pericula facta, in bellis, in ludis? Habebant enim & docebant magnâ curâ, Afri, Asiani, Græci, ad prælia: Romani magis ad spectacula & Venationes. Quanquam Europæis tardè sanè innoruit; & * ἐλεφαντας (Pausaniæ verba sunt) ὁπῶτ' ὁ Ἰνδὸς ἐν τῇς Ευρώπῃς Ἀλέξανδρ' ὁ ἐκτίσται: qui victâ (scilicet Indiâ, intulit siue immisit. Sed ab eius tamen morte statim crebri: & transportauit in Italiam ipsam Pyrrhus, bello quod cum Romanis. Hinc quoque iam Romæ nobiles. & magis per Punica bella: quibus tâta copia, vt vno tempore centum quadraginta duos ceperit & in urbem miserit L. Metellus. Nam Critolaus apud * Plutarchum apertè mendax; qui à Paulo Emilio, bello

Pyrrhi,

* Illum, qui
anno 147.
donû Cæsaris
missus ab
Hispaniarû
rege.

* Elephantes
primus inter
Europæos
Alexander
habuit.

* In Paral.
14. 11.

Pyrrhi
quidem
ne cap
prætes
expres
igitur
hoc a
voluer
re corr
in qua
derunt
illorum
gationi
mal ho
quidem
les sum
etiunt
gulos.
bet præ
que re
omnes
runt; e
huius n
credas:
quæ nih
aliquis,
memor
distinct
phante
dicitur
intellectu
prudentio
Quin h
Esse illi be
* Strabo

Pyrrhi, centum sexaginta Romam missos vult, & quidem turritos. At postea sanè Romæ semper: siue capti, siue magis pretio parati ad populi voluptates. Vides initia, vides frequentiam. quæ magis expressa apud Plinium: quem, si voles, lege. De fide igitur veterum cur ambigimus? Nõne nouerunt hoc animal? intimè atque optimè. An fallere nos voluerant de compacto? nec potuerunt quidem, in re cottidiè omnium oculis sensibusque expositâ: & in quâ miracula milleni aliquot homines simul viderunt, id est theatra tota. Ita ipsa ætas fidem fidei illorum struit, etsi in alio illo orbe. Lusitani navigationibus suis terras eas aperuerunt, in quibus animal hoc crebrum. Insula Madagascar eos habet, & quidem Indicis maiores: habet Zeilam, vbi vanales sunt miro modo. ad mensuram enim admetiuntur, vt pannos, aulæa, telam: tanti palmos singulos. ita cum magnitudine pretium crescit. Habet prouincia Malabar, Goa, & tota illa ora: itemque regnum Beniamen inferioris Æthiopiæ, sed omnes (quod notes) albos. Qui adierunt, qui viderunt; eadem aut similia narrant de ingenio bruti huius non bruti. Quæ vt seridò aliquando noscas ac credas: cape à me de naturâ eorum & moribus: quæ nihil aut paullum ab homine abire, miretur aliquis, imò indignetur. Sed prius vniuersè commemorabo elogium de iis veterum: inde facta ipsa distinctè, & exempla. * Aristoteles inter alia de elephante: ἐστὶ δὲ καὶ αἰσθητικὸν καὶ τῇ συνέσει τῇ ἄλλῃ ὑπερβαλόν: est autem apprimè bonis acutisque sensibus, & cetero intellectu excellens. * Cicero: Elephantum belluarum nulla prudentior. * Idem: Elephantum acutissimis sensibus. Quin homini ipsi adiungunt passim. * Cicero: Esse illi belluæ quandam cum genere humano societatem. * Strabo: ἡ γὰρ αἰσθητικὴ ὁρμή αὐτῶν ἀδιδεῖ ἀνθρώπινον λόγον. ad fidere animali ratio-

* Lib. ix.

Hist. cap.

XLVI.

* De Natur.

deor. i. i. i.

* De Diui-

nat. i. i.

* Epist. ad

Marium.

* Lib. x. v.

F

ne pra-

* Lib. II. De
Vita Apoll.

ne prædico. * Philostratus: τοῦτο γὰρ ζῶον δ' ἄνθρωπον ἀν-
θρώπου τάττω, καὶ ἑνὸς τε καὶ βελῆς: hoc enim animal
proximum ab homine colloco, prudentiæ & consilio. Pli-
nius: Animalium maximum elephas, proximūque hu-
manis sensibus. quippe intellectus illis sermonis patrij, &
imperatorum obedientia, officiorūque qua didicere me-
moriz, amoris & gloriæ voluptas. imò verò, qua etiam
in homine rara, probitas, prudentia, equitas, religio quo-
que, siderum solisque ac luna veneratio. Et Plinius
sanè effusè; tamen verè .ad cuius accuratam lau-
dationem, videor non ineptè deducere posse & ad-
ducere lecta mihi testimonia aut exempla. Tri-
buit primò,

* Lib. III.
cap. XIII.

* Libro
XLIX.

* Lib. XVII.
cap. XXII.

* Lib. XV.

[Intellectum sermonis patrij.] Quod mireris. Nam
cū duo velut limites sint, quibus Hominem à
Bruto disparamus, Sermo & Ratio: prior iste vi-
de quā vacillet. Sermonem patrium ait ab iis in-
tellegi: id interpretor, Indorum, Æthiopum,
Afrorum, & vbi cūque nati. Præter Plinium. * Ae-
lianus: σιωπῶν γὰρ ἐλέφαντες καὶ γλώττις ἀνθρώπων
τῆς ὁμιλίας: capiunt & humanum sermonem ele-
phantes, sed indigenam. Etiam * Dio: ἦδ' οὐ καὶ οὐκ ἔν-
θεν, τῆς φωνῆς τῆς πατριώτης & αὐτὸς ἐπαίειν: Etiam hoc
aiunt, eos patriam vocem audire atque intellegere. Nec
alia res certior. Institutionem eorum vides? linguā
fit. Domituran? lingua. Incitationem, reuocatio-
nem? lingua. Denique vt clauus nauim: sic animal
hoc impellit dirigitque, quò libitū, humanus ser-
mo. De institutione, * Ælium audi: Docentur,
inquit, atque instituuntur ad varia φωνῆς πρὶ ὁμιλίας,
ἡσυχίας ἐπαίειν ἐλπίσαι, φῶσει πρὶ ὑπορήσει καὶ μάστιγι
ἰδίῳ τὸ ζῶον τῷδε, sermone vernaculo, cuius miro quodam
& insubili modo ac velut peculiari naturā sunt capa-
ces. De domiturā, * Strabonem: Primum, ait, ca-
ptos vinclis ac fame domant, μετὰ δὲ ταῦτα πειθαρχεῖν δι-
δάσκουσιν,

δάσκουσιν, τὰς μὲν διὰ λόγου, τὰς δὲ μελισμῶ πινι καὶ τυμπα-
νισμῶ καλεῖται, deinde cicures eos reddunt mansuetosque,
hos sermone, alios cantu aliquo aut tympani sonitu deli-
nientes: De reginine toto: cottidiana olim exem-
pla in bellis, in pace atque item hodie. Quin furere
etiam cum incipiunt & à se abire, ad mentem re-
ducuntur oratione. Credere ita seridò Christopho-
rus Acoſta me iubet: cuius assertioni præstruenda
breviter fides. sæpius enim testimonio eius utar. Is
gente Hispanus, professione medicus, ad novum
illum orbis tractum abiit, quem Orientalem In-
diam vocamus. Diu illic egit, lustravit, scripsit: &
inter alia, de elephantis non pauca, visa sibi aut à
visoribus accepta. Crebrum enim valdè & corti-
diani usus, animal in iis locis. Is igitur * refert. Ge-
nere morbi tètari elephantos quorānis, quod haud
distat à * furore, causam, amorem esse, & venire
cum venit ad eos Venus. Tum bacchari eos, furere,
lædere, incurere: nisi quidem vinclis coërceantur,
quod fit ab incolis studiosè. Sed cum morbum haud
serme aliter tolli, quam pharmaco verborum. Adſistere
belluæ magistrum, increpare acriter, & ostendere fedita-
tem. Tantumne belluam & reginam aliarum ita dementi-
re per adfectum? Vilitatem eam esse, degenerationem à
naturâ & à stirpe. Rediret ad sese, & cōculcaret amorem,
qui turpiter nimis ipsum. Et his talibus, quæ etiam homini
vilitèr adhibentur, fieri medicinam. Quomodo autem
possunt ista, nisi si non audit solum, sed imbibit, &
capit? Nec verò, ut aliquid mirius dicam, audiunt
solum sermonem, sed edunt. Oppianus disertè
Elephantos colloqui inter se vult:

Θήμιν δ' ὡς ἐλέφαντες ἐπ' ἀλλήλοις λαλέουσιν,

ἠδογὰρ ἐν σερμάτων μεροπιδῶ τονδρίζοιτες.

Fama est inter sese sermonari elephantas,

Distinctasq; susurrare atque emitteere voces.

* In libello
De Aromati-
tibus.

* Plinius &
Aristot. me-
minere eius-
dem morbi,
sed Plinij
locus malus,
cui corrigè-
do non his
locus.

Acosta ille idem nihil acceptius in regno Malabar esse ait, quàm quòd hæ belluæ communicent inter se sermone. Denique vis in hac re aliquid mirissimum? (ignosce. tanta nouitas egebat nouo verbo.) edunt & loquuntur etiam humanam vocem. Boues inter prodigia Romę locuti olim: iunge & elephantem. Atque audi ipsum Acostam: *Erui*, inquit, *in vrbe Cochim elephas*, qui operas diurnas præbere solitus ad portum & res marinas. Eum forte iam fissum vrgebat nihilominus vrbs eius Præfectus, vt Liburnicam quam cõmouere cõperat, deduceret porro in mare. Ille abnuere. instare alter multis blandisque verbis, & ad extremum in gratiam Lusitanı regis vt id vellet, orare. Hic (immane dictu) elephas motus, clarè hæc duo verba ingeminat, *Hoo, hoo*: quod Malabarum lingua est, *Volo, volo*. ac sine morâ nauim traxit in mare. Trepidat ad hæc, & nutat? Age, age, mouebo tibi in isto exemplorum mari magis maiores fluctus: & ambiguum relinquam, non dicam an hominem capiant, sed ad hominem imò supra hominem sapiant elephantēs. Dixi enim de priori limite, qui discriminat obscurè: alterum vide, Rationem. quâ ego omnino carere me fateor, si prorsus ille. Audi igitur è Plinio, quæ huc spectant. Ait:

Imperiorum obedientia.] Clara, & quam nemo neget. Semel domiti, omnia ab homine & pro homine perferunt: & tanta illa moles vel à * pusione regitur ac dirigitur tredecenni. idque sine vi, bacillo tantum (*χαλκῶρον* in Philostrato scriptum) aut * leui ferro. Et quid non imperentur? etiam iugum subiẽre, & traxere currum. Oppianus id tradidit, & Romæ primus ostēdit Pompeius, ac postea sæpe Principes securi. Nummi docent. Tertia in Plinio laus, *Eorum quæ didicere memoria.*] Tenax sanè memoria, & ad humanam, vt mox dicam. Sed ingenium
Plini

* Philostr.
tradit lib.
11.
* Falcem sive
δρεπανον
Aristoteles
Elephantistę
attribuit.
Aelianus ead.
dem mente
ὑπερλω.

Plini cu
si vlla
& inger
nium ig
nes arte
mibi. &
non ing
pugnam
Dirigun
inimicos
suos non
dant & p
spicula a
vt * Plu
ne conuul
tissimi c
tum, al
Philost
nescit a
lites ad
sed & ip
hostes: c
militaria
Elephant
gini qua
vt fidi su
vt alter
aut conu
fodes, q
rum in c
uis pugn
to illo P
Hæc de
doceas,
do (* A

Plini cur omittis? Præuaricaris in hac causa: quia si vlla propria & magna iis laus, hæc est acuminis & ingenij. de quo, te silente, non ego silebo. Ingenium igitur iis docile, facile, flexile, aptum ad omnes artes: & artes Belli dico, siue Pacis. Quod vide mihi, & discere, è paucis his effectis. Ac de bello quis non ingenium eorum admiretur: siue cum belluis pugnam, siue in homines iussu hominum habent? Dirigunt enim velut * consilio aciem, defessos aut infirmos in medium agmē recipiunt, in * fugā ipsā suos non deserunt, sed gregatim abeuntes circumdant & propugnant. Iam læsis medicinam faciunt: spicula aut infixā tela leniter manu suā extrahūt, & vt * Plutarchus ait, ἀνδραγαγὺν παύτως καὶ ἀβλαβῶς, siue conuulsione, facile & sine damno, prorsus vt * peritissimi chirurgi. Quin & proprium medicamentum, aloës lacrimas, instillari vulneribus ab iis, Philostratus adseuerat. At pro homine quis homo nescit acres eorum pugnas? Instituuntur velut milites ad prælia; bellatores non dorso solū ferunt, sed & ipsi bellant: propugnant suos, impugnant hostes: denique eò veniunt, vt munia etiam omnia militaria vsurpent. * Ælianus quidem mihi auctor, * Elephantos decorè etiam motus bellicos edere: ex iis viginti quattuor Indorum regi adsistere, & excubias agere, vt fidiſimos quosdam corporis custodes. atque ita agere, vt alternis in stationem succedant, sine somno quidem aut conuiuentiā oculorum. A peritissimo milite, dic fodes, quid aliud exspectes? Iam quanta fides eorum in dominos, quā ad extremum spiritum pro iis pugnent; satis tibi claruerit vel ex vno elephanto illo Pori. qui decantatus: & ab eo discere omnes. Hæc de belli artibus. At in pacis; quid hominem doceas, quod non istos? Quorum tanta in discendo (* Æliani verbis & sententiā vtar) * ἀπαίδεια καὶ αἰτίαι.

* Plin. vii. i.
cap. vii.
Ælian. vi.
cap. lvi.
* Ælian. vii.
cap. xxxvi.

* Libello,
πότερ
ἐσάν.
* Ælianus
libro vii.
ἀπαιδείαν καὶ
αἰτίαι
ἐπιστήμης.

* Lib. xiii.
cap. xxi.

* Lib. ii.
cap. xi.
* Obtemperatio & fides.

funes aduersi: & regrediantur etiam per eosdem
 proni. * Seneca: Elephantem minimus Æthiops iubet
 subsidere in genua, & ambulare per funem. Suetonius
 Nerone: Notissimus eques Romanus elephanto insidens
 per catadromum decucurrit. id est, per funē in theatro
 extentum; interprete Dione de hac ipsâ re: Καὶ ἐλέ-
 φας, inquit, ἀνέχθη ἐς τὴν ἀνωτάτω τοῦ θεάτρου ἀψίδα, καὶ
 ἐκείθεν ἐπὶ χοίρων κατὰ ἑγχεύ, ἀναβάντων ὁρέων: Elephas
 ad superius theatri fastigium conscendit, atque illinc per
 funes decucurrit sessorem ferens. Quod genus specta-
 culi primum exhibuisse Galbam, qui postea Imp.,
 Suetonius idem monet: Prætor, inquit, commissione
 ludorum Floralium nouum spectaculi genus, elephantos
 funambulos dedit. Et quæ frons vltra obduret contra
 tot & tales testes? Atque hæc tantâ curâ & intentione
 discunt/ id quoque valet ad vim testâdam & in-
 dolem acrem animi: vt sæpe deprehensi sint noctu
 vetur dictata sua ruminantes & meditantes. Plutar-
 chus cum Plinio mihi auctor, quemdam tardioris
 ingenij, & verbis verberibusque malè sæpe acce-
 ptum, inuentū ad Lunam gestus illos & motus præ-
 scriptos exercentem. Grandia hæc, grandia: tamen
 de illis artibus quid dices, quæ non nisi propriæ vi-
 dentur humanæ mentis? Legere aut scribere, quis
 ab homine seiunget? ego: nisi si elephas inter eos.
 Nam is quoque scribit. Rides? time potiùs. æmulus
 mi Hautene repertus muneris tui, & tuæ artis. Plin-
 ius è Muciano clarè affirmat: quædam Græcas litte: as
 pingere didicisse, eaq; linguâ scripsisse. IPSE EGO HÆC
 SCRIPSI, ET SPOLIA CELTICA DI-
 CAVI. Et Philostratus: Scribunt igitur, atque tri-
 pudiant, & ad fistulam saliunt. Quod si hos duos te-
 stes eleuas (herè ita memini) * Æliano quid facies,
 qui oculis suis id spectasse panè per oculos suos
 iurat? Vidi, inquit, ego ipse quemdam in tabulâ litteras

* Epistolæ
LXXXVI.* Lib. I.
Var. cap. 11.

* ἀποφύσας
ἀγὰ ἀποφύσας
ἐως.

* Cap. II.

* Lib. I.

cap. XI.

Romanas promuscide scribentem, * rectè & non contortè. Quinetiam cum scriberet, oculi eius cum rigore deiecti in tabulam erant: vt planè intentos diceret & scriptitantes. Sed iam concludam hæc de artibus, insigni & nimis certo exemplo, cuique milleni aliquot oculi spectatores: munere, quod Romæ publicè dedit Germanicus Cæsar. * Plinius tangit, & magis vbertim narrat * Ælianus: exque iis ego. Ludis igitur illis, Tiberio Principe, duodecim elephantis theatrum inducti sunt siue Circum, induti floridas & histrionias vestes. Ac primum ad vocem Magistris diuidebantur in diuersas Circi partes, inter eundum molli & saltatorio gressu inundantes: iterumque ad eandem vocem coibant, & efficiebant saltatorium quemdam orbem. Sed & flores spargebant, & corollas, & ad cantum terram pedibus leniter & numerosè pulsabant, & omnia præstabant quæ peritissimi ludiorum. Iam iidem (quod insanum mirum) docti mensas accumbere, cibum potumque sumere, parcè, modeste, ordine, humanum in modum. Lecti erant humiles (agnoscis Romanum ritum) instrati purpurâ & auleis: mensæ ad eos, vario & dapsili instrumento: disposita pocula aurea, argentea, minuta, grandia: cibi in lancibus, panis, caro, fructus. Ecce ingressi duodecim elephantés, sex mares, totidem femina: illi togati, hæc stolata. Decore & verecundè in lectis se reclinant, mensam accumbunt. tum signo dato (non enim antè) in mensam promuscides siue manus suas extendunt: summâ modestiâ cibos capiunt, delibant. non voracitas vlli in iis, non auaritas visa, non maioris meliorisve parvis appetitio, præreptio. denique cum bibendum, pateram pueri porrigebant: ique promuscide eandem gemaliter hauriebant & { iucundæ porioni hoc adnezum) reliquiis vini circumstantes aspergebant, velut cotabum facientes. Hæc meis verbis tēxui, sententiâ germanissimâ Æliani. Et effare. potuistine spectaculum magis ad Gratias, ad Venerem, ad Naturam?

ram? cu
id mil
gas. At
nisi mi
ego. Q
emican
modi
sagacia
et phas
du de di
to fraud
admon
sacram,
parat: di
mans, c
Ctenus
ra & re
idemtia
ollam ei
iecit. S
nem sup
spectan
vrbe Coc
rit. Mag
dii per
cibi non
ararium
aufert, f
dos bella
Elephas
ium ab
cum illo
homo sua
claudere
nam ille

tam? cui utinam his oculis arbiter paullisper ego!
 id mihi ante omnes theatrorum opes, luxum, nug-
 gas. Atque hæc nisi promptissimi cuiusdam & acu-
 tissimi ingenij signa sunt, tardus valdè & cæcus
 ego. Quid illa, quæ non à doctrinâ insita sunt, sed
 emicant & subsiliunt naturæ ipsius sponte? Cuius-
 modi spectata in iis sæpe, ad prodigium usque,
 sagacia & acuta. Quale illud * Plutarchi: In Syria^{Libello,}
 elephas quispiam alebatur. servus curator additus, cœpti-^{perit, &}
 die de dimenso subtraherebat, & dimidio belluam malo fur-^{zav.}
 to fraudabat. Fors fuit, ut hero præsentem cibum daret: &
 ad mensus igitur est totum. Elephas ut iniuriam diu sibi
 factam, quæ posset, detegeret, accuratè hordei partem se-
 parat: dimidium sibi servat, altero repulso, quid nisi cla-
 mans, callidissimo inuento, illud diarium sibi ha-
 ctenus fuisse? Alius (refert idem scriptor) cum rude-
 ra & terram magister ad explendam mensuram pabulo
 idem idem misceret: fraude fraudem hanc ultum iens, in
 ollam eius carniū plenam, è foco correptum cinerem in-
 iecit. Sed exemplum quod ab Acoštâ, fidem om-
 nem superat, etsi scriptum ex fide. Palàm enim &
 spectante populo res gesta est. Elephantis cuidam in
 vrbe Cochī ad horam cibus non oblat. Queritur, & bar-
 rit. Magister excusat, & vas æneum eius cibarium osten-
 dit persuens & pertusum: causam hanc moræ esse, quòd
 cibi non ultrà tenax. iubet igitur, si esse velit, ad fabrum
 ararium ferat reconcinnandum. Ille paret, pronus cide
 aufert, fabro offert. Faber siue per negligentiam, siue lu-
 dos belluam faciens, infideliter reparat atque obstipat.
 Elephas refert, herus vitium videt, & indignatur. inclamat
 illum absentem, hunc præsentem: denique redire iubet
 cum illo ipso vase. Facit. & fabro querulus impingit. Ille
 homo suavis iterum imponere conatur, & ad moto malleo
 claudere rimam simulat, non claudit. Nec tamen imponit,
 nam ille catus lebetem resumptum ad flumen defert, im-
 mergit,

mergit, & aqua implet periculi faciendi causâ. Videt effluere. Plenus igitur irarum ad fabrum recurrit, inonatur magnâ voce. Confluunt vicini, & inter eos Vicarius regis. Faber blandis verbis demulcet (nescio an ultra audeam dicere) belluam: vas denique sumit, & resingit probe atque ex fide. Sed ille ne tum quidem fidens, iterum ad flumen, & ad haustum, dum contineri aquam videt, verit se ad adstantes & ostendit, velut testes eos aduocans in hoc factum: ita demum abiit domum. Quid ad dam? nec verbum: quia reuera datus sum in stuporem. Et cur iam *Æliano non credam, qui iure optimo duplex cor tribuit tam cordatis? Sed satis ad ingenium ista: redeo ad Plinium meum, qui suggerebat

• Lib. XIV.
cap. VI.

Memoriam.] Ea autem pars tam magna in hoc animante, ut homini non dicam nihil cedat, sed eum excedat. Vnum exemplum vetus dabo, pauca noua. Michaël quidam Glycas inter Græcos, Annales scripsit haud improbè nec indecenter. Is in parte primâ prodidit: Elephantum quemdam cum in Circum deduceretur, sedentem in foro ad Milliarium aureum Magistrum ferarum, subitâ irâ atque impetu interfecisse. Causam non aliam violentiæ fuisse, quàm quod ante annos totos decem, eodem illo loco, idem magister, eundem elephantum ferro percussisset. quam iniuriam tot annos recondens, tunc demum iuisse vltum. Aliud ex Acoftâ: Miles quispian in vrbe Cochin elephantum, per lasciuiam, in fronte putamine nucis percusserat: grandem illam Indicam intellego, quâ incolæ Coccum appellant.) Elephâtus putamen studiosè tollit: illud, atque iram, recondit. post dies plures, in viâ quapiâ publicâ obambulantem militem conspicit. accedit, & elatum ex ore putamen, promuscide suâ acriter in illum coniecit. tum exultabundus abiit, quasi talione illâ iniuriâ probè vltus. Iterum ex eodem: Miles elephantem in eâdem vrbe cum rectore obuium

obuium ha
contum
prohibet
(id vrbe
Cum rect
tollit, nec
tiens flum
que lufum
hominem
fuit co
rem & vi
etiam in b
hi suggeri
illo & sole
cla. Eugie
infantem
oblitum sa
te ades. E
expectim
mile rectu
curiosè, sa
sum sum e
tur veteri b
infantis ma
tus obtuler
apud eum
qui admo
Amore.
mo & Rat
quidam A
amor, pro
tus. Sed a
se nobis.
est illius q
ualem. Vi

obuium habuit. noluit decedere. elephas suam & rectoris contumeliam id interpretatur: ulcisci tamen à rectore prohibetur. Post dies aliquot, in ripa Mangata fluminis (id urbem alluit) militem fabulantem otiose repperit. Cum rector non adesset, corripit illicò hominem, in altum tollit, nec precibus nec clamore adstantium motus, aliquotiens flumine merfit, alienans subinde & demittens. Cumque lusum eum satis diu lussisset, contentus hac vindictâ, hominem vita sua iam dissidentem, rectum & illa sum desistit eo ipso loco unde sustulerat. Sed hæc in deteriorem & vindicem partem Memoria exempla: ecce etiam in beneficam & benignam. Acosta idem mihi suggerit: Elephantum in urbe Goâ fuisse, qui annuo illo & solempni furore correptus catenas abruperit & vincit. Fugientibus omnibus, seruum quempiam qui vnius infantem dominicum gestabat in ades properè irrupisse, oblitum sarcina quam deposuerat in illâ trepidatione ante ades. Elephas adest. mortem omnes & obritum pueri expectant. Ille contrâ, manu sua leuiter attollit, in humile tectum, quod e regione adium, collocat, respectans curiosè, satine puer illic sine damno. Dein furibundus cursum suum exsequitur. Id datum omnes interpretabantur veteri beneficio; quia mulier earum adium domina & infantis mater, elephantum trãseunti sapius panem aut fructus obtulerat. Et alia quædam legere tibi fas, si lubet apud eundem Hispanum. Ego in Plinio pergo, qui admonet

Amor.] Quod ipsum iure mirum. Nam sicut Sermo & Ratio homini peculioria videntur, sic certi quidam Adfectus. Inter quos auarus ille & varius amor, proleni tormento, soli huic animantium datus. Sed abnuat elephas, & hac quoque parte sociat se nobis. Serio enim amat. Trita & nota * historia est illius qui Aristophani Grammatico præbuit se riualem. Vterque enim Alexandria in Ægypto corollariam

quampiam

* Narrata
Plinio c. v &
Plutarcho,
in libello
πὶ τῶν
ζῴων.

quampiam amavit . nec minus studij aut ingenij elephan-
to fuit ad declarandam & mitigandam suam flammam,
quàm illi acuto & litterato . Forum, in quo ea desidebat,
crebro adire : adfistere, suspirare; pom. i aut flores offerre:
manum intra sinum blande penetrare : & ea omnia, quæ
Venerens aliquis nepos . Alia similis in * Eliano . In
Antiochiâ vrbe Syriæ, elephas inter cicures more suo ad
pastiones iens, vidit forte mulierem haud inscitam, pari-
ter corollariam . Vidit, periit . Asidius ille apud eam;
promuscide faciem, manus, lambere, tergere ; & qua-
cumque poterat, blandiri, insinuare . Quin & illa red-
mauit, corollas & flores aliâsque amoris illecebras sæpe
offerens . Cum perseuerasset mutuus hic amor, mulier ec-
ce ad plures abiit. elephas desiderium non tulit, nec men-
tis suæ ultra compos datus est in furorem . Sed & ho-
nesti fidiq; amoris non deficient me exempla .
Habe vnum . * Antigono regi elephas femina fuit . Eue-
nit vt in obsidione opidi Megarensis, puerum pareret vxor
Indi elephantistæ . Is suâ linguâ commendat infantem
inter bellicas turbas elephantini (ita nomen eius fuit) Nicææ .
Capit illa sero in fidem : & omnia officia exhibet, quæ piis-
sima aliqua nutrix siue mater . Infaus ante pedes eius de-
poni debebat, nisi fieret ; cibum non capere, iram omnibus
signis ostendere & dolorem . Gaudere contrâ, eo adiacen-
te : & tum cumas mouere ad oblectandum, aut somnum
conciliandum ; tum ventilare & pellere muscas, quod fa-
ciebat sanè scitè, arundinis ramum promuscide suâ moti-
tans . Atque hæc officia interdum etiam vsurpabat elephas
maritus . Pergit Plinius, & addit

Glorie cupiditatem .] Qui sanè ipse affectus ho-
minum proprius : & inter eos, animæ cuiusque ma-
ximè sapientis . Exempli eius in hac belluâ pluri-
tu vnum vetus à Plinio cape, nouitium alterum ab
Acostrâ . Plinius : Erat, inquit, Antiocho regi elephas, cui
(ita enim hominum canumque exempla distinguuntur)
nomen

Lib. vii.
cap. xliii.

* Athenæus
lib. xiii.
cap. xxx.
Aelianus
lib. x cap.
xliii.

nomen Al-
& velut
tendum e-
nunciatu-
qui prior
hoc eleph-
mito igitur
gaudent,
ci. At mas
tunc etiam
tem & non
tem infir-
anem con-
Infigant
te, qui id f-
tur, tanto
riam illa
Sed prob-
iungit m-
etiam in
Probita-
nequid sci-
hominem
Innoxium
probe me-
vt nemini
adimit, ol-
irrites & i-
ad lædend-
illis pietas
rorem inte-
cerint sele-
venatorib-
di, malint
diores & i-

nomen *Aiax*. Is dux plerumque agminis, generosus, celsus,
 & velut rex in regio illo grege. Euenit vt flumen transmi-
 tendum esset, reuult infelix, & mala sua sorte *Aiax*. Pro-
 nunciatum enim illud a Magistris, Principatum eius fore
 qui prior transisset. Intellexit, & arripuit *Patroclus* (&
 hoc elephanti alteri nomen) fluuiumque transmisit. Prae-
 mio igitur donatus est; phaleris argenteis, quibus mirè
 gaudent, ornatus, & velut in possessione positus principis lo-
 ci. At *Aiax* noster propter ab hoc *Vlisse* circumuentus, fa-
 tum etiam quàm potest, illius veteris exsequitur: & mor-
 tem ignominia preferens, inedia se confecit. Acocta au-
 tem inquit: In litore vicino ubi *Gorae* tormentum grande
 aneum commouendum erat. conatur *elephas*: non potest.
 Instigante magistro & duos iuniores elephantos ostentan-
 te, qui id facerent nipse faceret: iterum iterumque cona-
 tur, tanto nisu, vt medius illico creparet. En! dum glo-
 riam illam praeceptum alteris iuit, miser sibi vitam.
 Sed prosequitur laudationem suam *Plinius*, & ad-
 iungit magis alta. Est enim, inquit, elephantis, quæ
 etiam in homine rara,

Probitas.] Ergone virtutes elephantis? virtutes. vt
 nequid scilicet ad perfectum, omnibusque numeris
 hominem, desit. Et de probitate, planè verum est.
 Innocium enim, pudens & pudicum hoc animal:
 probe mentis, probi oris. Vis ei vt omnibus noceat;
 vt nemini, voluntas. Homini occurrit? * vitam non. *Plinius*
 adimit, ostendit viam. Feræ alteri? transit. Quin nisi cap. 11. 14
 irrites & impugnes, nec in Arenâ quidem excitabis
 ad lœdendum. In magistros rectoresque suos mira
 illis pietas. * quos aliquando per calorem aut fu- * *Scrabo tra-*
 rorem interfectos, ita luxerunt, vt inediâ interfe- dit, lib. 1. v.
 cerint sese ipsi. Eadem in natos: quos, * virgentibus * *Aelianus*
 venatoribus adeò non deferunt, vt millies capi, ca- lib. vi. cap.
 di, malint, quàm ipsos. Adde reuerentiam in gran- xv.
 dios & senes. quibus de * loco, de potu, de cibo * *Aelianus*
 iuuenes ibid.

iuvenes concedunt, bonæ suæ Naturæ legibus, non Lycurgi vllis minis adducti. Adde pudorem, & castitatem. quia non nisi occultè & filius tecti coeunt, & sanè rarerent. Nam quod Plinius, & ex eo Solinus prodiderunt, *non amplius quam semel parere, nec plures singulis*: validè refutat ratio. quia si vnus saltem è duobus: iamdiu, minuenta numero, defecerit id genus. * *Ælianus tamen vsum Veneris semel item iis tribuere videtur. Sed ea ex Aristotele hausta, malè aut lecto aut intellecto. Nam * ille hoc tradit: Marem quam semel inierit, non vltrà tangere. interposito tamen triennio coitum repetere, sed nimirum in aliâ. Faminam vterum biennio gerere, parere singulos.* Strabo etiam de initu eorum & partu, magis cautè & verè. Adtexitur in Plinio

Prudens.] Quam non dilato, satis mihi in Acumine & ingenio dictam & doctam. Ostendunt tamen & hanc propriè in Acie instruendâ, in tardandis secutoribus fracto abiectoque dente, in flumine transmittendo. quæ apud Plinium, Philostratum & *Ælium* vide. Sequitur

Æquitas.] Quam in se. quam in aliis amant. In sese, exemplum à Petro Bellonio narratum Clusio nostro. In Asiaticâ, inquit, peregrinatione nostrâ hospitium diuertimus medio iam die, & acri astu. In comitatu nostro elephas erat: in hospitij stabulo viatoris alicuius asinus, quo ipse vectus. Comedebat fortè hordeum, magno illo ingrediente: qui famebat. Itaque stimulo illo impulsus, asinum pellet, ipse hordei reliquum auidè inuadit & vorat. Superuenit mox elephantî dominus, dimensum suum hordeaceum, de more, elephantî offert. Ille, spectante hero & ipso Bellonio, memor iniuriæ & rapinæ, reparatum statim it, & diuiso in duas partes promiscide suâ hordeo, alteram asino procul stanti & mus-

* Lib. viii.
cap. xviii.

* Lib. v.
Hist. Ani-
mal. cap.
xiv.

& mus-
partes co-
plius, re-
nas etiâ
plicem
ratore T
mecharu
nam: u
transfigu
gulo tegit.
cinefitem.
probo. M
Fassi mag
tum futu
præsepe el
phantum
illuc traxi
tum non
impossesse
Religio
fu. Lustr
* Plutarch
nouam, Pl
gionem,
prætereun
hoc tradid
Hautene,
fectibus,
etiam diu
animante
M
D
additque
amplius,
mæ, inquit

& mussanti offert. Atque ille & iste suas deinde partes edūt. Vis equius aliquid aut iustius? sed amplius, retegunt scelera, amore isto Iustitiæ, & alienas etiā iniurias vlciscuntur. Historiam Æliani duplitem te non celo. * Narrat Romæ euenisse, Imperatore Tito: vt vxor elephantista malo iure cum altero
*mecharetur. Videt elephas, non fert donum hanc iniuriam: irruit, & in ipso complexu, vtramque dentibus transfigit. Denique prouidē ita copulatos relinquit, stragulo tegit. & cum dominus aduenisset, stragulo reuēto facinus ostendit, & se vltorem. Hoc pro magistro, sed probo. Narrat * iterum in illum, sed improbum. Fa-
 sse magistrum elephantis, qui adulteraret. nec contentum furtiua libidine, vxorem suam clam sustulisse, & ad præsepe elephantis sepelisse, alterā illi mox inductā. Elephantum hoc scelus tacitum non habuisse. vxorem nouam illuc traxisse, & cornibus pedibusq; refodisse cadauer, tantum non rebus ipsis mulieri inclamantem, cui, & quomodo, innupisset. Extrema laus est*

* Lib. 2. cap. xv.

* Lib. 11. cap. xvi. 24

Religio.] Quam veteres omnes tribuunt consensu. Lustrari aquā, orientem solem ab iis adorari, * Plutarchus & * Ælianus mihi auctores: Lunam nouam, Plinius, & * Ælianus. Sed & hoc ad Religionem, quod mortuos è suo genere sepeliunt, & prætereuntes iniiciunt humum. Ælianus ille idem hoc tradidit libro 1. cap. XLIX. Homines ecce, mi Hautene, elephantis feci; Sermone, Ratione, Adfectibus, Virtutibus præditos: quid superest, nisi vt etiam diuinis? Diuinant enim. & Oppianus de hoc animante dixit:

* Libello, πόντος. * Lib. vii. cap. xlii. * Lib. 11. cap. x.

Ματιχὸν ἐν στήθεσιν ἔχειν κέαρ.

Diuinum cor habere in pectore.

additque præscire eos fatalem suam horam. * Dion
 amplius, scientiā eos ornat celestium rerum. ἡδὴ γὰρ
 πῶς, inquit, ἐκείνο ἔπεν, ὅτι αὐτοῦ τῆς φωνῆς τὸ πατριώ-
 & mus.

* Libro xxxi. 24

ἡ δὲ αὐτὴ ἐπαίρει, καὶ οἱ ἐν τῷ ἑσπέρῳ ἡσυχάζοντες σιωποῦν.
Quidam hoc etiam aiunt, eos, præter quod sermonem pa-
trum intellegunt, scire etiam quæ in calo gerantur. Sed
inter quosdam illos, ne te fallam, non ego. Habes
lulum, natum non importunè mihi ex hesternò lu-
sū & ioco inter vina. cui ut seria multa & vera in-
esse nihil ambigo, ita quædam maiora vero: nec vs-
quequaque in his talibus veteres illos Fidei litasse,
facile tecum credam. Quis enim tam magni oneris
sit, ut quidquid illi imponunt, vehat? Nec tamen
mali quidpiam in istis, etiam falsis: quia innoxia
mendaciola sunt, & volente deo Rifu nata. Qui se
te non aspexit dum hæc legis; iam nunc me impo-
nente licet vsurpes cognomen prisce illius Crassi.
Iterum salve.

EPISTOLA LI.

IANO LERNUTIO S. D.

IPsum pectus mihi commouit series malorum,
quæ es passus. Heu homines, quid sumus? quid
speramus? Atque ego sub idem illud calamitatis
tuæ tempus, nescio quo instinctu, in Saturnalibus
meis adfinxeram orationem tibi de incertis casibus
vitæ. Sed benigno Deo gratia, qui concussit te, non
deiecit: ostendit vulnus, & non impressit. Vtile
enim, mi Lernuti, utile, admoneri nos interdum à
summo illo Principe & imperij illius, & fluxæ no-
stræ conditionis. Nempe quid est homo? lutum, ut
ille ait, scitè mixtum. quid vita? hæmina vna san-
guinis: quam quilibet levis casus rumpit, quælibet
febricula corrumpit. Solus animus & eius actiones
æterni. Vides pulcherrimum hoc mundi corpus?
ruet aliquando. Vides hanc Belgicam nostram?
iam ruit. ne indignemur interitum aliquot homi-
num,

num, ci
Saturn
partem
aliquot
etiam t
lim ad
edition
constat
nos. Ne
ut Gran
gicæ vni
cent isti
est; quid
loca sub
rum nob
dæ. Na
iis qui p
Vale m
tem, si
me ex a
nostrum
penetra
e veterne
lendas Fe

DE
ne
moration
seruari a
P. Egmo
vel nunc
diffimul

num, cūm cadauera futura sint cæli terrarūq̃ue. Saturnalia nostra credo te accepisse. primam dico partem, quæ de Gladia. oribus. Nam reliqui sunt aliquot libri, De Venatione, & Circo: in quibus etiam tuus sermo. Iudicia vestra liberè, liberè, velim adscribi: vt mutemus, si quid tale erit, iteratâ editione. Iubebo enim, si otium aut valetudo mihi constar simul excudi omnia quæ ad ludos Romanos. Nunc molesti mihi quidâ nomine Ordinum, vt Grammaticam conficiam, quæ legi possit in Belgicâ vniuersâ. Ride, si sapias: & vide quò me vocent isti. Apud vos miles, vt audio, & tubæ. Si ita est; quid si expediat te ab eâ vrbe, & secedas in hæc loca sub Neptuni regnum? Nam terrestres dii, parum nobis æqui. Cautè id fiat tamen, & circumspicere. Nam & apud nos nescio quid turbellarum, ab iis qui pax deberent esse mundo: at illi fax sunt. Vale mi suauissime, & aut me expecta sub æstatem, si quies illic; aut ego te, si hîc. Vxorem saluta à me ex animo, & tua pignora dissuauia. Victorem nostrum silere ita miramur, vt suspicio sit ne & ille penetrauerit ad loca silentium. At tu cum saluta. & è veterno excita. Salutat te Dusa, Hautenus. x. Kalendas Feb. ∞. IO. LXXXII.

EPISTOLA LII. *Romani.*

FRANCISCO BENSIO S. D.

DEV M ego testor. vir optime, vt in solo nomine tuo lecto exsilij: quanto magis in commemoratione amoris, quem integrum inuiolatumq̃ue seruari apud te cognoui! Ita enim ad me scribit P. Egmondus: quem certum mihi, amatum antea, vel nuncij huius causâ, magis amare. Non enim dissimulo. verus & vetus mihi in te adfectus est.

G hæresq̃ue

haeresque mihi in arcano isto penetrati. Genus vitæ mutasse te audiui: quod salutare tibi futurum omnino confido. Et reuerâ, mi Bensi, quid hæc humana sunt, nisi iactationes & fluctus? in quibus nihil firmum sit, nisi ad anchorâ ea alliges verâ Pietatis. A me quoque abiit illa iuuentus: & vna mihi hæc cura, ut quidquid hoc est æui, in virtute & seriis iam studiis traducam. Publicè id testari cœpi: & edidi nuper De Constantiâ libros duos, qui pietatem (nisi fallor) aliquam præferunt, etiam priscæ Philosphiæ velo. quos ad te mitto, non ut inspicias modò, sed iudices: & liberè me moneas, si quid exorbitans in iis aut minùs rectum. Nec amantis adfectu iudicabis, sed ut apud Pindarum est,

* Βυλαῖς ἐν ὀρταῖς Παδάμαρτο.

• Sententiæ
veteris & ri-
gidis Rha-
damanthi.

Hoc omnino peto. M. Antonium Muretū (ex animo dico) amo æstimoq; . minus promptè id ostendo, quia quædam in me ab illo non amica. Ita enim moneor litteris multorum. Quo meo merito? nam ego te iudicem non defugio, qualiscumque ea est, litis. Tacitum edidi. quid ergo? an illius? quæ hîc iniuria est, si campum eundem Famæ decurri, sine fraude? Sed mihi iam ista non magna: & reuerâ pudeat me verba consumere in talibus rebus. Nati ad maiora & meliora quædam sumus, & ego & Muretus. Quém tu quidem à me salutabis, & animum hunc illi firmabis volentem semper eius & amicū. Ita me posteritas amet siue æstimet, ut ego illum. Constantiam nostram ut cum eo communices, volo siue iubeo: cuius exemplar etiam à me expectet. iam enim receditur. De Amphitheatro ante paucos dies edidi: & mittam. Tu quæso me ama, & interdum solare & erige in his turbis & cōfusione rerum. ix. Kalend. April. ∞. Io. LXXXIV. Si quid ad me voles, mittes tutò ad Plantinum.

EPISTO.

CAYS
tinu
motu ani
bar: quan
stimonio a
te certè vo
consensum
stri & natu
leat; non a
cere, simu
nes, qui id
delata olim
deo; & qu
sed utriq
deos deas
inter nos
iam nunc v
& de vitâ a
titus ad te
tis & sanet
peccatum v
ut sic dicar
mus amici
En ego ille
nec amore
Te ut eum
& signata e
dem & exa
in Barauis
Kal. Decem

EPISTOLA LIII. *Romani.*

M. ANTONIO S. dico.

CAUSSA mihi scribendi nata ex tuis ad Plan-
tinum litteris: quas cum gaudio vidi, cum
motu animi legi. Vel in manu tuâ conspectâ latabar: quanto magis in hoc animo, & tam insigni testimonio amoris? quem si à quoquam mortalium, à te certè volo. Ita adolescens iudicaui, ita nunc, consensum quemdam esse conspirantis iudicii nostri & naturæ, qui ad coniunctionem, quæ sô te, valeat; non ad æmulationem, aut, quod pudet me dicere, similitatem. Et fuere tamen improbi homines, qui id sperarent: à quibus alia quædam ad me delata olim, non nego: sed vana, falsa, vt nunc video; & quibus caput, homines non profesti solum, sed vtrique nostrum infesti. Ea, per communes deos deasque, obliteremus mi Amice: & beneficiis inter nos certemus, nō querelis. Electorum librum iam nunc vulgaui: paro Saturnalium sermonum, & de vitâ ac scriptis Annæi Senecæ. quem nec inuitus ad te miserim, quasi vadem amicitia coeuntis & sanescentis. Et si quid in eâ ægrum? nec aliud peccatum vtrinque, quàm cessatione, & amicitia, vt sic dicam, inusu. Quod ipsum emendemus. Viximus amicissimè vnâ, viuamus porro & moriamur. En ego ille, cuius ingenium & os coram probasti: nec amorem absentis requires profectò aut fidem. Te vt eundem sperem, faciūt paucula, sed impressa & signata epistolæ tuæ verba: quæ ruminor idem ridem & examino, vt solent amantes. Vale. Lugduni in Batauis, ad magnum & sine terminis mare. I I I.
Kal. Decemb. ∞. Id. LXXXI.

C 2 EPI,

EPISTOLA LIV.

ABRAHAMO ORTELIO S. precor.

* Immensâ
mensurâ.* Caudâ
blandiēs suæ
adulans.* Crater
malorum.

PER fidem, Orteli, ut tu utrimque largus es, & amando, & donando! Miseram ad te nescio quid munusculi nuper, Amphitheatrales meas nugas: tu rependis illicò & reponis, sed verum amplumque donum, THEATRUM tuum. Ad tutelarem Prætores ibimus? Profundis enim tua, & quidem valdè * ἀμέτρη μέτρον: cum pro libello. libios; pro ludis, ieria: pro orbiculis Arenarum, diffusum istum terrarum Orbem admetiris. & cum ipsum in triumphali veste, purpuratum auratumque. Quid censes? donis magnis capi me? non magis quàm numina (si comparare fas:) quæ ut voluntatem solam in oblationibus metiuntur, sic ego. At ea in te magna: & idèd munus tuum iure mihi magnum. Utinam hic quoque animus aliquà tibi liqueat! in quo acris flamma, sed per nullam occasionem erumpendi, adhuc clausa. Quod vereor, mi Orteli, ut breui quoque vestræ urbi sit. Quæ enim istæ pontium moles, quas audimus? aut quid parat novus ille Xerxes? Non ego * κέρω σάων, cum Aristophane: sed maior profectò est & prudentior opinione nostrâ ille Princeps. Hoc ipsum opus quanti animi est? prisca, & Romani. Ac compedes profectò Poliorcetes ille iniiciet indomito vestro Scaldi, nisi quid subueniant filij isti Neprunini. Batavos & Zelandos dico. qui tamen lentè accurrunt, nec ut ad socialem flammam. Heu * κρατὴν χαλῶν! & falsa vobis vita, si aufertur hoc salum. Quid suadeo igitur? fugam, sed non ab urbe, mi Orteli, aut solo patrio; tantùm à vulgo. Ad Constantiæ nostræ asyllum te voco, & ad arcana illa Sapientiæ templa.

Cuius

Cuius te
sardum
Salus mi
grata: qu
strant Ge
remitte. V
sum & pu
ad nos
tres. si tib
lem. De
ua. ad eò a
quin ipse
ram. Ad S
mittes. &
iv. Kal. J

VER
ptio
me index
otio gaudi
nem tuam
cupationi
mum si co
stare hun
pleno or
mihi pot
quàm me
ta, scripsi
benigni
beris, & i
Wilti, ho
deatet sc

Cuius tectum si semel subis & penetras, tectum ego
 sacrumque te habeo ab omni vi, ab omni hoste.
 Salus missa à Dudithio, Cratone, Monauio, mihi
 grata: quæ tres stellæ in vnâ iam vrbe, valdè illu-
 strant Germaniæ illum tractum. tu quoque à me
 remitte. Viuiani nostri poemâ vidi: valdè mihi ter-
 sum & probum. Sed Itinerarium vestrum quando
 ad nos? Ne preme. & quod boni prouidique pa-
 tres, si tibi obsideri visum, emitte saltem hanc pro-
 lem. De* Chirio Fortunatiano, indagatio tua no-
 ua. ad eò autem mihi ille non visus, vt nec auditus.
 quin ipse vltro peto, si alicunde eruis, concede vsu-
 ram. Ad Scottum nostrum scripsi. en litteras, quas
 mittes. & amorem nostri non dimittes. Lugd. Bat.

IV. Kal. Ianua. ∞. IO. LXXXIV.

EPISTOLA LV.

HENRICO WILTIO. S. D.

VERE existimas, officium mihi fuit tua scri-
 ptio, imò beneficium: quia & amoris tui in
 me index, & diligentiæ, quam intermittere à te in hoc
 otio gaudeo, non dimitti. Adde amicam inuitatio-
 nem tuam: cui quòd hoc tēpore non pareo, ab oc-
 cupationibus meis est, non à voluntate. Nam ani-
 mum si consulo, reuerâ ambit esse isthic, & regu-
 stare humanitatem vestram, quam anno superiore
 pleno ore hausi. Sed ita conditio mea est, vt mos
 mihi potiùs alienis cupiditatibus gerendus sit,
 quàm meis. Impedimenta, quæ defubitò mihi na-
 ta, scripsi ad Pollionem: nec hîc iterò. Itaque quod
 benigni creditores solent, voluntate meâ sustenta-
 beris, & illam nunc accipies in solutum. At te, mi
 Wilti, hortor (quod in extremâ epistolâ tuâ pru-
 denter scriptum) cogites, quàm in præcipiti cursu

*Scriptis de
 Imp. olim,
 & exempla-
 ria in Italiâ
 edita, sed
 perpaucæ

ætas tua sit: nec facile facturum te messem, si in hoc iuuenili vere neglexeris facere sementem. Sementem dico, & virtutis, & doctrinæ. Ad vtramque enim te voco. quòd hæc sine illâ, damnoſa: illa sine hâc, parum decora aut ornata sit. Aures tuas sæpe inſonet illa Democritici, vt opinor, laudata vox: * *πολυτέλειτον ἀνάλωμα χρόνῳ*. Vt in flumine vnda vndam trudit, nec vnquam reuocas elapſam: ſic in tempore dies diem, nec reparas amiſſam. Cogita, & vale. Parens tuus à me ſaluebit, & noſter Canterus. Lugduni Batauorum 111. Idus Sextiles.

∞. Id. LXXXII.

EPISTOLA LVI.

CONSVLIBVS ET SENATV
ANTVERPIENSI S. D.

NOBILISSIMI & Ampliſſimi Domini, Munus accepi, non meo munere, ſed ſplendore veſtro dignum. Pretium in eo reſpiciam, ſiue artem; omnia eiufmodi, quæ animum veſtrum abundè declarent, & quæ me deuinciant nouo vinclo. Cuius ſi non ſoluendi, at laxandi ſaltem aliquo genere officiorum, vtinam facultas mihi vnquam ſit! Intelligeretis proſectò æſtimare me munera poſſe, & accipere: non tam propter ipſa, quàm eos qui adfectu tali dederunt. Ingenuè dico. Aurum illud aut argentum nihil me mouet, aduerſus talia ſatis firmum: mouet prolixa hæc veſtra humanitas, quæ omnia non impetrare ſolùm à Lipſio poteſt, ſed imperare. Valete Ampliſs. Coſs. & Senat. urbemque veſtram regite inter hos fluctus, præeunte & gubernante ſupremo illo Nauclero. Lugd. Bat. 1V. Idus Ianuarias. ∞. Id. LXXXIV.

EPISTO-

* Sumptuoſiſſima in-
ſura temporis.

Et lit-
verum
me ſilenti-
tam amic-
miſiſti in
litteris eti-
near felici-
ingenioque
maſtitiâ
vt ſolali-
video no-
dium ho-
mus: vici-
miſerant
tum it iu-
ne feram
tudinem
quid miſ-
Vale. Lugd.

EPI

Ne c-
der-
In vrâque
niſi liber-
cherimus
& atteſto
righi ſolū

EPISTOLA LVII. *ultraiectum.*HADRIANO VANDER-
BURCHIO V. C.

ET litteras tuas nunc accepi, & nuper carmen. Vtrumque gratū mihi fuisse scire debes, etiam me silente: quidni enim testimonia hæc à pectore tam amico? At tu etiam Valerium Max. vltro submisisti in quo priuatim mihi, & publicè non nihil litteris etiam contulisse te, re (spero) ostendam. Maneat feliciter hic cœptus amor inter nos, qui Genio ingenioque non dispares; & his solatiis utamur in mæstitiâ publicâ temporū & infelicissimi æui. Nam ut sol aliquis alius tenebras & turbas istas pellat, video nondum. Ligna & oleum ad miserum incendium hoc Belgicæ suggerunt passim. & nos ardemus: vicini alij rident, spectant; alij miserantur, sed miserantur tantum. Deus scilicet ille est qui punitum it iure veterem nostrum luxum. feramus; aut ne feramus, emendemus. De munere apro ad valetudinem meam firmandam, habeo gratiam. ego quid mitam? animum & verba: cetera immunis. Vale. Lugduni Batavor. v. Kal. Febr.

EPISTOLA LVIII. *Amstelrodamum.*

MART. LYDIO. S. mitto.

NEC epistolâ tuâ quidquam mihi potuit accidere gratius, nec admonitione siue censurâ. In utrâque amor tuus elucet: in hac magis. quam nisi liberè in amicitiam admittimus, tollimus pulcherrimum eius fructum. Ego de meo sensu noui & attestor, libentissimè me sicubi deflexi, non corrigi solum, sed corripì: certè cùm de animo mihi

constat corrigentis. quem totum candidum purumque in te scio, mi Lydi, & famæ ac salutis meæ amantem. Itaque nec exultatione nec tergiuersatione istâ opus: quâ (verè dicam) gratiam admonitionis corrupisti in parte. Ego enim me ab amicis non blandè amari velim sed fortiter id est, vt viris ac sapientibus est dignum. Sed de notâ ad verba illa paginæ 66, * Constantiæ meæ: sententiâ meam breuiter sic habet. Cùm ea scripsi, ad peccatum & ad malum respexi: quod Deo sanciente & præscribente euenire. durum mihi videbatur dicere. Fateor eam vim esse Prouidentię diuinæ, vt nihil in minimis maximisque eueniat, quod à filo illo non pendeat: tamen cautionem cautissimam in verbis & effatis adhibendam censeo, vulgi inprimis causâ. Itaque Damasceni verba hoc sine adiunxi. Nam *αἰὲν ὄντων, αἰὲν ὄντων, αἰὲν ὄντων*, ratione quâdam distinguui ab hominibus, & causâ hominum, non ignoras: nec temerè dixerim, Peccata euenire Dei præfinitione. Nec tamen certamen hîc mihi vllum tecum: sed rem altam, intricatam & vereor vt homini semper obturam, sic explico. Definitum à Deo omne agnosco, quidquid euenit: trepido tamen dicere, peccata ipsa. quærum fontem à solâ malâ voluntate nostrâ esse censeam, suprêmâ illâ voluntate permittente. Exempli causâ. In Tarquinij adulterio, in cædibus ab Herode innocentum, duo specto: factum ipsum & crimen. Factum à Deo definitum fateor & comprehendendo sub fatali illâ lege: crimen, quod soli voluntati inhæret, non videor fateri posse, sine iniuriâ Dei. Causam omnium rerum diuinam volûtatem statuo, omniumque euentuum etiam si mali sint: at non causâ causæ mediæ, quoties ea mala. Alias quomodo effugimus, vt non auctor ille sit mali? vt non adpro-

bator?

* Lib. 1.

cap. xx.

Vidit, non

cogit: scilicet,

non sanxit.

&c.

bator? Ita
huc acco
zerno, p
omnia qu
crimina
tum in i
satis habe
nia non p
respectu
non potue
fatebor fo
hanc ineff
motæ & æ
riculi inu
tem scrip
mei scrip
eriam est
les. Non
indicia, s
psi si qui
admoner
me Herol
vbi leger
scio an ha
nes, & val
bis impe
mæ: 31
rum: ta
mentis. I
substitu
alio etian
Kal. Dece

bator? Itaque ea quæ ex * Actis aptissimè adducis, ^{* Acta Apost.}
 huc accommodo. Mortem Christi dest. natam ab æterno, ^{c. 11. vide.}
 æternam, prod. tionem Iudæ ab æterno, m. diaque
 omnia quæ ad salutare illud opus ferrent: sed non
 crimina adnexa ipsis factis, quibus fundamen-
 tum in impiâ tantum voluntate. Quod si tamen
 satis habemus generaliter & vniuersè dicere, om-
 nia non præscia solum à Deo. sed præscripta, hoc
 respectu, quòd illa ipsa facta sine peccato euenire
 non potuerunt: ego non pugnaciter pugnauero, &
 fatebor fortasse (cùm omnia examinauimus) vim
 hanc ineffe cathææ illi & nexui Prouidentia im-
 motæ & æternæ. sed differi tamen ea in vulgus, pe-
 riculi inuidiaque plenum exitum: vulgo au-
 tem scriptus meus liber. Habes strictam mentem
 mei scripti. Tu si quid aliud obseruas. aut si quid
 etiam est in quo ambigis, valdè à te peto ne me ce-
 les. Non delictabunt me solum eiusmodi iudicia &
 indicia, sed docebunt. In istis ipsis quæ nunc scri-
 psi si quid aberro, dirige: reipsâ videbis, me non
 admoneri solum posse sed emendari. De misso ad
 me Heroldo, habeo gratiam. remittam cum fide,
 vbi legero. Quamquam de Germaniâ Taciti, ne-
 scio an hac editione emoliar accuratè. Occupatio-
 nes, & valetudo & Typographi festinatio sæpe no-
 bis impedimento. Quod pag. eiusdem Constantiæ
 meæ 131. in margine positum est, * *Danius adulte-*
rum: facile obseruasti peregrinationem esse meæ
 mentis. Itaque velim pro eâ notâ hanc in libro tuo
 substituas, * *Quâ populum ambitiosè recensuit.* quod
 alio etiam monui. Vale Lugduni Bataur. xii.
 Kal. Decemb. 60. Id. LXXXI II.

EPISTOLA LIX. *Antuerpian.*

CORNELIO PRÆNIO S. D.

LIBROS hos de Constantiâ cùm ad Senatum vestrum, Vir Clarissime, mitterem: valdè peccassem, si non ad te vnâ. Nec enim Senatus solùm ipsius magna pars es: sed & mei, qui amo te, qui abs te amor: nec cùm Antuerpian veni, facilè peccatus reperio magis promptum in me aut pronum. Ad-
do & causam tertiam, quia prudens tu & doctus: cuiusmodi lectore. imò iudice, opus mihi in nouitio hoc scripto. Parum enim adhuc tritum istud ad Sapientiam iter: nec scio an ipse id peragrauerim vsquequaque pede recto. aut si; an aliis videbor. Sæculum enim & mores non ignoras, quamque in re quæ pietatem tangit, varij hodie sensus & dissensus. Non sententia, sed verbum aliquod à calente calamo anceps fugiat: ecce calumniarum subitus & magnus ignis. Quæ caussa abstinuit me, fateor, ab altiori in situ in sacrarum illud rerum mare. quò materies alioqui & ingenij ventus vocabant: sed repressit hic metus, & ad nauigare insilitus. Elephantas aiunt, etsi annibus impensè delectentur, haud temerè tamen eos ingredi, cùm inscij sint natandi: idem in Theologiâ mihi. quam amo, quam æstimo; & tingo salubribus eius aquis libens animum non tamen mergo. Quæstionum enim vortices illos horreo: iisquæ ne inuoluatur, adfideo & obambulo saltem eius ripas. Et hinc tamen haurio & ex tuto sumo, quæ ad vsum. Nam acumina aut dissertatiunculæ quid iuuent? Quod ille de Virtute censet, rem eam esse non verba: iustius ego de Theologiâ. cuius verum seriumque finem censeo, Vitam. Vt melior, nō vt doctior fiam,
sacra

sacra illa
ut acuat
nisi amb
et quiqu
formis
nia tam
præter
quod sc
Sed hos
hoc mun
ames, illu
missum.
hi amicu
ego qui l
resurgere
tij valetu
uero. luv
ni Bata
LXXXII

D o

D
su
expecto
di. Nam
habet, qu
plector vi
sine labe
sum dele
deri. N
è pector

sacra illa volumina tango: vt pectus instruam, non
 vt acuam mentem. Procul à me isti, qui alti & sub-
 nixi ambulant, * μέγας πνὰ ἢ ἔστ' ἀνθρώπων σοφίας σο- * *Maiores,*
 φει: quique, quod Socrati obiectum olim, * ἀπειργά- *quam pro*
 ζονται ζήσῃτες τὰ τε ὑπὸ γλῶττι, τὰ ἐν πλάτῃ. Et cū om- *homine, sa-*
 nia tamen subtilis ingenij alā peruolarint; miscelli, *pietiam sa-*
 præteruolant ipsi sese. Reliqua sciunt: illud vnum ** Satagunt*
 quod scitu necessarium est nesciunt, vt se sciant. *inquirentes,*
 Sed hos mitto. te Vir amicissime quæso, vt gratum *et quæ terrâ*
 hoc munus animumque nostrum habeas: & istum *calum supra*
 ames, illud examines. quo fine præcipuè scito à me
 missum. Siquid alibi aliter dictum: hoc magis mi-
 hi amicus, quò liberiùs monueris. quia inter eos
 ego qui labi & errare possunt, sed & inter eos qui
 resurgere & emendari. De Amplissimi Torren-
 tij valetudine & statu; gratum mihi si per te cogno-
 uero. Iure nobis carus, rarus ille vir. Vale. Lugdu-
 ni Batauorum xviii. Kal. Nouemb. ∞. Io.
 LXXXIII.

EPISTOLA LX.

Leodium.

DOMINICO LAMPSONIO,

Leodiensi Episcopo & Principi à

Secretis, S. D.

DI v est cū scripturio ad te, Vir clarissime.
 sustinui me dum scriptum illud promissum
 exspecto, materiem scilicet vberiore respondendi.
 Nam lata & læta illa epistola, quid ferè aliud
 habet, quàm adhortationem & laudes? Quæ ample-
 ctor vtraque, quia in iis amorem tuum agnosco,
 sine labe, sine fūco. Non merui. quid refert? hoc ip-
 sum delectat, talibus viris & iudicibus meruisse vi-
 deri. Non enim fallacia tua verba, sed prompta
 è pectore, & vt ille ait * ἐκ ὁρεων μυχῷ. Itaque calcar ** præcop-*
 mibi *diorum pe-*
netrali,

mihi addis ad decurrendam reliquam hanc viam: quod detrahunt mihi sæpe iudicia quorundam, qui *θεολογῶν*, vt volunt, *παύει*. Misceri enim hæc nolunt: & satis esse puram illam à Christo doctrinam sine mixtione vllâ Sapientia humanæ. Nec acriter iis sanè pugnem: nisi quòd nescio quomodo apud homines vim aliquam habeant & iuuent etiam ista externa. Quis veterum Theologorum Philosophiam spreuit vsurparunt imò & Græci & Latini, sed suo quodam fine. Ego ex vsu non iuuentutis solùm nostræ, sed generis humani putem, trahi & conduci omnia ad metam hanc pietatis: modus teneatur tantùm, & vt hæc diuinis litteris seruiant, non vt contrà. De Amphitheatro, philologum aliquid nuper edidimus: & exemplaria mitti iussimus ad Clariss. Torrentium, vnâ tecum. Nunc feriamur: nisi quòd Taciti Commentarium recensemus, & in quibusdam refingimus, sed leui manu. Ximeno tuo, imò nostro, velim à me multam salutem dici. quem virum olim penè puer Colonia vidi & audiui, sed nunquam pernoui. Doleo, & excitor, non in amorem solùm eius, sed amplexum: ita multa à multis audio de sincerâ illâ & doctrinâ & pietate. Tu si mihi interpres & conciliator amicitia illius es, magno me beneficio deuinxeris. Otho Venius à nobis abit, sed inuitis: insignis moribus & arte adolescens, & cuius manus vsui mihi esse poterat ad multa Antiquitatis illustranda. Eum commendatum tibi tamen commendo. eram mei quem scire cerò debes tui ex animo amantem. Salutat te I. Doufa. Lugduni Batavorum Prid. Kalend. Iun. ∞. 10. LXXXIV.

EPISTO.

EPISTOLA LXI.

THEODORO LEEWIO *Consiliario S. D.*

HAVTENVS noster ad te venit: cui utinam ego comes! Sed valetudo validè verat: quæ semper anceps, nunc acerba, tenet ligatque me domi. Alioquin in votis mihi prorsus te videre, te solari, & officium exhibere quod cuiusmodi tempora exigunt ab amico. Litteris id feci antea: sed nescio quomodo momentum hîc magnum habet frons ipsa & ipse vultus. Euripides non vanè mihi visus scribere, Nô serenitatem nautis gratiorem in tempestate aduenire, quàm lugêti amico amicum. Sed & hoc breui, ut spero, fiet. interea mi Leewi firmare quæso paulùm, & frigus illud tenebrasque dolorum calface & illustra ad Rationis solem. Ante omnia novitatis opinionem hanc exue, quæ luctui tuo malè fauet. Miserabili, inquis, genere mortis periit, & quod luctu municipium omne nostrum complevit. Scio, & adfectu aspectuque primo ipse misereor: sed hîc quoque paulùm te attolle, & secerne à vulgo. Quid illud miserabile? cùm omnia circumspexeris, Mori. Varia ad illam metam via fert, cliuosa, plana, brevis longa: eadem tamè omnibus quies, cùm peruenêre. Tua per difficilem partum, & velut per nimbos fluctusque delata est in Beatum illum portum: delata ramen. & præteritus labor adèd non grauis illi nunc, etiam gratus. Tu tantùm ne misereare, imò nec mirare. Scilicet id genus Fati non cadit in hunc sexum? non communis ille omnium prægnatium timor? Imò non crebriores alios sermones audias, si in concessum aut conuentum venias muliebrem. Attamen hic nostrum omnium error: cùm triste aliquid accidit, etiam si

etiam si non nouum, habere id vt nouum. Per circumstantias quasdam augemus, polimus, & velut fucum ac lenocinium circūponimus dolori. Peruersi mortales! contrā oportuit: & in omni casu oculos flectere ad communem disperfamq; legem. Non Hagam solū aut Batauię hunc angulum intrueri, aut quid pauculis ibi annis gestum sit: sed diffundere cogitationem per sola hęc terrarum. Conditionē tibi pono. Iure non lugebis solū, sed indignabere vt in nouo fato: nisi alibi terrarum, hac ipsā horā, idē ille aut acerbior casus. Et tamen cur peregrinēre? reperies exempla eadem, si quæres, in finitimis istis locis. Quamobrem exsurge, & contra leuia ac luforia hęc Doloris arma, arripe vera. Quid vita, quid mors, quid fatum sit, seriō cogita: scio placari posse implacabilem etiam dolorem. Quid enim hęc vita, quam eripi lugemus? ludibriorum scēna, miseriarum mare. per quod vt maximē ex voto tibi feratur naui, tamen in multis scopulos impingas, multis vadis obhærescas necessum est. Quid ipsa mors, quam timemus? requies, gaudium, & vera vita. aut siquid in eā malī, malis tantū. Quid miseraris traductam ad hanc, optimam matronam, & per fidem salutis suę velut certam? Iam Fatum quid? eterna, ab eterno, in eternum, dei lex: quam aded non abrogare fas, vt nec obrogari ei liceat aut derogari. Si ab æterno & immobilis: stulte, quid cum Necessitate pugnas? hoc vnum vinctes, vt pluribus plagis contusus vincare. Si à deo: impie, quid quereris? Culpare non potes aliquid malum aut acerbum in eo & ab eo, qui Bonitas & Benignitas est totus. Naturam eius si exprimere vales, non melius aut magis proprium expresseris, quā per eas voces. Mortua igitur tua est? debuit. illo tempore, illo fati genere? debuit.

Lex

Lex ita lat
acumina h
Quin nos
necessariō
mur. Le
reniti. C
est, qui i
igitur, b
oculisque
amori nos
Sed & pue
nunt, idq
bis. Hęc
uaberis, l
remoto ter
ra me Hau
men amo
ctus. Vale

I R A S E
Luer vll
me, sed si
rum roga
inter nos
nullum m
suspicer?
fuisse: non
totā fronte
da. Ego te
lassēm. A
vnius illi

Lex ita lata : quam frustrâ sollicitant & exagitant
 acumina hodie ingeniorum . non enim mouebunt.
 Quin nos, qui sapimus, pareamus potiùs ; & quod
 necessariò patiendum est, etiam libenter patia-
 mur . Leuamentum aliquod miseriarum est, non
 reniti. Cur autem renitamur ? Non Deus solùm
 est, qui ita de nobis statuit : sed & pater. Salutare
 igitur, bonum, prosperum : quidquid sensibus
 oculisque nostris aliter videatur . An illi curæ aut
 amorì nos esse non putas ? magis quàm nos nobis.
 Sed & pueris parentes multa præter votum impo-
 nunt, id quæ tutelæ aut salutis causâ : item ille no-
 bis. Hæc mi Leowi seriò discute & bona fide. le-
 uaberis, si ostium pectoris semel Rationi aperies,
 remoto repagulo isto vulgarium opinionum . Plu-
 ra me Hauteni discessus verat addere : iubebat ta-
 men amor, qui magnus mihi in te semper & san-
 ctus. Vale. Kal. Martiis. ∞. Io. LXXXV.

EPISTOLA LXII.

AMICO cuidam S. D.

IRASCI debebam mi **, si possem. Tu ne vt
 iter vllum susceperis, non dicam sine comite
 me, sed sine conscio ? Hoc verum fuit ? Pectus
 tuum roga : non dicet id esse pro veteri ille & fido
 inter nos amore. Caput meum hoc tango & testor,
 nullum mihi caput carius fuisse tuo . Quid autem
 suspicer ? arcanam aliquam causâ huius consilij
 fuisse ? non inquirò . & si ea aperienda mihi non fuit
 totâ fronte, saltem vestigiis & sub personâ ostēden-
 da. Ego te in meis rebus tale aliquid nunquam ce-
 lassẽm . An subito hoc tibi natum, & per mortem
 vnius illius viri ? Hoc potius ciedo : quia reuera
 causâ

causæ tibi temporanei alicuius secus hinc non
in usæ. Noui collegas tuos scio quibuscum res &
confusa miscenda fuerint: homines & actiones, pa-
rum ad tuum stomachum aut ad nostrum. Interea
tamen (quæso hoc volens audi à volentissimo tibi
amico, nec nos omnino eam rem elandi eramus,
nec certè vxor: quæ misera se adflctat. Quamquam
nos solamur & erigimus: certi non aliud latere sub
hoc instituto tuo, quàm secessum aliquem ab his
turbis. Tamen mulieres nosti: (etsi tua sanè pru-
dens, & mariti e. animo amas) & linguas siue ma-
las siue vanas. Quibus, oro te, in tempore medere:
& ad nos redi qui manere tecum parati abire, pæ-
nè dicam perire. omnia, vt ferent res & tempus.
Quæ enim tibi causâ eximij alicuius consilij, aut
singularis? Confusio hinc & discrimen? scimus: sed
& animum tuum nouimus nihil horum metuen-
tem. Denique inter homines istos dum viuimus,
obiecto vitam etiam instituiamus humanâ hac &
communi viâ. Pax aut bellum erit? communiter
consilium aliquod capiemus, quod faci huic at-
temperemus siue bello. At ego tanquam seriò scri-
bo, & quasi monendus mihi sis: quem liquet vsur-
passe hanc professionem animi causâ: etsi cum
angore aliquo tuorum. Quibus etiam, mi **, con-
sule. & ad suauitatem conuictus illius nostri redi,
sine quo tenebræ nobis in mediâ luce. Verè dicam
etsi vulgariter, Vita sine te nobis non vitalis. Res
adhuc hinc quietæ: sed Brabantia tamen & Flandria
raptantur, vt audire te credo etiam istic. E Galliis
litteras iam bis accepi, & quædam in iis noua, vt de
Re accipitrariâ carmen, subtilis & nouitiæ inuen-
tionis. Veni & vide, & (quod Constantiam tuam
meamque decet) ride. cur enim non spernamus
hæc circumfusa & externa, iure iis altiores? Nobi-
lis. VV.

lis. VV. I.
saluta à
eos non v
omnibu
breui te
nus nost
fuit, ad
epulis, si
uorum x

E

A

PERI
doler
Nihil en
adfectu
bant: qu
At tuæ i
his molen
largiter a
pondus c
amo mag
rum con
his septu
singendi
bis. exen
commo
lud Belgi
obsident,
nauæ ad
pendet ia
Quamqu
tia nostra

lis. VV. Philippum Sidnæum, & Dierum. si vides, saluta à me quæso: & iis indica, per te stetisse quòd eos non viderim tecum. Certè enim inuitis meis omnibus iuissem. Tui valent: vale & tu, & fac vt breui te videamus expectatum. Salutat te Haute- nus noster, qui hilariter herè apud me in prandio fuit, ad funus Melioris. Inuideas illis exsequialibus epulis, si in tam albo pectore liuor. Lugduni Bata- uorum x. Kalend. Septemb. 66. 10. LXXXIV.

EPISTOLA LXIII. *Lutetiam.*

AUGERIO BVSBEQVIO

Cæsaris Legato, S. D.

PERISSE litteras meas nuperas ad te, minùs doleo, quòd de officio meo tamen tibi constat. Nihil enim in iis magnum aut serium. hoc tantùm, adfectus mei & cultus significationem contine- bant: quem à iudicio susceptum, constanter seruo. At tuæ istæ litteræ, quàm mihi grata, & in mediis his molestiis iucunda! Præter enim amorem (qui largiter appâret) etiam grauissimi testimonij tui pondus continent & iudicij de meis scriptis. Quod amo magis, quàm probo: quia mihi virium mea- rum concius ego sum, & modicæ laudis. Fuimus his septimanis aliquot in Taciti Commentariis re- fingendis, & nouis quibusdam attexendis, vt vidè- bis. exemplar enim Antuerpiâ iussi mitti. si tamen commodè id poterit per has turbas. Nam caput il- lud Belgij à corpore nostro semi-auulsum. Ripas obsident, & tormentis aditum nauibus arcent: etsi nauæ adhuc perrumpunt. Nobis mutatio non im- pender iam, sed adest: faxit ille Deus vt in bonum. Quamquam hæc sunt illa, aduersus quæ Constan- tia nostra nos armauit: quæ hoc saltem mihi pro-
H fuit,

fuit, quodd ab eâ scriptione impressum animo meo
 sensi aliquod robur. Plures hîc imperant. nec vidi
 eam rem benè vnquam cessisse in bellis. Discidium
 etiam animorum præfagio, & motus fortassis in
 ipsâ plebe. Nobis tamen decretum patriam non
 mutare, si mediocris aliquis in eâ status. si nullus,
 & si confusio tantum & raptus: quæcunque terra
 dederit nobis aliquam sedem. Nec enim liberi præ-
 grauunt, & sola mihi vxor. Ianum Gulielmum
 commendaueram tibi superioribus meis litteris,
 adolescentem, si quid video, probi ingenij, animi,
 iudicij. Ei si quid benignè facere potes aut dicere,
 quæso ne grauere. Ex istâ iuuentute non est alius,
 de quo melius sperè. Itineraria tua Plantinus si ac-
 cipiet, eder. nos quaecumque augmentum auidè
 expectamus. De Thraseâ meo polièdo cogitabam,
 vereor vt tempora permittant. Quidquid tamen ea
 permittent, mihi certum conferre ad hanc melio-
 rem curam: & quod in me est, fugitiuas virtutes
 retrahere in nostrum æuum. Valdè me huc incitat
 etiam tua admonitio, & votum, quo honorificè
 nimis epistolam tuam claudis. Vale Amplis. Do-
 mine. Lugduni Batauor. x. Kalend. Septemb.
 ∞. Id. LXXXIV.

EPISTOLA LXIV.

Leodium.

LAVINO TORRENTIO

V. amplissimo S. D.

ITA Salus aliquando seridè me respiciat (nam ha-
 ænus quidè m adit, abit, & vacillat) vt mihi in-
 signi gaudio imò robori sunt tuæ littere, tam aman-
 ter ad Plantinum de me scriptæ. Te noui, me noui:
 & hoc scio, hu nc tam prolixum adfectum non me-
 ruisse à tali viro. Quid dicam? me meaque offer-

LXXV

rem & addicerem, nisi iam pridem addicta tibi, nexu quidem & vincolo, quod non nisi atra mors rumpet. Commentariunculas nostras semestris hic morbus valdè tardauit: morbus, qui per interualla duxit me ad Fati limen, & reduxit. Nec nunc optimè: etsi in optimâ spe, vt medici volunt, & iam in abscessu atque inclinatione sit morbus. Absque eo, iam & Suetonium meum haberes (meum? imò verè tuum, cum tuo integro Commentario, meis tantùm ad oram Notis: præterea, votum tibi & dicatum:) & Dialogos nostros De Rectâ institutione iuuentutis, quibus sermonis partes do Philippo Lanoyo & Papio nostro. Amo enim & amaui rectissimum ingenium adolescentis, dignissimi hac virâ, nisi meliorem ei Deus destinasset. Plura iubet amor meus. imò ardor: vetat languor, & serum hoc diei, quo litteræ tuæ conspectæ nobis. Excusa. & apud Dominicum Lampsonium item nostrum, cui cis paucos dies vbertim scribam. Officij enim aliqua cessatio apud me per hos menses, non amoris: qui mihi æternus in tales virós. Vale, & salueat à me Lauincius tuus. Lugduni, vt volunt, Batauorum. Postrid. Kalend. Ianuar. ∞. Io. LXXXV.

EPISTOLA LXV.

Lugd. Bat.

BONAVENTURA VULCANI,

Vir & collega amice,

CALLIMACHVM, Bionem, Moschum, iam nunc à te accepi: vno partu trigeminos, rarum & felicem ingenij tui fatum. Publicâ causâ (verè dicam) tibi debeo: priuatâ magis, quia duos ex iis mihi inseribis, hoc est, immortalem me facis. quo quid homini ab homine maius dari potest?

H 2

Viuent

Viuent enim amœnissimi poëtæ illi, quamdiu Musæ: & cum iis tuus labor: & cum labore tuo in eum nomen, quod Musæo illi peplo intexuisti amicâ & doctâ nimis acu. Gratiâs agam aut habeam? referre malim. & tamen verbis quoque nunc dicam, sed paucis & fidis. Emptum me tibi hoc munere, mancipio tuum. & addo improbi hominis priscas illas voces, sed probè & sinceriter: *Quid concupiscas, tu videris: quod concupiueris, certe habebis.* Libros nouitios, quos è diuite bibliothecâ tuâ prompseram, per hunc puerum recipe. De ** Collectaneis iudicium quæris? illud Iuliani scitum profero: * *ἐγνων, ἀνέγνων, κατέγνων.* Magis ad gustum meum Conuiuialia Stuckij, ex eâdem gente, non ab eâdem mente. Firmiora hîc omnia & lectiora. De Sigma, quod obiter quærebas & videras, ille nihil noui: fortasse nûc ego. Nam quæ in Antiquis scripsi, vacillantia aut falsâ. Nô enim Sigma antiquis Biclinium propriè, vt sensi ego: non diæta aut cænatio tota, vt Cælius: non mensa ipsa, vt Brodæus: sed nisi falior, certa in cænatione pars scorsum erecta & exstructa ad recipiendum lectum. idq; hemicycli aut lunatâ formâ, quâ littera illa Græca passim hodie in lapidibus & priscis libris. Suggestum, inquam, quoddam ligneum (siue quâ meliore materiâ, non impedio) semirotondum: in quo perpetuus vnus lectus, ad sex septem conuiuas recipiendos. Quod velut dimidiatum triclinium repertum inferiore æuo, ad facilem & magis aptum vsum. Ab Apuleio hîc mihi prima lux, & à me illi. de Psyche, lib. v. *Vsq; struim proximo semirotondo suggesto propter, instrumentum cænatorium rata refectui suo commodum, libers accumbit.* Non nominat Sigma, fateor: sed auribus oculisque ingerit quasi nominasset, ita clarè. Semirotondum suggestum ponit, & Instrumentum

* Vidi, legi,
damiani.

tum cænatio
quàm hoc
forma. R
broloæuo
bro 1111.
Imperator,
sueiudicem
temporibus,
bant. Solum
ceteris emine
lerim ad Sig
rem, quod f
sami ipsam
discis. par
illâ, quâ al
rium & ad
quancquam
eam solam
deo scrip
sibus disci
Non
Aff
Ita omnino
nominat, &
Hibernum
Comi
Mose
Vbi Locan
tam capien
locatur in tu
aut Stuckiu
ambigo, qu
in Apuleio
tudinis casu
flexu à Scæ

tum cœnatorium appellat. quid capere aliud est, quàm hoc Sigma? Triclinij enim certè non illa forma. Radium mihi etiam aliquem, etsi à tenebroso ævo scriptor, allucet Ditmarus Episcopus libro 1111. Chronicor. De Othone Imperatore: Imperator, inquit, antiquam Romanorum cupiens consuetudinem renocare, magnâ ex parte iam suis delectant temporibus, multa faciebat quæ diuersi diuersè accipiebant. Solus ad mensam quasi semicirculum factam, loco ceteris eminentiore sedebat. Quod libens item tertulerim ad Sigma: sicut illud ad Principalem morem, quòd solus, quòd loco eminentiore. Sed mensam ipsam ad Sigma, lunatâ item formâ fuisse hinc discis. parte dico eâ, quâ conuiuas tangebatur: nam illâ, quâ alios, fuerit lineâ sanè rectâ, ad ministerium & adstitutionem puerorum scilicet aptiore. Et quanquam de mensâ hîc Ditmarus: non tamen eam solam venisse in id nomen (eruditissimo Brodæo scriptum:) peruincit Sidonius, qui in his verbis discriminat clarè:

Non tibi gemmat is ponentur prandia mensis,

Affyrus murex nec tibi sigma dabit.

Ita omnino lego, non *Sigma*, vt vulgò. Idem alibi nominat, & ostendit duplex fuisse, *Æstium* & *Hibernum*.

Cominus aspicitur vel prima vel extrema turris:

Mos erat hic dominis hibernum sigma locare.

Vbi Locandi verbum refutat item Calium, Diæram capientem ipsam. At ea non transfertur, non locatur in turre. Cetera, quæ huc faciunt, aut ego aut Stuckius iam diximus. De Antecænâ etiam ambigo, quòd ad vocem. Macrobius sanè ita: sed in Apuleio & Isidoro tuo Antecænium, siue multitudinis casu Antecæniam reperio. quidni rectè, quo flexu à Scænâ Proscænium: Ille libro 11. sic: *Prorsus*

H 3

gladia

gladiatoria Veneris antecena. Alter lib. xx. Merenda est cibus qui de linante die sumitur: quasi post meridiem edendus & proxima cena. unde & Antecena à quibusdam dicitur. nisi si hîc utrobique Antecena reponenda: quod haud temerè putem. Salve iterum mi Vulcani: iterumque tibi à me gratiæ. quas promam semper & recondam; habebo æternum & debebo.

EPISTOLA LXVI. Luteri. am.

IANO GVLIELMIO S. D.

SEPRIO Ægrotabam, mi Guilielmi, tamen expressit amor ut scriberem: non miraberis, si paucis. Hepatis enim acer nec sine discrimine morbus est, qui me septimanas iam aliquot adfligit: quam partem ad vitam eiusque munia principem esse, non ignoras. Litteræ tuæ nuperrimæ suaves, celasti in iis me de Epistolâ in Sigoniam, quam missam tamen è Britannîâ vidi. Gaudeo conspirare te mecum: cuius iudicium super eâ Consolatione credo te iam vidisse. Sed tu, sodes, cur non acrius paullo egisti hanc causam? Debebas. & sine adpectu illius, quem nimis attollis, fallē huius prolis patrem. Agnosco stilum, disiectum otiosum, lentum: & illam (audeo apud te dicere) Sigoneitatem. Quid sibi volunt Itali? Transalpinos omnes esse fungos? Scilicet nemo nostrum inter olerum illud diiudicet, & Tullianam myrrham. De Re Accipitrariâ novitiæ & acutæ inuentionis carmen accepi: legi mihi iussi per hunc ipsum morbum, placuit. Gratiæ quæso à me auctori & datori nuntia. cuius mihi laudes gratæ, eò imprimis. quòd iunxit me laudatissimis illis viris. De P. Fabro: gaudeo mihi impositum. Tamē scripseram etiam aliquid ad Cuiacium.

cium tu purga. Tacitus noster prodit, & nouæ ad Historias reliquosque libellos Notæ. sed Notæ tantum. plura valetudo vetuit, & hæc turbæ, quæ rerum & mansionis nos faciunt incertos. Saluta Brifsonium, Memmium Scaligerum, & tu salue quidquid me erit. Constantia nostra iterum prodit, cum Præscriptione aduersus quosdam, qui in *ἀπερίεργα* Critica omnia nostra imprimuntur vno volumine iunctim, quibus noua quædam addemus, si valeo & viuo. Lugd. Bat. xiii. Kal. Octob. ∞. Io. LXXXIV.

EPISTOLA LXVII.

IACOBO CUIACIO Ic. S. dico.

SÆPE mihi de te sermo Cuiaci clarissime viro-
rum: apud te adhuc nullus. Hoc pudor vetuit:
illud iussit amor & admiratio tui. quæ non apud
me solum, sed apud omnes in quos scintilla aliqua
diffusa lucis melioris. Et eualuerunt tandem hæc
duo, vt abrumperem ingenitum mihi modestiæ
vinculum: & iter ad amicitiam tuam struerem, sine
vllis cuniculis, apertè. *Perit enim procari, si latet, aie-*
bat ille: & sæpe iam litteris nec vnus nec vnus, spes
imò fiducia mihi facta mutui tui adfectus. Quæ
non me faller: si noui humanitatis veræ genium,
qui spirat in tuis scriptis. De rebus meis si in hoc
aditu amicitiae aliquid quæris: cetera commo-
dè agimus, nisi quod inter eos, quibus rerum
bonarum non magnus sensus. Bella etiam & tu-
multus, quibus inuoluimur, fieri non potest quin
interdum & tangant nos & angant. Si de stu-
diis: Commentarium Cornelianum vulgamus ite-
rum, sed pleniorē. addimus enim in Historias &
adiunctos libellos. Vtinam autē fas polire mihi eum

præsentis tui limâ ! Quia non licet, velim tibi animus otiumque sit vel per litteras dirigendi me, corrigendi. Labimur enim, Cuiaci, in hoc genere ego alijque: & illa tua velut propria laus, exacta certaque esse quæ semel ex adyto tui pectoris profusa. Paramus etiam de Amphitheatro seu Venatione libros tres, ut fiant legitimi Saturnales quinque. Nescio quid prætereâ in Liuius nuper exorsus: quod pergam detexere, si auxilium mihi paullo firmitus librorum. Duo tresque apud me sunt: sed quasi de compacto consentientes. Tu, Vir maxime nostri aui, si dignum me habes quem redames, quem rebus item tuis consiliis (de litteris loquor) participes, in cælo me collocabis nouâ apotheôsi. Ios. Scaligerum quem scio me tantum amare quantum tu, & quantum te liberè enim addo,) ex animo salutes velim: cuius libros De emendatione temporum auidè, auidè exspectamus. Nisi ambitiosum sit, includam in eandem salutem magnum Brissonium, Puteanum, Fabrum, Pythæosque, viros clariss. & idè mihi quoque famâ notissimos. *Amare autem liceat, si potiri non licet.* Vale Vir clariss. Lugduni, ut volunt, Barauorum. 111. Non. Octobreis.

EPISTOLA LXVIII.

THEODORO LEEWIO *Consiliario S. D.*

DISTVLI ad te scribere, Vir Clarissime. non libens. Morbus meus hoc fecit, qui non sine discrimine etiam nunc me vexat. Ego fero: & acquisitissimo animo exspecto illum diem, quo Imperator hoc corpore, imò carcere, me soluet. Obstructiones sunt quæ me tenent, internæ inflammationes, nescio quæ arcana alia symptomata, ad quæ medici ipsi trepidant & caligant. At non ego. scio hanc legem

gem vniuerso humano generi datam: nec magis mirum aut nouum mori hominem, quàm nasci. Denique quid est quod in sæculo hoc me teneat aut delectet? Publica video: pessimè habent. Priuata: etiam in iis suæ cruces. Melonem nostrum tibi gratum fuisse, mihi gratum. Sanè bonos & eximios aliquot habui hoc anno. sed quid? ego, velut Tantalus sitit inter suas vndas, esurio inter medios melones. Nec gustare quidem mihi fas, ob hunc morbum. Constantiam nostram recudit Plantinus. pauca mutata aut addita præter Epistolam, quam videbis. Exemplar Latinum Seb. Gryphio nostro dabis, cui ex voto debeo. Belgicum vxori tuæ seruiet: si tamen hæc ad sapientiam illius sexus. Sed tu, si tanti est, interpretando iuuabis. Ego te illamque saluere ex animo iubeo. nam longior scriptio mihi non facit. Valete vterque. Leidæ, 1^æ. Septemb. .∞. 16. LXXXIV. hodiè paullo rectiùs valere visus sum.

EPISTOLA LXIX.

MARTINO LYDIO. S. D.

VALDE me, Lydi, de scriptiunculis meis vrages: utique de Thraseâ. quod nollem. Cur enim ea tanti? & si essent, non certè differrem, si otium aut vires mihi tempora darent & hæc valetudo. Quæ nunc quidem (deo magno gratia) præter spem melior: sed infirma tamen ancepsque: & quam fouere ac vegetare per quietè debeo, quàm meditatione aut scriptiione infringere. Paratus sanè magnâ ex parte Thraseas, fateor: sed limam tamen expectat & extremam illam manum, quæ mihi quidem maximè in labore. Cetera enim imperu & calore quodam scribimus: iudicij hîc res

H S

est, &

est & acrimoniam, & intentionis. Materiam ipsam vide, grauem, seriam: an præcipitanda tibi ea videatur, & in pugnam aut aciem vocanda mea fama? Futurum id enim certè in rebus illis sublimibus, nisi omnia non benè solùm dicta, sed etiam cautè. Sæculum hoc noui, contentiones & variantes sententias, quæ ubique vigent. & vt veram liberè maximè exprimam (non enim vnquam deterrebor:) videndum tamen vt verbis & tempore id faciam opportunè. Festinare in alio quouis scripto possim fortasse & debeam: hîc non nisi maturare. At de Agellio, ecce magis me tibi facilem. Etsi enim H. Stephanus iam nunc cum dedit: tamen non spicæ mihi solùm multæ, sed fascēs reliqui, quos carpam ex Attico eo agro. Itaque Plantino vltro iam locutus sum: nec differemus, si cursum typographiæ eius non sistent aduersi isti venti. Nam Antuerpia si amittitur, optimi viri res in arcto: nec facile de sumptibus expediat aut papyro. Quamquam id quoque curabimus. Sed tu mi Lydi, quando in Frisiam? Gratulor enim tibi hoc otium, non otium: honestum tibi, vtile futurũ iuuentuti. Meo voto & electione iam pridem tibi is locus apud nos fuisset, & Doufam habeo crebri iudicij huius mei testem. Sed Deo aliter visum: qui te meq; ad salutem foueat & firmet. Vale Vir amicissime. Lugduni Batauorum. .IIII. Kalend. Iul. cc. Io. LXXXV.

EPISTOLA LXX. *Brugas.*

VICTORI GISELINO S. D.

ITANE litteræ à Victore? tandem, tãdem. Quod in gaudio improviso, vix credidi ipsè meis oculis cùm legerem, manibus cùm tenerem. Itaque verè scribis, pro bono tibi cessit peruicax cessario: quia

quia in morem abisse videbatur, & defisti flagitari. Imò præscriptio tibi iam pænè proderat (si Iurifconsultus esse vis) nisi hæc interrupisset scriptio. Sed vide vt non specimen solùm emendâdi nobis præbeas, sed re emendes: nec gustum modò, sed rectam plenamque cœnam. Aliàs, quò arêti mihi & sitienti pauculæ istæ guttæ, si venam tu iterùm interclusurus es huius suauitatis? Sed non facies: quia non vltà ego facilis in ignoscêdo, vel te auctore. Quòd si iram etiam meam contemnes: quid? quid? Veniam videlicet ipse. & iterùm te mihi adserâ subtractum non bonâ fraude. Trellæo illi dij omnes beneficiant: qui adiutor tibi, vt opinor, & interpres honestissimi muneris. Sed ad carmen eius suadésne rescribam? nec enim hominem satis noui aut mores. De scidis reciperatis, noua & mira. Sed siue illum pœnitentia (nō enim pudor) furti subiti: siue cum apud quem deposita: tibi quidem ex animo gratulor de receptis. Vide, vt te vnâ cum illis. Nam certè, mi Victor, indignantur iam pridem nostræ deæ desertas se à te, illo militiæ suæ principe olim & antesignano. Purga: & ostende emanationem hanc fuisse tantùm, alendis ingenij viribus, & velut quiete irrigandis. De Plinio, ego quidem valdè sum auctor. Nec excusa, velis modò, fides mea interueniet de successu. Plantinus ædes hîc emit, Typographiam instituit, & videmur effecturi vt stipendium ab Ordinibus accipiat honestum. Fortassis ea res eriget excitabitq, me ad studia aliàs sepe languentē. Laco noster, vt audio, planissimè periit: nec deseruit illum præeuntem Nemesis, etsi pede claudō. A Cuiacio benigna multa ad me & honora. Gifanii Agellium excudi audimus, quem ego scriptorem ante quattuor menses ad Plantinum miseram, seuerè & anxie correctum: curque

curque omiserit aut dimiserit, ne nunc quidem scio. Nec quæro sanè aut curo. Nam si mens aut otium mihi, satis multa in aliis scriptoribus quæ agamus: ne eripiam hanc patri prolem, iam certè nubilem & plus quàm quindecennem. Scis quid ille femi- Italus questus de filiola suâ nuper: non sine risu meo, credo etiam vestro. Quem mihi commendasti, cupio omnia: sed nihildum ego aut Dusa extricamus. Nam de Plantino quam ei spem ostenderam, profertur in eius aduentum, id est ad initia veris. Antè nihil statuere de domo suâ vult, aut potest. Dusa noster Commentarios ad Petronium scripserat, nunc totus in Historiâ concinnandâ suâ gentis.

EPISTOLA LXXI. *Londonium.*

IANO DOVSÆ V. N. *Salutem opto.*

AN potiùs linguam? ista enim deest, qui tam diu files. Vindictam talionis merebare: sed noster amor si non maior, certè acrior: procuratur, & lacessit te vltro. Valemus ego, tui liberi, tua vxor. non meæ Musæ, quæ frigent absente suo Sole. Exorere. & aut vultu tuo coram calface; aut illic saltem radios & stricturas aliquot per epistolam mitte.

EPISTOLA LXXII. *Antuerpiam.*

IOHANNI MOERENTORFIO *S. dico.*

VXOREM ad te redeuntem, mi Moerentorfi, quid dimittam sine litteris? Egrè eas scribo, fateor: sum enim in alienâ vrbe & domo: scribo tamen. siue quia debeo, siue quia valdè volo. De filioli tui apud nos obitu focer, credo, iam scripsisti.

Ego

Ego te soler? animo facio: verbis nunc non licet, nec opus est, si firmitudinem animi tui probè noui. Sæpe eam in litteris ad socerū adspexi, sed in alienis rebus: te illa deferet in tuis? Non opinor. præsertim cùm ita placita tibi ea virtus, ut per eam Constantia etiam nostra: quam non legis solùm auidè, sed vertis. Vidi enim specimen, & probò. illud vellem, plus aliquid tibi permitteres, nec vestigia vsquequaque sermonis Latini premeres pede tam certo. Arta per hanc curam versio, astricta, tenuis, sæpe obscura. Est suus videlicet cuique linguæ Genius, quem non auellas, nec temerè migrare iusseris in corpus alienum. Quàm multa Latinè breuiter scripserim; quæ si totidem verbis transferas, sentètia nec plana satis, nec plena sit! Quàm multa rectè & altè: quæ in alià linguâ iaceāt, aut vacillent! Quod iis præsertim cuenit, quorum stilus paullo magis ab eruditione habet & à curâ. Iam allusiones illas, annominationes, flexus. & in vno sæpe verbo imagines, quæ tam dextra mens vertat, ut eadem vis iis aut Venus? Exorbita igitur: & hoc erit rectam in vertèdo viam tenère, viâ non tenère. De pecuniolâ Facuensi grata tua cura. expediemusne aliquid à nummario hoc tricône? quidquid erit, tibi debebo. De cistâ scriptoriâ, ô gratum & opportunum tuum munus! planè eâ egebam. gratiam tibi mea Musæ. Tu tam benignus in nos salue; & vide ut validum te reperiat valentula iam tua vxor. Delfis, III. Idus Sept. ∞. Id. LXXXIII.

EPISTOLA. LXXIII.

GEORGIO BENEDICTI.

ET carmen tuum valdè mihi gratum, mi Georgi, & beniuola memoria mei, sed illud longè gratissi-

gratissimum, quod valens & incolumis appuleris ea loca, ad quæ missus es velut ad mercatû artium feriarum. Philosophiæ dico, & imprimis Theologiæ, ad quam postremam, non actiones solum omnes tuas, sed cogitationes necessum est collineare. Quæ tamen ipsa, quoniam sine pietate & puritate nulla est; caue, te quæso, ne quid labis aut maculæ trahas ex cœtu iuventutis maculosæ. Fuge illos, fuge, qui liberioris vitæ obtentu ad licentiam trahunt: quæ vna ianua & aditus ad omne scelus. Magna non frustra nobis de isto ingenio tuo pollicemur: tu vide sollicitè, ne id deprauent prauî. In flexu ipso otatis es: in quo si non laberis, speramus te inoffenso deinde cursu pertingere posse ad metam. Vale. Lugduni Batavorum. ∞. IO. LXXXIV. Deus te seruet, in quo & à quo omnis salus.

EPISTOLA LXXIV. *Lutetiam.*

IANO GVILIELMIO meo S. D.

Ego verò Quæstiones tuas iam antè videram, & legeram cum curâ. An gemmæ hæ non luceant? an nos celentur? itaque non itero apud te iudicium meum, quod apud alios nusquam celo. Si tamen de alterâ editione cogitas, sunt minuta quædam quæ te monebo. Quid ni moneam? amici hoc est: & vtinam id mihi iuueni factum in meis scriptis! Quamquam reuera tua iuvenile nihil spîat, matura, adstricta, grauiâ: nisi quod à iudicio tuo abeo in pauculis locis. Itaque abi, nec festinationem mihi excusa, quâ nihil peccas. Noster, ille noster, etiamnum Luretiæ? & quando tandem videbimus in luce illas Noctes? sanè longa & difficilis factio in hoc Agello. & metuo vt acerbi etiam si uictus, incusante & incursante Oberto. Doleo, sed videor
tamen

tamen de his studiis nostris posse dicere

* Δίχην δ' ἴκλω ἐπικτε, καὶ βλάδω βλάδω.

* Litē pē-
rit hīs noxā
item noxam
ferit.

Impudentiā id fit & sequitate quorundam, qui per-
fudēre animum scientiā, non imbuēre. Gulielmū
Furnerij, ad De verborum significatione, vidimus:
probū, & sine ambitione doctū planē opus.
Fauēo, admiror, amo. Petri Fabri Ad Regulās au-
dē exspecto: nec inducor ut laedi me credam pos-
se ab eo viro, non certē si me nouit. Quid tamen
eius sit (nam ē Coluio nostro inaudiui aliquid) li-
berē. ut oportet, scribe. Ego æquiter punctiuncu-
las aliquot stili eius feram, qui tæpe me iuuit. Erri-
co Memmio viro summo, (ita dudum sentio) meo
nomine indica: scriptum ad me ab Eginondo de
oblatis Notis aliquot in Tacitū. sed litteras eas
tardē, imō serō redditas: itaque non postulā-
se eas me, habere tamen ei gratiam, proinde ac si
impetrāssē. Dicare me ipsi hunc animum, &
sine fūco amorem. Clarissimo viro Claudio Pu-
teano, iam diu etiam laboro, ut animus meus in-
notescat. scio illum esse inter lumina illa Galliæ;
& velim valdē eum à me saluere. Sed tu, mi Guliel-
mi, quid agis? quid cedis? ut enim vegetum inge-
nium tuum est, non cessas. Perge quāso te gna-
uiter in hac viā, quam ad æternitatem tibi stravi-
sti. De Scaligero, doleo siue indignor esse nebulo-
nes, qui conuiciuntur & obstrepant viro, quem non
lædant (* ἀτρεμίζε δὲ αὐτὸν πᾶσι, ait Pindarus:) sed
nos per eum, & cursū illum impediāt bene mo-
nendi & scribendi. Et quis, obsecro, ille Insulanus,
qui iactat etiam reges? Me pariter morantur inter-
dum, & turbāt hæ pestes. De Iosia Merceri Nonio,
gratū. vrge ut promat. Ad Augerium Busbequium
credo me nunc aut certē breui scripturum, cum te-
stimonio quod tibi debeo. Nicolao Fabro, Pythæis,
Passera-

* Inuolue-
rabiles deo-
rum iocri.

Passeratio, multam à me salutem dicito. Vale; & salue à Dousâ nostro. Lugduni Batauorum xv. Kalend. Iunias, 60. 10. LXXXIV.

EPISTOLA LXXV. *Noribergam.*

IOACHIMO CAMERARIO Doctori
Medico, S. Mj. precor.

EXHILARAVNT me litteræ tuæ solo nomine & adspectu. Grati mihi semper Camerarij, ob vnum illum virum, quem Germania vestra habuit sine pari: & tu meritò inter eos, cuius beniuolentiæ in me olim signa non obscura. Libellum à te missum falsi Ciceronis, cum iis quæ adiuncta, accepi & legi lubens. O duram frontem Sigonij, qui hoc pertendit! sed sentire eum ita ferio, vix fides. Quid autem ais de altero illo Riccoboni responso, si vidisti? satin' vt acriter & veris armis in Sigonium itur? Ait non obscurè, illum ipsum auctorem esse laudatæ Consolationis. Vide & ride hoc bellum Italum, cui me non misceo. Vt quid enim? mihi tam clarum est quàm Solem illum lucere, scriptum hoc nouitium esse & improbæ nimis spei. Nec dissentient, scio, docti. Sigonio ignoscere possumus, si agit suam causam. etli metuo ne labecula aliqua ab hac re offusa priscae illi gloriæ. Ita fit, si quis eam non habet cum modo. Nos Tacitum recudimus, & Constantiam in qua Notas aliquot adiunximus, ad reprimendas calumnias quorundam: quarum hoc sanè sæculum ferax. & eâ re tardari nos ad nouum aliquid pangendum non negamus. Andrea Dudithij per te litteras accepi: viri magni, alti, & de quo illud possum

* Effusus ex
Ione ramis.

* περιεσφύρον ὁμ. Διὸς ἔργον.

Saluat

Salueat à me, & tu vnà amicissime Camerari. Lugduni Batauor. xvi. Kal. Iun. ∞. Io. LXXIV.

EPISTOLA. LXXVI. *Biturigas.*

IACOBO CUIACIO Ic.

Non ipse contentus in amicitiam tuam penetrasse, alijs ecce fores aperio, quasi in eâ vetus. Iuuenem hunc tibi commendo, familiarem nuper meum, oris & ingenij probi. Commendo autem ita, non vt ad interiorem illam amicitiam tuam admittas (alijs seruetur aditus ad illa adyta) sed ad externam hanc notitiam, quæ in adfatu posita & adspectu. Hæc enim illi sufficit: & adolescentibus id ætatis satis gloriæ, Vidisse, Cõuenisse. Quamquam hic etiam Audisse referet: quæ vnica illi causa Biturigas, imò Galliam, petendi. Tu mi Cuiaci illum, vel meâ causâ complectere, & me omnino, qui æternum tuus. Lugduni Bat. Non. April. ∞. Io. LXXV.

EPISTOLA LXXVII. *Lutetiam.*

FRANCISCO RAPHELENGIO

FRANCISCI F. S. D.

IAM vir es, laudo. Binas à te litteras accepi, tu à me nullas: non culpâ tamen nostrâ (scripsimus enim vbertim nuper) sed Legatorum qui diem ex die ducunt, & more suo morantur. In eorum enim comitatu I. Esychius noster est, cui fasciculum dedimus. Valetudo nostra infirma, incerta, non etiam animus, cui fixum parère & sequi magnum illum Deum. At rumor ille falsus, qui vos terruit de meâ morte: qui tamen idem Brugis & Leodij sparsus, ne mirer apud lôginquiores Gallos. Homines de meo

I

capite

capite possunt ludere, statuere tantum supremus ille Princeps. Ego mortem non timere dudum didici: quin ut hæc tempora & languores mei sunt, propior sum appetenti.

** melius est
semel mori,
Quam continenter in
diem affligi
male.*

— * Κρείσσον εἰς ἀπαλξάνειν

Ἡ τὰς ἀπάτας ἡμέρας πασχέειν κακῶς,

ait Æschylus. In studiis quod pergis & perseueras, gaudeo. quid sequendum tibi, reperies in litteris meis primis. Pass ratio sedulam operam da: qui vna columna labenti nunc Scholæ. Nam vetus sanè Parisiensium doctorum gloria valdè flaccuit & immiuit. Sapientiæ studia & virtutis ne omitte. Pietas tibi in mente, modestia ante oculos & demissio animi: ad quam numquam satis te hortor. Illa fundus bonorum omnium & fundamentum: nec pestis alia plura ingenia abripuit, quàm Confidentia & estimatio sui. Tu abstine. Reuera enim quid sumus? quid scimus? Quò longiùs progredi in scientiæ verè viâ, tenebras & circumfusam caliginem magis cognosces ingenio humano. De me ne labora, si quidam inuideant aut carpant. An ego eximius sim inter homines qui sunt, qui fuere? Omnes qui excellere aliquâ in re conatur (non enim dicam qui excellunt) statim adfluit & adussit malevolentia ista aura. Cita veteres, reperies. circumspecte hodie nostros: idem. Quid miraris si Marcus aliquis hoc in me faciat, aut Lacon? Mihi sententia de me, non nisi apud me ferrur: nec quis sim, alium rogo. Interno isto iudice si probus audiam: quid addent aut dement mihi hi sermones? Nec famam tamen sperno, aut neglego: sed hoc te moneo, non esse eam nostræ potestatis. idè inter externa habendam, & in momentum nullum ad beatam tranquillamque vitam. Quis sim, in me scrum est: qualis audiam in vano isto vulgo. Sed ad te redeo. Iuxta Sapientiæ studium

studium
& nec
la alius
eam po
meo iu
quada
tuum
plina.
enim i
res cot
imman
fo illo
haud sp
victute
Kaland

E R
fed
nem qu
morbus
me vex
scribe, &
nes: Pro
vita: &
vetus g
multus
cosque
disce &
adfrican
quam su
agere te
quem vi
scriptis

studium, stilum cole & exerce: qui diuâ illius fidus
& necessarius administer. Quid enim recondita il-
la aliis proderit, nisi spargere & emittere ad plures
eam poteris felici quadam pennâ? Stilum autem,
meo iudicio, Plautus & Cicero tibi perficient: aptâ
quadam, & quâ ex me sæpe audisti, mixturâ. Au-
tum tuum vides? propera. nō aliud magis idoneū disci-
plinæ. Au-um tuum vides? item propera. infirmus
enim ille tibicen, qui te sustentat. Morbi & languo-
res cottidiani illum vrgent, facturi aliquando quod
minantur. Quis autē studiis tuis gubernator, amiso
illo? Nam & ego sanē infirmus, quo tamen viuo
haud spero quidquam tibi deerit. Vale. & veram
virtutem nosque ama. Lugduni Batavorum. xvi.
Kalend. Ianuar. cc. Ico. LXXXIV.

EPIST. LXXVIII. Aurelianus.

EVERARDO POLLIONI. S. D.

ERGONE in Galliâ tam diu es, & siles? Siue ad-
fectum meum in te respicis, siue consuetudi-
nem quâ domi meæ vsus: peccas. Nam me certè vel
morbus excusat, qui quattuor iam menses perperim
me vexat. Et tamen cum miti arbitro tibi res est.
scribe, & excusasti. Loca illa quâ placent? quâ homi-
nes? Probi illic, scio, improbi que: sed hos, mi Pollio,
vita: & in primis si qui nequiores aut leuiore. quæ
vetus gentis illius nota, & nunc per bella, per tu-
multus, auxit valdè. At illos (probos inquam do-
ctosque) elige & exerce: his adhære: linguam ab iis
disce & mores. Ut aromata odorem semper aliquem
adfricant tangenti: sic boni & modesti, auram ali-
quam suæ virtutis. Inter hos Aureliani (illic enim
agere te censeo) Furnerium antecessorem habeo:
quem virum probum esse audio, penitus doctum è
scriptis scio. Si potes, illi innotesce: & si gratum esse
I 2 putas,

putas, à me saluta. Pestem in iis locis sequere accipio, nisi si iam desæuit hoc frigore & hac hieme. fuge contagem illam, quâ tum humaniter potes: sed ante omnia pestes illas animorum, sodales malos, qui fraude & arte inrepunt & inrumpunt. Plura, cum rescripseris. Nos enim adhuc in morbo: nec sine discrimine. nisi clemens ille Deus auertat, qui virtutem modestiamque tibi seruet, & nostri amorem. Lugduni Bataur. xvi. Kal. Ianuar. 66. 10. LXXXIV.

EPISTOLA LXXIX.

MART. LYDIO. S. dico.

SOLICITUDO tua de valetudine meâ, non magis mihi noua, quàm amor tuus, quem iamdiu ostendis. Vtraque grata. consilium etiam, quod amicè adiungis contra vim melancholici morbi. Sed mihi, mi Lydi, non planè capitalis ille morbus, non inquam vera Melancholia; sed tantum suboles eius. statuosa illa hypochondriaca affectio, longa & sæua nihilominus, nisi quod cerebro & menti adhuc parcat. Quæ constant mihi nisi erro. Nam in hoc ipso morbo illud mirum, quod cum maxime delipiunt, sapere maxime sibi videntur: & ita aberrat à se mens, ut se non quærat. Libellum quem dicis Aloysij Luisini, vidi numquam. argumento certè iam nunc placet, nescio an tractatione. De Thraseâ meo aliisque scriptis, quæso minus urge. In morbo hoc nisi morbidum quid possim? & ego me ne sanum quidem ad scribendum scio accedere, nisi cum vegeta mihi mens & acris. Cum calore quodam nostra illa pangimus, non minus quàm poetæ. At nunc frigeo & rigeo, anni tempore & morbo. Ego mortuus in Galliâ & alibi dictus sum,

VIX

vet lit
falsò
Iulio
in eâ
idem
nestus
Deus
ter men
præter
liger in
dies vid
Etiam p
languor

Que to
Deo ill
hunc ig
66. 10.

Ro

Me
am
emican
meritu
magn
in nobis
cat re ad
cum; sed
adhuc fi
nia à Leo
dum. A
dam erro

vt ex litteris non vnus intellego: falsò. Vtinam tam falsò I. Guilielmus noster, quem emigrasse scies Iulio mense Auarici Biturigum, correptum ardidâ febre. Item C. Sigonius in Italiâ abiit, reliquum in eâ gente lumen. Herè mihi dictus Cuiacius idem fecisse, nec tamen certò. Quid ais? nōne funestus & fatalis ingeniis hic annus? videtur. De me, Deus ille & seruator meus videbit: qui nec præter mentem meam hac in re aliquid statuet, nec præter votum: Obsecro enim quid nos teneat aut liget in hac fæce? Nihil me: qui magis magisque in dies video & rideo furorem Principum & vulgi. Etiam priuata si introspicis: miserix, & angor, & languor: & cum Homero

———— * δέχθ' ἔκτανον ἐκ γυνὸς αἰνί.

Quæ tamen Christiani meritò ferimus, quamdiu ^{• Maron} Deo illi visum, qui explorat & expurgat nos per ^{subit ex mor-} hunc ignem. Tu vale. Lugd. Bat. xvi. Kal. Ianuar. ^{roxæ.}
 ∞. 10. LXXXIV.

EPISTOLA LXXX.

Romani.

ROLANDO WINCELIO S. mitto.

ME quoque certè accendit ad redamandum amor hic tuus, cuius scintillæ exsiliunt & emicant in omni epistolæ tuæ parte. Quem quod meritum meum siue aluit, siue accedit? Nam quod magni æstimas hoc nescio quid litterularum, quod in nobis est; vide mi Winceli, ne abducatur & seducat te adfectus. Voluimus sanè quædam in publicum; sed adolescentes, nec annis aut iudicio satis adhuc firmi. Quibus, benignè mecum agitur, si venia à Lectore tribuitur, nedum vt cumulus iste laudum. At tu tamen ea extollis, & cum aliis quibusdam errorem erras, quem negare mihi non possum

esse gratum. Posteritas saltem (vrille inquit) ita de me meisque aut erret, aut iudicet. Nam viuus certè iudicia multorum experior valdè in me prona. Quorundam etiam aduersa, fateor, & cur offendar? scio quòd sæpe meritò. Lapsi enim non semel sumus, præsertim in iuuenilibus illis scriptis: quæ tamen nunc reprehendo & retracto, & à postremâ hac incide firmiora erunt, nisi fallor, contra malum dentem. Sed cur tamen in me iniqui? Dent mihi aliquem ex omnibus æuo nostro Criticis, qui non peccent; & flageller ego solus. Sed hos omitto. illud tantum instillo: si temerè arroserint,

* Etiam mus
momorderit
uirum im-
probum.

— * καὶ ὁ μῦς δ' ἀνὰ τὸν ἄνδρα ἐμνοήσῃ.

Sed libentiùs ad beniuolas & amicas animas deuenio, in quibus te auctore dehinc censeo Illustrẽm Gondosaluum Pontium, Neapolitani Proregis nepotem: cui quid nisi gratias agam pro adfectu? addo etiam redamare me iure, cisi ignotum. quomodo enim non, qui tam benignè prouocat? De Mureto summa mea opinio est, & cerit: & felices vos sanè illo doctore. Patria nostra portò turbat: nec scio quando nobis adfulgebit tranquillitatis ille sol. Itaque nos etiam sæpe frangimur: nisi quòd conatus solari me meosque Belgas sum nupero De Constantiâ scripto. quod scire equidem velim, quâ faciat ad Italorum teneram saluam. Vale mi Winceli. iam enim interpellor, imò auocor. Non. April. 60. Id., LXXXIV.

EPIST. LXXXI.

Rhotomagum.

VICTORI meo S. dico.

QVOD deficientibus aspersa frigida, hoc mihi vestræ literæ. Releuant recreantque labentem me, & virium adspirant nouam auram. Hem,

AMOR

amor quid potes! tu honeste, tu vere, & qui semel in puro amicitia solo egisti radices. Intemperies mea adhuc me tenet. ita enim veriùs appellitare videor posse, quàm morbum. Cetera valeo: calor tantùm molestus in hepate, mesenterio, & pænè dixerim venenatis in eo venis. Eæ sunt, eæ venulæ, quæ pugnam mihi cum stomacho mouent: quæ calorem eius succumque ad se trahunt, mala vi aut fraude. Caputne alterum de Melancholiâ Rondelletij tui legisti: is purus putus meus morbus. Myrchialem Arabes, nisi fallor, appellant. Pugno sanè cum eo strenuè, & abieciſſe sæpe videor, sed vt Antæus quispiam, virescit & refurgit. Frigidis iuuari imprimè videor: sed crebra & continens eorū vsio, scis quàm non ventriculi ex vsu. Hic nodus. habes ei cuneum? an tu quoque cum veteris Scholæ medicis obhæres? Dico, veteris. nam isti noui à Paracelso, auxilium pollicentur ab Vitrioli aceto. Frigere id aiunt, penetrare aperire, & simul robur addere visceribus & membris. Et sanè (iram & vocem comprime) iam vtor, successu non infelici. De exitu videbo: si iuuare ita porrò pergit, ego inuentorem hunc deum. Phlebotomiâ nuper etiam vsus eram, & inuit valdè. sed quid dicam? Vt ille in Ætnâ ignis interualla sua habet, & cùm defæuissè creditur, redit: ita meus iste. Quem nisi breui tollo, me tollet. Quid refert? generosa & Herculea hæc ad cælum via est, per æstum & per ignem. Ego, mi Victor, iamdiu paratus ad hoc iter: nec cum alio adfectu minor mihi pugna, quàm cum metu mortis. Vitam habeo, velut hospitem. si manet, non eiicio: si abit, non teneo, nec pænu- lam scindo. De Modio, grata mihi narratio. Faueo & faui iamdudù illi ingenio: nec (cùm à paucis vobis abij) in Belgio habeo, cui factū velim magis.

Placent mores & indoles, & (constet sibi tantum, nec transversum eum abripiat aliquis Lacon) fructus, scio, dabit studiorum. Sed cur ad me non scripsit? cur ne salutem quidem adscripsit? Peccatum largum; siue illius qui dicere omisit, siue tuum qui scribere. De Lacone quid? trepidas in aduentum eius & palles? Sta tantum: spondeo tibi, fugit. Nihil eo homine * *κροκοδείλιον*. Scelera hoc faciunt, & occultum illud in pectore flagellum: quod commouet, quisquis eum constantius aspexit. De Apuleio & Pintiano, curæ habeo, imò iam habui: & indica si quis alius tibi à viuo mortuoque me vltus. Doula in Angliam abiit legatus. Mihi, si vires paulò magis firmæ, (nam atrophiam quædam coniuncta cum hoc languore) decretum Vbios excurrere, priuata meæ rei causâ: & illinc Eburones, ad acidos fontes. Mira iis vis dicitur. & propria in hunc morbum. Videbo. & pro valetudine omnia faciam, pro vitâ haud multum. Mori enim mihi non graue, graue tabere istud & languere. Tu salue, cum tuâ, Fratri tuo, si iam adest amicissimam salutem: quem tuâ, & magis morum eius causâ, seridè amo. Rubicatum nostrum valere audio, sed calere totum in rebus. Dea Lua eum adiunget, & nexibus illis malorum litium exsoluat, quibus implicatur. Valdè eum saluta, & iube (ita loquor) amantem me amet. In Batauis, x i. Kalend. Sextil. 60. ID. LXXXV.

* *Crocodilo similis.*

EPISTOLA LXXXII. *Lutetiam.*

FRANCISCO RAPHELENGIO
FILIO. S. dico.

GRATAS expectatasque nobis fuisse tuas litteras, nihil opus est scribam. scio te id scire. etiam adfectum tuum amauimus, qui & in epistola se

lâ se ostendit, & in carmine quod adiunxisti. Tu vero & in amore nostri perge, & in virtute ac modestiâ multò magis: sine quibus caue cenſeas, non dicam famam ullam tibi esse posse, sed vitam. Litterulæ enim, & aliæ elegantix siue cultus ingeniorum, vacuæ ab istis, sordes sunt & deliramenta mera. Modestia est, quæ ad cognitionem nostri nos ducit: hæc ad virtutem & ad Deum, in quo omnis felicitas. De professoribus quod distinctè scripsisti, gratum. Ego audiendi tibi Genebrardi auctor sum in Hebræis, in Græcis Helix aut Gullonij, (nam magnus ille Auratus lectionem, ut audio, iam defuit:) ut res suadebit, aut scriptor aliquis quem legent. Philosophiam ante omnia non deseres: cuius fructus demum gustabis in progressu. At nunc obdura. Sed de litterariâ tuâ sarcinâ, quid? peritne? insignem *antropian* tuam: quâ vide seridè emendes. etiamne in eadem sorte meæ litteræ? Nam me- *neglegentiam.* mini dare me tibi ad Memmium, & Pincæum, & Faucerium. cur non scribis, ut saltem iterum scribam? Nam silentium meum trahi alioqui possit in culpam. Agellium (quandocunque difficilis ille partus lucem videbit) fac habeamus: & si quid aliud prodibit, quo scias nos capi. Scribe de P. Fabri ad Regulas iuris, an prodierit; aut potius mitte. quod facile tibi per Somnium. Contagionem pestiferam valere istic audio: tu quantum in te est vitæ, & segrega à turbâ. Abstine à multiplici omni cursu, discursu: donec hiems & genu telum infregerint malæ diuæ. Valetudo mea nondum ex voto, melior tamen: sed ita. ut nec corpus nec mens mihi satis firma. non certè ad labores. Itaque studia nostra cessant. non tua spero: quæ nisi auidè, imò calidè prosequaris in hoc flore quæ, frustra postea quereres fructum. Hæc monita nostra tuâ sponte serua-

bis, confido: nequid tamen ea laxent alij, nonnullus mihi est metus. Quos vita, per Deum immortalē: & mala illa, soluta, & petulca ingenia, fuge supra ipsam pestem. Non enim hæc magis corrumpendo corpori est, quàm illi animo: cui per subdolas blanditias instillant & adfigunt venena. Euripidæum illud cogita,

* Labor gloria genitor.

— * πόνος δολείας πατρός.

Auus tuus & auia valent. tibi volunt semperque volent, si voles ipse. Salve & vale. Vxor mea te resalutat. Lugduni Batavorum Prid. Kalend. Decemb.
 60. Id. LXXXIV.

Ecce tibi ad Busbequium librum & epistolam. si ita Porreto visum fuerit tu illi meo nomine dabis. Sed vide ut tales viros convenias honestè & modestè. Hoc ætatem tuam, hoc institutionem decet. Inter loquendum (moneo enim nunc, quia fortasse non alius tibi monitor) caue tua verba præcipientes, ne sint cum Homero * ἐπεὶ πρὸς ἄνθρωπον. vitium tuum nosti: quod nunc aut nunquam corrige & effers sermones tuos, clarè, articulatè, distinctè. Sed heus tu. de sumptibus itinerariis tuis quid audio? valdè vos quidem largi. non conveniebat. An tempora hæc nescitis angusta, arcta? Sed in posterum attentiores in futurum te confido. Vale. 111. Kal. Decemb. 60. Id. LXXXIV.

* Verba clara.

EPIST. LXXXIII. Lutetiam.

PAVLO MELISSO S. D.

EPISTOLAM tuam, mi Melisse, quæ non amem? indicem constantiæ tuæ in amore. & magis carmen, quod de morbo meo scriptum cum ingenio & adfectu. Gratiam habeo, & debeo. Sed te quis

te quis
duxit
Cypri
dros co
stora,
in mo
pore

ait So
lui. D
de ani
fuisse
que tra
in tor
& te f
Bat.K

D
dere,
cùm
nunc
huius
cogit
strum
finit
vicia
brum
cani
fatis
hoc
fero

te quis Deus, quæ Dea è Germaniâ tuâ mediâ traduxit subito in Gallos! Amor nisi fallor, non ille à Cypride, sed hic à Phœbo, discendi, videndi, & doctos cognoscendi. Quorum omnium fores & petora, non dubito, quin pateſcent tibi. Nos etiam in morbo: contra quem animo magis, quàm corpore pugno.

* Νόσος δ' ἀνάγκη τὰς δειλότητας φέρειν,

ait Sophocles. In I. Guiljelmij morte valdè indolui. De vultu aut facie non eum noueram: optimè de animo. nec cenſeo melius aut rectius ingenium fuiſſe hoc æuo. Sed Deo ita viſum, optimos quoſque traducere ad optimam illam vitam. ad quam in tot turbis & moleſtiis nos quoque adſpiramus, & te ſaluere iubemus, optimè poëtarum. Lugd. Bat. Kal. Decemb. ∞. Id. LXXXIV.

* Morbos
neceſſu ferre
celitus datos.

EPIST. LXXXIV. *Vltraiectum.*

THEODORO CANTERO V. N.

DIV & ſæpe ad te ſcripturio, mi Cantere: tardauit morbus, qui aliquoties minatus diſcedere, non diſcedit. Redit enim per interualla, & cùm ſeriò ſurrexiſſe me cenſeo, proſternit. Tamen nunc iterum meliuſculè eſt, & omnino aut menſis huius genitalis aura me reficiet, aut nulla. Ad vos cogitaui ſæpiùs. (inuitabat, præter amorem veſtrum, aër:) ſed abſterret via longior, imbecillitas, finitimi etiam nunc terrores. addere audeo, & conuiuia veſtra: quæ lenta nimis apud vos & lauta. Librum I I. Electorum nuper demum tibi per Vulcanium miſi. credo accepiſti. Cetera ceſſamus: & ſatis abundè habeo, ſi omni curâ corpusculum hoc ſuſtento. Labores certè nec ingenij quidem fero aut ſubeo, ſine manifeſtâ noxâ. Ferenda iſta:

donec

donec aliter visum magno illi & benigno Deo, qui
te mi Cantere seruet, & me (si ita expedit) aliquan-
do firmet. Vale. Lugd. Bat. Non. April. ∞. 10.
LXXXV.

EPISTOLA LXXXV. *Lutetiam.*

RENATO PINCÆO Senatori regio S. D.

• *Huic*

QUÆ hæc tam obuia humanitas tua est, Vir
clarissime! quod vltro appetdum mihi fuit,
ipse defers vltro, amicitiam & coniunctionem tuam:
quibus, moriar, si quidquam mihi gratius accidere
potest à talibus viris. Splendor, fama, opes haud al-
rè me tangunt: iuuant & penetrant hæc iudicia, quæ
proficisci scio à viris, mystis Virtutis & Doctrinæ.
Quarum candidatum me non nego: sed hoc tan-
tùm. & vereor vt purpuram serid vnquam induam
tanti honoris. At vos ita benigni, vt non rem tan-
tùm ametis, sed vmbra etiam & speciem, omnes-
que in quorû animis effulget aliqua * τὴν καλὴν ima-
go. Itaque mi Pincæ (amicè & familiariter iam
nunc te compello) amorem meum vicissim serid ti-
bi offero: spondeoque futurum, priùs vt à me ex-
cidam, quàm vt ex animo meo illi, qui tam procli-
ues ad me amandum. Amplissimo quidem Brisso-
nio, & Regij concilij & cœtus nostri Præsidi, publi-
cè deuinctum diu me scio; priuatim nunc, hâc ami-
câ salutatione. quam meo nomine illi reddes, cu-
mulatam adfectus tui aurâ. Vale vir Clarissime, &
litterarum hoc iter si crebrò teris, gratum mihi: qui
nunquam vincar in officij aut fidi amoris cursu.
Lugduni Batavorum 1x. Kalend. Octob.

EPISTO-

EPISTOLA LXXXVI. *Brugae.*SALUTEM AMICISSIMAM
IANO LERNUTIO.

T certè, mi Lernuti, in amore iuxta & in literis prolixus. Nam Victor noster quàm breuiulus! In hac raritate nuntiorum, difficultate temporum, tribusne verbis ad Lipsium? Ita fecit. pro more suo, imò naturâ: quam quia nosco, ignosco. At effusionem tuam amo & amplector: cum quâ iure pariabo. Valetudo nostra ne nunc quidem ex voto. Mensis Maius iuuisse aliquid & vegetasse visus, sed ut in floribus quoque, vigore fluido & haud diuturno. Anceps enim hæc sanitas, mi Lernuti, anceps. Hodie stare me putem? cras relabor. vires recepisse? amitto: & quod medici mecum mirentur, cæcis nec liquentibus caussis. Calores saltem viscerum sentio & nescio quos edaces æstus. Quid me aliosque fallam? tabes ea est, nisi erro, & certâ sed lentâ viâ eo ad mortem. Nec ingemisce. Deo ita visum: cui nos tam libenter, tam fortiter paremus, ut manum non verterim, hoc fiat an illud. Ennianum istud verè proclamô:

Vivam an moriar, nulla in me est merus.

Cur aliter adficiar? Æquissima hæc naturæ lex est, quæ pariter ligat omnes. Carnifex illud Fatum te meque expectat: & alium alio tempore duci iubet magnus ille Imperator. Ecce tibi plebeium aliquem tam constantem, ut lictorem suum sequatur, & manum ultro exposcat percussoris: aliena ab eruditis vis ea sit? Non à me: nec præibo ad mollietiam hanc exemplo. Ut fera auis, apertâ caueâ, non eiicitur, sed euolat: sic ego libens in apertum illum purumque campum. At enim iuuenis. Fateor. sed

vita

vita huius tam satur, quam Priamus aliquis aut Nestor. Quousque enim eadem? edere, bibere, legere, scribere: & adde misérias, quas largiter supeditat hoc ævum. Sed mitto hæc sophia: ad matrya venio tuarum litterarum. Electa nostra Secunda probari tibi ais vnicè. Gaudeo. eoque magis, quod seriò verebar ne parum ad Genium priorum scriptorum meorum is fatus. In morbo quippe conceptus & editus, quid mirum si referat aliquid triste & morbidum, & tabeat ipse à spiritu hoc tabente? Quod si aliter; præter spem meam est, non præter votum. Epigrammata tua in impurum illum valdè pura. Cur plura eius generis non mittis, reficiendi saltem mei? Pascor enim libens hâc ambrosiâ: quam per altum istud otium vbertim necessum tibi est gigni. Sed illa alpis etiâ ne Audomari? Aeternum velim, necubi propinquior halitu suo vos afflet. Agellius autem eius tam ambitiosè promissus, ubi est? Stephanicum enim vidimus, & in eo scommata ac tela nò obscurè in istum. O improbum pariter, & infelicem! Vbique vapulat. & corpus eius tot cicatricibus infamiæ iam occalluit, ut plagæ novæ non sit locus. Et tu tamen hoc cadauer petis? me inuito: qui mucronem hunc acutissimi ingenij servari & dirigi velim in digniorem hostem. Hic quidem calcandus est, non feriendus: & demittat atque abiiciat se necessum est, quisquis eum tangat. De Modio, gratissima. vos monete, firmate, & comitate vestrâ retinete, quæso, in hac meliore viâ. Fax aliqua Belgis aliquando ab ingenio illo. Rubicasium nostrum amo, & in pectore gero. Litigatne etiam & tricatur? an Grudios nostros potiùs abiit, sedem illam Musarum olim & Gratiarum? Quæ breui assurget, nisi fallor, & virorem ac calorem iterum ducet ab hoc Zephyro pacis.

cis. Ib
est de M
Critica
liore ve
c. c. v
Cilicis
bigim
præsti
merien
tamen
ter cor
Lipsius
te, non
ji. Lug

E
A
cùm Ia
ris & iu
acri & d
inflam
hæc ma
vires.
mico i
necessu
amand
tem iam
& ambi
tiam, q
& à qui
ti meæ
amor:

cis. Ibi enim certè iam lucefcit: fi verum quidem
 est de Máchliniâ, quam deditam nos audiebamus.
 Critica noſtra ent tibi. quibus* verſiculos de me-
 liore venâ, Deo duce audacter inferuimus numero
 c. c. vtinam comite Fortunâ! Spero. Vxorietiam
 Cilicis illius aliquid concedemus: nec de fide am-
 bigimus, tantum de ſucceſſu. Di viales adefte, di
 præſtites di tutelares. En epistolam, an querelam?
 meri enim in câ morbi & mortes, quæ non ingrata
 tamen tibi, ſiquid in Lipſio gratum habuiſti, præ-
 ter corticem hunc externum. Ille enim abiicitur. at
 Lipſius veſter nullus moritur: cumq; præire ſcito-
 te, non perire. Longum mihi ſaluete, tu, vxor, libe-
 ri. Lugd. in Bat. Kalend. Sextilib.

* De aureis
 tranſmiſſis
 anigma eſt.

EPIST. LXXXVII.

Lutetiam.

ERRICO MEMMIO V. A. S. D.

ANIMVM ſepe corpori imperare, vir Ampliſ-
 ſime, non vanè dictum: ego teſtis. Ecce enim
 cum Iani Guilielmi epistoła ad me veniſſet, amo-
 ris & iudicii tui de me index; etſi languebam ex
 acri & difficili morbo (nam hepar mihi laborat ex
 inflammatione & infarctu) tamen animum ſecuta
 hæc manus eſt, & per adfectum potui. quod vix per
 vires. Scribo igitur; & gratias ſerid tibi ago pro a-
 mico iſto in me animo, in eoque vt perſeueres, ſi
 neceſſum eſt, rogo. Etſi cur neceſſum? quem vltro
 amandum dilegiſti. non ſpernes, vt opinor, cupien-
 tem iam, imò ambientem. Vtar enim iſto verbo.
 & ambio reuera amicitiam talium virorum & gra-
 tiam, quos velut ſidera quædam huius æui habeo,
 & à quibus lucem conciliare me poſſe ſcio pallen-
 ti meæ famæ. Quam vulgarem, & à vulgo, nihil
 moror: bonam, & à bonis, nunquam contemnâ.

Vale

Vale Amplifs. Domine, & à valençe me litteras pleniores expecta, & vt sic dicam, magis robustas. Lugduni Barauorum 14. Kalend. Octob. ∞. 10.
LXXXIV.

EPIST. LXXXVIII. In Holsatiam.

HENRICO RANZOVIO, *Viro illustri,
Vicario Regis Dania, Salutem minto.*

LEVEM significationem animi & iudicij tui, Vir illustis, pro beneficio habuerim: quid censes hoc testimonium & litteras, tam amicè ad me, tam honestè de me scriptas?

Omnes mortales sese laudari expetunt,

ait poëta vetus: non valdè tamen ego, nisi à laudatis. Inter eos autem, quis ante Ranzouium mihi sit? Genus tuum intueor? nobilissimus es. Famam? clarissimus. Virtutem & doctrinam? utrâque maximus. nec facile quem his iunctim rebus pratulerim tibi, reperiam in Europâ. Itaque beasti me hoc tuo iudicio, beasti. & iam demum Constantia nostra mihi placet, cùm illa vobis. Incitor ad scribenda talia: quæ apud rectas istas mentes sint recta. Tribuni illi, quos indicas, me absterreant? nihil. iacent se apud suam plebem: mihi adfatim satisficitur, si eques hic plaudat & Senatus. Vt eadem purpura homines delectat & ad gaudium prouocat, tauros offendit & irritat ad pugnam: sic eadem veritas aut virtus intellegentes capit, lædit improbos & imperitos. Itaque scribere hæc talia (quidquid incurrant) nihil tardor. & vt Luna, quod luminis à Sole accepit, infero huic mundo refundit: sic libens ego dona, quæ à magnò illo Deo. Qui te, Vir illustis, reip. & bonis seruet: & mihi hunc animum tuum, quem tam amanter

desers.

CENT. V. EPIST. LXXXIX. 145
defers. Vale. Lugduni Batavorum Idib. Februar.
∞. IO. LXXXV.

EPIST. LXXXIX. Delfos.

PAVLO BVGIO V. Ampliss. S. D.

CVRATOREM te (ita iam nunc intellego)
huic Scholæ datum, Vir Amplissime, iure ti-
bi, & magis nobis gratulamur. Tibi honorem ali-
quem: nobis grande beneficium, quod ab hac ele-
ctione meritò speramus. Speramus? imò iam tene-
mus. ea voluntas tua est in iuuandis optimis studiis,
ea facultas. Illa clara; qui omnia pro nobis egeris,
laboraueris, te priusquam titulo Curator, ista etiam
non obscura; qui magnus es inter magnos. Sedes in
hac publicâ, vt sic dicam, naui, non inter remiges
aut nauales socios, sed inter eos qui ad gubernacula
& ad ipsum clauum. Vis igitur, & potes: & ided
adfirmatio mihi non iniusta, de adfectu optimo &
simul effectû. Sed sub initia tuæ Curæ, ingeram ti-
bi maximè curas duas; de Collegio & Philosophiâ.
Diu nimis dilata vtraque res, cum nostro, imò cum
patriæ damno. Collegium inquam ante omnia in-
stituendum est, in quo ali iuuentus aliqua possit:
certo numero, disciplinâ, lege. Domus iis vna sit,
vna mensa, vnum caput: lectiones variæ, pro capitu
cuiusque, & pro iudicio Præfecti. cui hîc & alibi
districtè parebût. Numerum esse quàm maximum
velim: certè non infra tricenos aut quadragenos.
Sumptus in eam rem aliqui faciendi, fateor, sed
exigui pro fructu. Hoc seminarium lectissimorum
hominum erit: hæc seges eorum, qui ad Ecclesiam,
ad remp. admouendi. Nec alios legi quàm ex ipsâ
patriâ velim, qui in eâ, pro eâ, & ab eâ alentur. Cur
enim lac maternû hoc germanæ soboli præreptum,
K indulgeat

indulgeatur & immulgeatur exteris? ne facite: & sumptus cum à vobis, ad vos etiam fructus redundant. Cetera quæ ad legem & disciplinam, tunc distinctè superædificabo & addam, cum positum hoc fundamentum. Quod si Ordinibus de Collegio agrè aut tardè persuademus, tempora video & impensas:) age, inite saltem hanc viam alteram quæ impendij minus habeat, compendij non minus. Pro Collegio, substitute Mensam communem. Ita suadeo, ad Germanorum aliquot Principum exemplum. qui in Academiis (utamur voce trita) subsidium hoc subtiliter & vtiliter inuenire paupertinæ iuventuti. Domum aliquam à se præbent, instruunt: nec eam nimis laxam. In hac Oeconomum cum familiâ collocant, cui cura nulla præter eorum, quæ ad victum. Conueniunt cum eo certis legibus: & ferè istis. Domum hanc, tibi & familiæ, habeto. frumeti annui tantum numerum, ad panem: tantum, ad zythum siue ad potum. Iuvenes cottidiè ad mensam recipies quadragenos, quinquagenos, pro obsonio viritum quid pendent? Et ferè in septimanas conuenit. de pretio aliquo minuto: idque vnum onus: excipio quoddam cubiculum sibi quisque parat) incumbit iuventuti. Singuli inquam pro obsonio obligantur, cetera liberi & immunes. Sed id quoque leges suas accipit, quantum & quale ab Oeconomo detur. Iam Rectoris & Professorum illa cura est, qui ad hanc Mensam admittantur, qui admissi reliciantur: & quater anno recensensus habetur & examen eorum, qui beneficio Principali digni siue indigni. Submouentur, etinentur subrogantur, ut censoribus illis visum Conuiuiolum iisdem tunc, pro labore. Mihi crede, non alia res sumptum minus grandem habet, fructum magis certum. Nam in ordinariis illis collegiis, sci-

mus quàm multa ambitu peccentur, admittendo, reiciendo: scimus quàm verba ferè sint, præclaræ illa de disciplinâ leges. Nescio enim quomodo, assidua conuictio illa & contubernium, non ex iuuentutis: qui, vtrumque arceas aut separe, sermones communicant, consilia, vitia, sordes. Non id peccati in meâ Domo, in quâ, præter mensam, nil commune. Nec aliud ea est, quàm velut publicum Diuerforium: sed parcum, sed honestum. Cogitabis: & cum voles, colloquemur. Iam de Philosophiâ, quàm turpe! Ceteras hîc minores & velut ancillas artes, coli & colere: negligi illam dominam & reginam? locum ei non esse in proprio suo loco? Quò enim aliter hæc omnis Academiæ institutio, quàm ad Prudentiam Sapientiâque in primis spectat? Atqui ad eas Philosophia ducit: quam tu, Vir sapientissime, induce. Barbaries te terret, & spinosa illa viarum? Pelle illam, has purga: quas patres nostri malis tribulis, malis scrupis, impleuere. per prauum acumen. Ipsam illam legitimam Diuam reuocari à te volo: non hanc squalidam & personatam. Nam Scholarum hunc, ante annos trecentos aut quadringentos, vsum siue abusum cur teneas? Sperne. & reduc omnia ad veram veramque formam: cui, præter fructum, maior sanè dignitas & venustas. Quis enim amœnior adolescens ad illa tam inamœna veniat? fugiunt imò, cum aduenire: & imbibere non iniuriâ spernunt tæterum illud absynthium doctrinarum. Nos Aristotelem reducimus: sed ipsum &, si me audis, non solum. ipsum dico. quia obscuro illi in eum & aculeati Commentarij cui rei? Detorquent rectissimum ingenia, & in acuminum flexuosos labyrinthos abducunt, à vero Philosophiæ fine. Ipsum legisse, & intellexisse, satis sit: & maxime in his libris,

quos hi minimè legunt. Logica illa ætatem eos occupant: concepta ab Aristotele fortasse, numquam ita scripta. Politica quis tangit? quis De animalibus? aliaq; diuina, ob quæ mirati illum nos & prisce sumus? Nam Ethica ipsa leuiter libant & velut in transcurso. Scilicet hoc iamdiu moribus his obtinuit, vt nulla pars minùs ad Philosophiam facere censeatur, quàm quæ ad mores. Atqui ea præcipua erat, vel veriùs sola. Iam, nec solum addidi: & bono iure. Cur enim vni Aristoteli locus in hoc procinctu sit? Ille signifer quidem aut Imperator, si volunt: commilient tamen alij, & in vnâ legione non vnus saltem Centurio aut Tribunus. Plato aliquod agmen mihi ducat, aliquod Epictetus, Plutarchus, Seneca: & in opinionum nonnullâ varietate, omnes tamen pro Sapientiâ & sub eâ pugnent. In Ciuili & Morali eius parte, an ille à Lycæo indigne- tur Platonem sibi apponi? fortasse nec præponi. ita diuinitus libri illi de Rep. & Legibus magnâ ex parte concepti sunt & conscripti. An Senecam sæpe & Plutarchum? Idemque de Physicis censeam: ad quæ & Senecæ Quæstiones Naturales, & Lucretij etiam liber sextus, aliquod me arbitro, adferant momentum. Nec enim vel poëtas expunxerim ex hoc maniplo: & cum fructu hæc talia publicius legi censeam in Scholis. Sed plura item & distinctè magis huius rei, coràm. Illud mihi non monendus es, sed rogandus, ne te aliorum trahât iudicia quorundam. Nouam viam noui homines incunt: & explosâ illâ sectâ veteri, sapientiæ frugem quærunt in agellis Rami, aut Philippi. Quid dicam? neutrum culpo. vterque doctus, sedulus, industrius: sed valdè erro, si errorem hunc errare nos voluerunt ipsi. Compendia perueniendi conscripserunt: an vetuerunt adire loca & templa ipsa? Atque isti ita

eos complectuntur; vt non viam illos, sed metam censeant: nec per eos ad veteres transitum faciant, sed in his subsistant. De Philippo, vt vir fuit, aliam ei mentem fuisse planè scio: de Ramo, spero. Quod si alteruter hoc adfectauit: si ipse solum illud Sapientiæ insidère, priscis eiectis: ne ille apud sapientes omnes valdè insipiens. & quem isti ipsi tyrunculi Principatu mox deiicient, qui per prauam seditionem elegère. Pucrorum enim ista (dicam liberè illudia, & Saturnalia dierum aliquot regna. Nec tamen eos sperno aut refuto prorsus (scio, & fateor, multa in his breuitate & ordine bona:) manèrè tamen intra fortunam suam iubeo contentos parietibus & auditionibus priuatis. Puluerè scholasticum & aërem adfectant: non ferent: obruentur siculis & pugionibus istorum, qui prodeunt à Veteribus illis castris. Iuuentus nostra à me hoc audiat: Numquam ille magnus erit, cui Ramus est magnus. Pergebam in hac seripione: (vides quàm benigna materia:) reuocant me non meæ occupationes, sed tuæ. Eas aspicio: & in ambulatiunculam nostram vnā, aut cænulam potiùs, hæc conferam. quàm vt manum tibi & mentem impleam epistolā tam longā. Quod initio dixi, repeto: gratulari me, & optare vt curæ has curas habere possis, non rogare. Cur enim rogem? scio te iuxta ac me velle: nec penes te vnquam culpam futuram non impetrati huius aut non effecti. Deus illis, in quorum manus est, tuam mentem det, tibi seruet. Vale Amplissime & amicissime vir. Lugduni Batavorum 17. Idus Iulias. ∞. 10. LXXXIII.

K 3 EPI.

EPISTOLA XC. *Vlraiectum.*

FLORENTIO THINNIO

Syndico reipub. eius.

SILVI aliquamdiu Vir amicissime: sed (dicam
 veram causam, fiduciâ solâ amoris. Oblivio tui
 fuerit: absit haeres mihi tu & humanitas tua in me-
 dullis. Neglegentia mea? nec illa. quia alibi socors,
 numquam in hac parte quæ ad amicos. Amor, in-
 quam, fuit, firmus inter nos amor: & ab eo fidu-
 cia, quia tam certus eram non irasci te posse Lipsio,
 quàm non amare. Et tamen siquid hîc quoque
 culpæ, morbus excuset: sub cuius umbone sæpe
 nunc in his talibus latito & me defendo. Nam
 etiam nunc apud me ille hospes, lentus, deses. cer-
 tus non abire. Vitrioli acetum à te nuper accepi. si-
 quid acria cum fortasse fugarent: & vtor. Nam nec
 Heurnius noster improbat, medicus mihi in omni
 hoc morbo fidus, peritus, & (quæ laus ei propria)
 cautus. Refrigerat sanè aperitq; insigniter: sed no-
 cet exsiccando. Itaque nondum plenè iuuat. A Pol-
 lione nostro ante biduum ad me litteræ. Omnia,
 quæ volumus. Aureliani sanus agit: Furnerio in-
 notuit: pecuniam accepit. Consulit super abitu,
 aut mansionem. Illum ego suadeam, ut rem video &
 natus in regione eâ defubito turbas. Et Basileam
 (anteà mihi scriptum) cur non emigret? placet lo-
 cus, incolæ, mores. Atque adeò si nulla vis alia
 aut metus expellat, suadeam Germaniæ tamen ad-
 spectum. Vtile enim & è re peregrinantium, qui
 Galliam interfecerint, in illam transilire: ut siquid
 ex gente istâ adhaerent exultans. diluant siue tem-
 perent Germanâ gravitate. Quærit & de Titu-
 lo, Vbi? Ego, dum rem adferat, Aureliani an Bi-
 turigis,

turigis, n
 me fall
 strina
 Palinur
 Æneam
 ad clau
 non dis
 quia, vt
 cymper
 pro tuâ
 di Batau
 lxxv.

Mi
 Cariores
 quos ad
 ro vel arg
 mo & ex
 & cum ha
 niu quod
 tu hanc se
 quâ inter
 Dea trist
 quomodo
 Attu qui
 desidia? S
 etamur &
 hic palam
 Irene: sed
 reuoco,
 studiis ag

turigis, non discernam. Et illam adferet; aut valdè me fallent semina, quæ hîc iecerat firmioris doctrinæ. Derep. non illa mea cura. Tamen excusso Palinuro nostro valdè fluctuatur hæc navis, nec Æneam aliquem promptum video, qui succedat ad clauum. Varij inter Ordines sensus: benè si non dissensus. Deus videbit: ad quem confugio. quia, vt scitè Plinius, *tunc votorum precipuus locus est, cum spei nullus est.* Quæ ipsa vota mihi interposita pro tuâ meâque (si ita expedit salute. Vale. Lugduni Batauorum, a. d. x i i. Kalendas Iulias. ∞. Io. L x x x v.

EPIST. XCI.

CAROLO CLVSIO V. C.

Mi Clusi & litteras tuas accepi. & cum iis thesaurum. (ex animo sic appello) hortensem. Cariores mihi bulbi illi Tuliparum selectarum, quos ad me mittis, quàm si globulos totidem ex auro vel argento. Vulgus non credit: ego de meo animo & ex animo loquor. Grâdes tibi gratias habeo: & cùm habeo. debeo: ac debebo semper. Infortunium quod in pede tibi euenit, mihi dolet. sed quid? tu hanc sortem, ego aliam: & quemque clade aliquâ internâ siue externâ afficit Homericâ illa Ate. Dea tristis, amara, perambulat hunc orbem, nescio quomodo magis celeri pede, quàm candidæ Litæ. At tu quiescis, & id luges. Vtinam nobis domi illa desidia! Sed (en tempora, mi Clusi, imminet) iactamur & pellimur ad nescio quæ terrarum. Nam hîc palàm discidia. Tamen sermo etiam aliquis de Irene: sed vereor, vt sermo. Te vocaui nuper: nunc reuoco, cùm video instabilem statum. Nos in studiis agimus, & promouemus haud multum

inter tot turbas : tamen his diebus feriatis nescio quid in Senecam adnotauimus Tragicum . quæ mitto, si te fortè delectat ille poëta. Paramus Politica, & grandiora quædam ; sed quid mihi aut tibi spondeam . per hæc tempora & valetudinem hanc incertam? Hoc vnum, amare me virtutem, doctrinam, & amaturum semper : eosque qui eâ præditi te, mi Clusi, inter primos. Vale. Lugd. Bat. VII, Kalend. Nouemb.

EPIST. XCII.

Preslauiam.

ANDREÆ DV DITHIO V. N.

Cæs. Consiliario S. D.

IN ruborem me das hâc humanitate tuâ , Vir Illustis. Scribis vtrò, compellas vtrò: & promissaque offers ea, quæ improbæ pænè mentis sit à tali viro sperasse. Ego enim te noui, Dudithi. & quamquam inter nos multæ terræ, multi montes: tamen etiam huc penetrauit se dudum fama nominis tui & virtutis. Boni omnes ita me probent amentque, vt iam pridem ego te, etsi tacito dumtaxat quodam sensu. Quæ enim mihi occasio aperienti: ad quam præiuisse nunc te, & velut strauisse hoc iter beniuolentiæ & amoris, sanè gaudeo. In quo sedulò & cum fide decurrendo, numquam erit vt vincar. Libellos nostros & Constantiam laudas. mentiar, nisi id mihi gratum: non quia laudes me capiant nimis aut titillent, sed quia testimonia talium virorum. Itaque addis ad reliqua calcar. quo egere nos interdum fateor, ob iudicia siue calumnias quorundam. Nam valetudo mea nunc (propitio Deo dixerim) nihil impedit: & querela illa, quam Constantiæ subtexui, scripta in morbo meo ante aliquot annos. De Amphitheatro librum edidimus:

dimus: quem mitto ad te non vt munus, sed nouæ
amicitiæ velut arram. Superfunt Saturnalium ali-
quot libri: qui digesti, imò perfecti, nisi quòd ali-
quam exspectant iudicij limam. Quam haut facilè
adhibeo, partim negotiis districtus, partim his bel-
lis: contra quæ etiam stamus erecti, tamen auocant
sæpe hunc animum à talibus cogitationibus, & in
se intendunt. Remedium tu amicè offers (scio enim
quod domicilium, & apud quem, designes:) & ex-
osculor adfectû. Sed multa mihi nûc impedi-
to. familia, vxor, (nulli tamen liberi: parui è sorore
nepotos, quibus tutor ego, illâ nuper mortuâ, imò
velut pater. Sed nec corpus mihi nimis firmum ad
longum iter: etsi integra adhuc & viridis ætas. Ita-
que non decretum mihi commouere ex hac patriâ,
nisi fluctu aliquo maiore expellar: quod non semel
nobis timendum videtur, in hâc tam diuturnâ tem-
pestate. Alioqui beniuolè me habent Bataui, & sti-
pendio sanè honesto. Nicasium Ellebodium ab ad-
spectu numquam noui, optimè à nomine: iam tunc
cùm Romæ apud Cardin. Granuellanum agerem,
paucis mēsis post eius discessum. Nam ipse tunc
Patauij: & scio me aliquando ad eum scripsisse,
Cardinalis nomine & iussu. Scire velim viuâtne, &
ecquid agat. Idem de Michaële Bruto: quem ex
Epistolis editis video tibi amicum, itemq; ex Præ-
fatione eâ, quæ in iudicio tuo de Cometis. quem li-
bellum iam olim auidè legi & cum fructu. De **
Mathematico scripseram olim ad Ortelium, sed
nescio reuera sitne futurus ad saluam vestram &
gustum. Mathematicus enim merus est, sine aliâ
arte, imò pænè linguâ: denique ex genere, qui *μα-
θηματικοί* potiùs quàm *θεωρητικοί*. Adde quòd ægrè
nunc auellatur ab his locis, in quibus arti eius ho-
nos & vsus. Siquid de altero etiam, non grauior

indicare. Donellus Iurisc. amicè te resalutat : quem Norici abstrahere conati à nobis ad Altorfianam Academiam. frustrà . Manet enim mansurusq; est, quâdiu hæc schola . Valdè & tibi se insinuat noster Doufa : itemq; Plantinus, qui apud nos nunc agit, & casu cùm has scriberè interuenit . Vale Amplissime & nobiliss. Dom. Lugduni Bat. ∞. Id. LXXXIV. Saluto ex animo D. Monauium, si est istic.

EPIST. XCIII.

Middelburgum.

IANO GRVTERO S. D.

IMPEDITVM in Galliam iter tuum molestè ferro. & hoc tamen malo, quàm vt cùm peruenieris, periculum tibi aut fuga . Quamquam rumores illi magis grandes fortasse, quàm graues. Sanè qui modestiores illinc veniunt, omnia magis placida nuntiant, nec de bello etiam nunc aperto . Suspectam tamen pacem esse fateor : sed quando non in illâ gente? utique hoc statu: quo de religione illud discordium malè sàrtum malè coit . Consilium tamen à me si quæris : ego censeam per Galliam transire te posse ad Germaniæ fines . Basileam vel Argentoratū dico: atque illic velut è speculâ prospicere quis in Gallia ventus. Si Zephyri pacati: redire. si Austri aut Noti herere apud crassiolem, sed & quietiorem gentem. Omnino consilium non est, dare te frustrà & cupidè in turbas. quarū si tibi amor: mane apud infelices Belgas. De Electis meis. si is, fer ad Brissonium vnà: si manes aut aliud iter capis, remitte. Nam vt per nuntium, non sunt tanti, atque ego tantum munus illud velut conciliando tibi viro magno dederam, & aditu maniando . Vale, & salue à me nondum saluo. Lugd. Bat. xiv. Kal. Maias. ∞. Id. LXXXV.

EPIST.

EPIST. XCIV.

Antuerpiani.

ADOLPHO METKERCHO

Præsidi Flandriae S. D.

QVOD rariùs te appello, Vir amplissime, ab occupationibus tuis est, non à meis. Illis hoc largior: quas cum in reipub. curâ & patriæ nostræ salute defigas, non institus solum sed impius sim, si temerè interpellem. Et verò quid magnopere ad te scribam, præter colere me & amare? neutrum ambiguum, qui deberi hoc tibi à bonis omnibus scis & iam reddi. Effecit enim dudum (rarum in * πολιτῶταις) integritas tua & mira probitas, ut in- * Admini-
uidiam odiumq; non minùs in aliis viceris, quàm *strenuè recip.*
auaritiam in te & ambitionem. Ad patriæ salutem consilia tua omnia diriguntur; ad tuam, ciuium vota. Sed hæc apud alios malo. Studia nostra per has turbas non vigent, sed nec planè cessant. Aliquid De Pronunciatione linguæ Latinæ meditabamur, ut tu de Græcæ: sed exemplo magis eodem, quàm curâ fortasse aut successu. Tenuis enim hæc materia: & quam vix impleam, nisi à suspicionibus & coniecturis. Nam auctoritatum nos hîc ferè inopes. Plantinus etiam ad Grammaticam concinnandam impellebat, quæ communis Belgio vniuerso esset. sperabat id enim Ordines decreturos. Vix ego. nec si faciant tamen, valdè ingenio aut Genio meo scriptio talis. Quamquam fateor utilissimi instituti rem fore: nec magis peccari in iuuentute instituendâ, quàm hac Grammaticarum varietate. Inter magistrillos factionum res est: & quisque hanc aut illam præfert, quia posthabuit eam alter. Iam illi ipsi qui cõdunt, quid hoc vno reges. Mihi puero triplex olim Grāmatica prælecta,
in tri-

in triplici migratione. Ad annum decimum tertium nugæ illæ tenuerunt; & adfirmo tibi ab anno octauo eadem me tenuisse, etsi nõ eodem modo. Quinque illi anni si in stilo & grauiorum rerum scientiâ positi fuissent, quis mihi fructus? Et hæc peccantur cottidie, non tam imperitiâ, quàm ambitu docentium & prauitate. Cui vos quoque, velut publico malo, mederi par sit: si tamen à grauioribus illis respiratis paulùm & ad mortem morbis. Quos Deus aliquando à miserâ hac Belgicâ auertat, & te Vir Amplissime nobis illique seruet. Vale. Lugd. Batauor. III. Idus Nouembr. ∞. Id. LXXXII.

EPIST. XCV. Lutetiam.

M. VALERIO COLLINO

S. multam precor.

NON largiter solùm, mi Colline, sed, quæ maior laus, firmiter amas. Louanij cœpisti: comitatus te in Galliam adfectus etiam nunc non deserit, etsi in temporum & locorum grandi interuallo. Adde inter nos silentium: quod frigus inducere potuerit vel incitatissimo amor. At tuus nec intepuit quidem: & scintillas acres sparsas video & colligo in epistolæ tuæ omni parte. Redamo, redamo; & iure, pectus tam fidum, tam amicum, Locum sic satis honestum tibi illuc esse gratulor: nec, si me audis, muta. Ad patriam enim cur aspires? Zephyri interdum aliqui melioris spei, fateor: sed turbant subito ex transuerso Noti. Cur autem iuuenilem hanc, vt sic dicam, nauim in feruidum illud fretum immittas; cùm statio tibi aliqua saltem, si non portus? Obdura, credo aliquando, post tam diurnas tenebras, miseris Belgis sol aliquis illucebit firmioris pacis. Nos quoque non mutamus: etsi ex-

teri

teri ianuam aperiant & inuitent. De pugnis, quas in improbos quosdam pro me pugnas, (ita scribis:) gratum, nec gratum. Ab adfectu. gratum: re displicet & effectu. Quid enim litigio isto vincis? non illos meliores facis: non me honestiorem, quem nihil maculant linguarum illarum sordes. Ita serio sentio. laudari me, cum culpant tam illaudati. Non virus illud homuncionis ego noui? inter cuius minimas culpas est liuor. Alia peccata sunt quæ ipsum eosque perdiderunt & perdunt, qui adhærescunt. imò qui tangunt. Tu fuge igitur, non pugna. Cessasse hinc præstat, quàm incessisse: quia nec vincis quidem ac repellis sine maculâ tam maculosos. De Hospitalij Epistolis editis, valdè gratum. haueo inspicere: magis quàm illos ad Ciceronem Cômmentarios, famæ grandioris quàm rei. Quid refert? emptores suos, imò & amatores reperient vana illa doctrinarum. Nos solida nihilominus amabimus, contra iudicium hoc vulgi; & te vnâ, mi Colline, quamdiu tu me & virtutem. Vale. Lugd. Bat. Pridie Kal. Septemb. ∞. Id. LXXXV.

EPISTOLA XCVI.

IANO DOVSÆ meo S. dico.

LEGI ad vxorem litteras tuas quâ de me erant. Bellum hominem & facetum! qui tam arguto schemate scribis ad me, & non scribis. Quid censes? excusatum iri te? Non debebas. præsertim cum non alieni solùm multi huc cottidie, sed ipsè à te tuus homo. Et tamen excuso, non tam arte istâ caprus, quàm inductus à naturâ tuâ: quam cetera efficientissimam, cessare plerumque scio & fastidire in scribendo. Culpa ea in amicitia, fateor: sed cui non sua labes? Nec circumfusa illa Thetys eam in te eluc-

* timor pas-
sis aliis.

te eluerit suis vndis: nedum vrego me postulem
minis. Taceo igitur, & patior. Emanatio vestra prae-
ter vulgi vota & nostram spem est. Etiamne in illâ
aulâ trica & remore? nec tamen miror in re tam in-
tricatâ: cui, in vrbe vrbium iam amissâ, nouus no-
dus. Multi apud nos concidunt, multi dilabuntur è
familiaribus tuis abit quâtum potest *Iupiter ille To-
nans*. Iam valedixit, iam sarcinas collegit, iam est in
viâ. non tenuerint hominem Bataua omnes qua-
drigæ. O vim metus, & verè * τὰ νόμῳ δέμα! A
quo pēnas etiam Hybrida noster sumit, ad eandem
fugam. qui tamen dissimulat, & resistet, vt ait, hac
hieme: scilicet cum ciconiis ad vos venturus, sub
æstatem. Ceteri valemus, & stamus. Valemus. vt &
me includam: haud planè etiam firmum, ad sidentem
tamen iam sanis, imò & accumbentem. Nam
conuiuia etiam obire hilariter audemus: quibus
ades plurimum, & non ades. Nam mēs nostra sæpe
apud te, & de te lingua. At inuitatiunculâ tuâ, & il-
lorum procerum, nunc nō vtor. Di boni, quā vo-
luissē nobilissimam insulam! Sed antea longior
impediuit; nūc hiems, quæ per continētes has tem-
pestates occupat præmaturè. E Galliâ mihi litteræ;
& hoc noui, Perronium ibi recusum cū tuis Notis.
Apud me est, videbis redux, De Mureto, nunciant
Vixisse, antea tamen Senecam Romæ edidisse casti-
gatum & illustratū. Valdè velim vidisse. Rogertius
noster istic quī valet? quem inuideo tibi, te illi. Fa-
bulamini enim assidue, muginamini, & estis vnâ
quādo libet, quādiu libet. ô beatum pat! & quod
utinam per me impar! Saluta sodes, & excusa me de
silentio iustissimâ morbi causâ. Sed heus tu! imita-
bor tuum *ὀφείστω*, & ad alium id hac epistolâ scri-
bam. Cognatis mihi illic est in comitatu Busij,
....., appella hominē, saluta, (caue neglexeris.)
dic

dic accen-
sponsum
velum
bum! p
frons ta
illo. No
fortè su
ad libr
inuidia
dotame
& includ
Qui vti
alter te a
Septemb

L I R
hau
ab eo vir
compella
uolentia
Constati
philologi
in cogita
hi quæda
istam. No
fecturū n
velut grac
Deo & fil
liberant,
ad eā per
hac exer
aliud esse

dic accepisse vnas eius li teras, cupere plures. responsum me in breui impeditū adhuc morbo. O velum mihi vtile, & hac saltem parte salutari morbum! patrocinator in omni culpa. Tu ne inuide, cui frons tam dura, vt excusari etiā poscas & possis sine illo. Nos editionem Epistolarum paramus (si quid fortè subitum in hoc morbo) & iam cōcinnauimus ad libros plures. Tardat, quòd offensam alibi aut inuidiam veremur, ex cādore & libertate. Quomodo tamen aliter ad amicos scribamus? Sed videbo, & incēdam aut recēdam: nequi noui in nos venti. Qui vtinam te referant, mihi, vxoriq̃ue! quorum alter te amat, altera perit. Vale. Lugd. nostra, Kal. Septemb. ∞. Io. LXXXV.

EPISTOLA XCVII. *Leodium.*

LÆVINO TORRENTIO

V. Amplissimo S, D.

LITTERÆ tuæ quàm gratæ mihi acciderint, haud facilè effabor. Mittentem intueor? scio ab eo viro, à quo nosci perhonestum, non dicam compellari. Ipsas? plenæ sunt fidæ cuiusdam benivolentiæ, & salutarium præceptorum. Et fateor, de Constātiā meā iure ita sentis. Aptare enim veterem philosophiam ad Christianam veritatem volui: & in cogitatione eā totus dū sum, illapsa & elapsa mihi quædam fortasse, quæ illam magis sapiant quàm istam. Non purgo. correctionē imò polliceor. & effecturū me vt ad culmē illud veniam, à primo isto velut gradu. Ego enim ferid scio & sentio, in vno Deo & filio eius Christo, qui nos benignè redemit, liberauit, spem omnem politā humanæ salutis. Vias ad eā perueniendi, expressas in Sacris litteris. nec hæc externa omnia, & Philologa siue Philosophia, aliud esse quàm accessiones quædā & ornamenta:

folia

folia inquam, non fructus. Quod iudicium meum in isto ipso de Constantiâ libro in fronte apparebit: qui iam iterum sub Plantiniano prælo. At Senecam & Stoicos admiratus sum. Certè. sed non ut qui verum, me iudice, viderint: sed qui paulo magis tamen in iis tenebris oculos aperuerint, quàm ceterum vulgus. De immortalitate nostrâ aut malè aut timidè senserunt, & scripserunt: esto. (et si disputari eâ de re potest) deum tamen aspice: quæ secta aut illum magis aperuit & homini inseruit, aut ea quæ ad ipsum maiestatem dico eius, prouidētiam, gubernationem, & curam nostri. Quem primum limitem esse ad cognitionem & amorem veri dei, nemo negat. Hæc mihi sectam illam non probam prorsus fecerunt (absit:) sed probabilem tamen supra ceteras, quæ magis humi & circa hominem repunt. Iam de moribus & animorum lustratione, quis Senecæ, Epicteto, Arriano (quamquam ille, Epictetus alter est, & loquitur ferè eius verbis) hac parte præponendus? Multa & præclara Plato, confiteor, multa Aristoteles: sed non robore eodem aut neruis. Spirat nescio quis calor in Senecæ aut Epicteti scriptis, qui ad lectorem quoque peruenit: nec differere illi magis de virtute videntur, quàm inferere & inculcare. Quod si vitâ eam & factis non expressere: quid miramur? Veræ fidei & veræ lucis fulcrum illud defuit: cui qui non innixus, necessum est in partem aliquam ruat. Et tamen hîc quoque facile peccari sentio, si quis eos nimis apud lubricam iuuentutem hanc miretur & laudet. Abstrahat enim à veris & legitimis illis animorum medicis, alliget ad agyras istos. quod cum aliis, tum mihi quoque deinceps censeo cavendum. Non enim satis, ne ipse errem; sed ne alteri sim erroris causa. Itaque, ut illuc redcam, iure quædâ in scri-

pro il-

pro illò
pressat
non am
feram &
me par
statu rer
num. A
lud mar
te / vir m
canam il
fimo, vi
tui aman
ramus al
mari mag
Vale. L
LXXXI
me salu
iis prom

EL

Q v d
telle
mum aud
le præter
& fructu
rum: iste
flore. Fer
genio non
mitior nu
ràque Ga
taue & fu
cursu, ab
illo Bacc

pro illo meo desideras : & præsertim magis expressam pietatem. Quam ego, te hortatore & duce, non animo meo deinceps geram inclusam, sed proferam & præferam clarè in scriptis. Factum autè à me parcius, (si veram causam vis) in hoc ancipiti statu rerum & varietate iudiciorum, metu offensio- num. At ego te sequor: nec inuitus in placidum il- lud mare rapior ab hoc Torrente. Quod superest, & te (vir maxime) ex animo amari & coli à me scito, & canam illam veritatem. De Dousâ hoc quoque con- firmo, virum modestissimum optimumque esse, & tui amantem. Plantinus ad nos redierat: è quo spe- ramus aliquid audituros de tuis scriptis: quæ æsti- mari magis à nobis scito, quàm apud te promo. Vale. Lugd. Batau. Prid. Nonas Maij. ∞. I. O. LXXXIV. Dominic. Lampsonium valdè velim à me salutis. cuius litteras accepi, at non illud quod in iis promissum. Item Læuineium, sororis tuæ filium.

EPISTOLA XCIIII. *Lutetiam.*

HENRICÒ WILTIO S. D.

QVOD ò salutem adueneritis, idq; ex litteris tuis in- tellexerim, valdè gratum. contrà molestissi- mum audire, de morte Sigonij & Guilielmij. Sed il- le præter ætatem nihil passus est, (canescebat enim:) & fructus vberes cepit & reliquit studiorum suo- rum: iste noster, exstinctus in ipso æui & ingenij flore. Feramus, & vereor ut hic annus fatalis sit in- genio non vni. Me quoq; carpit lentè morbus: etsi mitior nunc paulò molliorque. Lutetiæ, siue in ple- ràque Galliâ totâ, pestiferam luem vigere audio: caue & fuge, quantum humaniter licet. Abstine à dis- cursu, ab intemperie, luxu, & inprimis ab insolenti illo Baccho. Nisi caues, fatum tibi per illam viam.

L

Melissum

Melissum istuc esse, gaudeo: & magis si usus tibi cum illo. Velim te in hac peregrinatione innotescere viris; qui claritatis aliquid habent ab ingenio & scriptis. Hæc enim res ad tuam lucem. De Cuiacio quid est? Auaricæ agit? an Lutetiæ est in consilio Regis? ita nescio quis rumor ad me adfert. Tu hæc & talia scribes: quæ grata nobis scis intellectus. Eidem viro epistolam meam ostendere poteris, ad Ianum Guilielmium (si tamen occasio erit) quia si memini, quædam in eâ quæ ad illum. Aperi prius, & vide: & quod videbitur face. Sed ô illius alumni nostri ignauam ignauiam! itane eum perdidisse aut proiecisse commissas literas? At ego de superbiâ & contemptu periclititer apud Memmium, Pinxum, Faucerium, quem Leida olim nosti. Plura vetat languor: nec manus aut mens mihi satis prompta ad scribendum. Deum rogo te seruet, & augeat cum annis modestiam & virtutem. Lugd. Bat. Kal. Decemb. ∞. Io. LXXX. v.

J. Aucto, viro & poetæ summo, item Passeratio à me salutem.

EPIST. XCIX.

Antuerpiam.

IOHANNI ROTARIO S. D.

Et ipsæ litteræ tuæ, Vir prudentissime, mihi gratæ: & gravior causa, quæ te impulit ad scribendum. Amor enim & humanitas est: quem nisi mutuum amem, manantem à tam puro fonte, durus sum & inhumanus. Atque ego te, mi Rotari (verè & sine blanditiis dicam) iam antè inter iunctos habebam & inter caros, ita multa de virtute tuâ audiebam, & studio sapientiæ & doctrinæ: quod rarum inter tui ordinis homines, quibus* pēnatus ille deus

* Mercurius.

deus carior est quàm * laureatus. Nunc autem à te Phœbus:
 litteris tam amantibus prouocatus, sequar in hunc
 amicitiae campum, nec vinci me patiar officiis quæ
 ab animo quidem sunt & adfectu. Constantiâ no-
 stram à te probari gaudeo. & magis illud, quòd si-
 gnificas te iam olim in studiis his Sapientiae dedi-
 tum: quæ sperni scio à quibusdam vt superuacua, &
 in quibus parum ad virtutem sit momenti. Sed er-
 rant. quoniâ etsi à diuinis litteris verum omne ro-
 bur, & purâ luce nos perfundi fatear pietatis: sunt
 tamen hæc iuxta diuinû verbum adminicula quæ-
 dam, quibus dirigi & firmari possint vacillâtes isti
 gressus. Nam quin castè & cautè Philosophiâ vten-
 dum sit, non abnego: eaque ad normam & velut la-
 pidem exploranda cælestis legis, cum qua tamen
 consentire pleramque eam (dico quæ de Moribus
 est, quis item neget? in Platone, Trismegisto, Epi-
 cteto, Arriano, altas præclarasque multas voces re-
 perio: quid refert à quo eæ profusæ, si ab vno illo
 spiritu veritatis? Quem inspirasse, vbi libuit, prisca
 illa etiam pectora, & oracula edidisse per homines
 vanos & profanos, nihil ambigo. Inter vetustissi-
 mos Iobum vide, quæ è gente electâ fuisse non cen-
 sent, & tamen scripsisse omnia electa. Mercurium
 illum ter maximum, quem dixi. mysteria in eo
 multa & arcana nostræ legis; etsi Ægyptium fuis-
 se traditum sit, nec imbutum veris sacris. Idem in
 philosophis est, & omni illâ scholâ quæ à Socrate:
 quorum scripta notas non obscuras & scintillas
 præferunt clari illius ignis. Itaque vt in prælio, non
 gladiis solùm & granioribus telis res geritur, sed
 etiam funditorum quædam opera & leuis arma-
 turæ est: sic in hac nostrâ contra vitia & adfectus
 militiâ, non solùm illo penetrante Verbi mucrone,
 sed etiam philosophorum hastis & sagittis aptè

interdum & vtiliter pugnabimus. Sed digredior. & tu fortasse aliquid de repub. item nostrâ expectas, vt remunerer te hâc quoque parte. Sed quid scribam? lenta hîc omnia, non læta: & videntur res nostræ velut in vado quodam adhærescere. idque eo tempore, cum velis & remis festinandum sit. Nam qui in nos pugnant, quos progressus cottidie faciât, vides. Remedium hîc mutatâ reipub. formâ & ab vno capite quæritur, vtinam vtiliter! Sed vix spero. ita multi palâm, plures dissident occultè. A labe eâ quæ Flandriam corripit, immunis nostra Batavia non est: & hîc quoque varia iudicia & discidia animorum. Ita vereor ne rebus nostris fractis & labentibus *extremum malorum* (vt Tacitus noster ait) *discordia quoque accedat*. Quod si fit, conclamatum est: & exsequias Belgicæ, quibus cōmodum est, ite. Sed hæc sunt illa, aduersus quæ Constantia nos munit: & in cuius præsidio ego quidem acquiesco. De falso Cicerone illo, gaudeo tibi probari iudicium nostrum. Illud miror, Italos fuisse tam obesæ naris: à quibus, si deo placet, aureus ille partus. De Boulenio & Panhuilio, faciam sedulo: & si quid aliud erit, in quo gratum facere tibi tuique similibus possim. Salue. & per te Iohannes Viuianus vir planè bonus & poëta. Lugd. Bat. x i v. Kal. Ianuar. ∞. IO. LXXXIII.

EPIST. C. Antuerpiam.

PETRO EGMONDO S. D.

GRATVLATIONEM expectas? increpabo. Tūne Româ recēns redieris, & tribus verbis ad Lipsium? idque post biennium, & illo ipso biennio per silentium elapso? Certè tuum, non enim ego etiam sileps, qui ad te tēbro, ad Bensium etiam, & ad Win-

ad Win-
mibi & o-
inops reru
saltem de
quid Ful-
actitent,
res? quid
enim effa-
lam nutri-
casti, & v-
Quod fiet
& obrues
magis latâ
nunc, & E-
annum &
quidem a
Ardores
ab Hypo-
& caput
eum mori-
languor fi-
dicem ten-
medicorum
Ego omni-
xilio Nyri-
rè iuuant
extremun-
hic luctat
deiectus n-
quis est:

Et profec-
ram. De
guore hoc

ad Winicelium dedi. At nunc, tanquam in oculis mihi & ore assiduus, ita languidè scribis & quasi inops rerum. Quin si de te nihil & itinerum cùetu: saltem de manu illà nostrà aliquid litteratorum? quid Fuluius, quid Muretus, quid meus Bensius aetitent, & illi velut Patres litterarum ac Senatores? quid iunior alia soboles, qui succrescunt? Non enim effatam nunc ingeniorum Italiam censeo, illam nutricem eorum olim & parentem. Hæc peccasti, & ut spem imò viam veniæ ostendam, purga. Quod fiet vnà re, si priores illas litterulas delebis & obrues grandi aliquâ epistolâ, longâ, latâ; & quò magis latâ, magis lætâ. Talibus enim alloquiis egeo nunc, ô Egmonde, in torpido hoc morbo. qui me, annum & tres ipsos menses, iam tenet; nec notus quidem adhuc planè medicis, aded non remotus. Ardore viscerū sunt & interni æstus, haud procul ab Hypochondriacâ melancholiâ: nisi quòd mens & caput mihi sana. quæ tentari tamen & lædi per eum morbum non te, credo, fugit. Similis aliquis languor fuit, qui magnum Laurentium illum Medicem tenuit & citò abstulit, sed per imperitiam medicorum. Nam aliàs, ad mortem nō ita præceps. Ego omnibus armis in eum pugno, & præcipuè auxilio Nympharum (frigida enim in potu & esu mirè iuuant:) & aliquid sanè proficio: nisi quòd ad extremum, vereor ut suppeditet me tam pertinax hic luctator. Victus enim aliquoties non vincitur, deiectus non cadit, fugiens non cedit. Antæus aliquis est:

— ab ipso

Sumit opes animūque casu.

Et profectò Terræ illa progenies, ducet me ad terram. De me habes. nam de studiis, scilicet in languore hoc languent. Tu autem quid? Grudiosne

cogitas. & illic honorem? Fauco, & voueo illud mi-
 tor, in eâdem togâ candidâ tecum conspici tam ni-
 gros. Etiâ me ille, ab Lutetiâ huc adspirat: O fron-
 tem, frontem! Nec tamen illum nimis culpo perse-
 uerat enim esse quod fuit:) magis illos, qui flectunt
 & inclinant se ad tales. O vrbs mihi olim amata &
 culta, misereor. tenebrę & infamia tibi, per tam ob-
 scuros, tam infames. Tu autem, si me audis, obdura
 & fortiter age: peruioces, si inter suffragatores aut
 arbitros, vlli erunt mediocriter boni. De migratione
 nostrâ: amicę tu, nescio an ex famâ meâ, aut ex
 usu. Inter hirundines istas ego? æstates aliquot otij
 & pacis hîc egimus: vis mutem ad ingruentem pri-
 mam nimborum hiemem? non decorę, fortassę nec
 prudenter. Perpetuum enim serenum in illâ parte
 quis mihi spondet? Obscūra, mi Egmonde, hæc ta-
 lia: in quibus verus illud Tiberianû iure nobis pla-
 ceat, vt *consilia, quibus impares sumus, futo permittamus.*
 Homo hîc quid videat? desipit maximę, qui sapit
 maximę. & solus ille æternus æthereusque oculus
 est; qui hos euentus cernit, & dirigit sæpe præter
 omnium mentem. Illi ego hæc & me permitto, &
 clamo ex animo hoc vetus:

*Tu Iupiter
 me ducito, &
 Fatalitas.

* *Αγέ δὲ μ' ἄλζῃ, καὶ σὺν ἡ περὶ πᾶν.*

Tu mi Egmonde vale, & Clarissimum Iurisc. &
 Antecessorem Iohannem Wamesium, si occasio ti-
 bi, à me saluta. virum prudentem, doctum, & (quod
 expertus sum) in virtutem & litteras valdę pro-
 num. Idem cupio & censeo de Antecessore Philip-
 po Suerio.


F I N I S.

I V S T I

IVSTI LIPSII
EPISTOLARVM
CENTVRIA
SECVNDA.

THO

BR



huc m
hæc cr
que or
Genus
firpe c
pruder
cimē d
bis. Ac
sio dū
prouid
tua teh
neratio
in illā


Ad Illustrem virum

THOMAM BVRGIVM

B A R O N E M,

E T

BRIELANVM PRÆFECTVM.



LTERAM Centuriam
epistolarum nūc emit-
timus, Vir illustris, &
nomini tuo meritissi-
mō eam dedicamus.

Si amor aut beneficia
huc me vocant: ille in me magnus, &
hæc crebra. si dignitas aut virtus: utrā-
que ornatus es inter gentis tuæ primos.
Genus tibi nobilissimum, & antiquā
stirpe decōrum: magnitudo animi &
prudencia eximia, & cuius vtriusq; spe-
cimē dedisti in his Belgicis quoque tur-
bis. Ad arma quoties te hostis aut occa-
sio duxit, tu manu strenuus, consilio
prouidus: & quies cū fuit, Præfectura
tua te habuit cum ciuium militumq; ve-
neratione pariter & amore. Quinetiam
in illâ nocte temporum, cū homines

L 5 qui-

quidam maioris animi quàm cōsili j hęc
 nostra turbarent, & vno velut filo ap-
 penderent publicam salutem: ea mode-
 ratio & prudentia tua fuit, vt in mediis
 flammis flāma te non tangeret, & pænē
 vnus firmus quietusq; stares in comu-
 ni illo motu. Magna ista sunt: & maiora
 futura, si maior aliquis aut latior virtuti
 tuæ campus Quod voueo: & te, Vir il-
 lustris, rogo, vt inscriptionem hanc ac-
 cipias velut animi cultusq; mei in te pi-
 gnus. Vtriusque quidē eximij exiguum:
 sed quid faciā? vt Vlysses ille apud Al-
 cinoum nihil habet quod rependat pro
 ingentibus meritis, præter vota & gra-
 tes: ita ego, quem cetera destituunt præ-
 ter munera hæc mentis. Quæ tamen
 vobis magnis quoque sæpe magna. &
 meritò: quoniam fama & æternitas ab
 istis: & vt ait Pindarus,

• Sermo fa-
 ctus diutius
 vixit, quem
 cum Gratiis
 volentibus
 lingua extu-
 lerit è pro-
 funda mēte.

* ῥήμα δ' ἐργμάτων χροῖω-
 πρεσβιότατοι,
 ὅ,τι καὶ σὺν χαρίτων τύχῃ
 γλώσσα φρενὸς ἐχέτοι βαθεῖας.

Vale III. Idus April. ∞. IO. XC.

A D

A
 detrax
 non a n
 sibi fun
 lim: (c
 alibi h
 ro soli
 siue im
 homin
 quisqu

QV
 ME
 VV
 PR
 FAL

Homo
 quot a
 blanda

AD LECTOREM.

171



HABE etiam hanc CENTURIAM Lector, sed puram, simplicem, & sine mixtione. In priore illa alienas aliquot inseruimus: nunc displicet, & detraxi. Non ergo dignæ illæ edi? dignæ, sed non à me: & mali exempli, arbitrium hoc sibi sumere in scripta aliena. Mihi fieri nolum: & tamen faciunt. atque ecce edunt alibi hanc aut illam epistolam, me non ignaro solum sed inuito. Quæ hac temeritas, siue improbitas, est? Clamo & testor apud homines qui sunt, qui erunt, inimicus mihi quisquis hoc facit.

QVICVMQVE QVODCVMQVE
MEVM, PRAETER ME, DIVVLGAT AVT DIVVLGABIT,
PRAESES LITTERARVM ET
FAMAE DEVS VINDICATO.

Homo imperite & * φέρων ἡλέε. verba aliquot apud te familiaria, aut libera, aut blanda effudi: sed apud te: & in lucem tu
hæc

* mentem
vacuam.

*hæc calidè effers ? Quid hoc est aliud
(ut ar desertissimi viri verbis) quàm tolle-
re è vitâ vitæ societatem? tollere amico-
rum colloquiâ absentium? Quàm mul-
ta ioca solent esse in Epistolis, quæ pro-
lata si sint, inepta esse videantur ! quàm
multa seria, neque tamen vlllo modo
diuulganda ! Abi igitur inhumane, inepte:
nec sic me produce, imò traduce. En, cum
cautè omnia & circumspetè scripsimus (ut
hoc etiam est) non effugimus morsum : tu
subitaria mea prodis, id est, latus pectusque
meum nudum obiicis ad omnem ictum? Abs-
tine. & tu Lector, mea ama, sed mea.*



INDEX EPISTOLARVM CENTVRIÆ II.

A.

A BRAHAMO Mylio
epst. xxvj.

Abrahamo Ortelio xxxvj,
lix, xcix, c.

Æmilio Rosendatio xix.

C.

Carolo Clusio xxiv.

Caspari Vosbergio lxxxvj.

Christoph. Plantino xxvj,
lxxij.

D.

Dionysio Gothofredo xxxij.

Dominico Baudio xxiij,
lxxx.

Dominico Lampsonio xv,
l, lxxxvj.

E.

Elberto Leonino xy.

Eucardo Pollioni xij,
xxxix.

Eucardo Reidano xvi.

F.

Federico Morello lxix.

Francisco Bencio lxxv.

Francisco Hildeheimio lxxij.

Francisco Innio xiiij.

Francisco Nansio xxxvj.

Francisco Raphelengio Filio

xij, xxxiiij, liij, lxx, lxxj,

lxxiiij, lxxxvj.

G.

Gerardo Tuningo lxxvj.

Gulielmo Cripio Filio

lxxxij.

H.

Hadriano Saravia xx, lxx.

Hadriano Turnebo Hadria-

ni Filio j.

Henrico Borbonio Principi

Dumbarum lvij.

Henrico Wilzio vij, liij.

Hieronymo Grosstio Lislao

xj.

Hieronymo Mercuriali

xlviij.

Hugoni Blotio xciv.

I.

Iacobo Augusto Thuano A-

merio ij, lxj.

Iacobo Corbinello v.

Iac. Cuiacio xvij.

Iacobo Monauio lxxxvj.

lxxvij.

Iano Douſa V. N. lvij.

Iano Douſe Filia xliij.

Iano Duystio xxxij.

Iano Grutero xli.

Iano

Iano Lernutio ix, xvij. Michaëli Montano xli, lv,
lij, lxvj. xcy.

Ioh. Arerio xxv, lxxxij.

Ioh. Guliel. Stuckio xxvj. Nathani Chytræo lxxxix.

Iosepho Consalues lxij. Nicodemo Frischlino xxxv.

Iosepho Scaligero xxj. Nicolao Ondaerto xcij.

* Ioseph. Scaliger Iulii Ca-

saris F. Francisco Vertu- Paulo Melisso xxx.

mano xlv. Petro Alostano xl.

Iosia Mercero xxxj. Petro Brachio lxi.

Istaco Casaubono lxxxiv. Petro Pauwio lx.

* Iul. Scalig. Ferrerio xlvj. Petro Regemortero xcy.

L. xlix.

Leuino Caluardo lxxix. Petro Villerio x.

Lamberto Culenio xlvij. Petro Villerio Filio iij.

Lamberto vander-Burch Philippo Marmxio lxxxv.

R.

vj. Regnero Grutero xij.

Lanceloto Brunio xcvj.

T.

M.

Maria Gornacensi, virgini Theodoro Bernardi xli.

nobili lvj. Theodoro Cantero lxij.

Martino Lydio xc. lx xvj. Theodoro Lecwio xvj.

Matthæo Dressero xxxvij. xliij. lxvij.

Michaëli Forgacz, libero Theodoro Marcilio xxix.

Baroni de Gimes lxxxj. * Typographus Lectori xcvj.

Michaëli Huralto Hospitali V.

lxiv. Victori Gisellino ij.

IVSTI

EP

C

HA

N

tur om
à puero,
rem illu
sed aux.
mâ æter
mana.
Turneb
& iudici
triumph
illo auro
Grosloci
mihi ade
mittendi
crebrò &
nos pene
talituo p

IVSTI LIPSII
EPISTOLARVM
CENTVRIA II.
EPISTOLA I.

HADRIANO TVRNEBO HADRIANI F.



ERVVM mel, non epistolam,
à te, Clarissime Turnebe, ac-
cepi. Tu mihi gratias? ego ti-
bi, qui tam gratè & benignè
interpretaris officium, quod
sine scelere non omissem.
Qui vir diuinus ille parens
tuus fuerit, nōrunt & faren-

tur omnes, quos stupor nō præpedit, aut liuor. Ego
à puero, velut astro quopiā inclinante, iui in amo-
rem illius & laudē: nec grandior mutavi affectum,
sed auxi. Non nemo inuidet? esto: ille viuet in sum-
mā æternāque gloriā, quamdiu res Græcæ aut Ro-
manæ. Nec plura hīc de illo: de te, germanissime
Turnebe, sic habe. non ambire me amicitias, naturā
& iudicio propensum ad tenebras & quietem: sed
triumphare in tuā, quē iure amo purum aurum ab
illo auro. Plura libet, non licet. testis mihi iste Hier.
Grossetus vestrās, insignis iuuenis, qui iam nunc
mihi adest, & abit. At nobis haut sæpe opportunitas
mittendi, scribendi tamen semper voluntas. quod
crebrò & magis ferid faciam, ita amor hic inter
nos perennet, quem cōimus auspice & teste immor-
tali tuo patre. Postrid. Id. Mart.

EPIST.

EPIST. II.

VICTORI GISELINO.

INVITI à vobis abiimus, inuiti. Quid vis amplius? apud amicum hoc satis est: ceterum, calceum huc vide, nemo vestrum scit ubi me premat. Apuleium tuum scriptum conferre cœpi: quædam in eo valdè bona. Venationes etiam nostras attigimus, sed frigide imò contemptim. A peregrinatione enim hac supinus & aliarum cogitationum, vagè adhuc in studiis erro. nec facile insistam lineæ, nisi recreatus aduentu vestro: qui, per omnes deos, ne me fallat. Hoc communiter rogamus, Doufa, Hautenus, ego. Varias Lectiones legi, editas in Galliâ nuper, placet ingenium adolescentis, placet aliquot locis nostri imitatio, si non furtum. Idem in libello Quid dicam? discipulos habeo, & breui faciam sectam. Sed ut ait Pindarus,

* *Optimum quod à natura est.* * τὸ δὲ οὐκ ἐπὶ τὸν ἄνθρωπον.

Sanè siquid in oratione nostrâ aut stilo probandum: totum à naturâ est, vix à curâ. Rationē meam scribendi scire vis? fundo, non scribo. nec id nisi in calore & interno quodam impetu, haud aliter quàm poëtæ. Siquid operosius paramus; rem meditamur, disponimus. verba facili succedunt, ac pænè præcedunt meam mentem. Istos rideo, qui etiam epistolas, si dis placet, lentè & velut ad numerû componunt. Verba examinant, circûspiciunt, traiciunt: & miselli cùm omnia fecerint, umbras putes non homines loqui. Ita tenuis tota scriptio, sine sanguine, colore, carne: Sed diffundor. peccatû meum solemne, cùm ad te scribo. Nunc emêdo, & sileo; & te valere iubeo, ac venire. Ni facis, Amor Giselinus res tuas tibi habeto. Lug. Bat. xv. Kal. Iun. ∞. Id. LXXXI.

EPIST.

EPIST. III.

Lutetiam.

IAC. AVGVSTO THVANO
AMERIO.

DISTVLI ad te scribere, V. C. dudum: præ-
ter morem meum, & præter votum: Aman-
tes redamare non ego neglegens: & tu merueras,
non amore solùm, quem benignè vltro attulisti, sed
ingenio, sed doctrinâ, sed probitate: quæ tria in vno
Carminè tuo clarè vidi. Sed amabo te, ita perpe-
tuùm Fama te amet & Virtus, ignosce: & morbum
hunc nosce, qui non finit me esse mei iuris aut mo-
ris. Verba non dedi, non misi: dedi animum, misi
affectus mei sepe auras, qui apud te & duos illos
quos in extremo Carminè tuo mecum iungis. O
cælestem panem dixeram Trigam! nisi de terrâ &
luto meo aliquid afferrem ego, funalis ille tertius
equus. Nam iugales duo, reuera supra homines: &
tu item auriga, qui iunxisti. Nos epistolâ dedimus
nuper: & valdè hauebam exemplar tibi illisquæ
mittere, nisi qui has feret, recusasset. Nosti per hoc
bellum, nec tuta, nec trita nunc viarum. Valetudo
mea meliuscula: sic tamen, vt extra morbum po-
tius videat, quàm languorem. Damus nunc & edi-
mus *De Pronuntiatione Latina lingua Dialogum*, tene-
in re tenui opus, nec dignum meliori vestrà aures.
Tu ex animo à me salue: qui æternùm tuus sum.
ita sim saluus. Clarissimis Cuiacio & Scaligero
salutem. Lugduni Bat. 111. Id. Februar. 60. 16.
LXXXVI.

M. EPIST.

EPIST. IV.

PETRO VILLERIO *Filio.*

VER E scribis. semper tu mihi curæ, & nunc es: ita ingenium tuum & mores, & pater etiam, merentur. Utinam aliquâ curâ meâ te curem, & à morbo isto releuem, qui pertinaciter vrget! Quid facias? feres. certus ad salutem tuam hæc dirigi, etsi non ad voluntatē. Si vulgi more loquerer, querelas miscerem, & dolorem meum ostenderem in casu, quo hæc ætas tua & tu indigni. Non faciam. fortiorum esse te & me volo: nec te cupere solatia ex alienâ sympathiâ, nec me promere dolorē, etsi doleam, Nam hoc nō nego: si deo visum esset, alium te malm. eum non visum; quod ipse vult, nolens, (vt sic dicam) volo. Hoc de te scribo. in me nōne idem? languor hic biennalis me tenet, & abiicit in validissimâ hac æui parte. Annum enim trigessimū-nōnum vix attigi. quid tamen angar, aut opponam? facit ille, qui me fecit. Nōne in figuli manu est, effingere leui rotâ vasculū, & idem frangere? Et hoc melius, quod figulus noster nos non frāgit, sed refingit, & è miseris beatos, ex inferis superos reddit. Sed hæc talia aut tu tibi sãpe, aut omnium optimē pater dicet. De iuris studio, quid nunc cogites? profectò solitudinē id non amat, cui forum semper propositum & turba. Ad Philosophiam inagis te nunc ducam, quæ non delectet solū in hoc tadio, sed firmes. Eloquentia. & stilus ius tuum non spreuerint; in quibus si tēpus hoc ponis (donec melior tibi valetudo) id nō perdis. Scripsimus De Pronunciationē. leui manu, vt in re leui. en habes, vide, & à me salue, qui ex animo tibi cupio. Lugduni Batorum, Kalend. April. ∞. Io. LXXXVI. *pho*

EPIST.

EPIST. V.

Lutetiam.

IACOBO CORBINELLO.

LITTERAS ad me mittis, non adfectus so-
lùm plenas, (leue id verbum sit) sed amoris.
Benignè ad amicitiam prouocas, laudes adiungis:
è quibus has vix agnosco, illam appeto pari tecum
voto. Gentem vestram amaui semper: & ex eâ il-
los maximè, qui vetere illâ Italiâ digni. Qualem
te esse, mi Corbinelle, non solùm ex igniculis lit-
terarum tuarum, quos sparsos colligo, video: sed
etiam ex testimonio viri magni P. Victorij, qui de
indole tuâ ad virtutem magna prædicat, nec vana.
Atque vtinam pessima hæc tempora concedant
nobis liberum eundi redeundi iter! profectò vide-
rem vos, (lumiâ illa Galliæ etiam includo:) &
nectar illud sermonum vestrorum haurirem auidâ
aure. Sed nos iactamur: nec Æolo etiam vos, vt
video, litastis. Ventri vbique & tempestates: quæ,
mirum, nisi hoc anno euertant, certè conuertant,
hanc Europam. Fratris tui *μαχαροφύζου* historiam
& tristem exitum legi. quid miremur? hodie illæ
viæ, & nil nisi *σκολιδον* videmus à plerisque his dy-
nastis. O Italia, Italia illa prisca, vbies? Attu, vir
nobilissime, solare te cùm aliis rationibus, quas lit-
teræ & sapientia tibi suppeditant, tum maximè
communi eo Fato, quod iniquum hîc semper in
bonos. Exempla tibi prompta scio. tu scito & hunc
animum: quem iam nunc seriò deuoueo in tuî
amorem. Lugduni Bataur. ∞. Io. LXXXVI.

M 2 EPIST.

EPIST. VI.

*Vltraiectum.*LAMBERTO VANDER-
BURCH, Decano.

AM O iure tuas litteras, amoris & prudentię simul plenas. Amorem enim interpretor, meas laudes: quas adfectus tibi magis certè, quàm iudicium dicat. Quid enim sumus? conari me magis scio quàm efficere, velle quàm posse in publicum prodesse. Quidquid tamen id est (& esse aliquid vobis tam fidis amicis credo) gratum mihi, quòd gratiæ saltem locum parit apud tales viros. At prudentia tua, in iis mihi clara, quæ de publicâ istâ re scribis: quæ sanè confusa, turbida, & utinam non vicina ad occasum. Quis bonus non queritur de eâ tecum: sed hoc vnum relictum est, quoniam mederi non in nostrâ manu. Imò fortasse nec humanâ. Deus ille est, qui publicas has clades immittit, qui alit, & fouet, & tum finiet, cùm nos earum causas. Eæ autem peccata sunt. quæ aded apud nos non desinunt aut minuunt, vt augeri mihi & accumulari videantur vnâ cum pœnis. Irritamus cottidie magnum illud numen, & quasi puniendi iustæ causæ non sint, damus nouas. Quando luxus, fastus, libido maior, impunitior? & religio passim nunc in ore, improbitas in corde. Verba pietatem sonant, facta ambitionem, avaritiam: nec in vno alteròve, sed apud plerumque ordinem, ætatem, sexum. Itaque de pace aut tranquillitate, nihil ego spero. — *bella horrida, bella exspecto: aut certè tyrannidem, non optabiliorem quouis bello.* Illi ad quos Victoria, inclinare se videtur, irati veniunt: & si qui moderari volent. nescio an audientur. In omni bello cruda post victoriam principia: magis in civili, vbi

vbi odia
cui, quo
cut &
dèm, V
appeto
curus e
corrige
nimbis
adspici
terea ra
nia per
videor p
etiam sc
ro tuo m
sanè rep
ante me
lium m
me mil
id celer
amante
munus
xvii. Ka

FR
TV
in
rebus o
sce, iam
& curâ,
minis te
Alta die
pertine
colenda

vbi odia & acerrimæ factiones. Sed Deus videbit: cui, quod ad me, curas has ex animo relinquo. Sicut & illam de valetudine meâ: quam non ego quidem, Vir amicissime, neglego, nec mortem vltro appeto: sed cùm feci quæ humanitus possum, securus exspecto euentum. Hoc curo, vt vitam meam corrigam, vt deo meo placeam, vt sedem ab his nimbis quietam in superâ illâ arce possideam: vnde adspiciam humana hæc omnia. & contemnâ. Interea tamen nec studia prorsus omitto, nec ea omnia per quæ publicè aut priuatim humano generi videor posse prodesse. Ostendent id breui quædam etiam scripta nostra, quæ iterum paramus. De Floro tuo manuss. quem offers, valdè gratum. multa sanè reperio, non animaduersa Vineto aut Stadio ante me censoribus: & reperiam plura, scio, si auxilium mihi tui libri. Itaque si eum quamprimùm ad me miseris, beneficio adscies me & posteros: nec id celabo. Vale, & fratrem tuum Graphiarium amanter à me saluta, cum gratiarum actione pro munusculo nuper ad me misso. Lugd. Batauorū. xvii. Kal. Febr. ∞. Io. LXXXVI.

EPIST. VII. Antuerpiam.

FRANCISCO RAPHELENGIO Filia.

TVA s reuersus vidi libens: non etiam ea, quæ in ipsis. Languorem præferunt, & nauseam in rebus omnibus seriis & honestis. Vidi, mi Franciscæ, iam olim insitum tibi hoc vitium: quod ratione & curâ, quæso te, vince. Iaces, nisi facis. Quid hominis tam proprium, quàm erigi & spectare alta? Alta dico, id est, quæ ad ætheream illam partem pertinent, cælitus immissam nobis mentem. Hæc colenda. nec potest sine meditatione, sine actione:

neque ista, sine labore. Hunc igitur vsurpa: quid-
quid reclamet fastidiens illud tædium, haud longè
à veterno. Tu deo, tu auo, tu mihi, curæ & cordi es:
nec te deferemus, si nō te ipse. Doctoris illius noui
diem quodd obieris, benè factum: quodd eum versu
celebraueris, nec malè. Sapiētīæ pars est leuiter de-
siperè, & paullum extra viam rectam ire, ad vitan-
dum violentū aliquem occursum. Vidēsne vt nau-
tæ vela sinuent & obliquent: & teneāt nihilominus
suum portum? imitare. Pietas tibi interna & vera sit
proposita, Modestia & Virtus: in externis, perso-
nam interdum sūme aut pone, pro re aut pro æuo.
Studia tua calere velim (ætas ista hoc postulat) &
videbimus quid in rem tuam maximè sit vnà cum
auo. Surge tantū, & confide. Ineptias vidi-
mus, & risimus. quis comprimet Criticorum hunc
luxum? Satyra mea frenos non dedit: opus lege
aliā aut rege. Vale. Ex vrbe, in quā tu olim, xvi.
Kal. Decemb. 66. Io. LXXXVI.

EPIST. IIX.

Biturigas.

HENRICO WILTIO IC.

CANTERVS apud me erat, cū tuas accepi.
dicam gratas? gratissimas, ita me Deus amet,
vel hoc nomine quodd à sex mensibus primas & so-
las. Et tu de me quereris? bellè. at ego pluries scri-
pisse me scio (vide an deceat) quā te respondisse.
Excusabis non redditas. credo: feramus igitur inter
nos & excusemus, non tam culpam communem,
quā temporum sortē. Valetudo tua & studia pro-
spera, mihi gaudio. perseuera. Nōne apud illum
virum es, qui sæculi decus? vide ne frustra: frequen-
ta, audi, disc. Pollio meus honore ab illo auctus:
quodd ab illo, iure ante honorem ipsum censeat.

Scripti

Scripti
ostend
viuite:
rum eo
eam pe
quand
porro
res. Jun
hæc eti
grinand
Tua ad
sapiencia
rigit velin
abetras.
tur, sic
naculo.
ciant ca
cirur, si
tu per le
uam. Vi
miscuiss
rum. ma
fuisse n
næ seruie
Sed veru
diffunda
Pollione
Nam libr
nunciatio
bum. Tu
Italiā, no
ctor, po
Maias. 66

Scripti ad eum, & quàm grata mihi Dedicatio illa, ostendi. Vos, quæso inter vos concorditer & amicè viuite : quia Belgæ, quia ex meâ domo, quia sacrorum eorundem & studiorum. Senectus mea, si ad eam pertingo, solatium sibi spondet in vobis. Sed quando videbo? quando reditis? mihi placet non porro vos currere, in Germaniam flectere, illinc lares. Iuno luga vos exspectat, & Quies. Et si patria hæc etiam nunc turbulenta. sed si non antè peregrinandi vobis finis, quàm hîc quies, quis finis? Tua ad Nonium grata, proba. Sed litteras vrge, & sapientiæ studium ne omitte : ad quam metam dirigi velim omnia tua. Infelix semper erro, si ab illâ aberras. Vt naus quæ inter fluctus sine clauo iactatur, sic mens quæ in hac vitâ sine sapientiæ gubernaculo. Mores illi plebeij, stolidi, vani, ne te inficiant caue. Alphæus mare Siculum subterlabi dicitur, sine mixtione vndarû, ad suam Arethusam: tu per leuitates, per vanitates, ad amatam illam Diuam. Vidisse ea vtile, non se inferuisse: trāsisse, non miscuisse. Edidimus nuper Centuriam Epistolarum. magni illius viri mihi illic mentio, & sapius fuisset nisi impedisset ille vir quem hîc nosti. Scænæ seruiendum est, quamdiu ego in hoc Théatro. Sed verum meum sensum breui aperiam magis & diffundam. Nec vos quidem omisi, te & meum Pollionem, vt videbitis, aut potius iam vidistis. Nam libri, credo, allati. Etiam nunc edidi De pronuntiatione Latinæ Linguæ Dialogum, mihi probum. Tu salue, & redi si parenti tuo ita visum. De Italiâ, non tibi, non Pollioni nostro nunc ego auctor, ponite vana cogitationum. xvi. Kalend. Maias. 99. Id. LXXXVI.

EPIST. IX.

IANO LERNUTIO S. dico.

ITa perpetuus inter nos amor sit, mi Lernuti, ut cum aculeo discessi à vobis. Cursum, inquires. Quid facerem? aliud animus, aliud res tuadebat. Vitam meam nosti, & scenam cui seruimus. Si vquam aliquid verè scripsi, hoc est. quasi anima à corpore, auulsus sum à vobis. Fuge aliud suspicari in me: quem, culpa tua est, si nondum nosti. Nam apud amicos nihil me vno simplicius: apud alios, sanè sim quod Vlysses. Nōne & aulam, & Etruriam ego vidi? sed iis non vtor apud simplices & candidas istas mentes. De colligendis & digerendis poëtarum nostrorum versibus, ego verò tibi iterum auctor. Famam tuam cum alienâ auctum ibis (quāti enim est, putas, illa recti iudicii gloria? apud me, super ingenij aut doctrinæ.) decus item Germaniæ & nostræ Galliæ: quarum interest, non omnia ingenia intra alpes clausa videri. Non exemplum nuperum illius vidisti, qui Italos poëtas digessit: sed vellem eius, imò ipsorum causâ, magis cū dilectu. Inter nostros, Lotichium amo: Ianum Pannonium æstimo: Scaligerum patrem admiror. qui si felix illud ingenium & inuentionū inuidendum acumen curâ tēperasset & limâ, coronari contra omnes poëtas posset ab illo ipso quo prisco. Hac, nisi fallor, deficitur: nec in edēdis quidem eius adhibitum, quod debuit, discrimen. Eò sua serim, illius & aliorum optima quæque ab optimo iudice selegi: & tu is eris. Reliqua in sermonem reiicio, qui inter nos proximo mense. Ita enim scribo, ita impéro. Venies inquam ad hunc Iunium: & iam nunc aures claudio ad omnem excusationem. Extra iocum,

cum, Lernuti, in hac breui fugacique vitâ fruamur
hunc fructum. Ferrum nostrum in igni est. Vale.
xv. Kal. Iunij. ∞. Id. LXXXI.

EPIST. X.

P. VILLERIO.

SOLATIO mihi antea amicorum litterarum, nunc
remedio: nec vlla medicina magis leuat hunc
languorem, quam alloquia hæc à vobis. A te inter
primos: qui me serio amas, quem serio ego amo.
Vultum tuum videre nuper cum Hagæ esses, opta-
bam. Fefellisti. contentus manu sum, quia scio quæ
negotia te circumstent & implicent, atque abri-
pant sepe inuitum. Ego hoc vno felix, quod meus.
Sed nimirum, ut qui semel nauim & mare ingressi,
in arbitrio ventorum sunt, nec redeunt ad terram,
cum volunt: sic vos, qui in remp. Tenet illa inuitos;
& cum terram maximè spectatis, retrahit aliquis
æstus. Atque vtinam tui similes teneat semper!
Remiges & sentinatores plerique sunt, qui nunc
ad clauum. Hinc iactatio, & ad extremum, nau-
fragia: nisi ab alto dirigat ille Deus. Inuitatio tua
in Zelandiam, grata: & puto, parebo. non illi alteri
consilio, de Galliâ. Nec vera nego quæ de oppor-
tunitate, salubritate, & suauitate locorum homi-
numque narras: sed peregrinandi mihi nunc vna
causa, Valerudo. Eam meliorem posse fieri per
acidas illas aquas medici suadent, & (vt in spem no-
stram proni sumus) persuadent. Tentasse quid no-
cuerit: eo certè animo, ut nihilo abiectior illinc re-
deam, quam eam, etiamsi omnia sint contrâ. Vitam
hanc magnifacere Christiani non puto, quæ manet
vita illa melior: sed nec abiicere, & remedia sperne-
re, quæ data huic fini, Gallia vestra, si deo ita visum,

M 5

sanum

sanum me videat, & ex oculis magnas illas animas, quas ignotas amo: imò etiam, quibus ignotus amor. Nam si vltimam in Europâ, amicos mihi in eâ gente esse, hoc scio. Busbequius meus iâ diu inuitauit, differo. In grâdi illâ Epistolâ tuâ, de stilo & imitatione quod monuisti, verum est. Quàm multi in iuuentute nos æmulantur! & rideo: quia aut à me procul illi, aut procul certè ego à recto. Nihil magis breuitate amo, sed si simplex: nihil magis breuitate odi, sed si adfectata. Quid etiam si fucata? nam verba emendicant, & abstrusiores aliquot phrasæ: ad quæ, non dicam risum non teneo, vix iram. Comprimam publico aliquo scripto, & de Imitatione totâ. quid mihi videatur, monebo. Nam ego vt mutem, seruum est. arbuscula hæc, siue recta, siue aliter, creuit & induruit in hanc formam. Cicero-nem amo. olim etiam imitatus sum: alius mihi sensus nunc viro. Asiæ dapes non ad meum gustum, Atticæ magis. De Lemouicensi: an frustrâ monueris, vide. Misi enim exemplar ad filium tuum, non ad te: quia parùm dignum te argumentum. Sed tamen cum ad filium, nonne & ad te? qui imago vera tui, imò tu ipse. Sanitas tantum ei adsit. quam Deus ille dabit, si salutare: & in eadem te Vir amicissime seruabit. Lugd. Batauor. Kalend. April. eo. Id. LXXXVI.

EPIST. XI.

HIER. GROSLATIO LISLÆO.

TANTVM non in procinctu iam eram iturus Vltraiectum, & inde Germaniam; cum me litteræ tuæ inuenerunt. Dicam gratas eas? non gratior Gratiarum ipsa diua: per se, & non nihil à claufulâ illâ, quæ de Mercero. Illène illic? hîc mallet: & iam-

& iam nunc vos invitem, nisi abeam. In reditu fiet, si viri estis; & tam vicini videbitis & libabitis saltem oram Bataviæ nostræ. Mihi valetudinis vnius causâ susceptum hoc iter. imus enim ad acidos, qui iuxta Confluentiam, fontes. Valebo per eos fortasse, aut valere iubebo hæc omnia humana. Ad alta illa ibo nec ibi quoque me amor vestrum deseret, qui altè in pectore isto hæret.

— * *Ὁ τοὶ δ' ἐμπύρτοι ἔσονται.*

Lugd. Batavor. vi. Kal. Maias. ∞. I. C. LXXXVI.

* — *dij verò
sine mihi de-
ses.*

EPIST. XII.

ELBERTO. LEONINO

Geldria Cancellario.

PECCARE mihi viderer, si expertem te habeam consilij, quod firmandæ valetudini meæ cepi. Iter in Germaniam institui ad acidos fontes: in quo iam sum, sed forte non nimis faustâ. Discrimen quidem adhuc nullum, sed in hoc opidulo, circumcludor à turmis equitum, quæ in Belgium parantur. Ita differtur mihi via, imò pænè aufertur: quia perit opportunissima pars anni, & hyemi sustinendæ haud planè firmum hoc corpus. Ambigo an pergam, an sub tectum me dem, & resistam in aliquâ maritimâ vrbe. ad vos quidem bonâ fide redibo, nisi impediat me, ut vos Iurisconsulti loquimini, vis maior. Ego vir amplissime, amorem & officium omne tibi offero, ab animo non ficto: & iure debeo, quia te comperi mei amantem. Vale. Oldenburgi, Non. Octob. ∞. I. C. LXXXVI.

EPIST.

EPIST. XIII.

Francofurtum.

EVERARDO POLLIONI.

QVId ais? siluisse me? erras. Nullas ego à te vidi, ad quas non sedulò responderim: & habui te, mi Euerarde, semper inter primas curas. In languore tuo doleo: & miror quid illud mali morbi, quod vires tam valdè afflixit. Sed ætas tua est, quæ facillè resurget: & siquid spirituum aut sanguinis perierit, reponet. Tu modò te cura, sed sine curâ: & quidquid Deus ille noster dabit, excipe libenti, imò & hilarâ fronte. Viuere te vult? velis. Mori? non nolis. finis & initium nostri ab illo sunt: felices, si in illo. *Exdiciens* quædam sumus à magno illo figulo: quid querimur, si fingit nos & refingit? Hæc tibi, & per te mihi dico: qui & ipse valdè inter imbecilles. Febris quidem nupera vix vitam mihi reliquit: & eam ipsam, præter spem omnem medicorum. Basileam meam placuisse tibi, gaudeo: urbem eo nomine planè dignam. In Galliis nondum *parlun*: & sanè doleo Wiltzium nostrum inuolui, nonnullâ suâ culpâ. Ut quid enim desidet & cupètur, præter nostram & parentis mentem? Nam de abscessu in Germaniam, suasi pridem. At quod ad te nunc, mi Euerarde: ego de reditu seridè tibi auctor: siue quia pater ita poscit (scis quid illi debeas) siue quia tua valetudo. Amicus hîc & familiaris aër, facillè tibi dederit nouas vires. Et quid ibi hæreas? inter bonos & doctos, scio: sed sinè magno tuo vsu. Meta itineris quæ tibi fuit, eam iam attingisti: nec tu mihi Vlysses aliquis esto aut Philoctetes. Terrant te hæc ambigua? qui magis, quàm nos? Sanè infirmus hic patriæ status, fateor, & qui sine manu Dei palàm ruit: sed valdè erras, si his percuntibus,

euntibus, speras illuc firmitatem. Europæ libertas corrui, si semel hoc vallum. Ego hoc nõ suadeo solum, sed hortor: & fac, vt in viciniore te aliquando conquiescamus. * ΑΤΕΥΟΥ esse me scis: tu, & qui alij * *Sine liber-
vita quod capias; hoc vnum dico, vt nullum. Late * Liberi.
nunc & quiesce, donec desæuiat civilis hæc tempestas. Plura coram. nam me spero in primis videbis.
Pridie Kalend. Marr.*

EPIST. XIV.

FRANCISCO IUNIO S. D.

NON amore me præuenisti, sed significatione saltem amoris. Quis paullò humanior, te non nouit? & qui nouit, quis non amet? At tu tamen affectum in me largiter sanè declarasti. cùm epistolâ suauissimè scriptâ, tum munere adiuncto, quod meritò mihi carum. Monumentum enim ingenij tui est. parùm illud ad gustû vulgi, fateor: sed ambrosia & nectar nobis, quibus paullò acrior iudicij ille sensus. Sanè in implicatissimo scripto vtilem subtilemqu; operam nauasti: & lumen prætulisti locis, in quæis æternum fortassè caligassemus. Multiplex notitia linguarum hoc tibi dedit, vt talia ista interpretari nostro æuo possis vnicè, & dixeram præne, vnus. Iam de affectu tuo in Georgium nostrû quàm mihi suaue! Viuit enim in animo meo ille adolescens, magni ingenij, magni acuminis, & qui ad summa omnia venisset, nisi Deus ad verè summa illû euexisset. Felix, qui ereptus tot instantibus malis, & tot futuris. Nam fauillæ huius nostri incendij spargi mihi videntur, & iam ad vos ire, comprehensuræ (utinam fallar!) Germaniam totam acri igne. Sed publica omitto. De iis quæ Epistolis ad Atticum

Atticum obseruasse te scribis, & offers mittere: valdè velim. Nunc tamen in aliis curis sum, vt videbis. Nam, cùm absoluero, mittam. In tuis ad Curopalatem de Aspro Turcarum lêgi: addas opportunè notulam è priscis Glossis, *Δωδέκων λόγων, Asprum.* & iterum: *Ασπράτης, candor.* Vberiùs aliàs. nunc salue, vir magne: & tui amantem ama. Lugduni Batauorum.

EPIST. XV.

Leodium.

DOMINICO LAMPSONIO.

SPERABAM & aspirabam ad vos, mi Lamp-toni: sed, heu, sperabam. Consilia illa omnia eueritis, qui meliùs nobis, nobis ite consultum. Redij, & acquiesco: nisi quodd lepidissima tua epistola saluam mihi sapiùs mouet, & * *παραγέρει* iterum ad vos facit, Amoris & Venerum ita plenos. O sermones nectarei, quos promittis! ô fabulæ! ô epulæ! ô Iunonem tuam mihi nō timendam, quam placem non verbulo vno, sed oculo! Nullo Ioue opus ad iram eius leniendam in hunc Æneam: qui paratus est satisfacere, & altera tanta scribere aut dicere in viros. Viles mihi, & domi nascuntur tales sermones. Dic illi, saluta, dissuauia. Quid ais: fatin' familiariter? non excuso, talis apud te volo esse. Noster * *αἰδέσμεθα* cēstne Antuerpiæ? vbicumque, ille meus. Imaginē nostram mittā breui, quam sculpi iussimus à Goltzio, qui te amat & multum sapere in isto quoque genere ait non falsò. Amici quidam in Germaniam, & vltra, me vocant: ego de libero, & caueo nequid temerè. * *ζῶει δὲ μᾶλλον ὁ ἄνθρωπος ἐν τῷ οὐρανῷ.* Quid ni circumspiciam? vbique sunt quæ arceant, quæ alliciant: nec ad gustum humana omnia, quamdiu erimus in humanis. Contentus
ergò

* *Alas quare.*

* *Venerabilis, sine Reuerenti.*

* *Durat magna felicitas circumspici eorum.*

ergò ergò
hic tur
gis se
Politica
nus glo
inuidia
mines
tudo v
remissio
horuli
inferu,
LXXXV

LIP

IN IP

BIF

K. I.

ergò ego meo Catone. Tamen Austelli nōnulli nos
hīc turbant: sed adhuc occultè. si pergunt, & ma-
gis se aperiant, mihi quoque ad alia consilia viam.
Politica dogmata pango, selecta ex antiquis. Mi-
nus gloriā ea scriptio habebit, scio: sed & minus
inuidiā, & fidei plusculum apud eos, quibus ho-
mines magni (vt poëta ait) *Propter mille annos. Vale-*
tudo vacillat. sustentamus eam quantum potest,
remissionibus, peregrinatiunculis, & præsertim
hortuli deliciis: in quo leges ecce meas vide. nam
inserui, vt rideas. Vale. XIII. Kal. Iul. ∞. Id.
LXXXVII.

LIPSIANI HORTI

LEX

IN IP SO ADITV, SVB PERSONA

BIFRONTIS IANI.

* B. F.

* Bonum
factum.

Quisquis es, STA, LEGE, PARE.
IANVS ad hoc limen sic EDICO.

K. I. **H**ORTO & HERO fruendi tibi ius
esto:

Sed illo ad ASPECTVM, isto ad SĒRMONEM.

Nisi OCVLIS, quidquid heic satum aut na-
tum, ne LIBATO.

TIRO esto, MANVM apud te habeto.

Si effers ad TAC TVM aut ad RAPTVM:

Verbo dicam, te EFFERTO.

K. II. Sed

K. II. *Sed nec HERO vsquequaque FRVITOR:
Ante SEXTAM vespertinam ne ADITO;
Post SEPTIMAM ne MANETO.
Hora alia, ad alias illi curas.
Heic cogitat, heic pangit:
STILVS heic est, Abi MVSCA.
Quid si & CÆNA? Abi MVSCA.*

F. III. *SERMONES etiam ne exlêges.
Iocari licet:
NARRARE licet:
ROGARE licet:
Sed nihil SERIVM.
GRATIARVM hic locus est.*

K. IV. *Siquid AMOENIVS tamen in STVDIIIS;
Inter AMBVLANDVM
Differe, doce, disce.
Et MVSARVM hic locus est.*

K. V. *Tu qui SERIOSVS,
Tu qui RIXOSVS,
EXESTE.
CLVSIVS ego sum vobis.*

K. VI. *CANIS, prater vnam, EMANETO.
HECVBA, prater vnam, EMANETO.*

*Habes? hoc etiam.
QUOQVÒ TE AGIS, TE VIDEO.*

EPIST.

E R G
sta age
promi
iucund
aut vix
quidem
videam.
soles: fin
cent. Q
cadi gen
vesperè
iuris pr
ambula
∞. 12

D IV
via
vitam. E
tani, sed
fecit ad
scens, &
amatus e
ram aliqu
rum tam
in miselli
hoc vno
an Scalig
aut nemo

EPIST. XVI.

Hagam.

THEODORO LEEWIO.

ERGO tamdiu te expectamus frustra? non hoc pollicitum, cum nuperrime istuc essemus. Præsta age fidem, imò & amorem: & veni non quia promissisti solum, sed quia cupis. Certè debes. quid iucundius quàm cum amicis versari, diu non visis, aut vix visis? Nā aspicere & non alloqui, nec videre quidem est: si non fallit ille Sapiens, *Loquere ut te videam*. Verborum satis habes, si vir bonus es qui soles: sin degenerasti, nec preces quidem te adducunt. Quibus abstineo, quia amicis summum præcandi genus est, Velle. Ego te die Dominicâ expecto vespere in cænâ, cum Dousâ & Hauteno. Hæc, ut iuris prisca verbis utar, summa dies esto. Vale & ambula, aut vehere potius. postrid. Kal. nouas.
∞. IO. LXXXVII.

EPIST. XVII.

Biturigas.

IACOBO CUIACIO IC.

DIV filui, sed inuitus. Bella hoc faciunt, quæ viam nobis omnem intercludunt, pæne & vitam. Ego Germaniam meditabar nuper, & tentavi, sed nō volente Euentu. Nunc huic epistolæ spēs fecit ad transitum Hier. Grossetius, egregius adolescens, & quod inter laudes eius pono, tui amās: idèd amatus est mihi. Utinā ipsi mihi os illud intueri coram aliquando fas: quod vnū miror hodie (Scaligerum tamen adiungo) in Europâ. Vidi nuper Iuonis in miscellū Titium. Perit infelicissimus hominum, hoc vno tamen felix, quod ab illâ manu: tuāne an Scaligeri, an vtriusque? Nam præter vos, fallor, aut nemo sic scribat. Excitatis sanè quosdam, imò
N non

non excitastis: quia, certum habeo, immorientur
ambitioso illi veterno. *Admonere possum*, aiebat ille
olim ad Galbam, *corrigere non possum*: hoc hîc valet.
Elogium tuû quo me consecrasti, legi. & ab amore
amplector, à iudicio & admiratione (nâ & eâ voce
vteris) quî ausim? Debeo tibi, Cuiaci, debeo: &
falsa in me dictio, *Beneficia tam diu grata esse, donec
videantur posse exsolui*. Ego non possum, & quia non
possum, vt insani illi amantes, hoc magis volo.
Thuanû amo. vbi is est? Scaligerum depereo. quid
agit: quid non agit? vtrumuis enim potest & debet:
illud ex voto nostro, hoc pro æuo. Politica nescio
quæ ego molior, non à me, sed à priscis. illorum
gnomas filo quodam verborum meorumnecto, &
irriso olim verbo, ferrumino. Vellem quædam de
Iunonis filio, qui apud nos: sed differo, ne differar.
Ventura enim hæc ad te quis spondet? Vale vir
maxime. Lugduni Batauorum postrid. id Mart.
∞. I. LXXXVII.

EPIST. XIIX.

IANO LERNVTIO.

IM BVISTI me liquore litterarum tuarum sua-
uiter aridum & iamdiu earum sitiētē. Reuixi.
Te tuosque viuere & valere gaudeo: ego quoque
vtrûque. etsi istud mediocriter. Animus me susten-
tat, & concepta opinio non fore perpes discidium
hoc nostrum. Nōne ab Albione spem faciunt albæ
dæ? hîc narrant. Politica etiam nunc me tenent,
nescio an cœptû opus bonâ aui, certè lentâ. Pennas
suas non habet. quin vellico & carpo eas vndique
ex alieno scriptorum corpore: eoque res tardior.
Quale futurû opus sit, nec ipse adhuc scio: & tamen
auguror, melius quàm laudatius: id est, maioris
rei, quàm famæ. sed vos iudicabitis. In Senecam
poëtam

poëtam
& nim
supra
tum. T
dare m
quo ni
id est P
Taciturn
absterr
illum d
etiam P
securus
nostro i
sedes ei
rescite,
prid. Ka

Vix
cen
verba, vt
ex animi
gratia, eg
sim de m
men feci
mouisse
Rosenda
sistere te
calce. Si
ventis. Pe
hodie, qu
libavit ar
caue, quo

poëtam haud pauca notaui: quem legi his diebus, & nimis me cepit. vtiq; Medea & Thebais: quas supra omnes alias esse, nec eiusdem vatis, mihi certum. Tu quid censes? quid iuuas? nam aut ipsum dare molior, aut ad eum Notas. Idem de Liuiio. in quo nimia nobis bona. Senecam propriè meum, id est Philosophum, pręripuit mihi is, cui ego olim Tacitum, vt aiebat. Quamquam non tam ille me absterret, quā hic Lutetianus Faber, qui politè post illum dedit, & ne quid spei relinquit, pollicetur etiam Prætermis̃sa. De rebus Amici apud Amicum securus esto: excipio Fatum aut Vim. Victoriolo nostro iamne melius? spero. caus̃sa duplici: quia & sedes ei pinguior, & in Autumno iam messis. Reuifescite, me amate, planè planè tuum, & tuum. Pro-
 prid. Kal. Septemb. ∞. Io. lxxxvii.

EPIST. XIX.

ÆMILIO ROSENDALIO.

Vix legi tuas, & respondi. Quid ais, aut quid censes? illulisse me? Non is sum, nec qui amo verba, vt ille ait, blādicella. Strictim laudaui te, sed ex animi mei sensu: nec hīc vela te aut excusa. Diis gratia, ego is sum & eò veni, vt saltim iudicare possim de meliøre & elegantiore ingenij venā. Nec tamen feci aut facio, vt te attollam: quin contrā, promouisse te cense, non peruenisse. Modestia est, mi Rosendali, & pudor iste ipse quem in te amo, quæ sistere te debent in cādida illā Virtutis & Sapientiæ calce. Si ista deferunt, non velis vllis peruenies aut ventis. Pestē hanc video in pleraq; iuuentute nostrā hodie, quæ simul sapere cępit, iā sapit: & vix limen libauit arcanae huius domus, putat penetrasse. Tu caue, quod facis: & sponforē me cape felicissimę tuę

viæ, quem antea in parte ductorem. Seria quidem
beniuolentiæ meæ hoc symbolum habet. quod tardè
ad plerasque litteras & vix respondeo: libenter &
audè ad vestrum talium, qui à nobis semel inducti
in Viam hanc rectam, calcatis eam constanter pede
recto. Pergite, crescite, viuite, in vestrum & patriæ
bonum. Fratri vota eadem reddo, quæ mihi. Leidæ,
in hortulo meo, quem cum voles, vide; propriid.
Kal. Iul. ∞. Id. LXXXVII.

EPIST. XX.

HADRIANO SARAVIÆ.

CERTE mihi iucundum fuit litteras tuas, & in
illis te, regustare ex intervallo. Tamdiu cur
siluisti? Scire debes me tui & fuisse, & esse, ex quo
semel te noui, peramantem. Collegæ fuimus, iuncti
sermonibus sæpe & consiliis: & ut illa nunc nō sint
(Deo visum aliter) manebimus tamen iuncti ani-
mo, optimâ illâ parte nostri. Dissident quidam à te,
qui mihi assident: nihil ad rem. Amare, & iudicare,
ego possum: nec probo sanè omnia, quæ fero. Na-
turâ mitis & lenis sum, ut nosti: nec facilitè me oppo-
no, præfertim sine spe vllâ profectus. Me & mea,
quantum possum, compono & curo: publica fateor
me nūquam tangere, nisi inuitum. Perpetuum hoc
mihi iudicium est, nec facilitè vlla Suada aut Sophia
eripient mihi hūc errorem. Stoicos illos, quos sæpe
miror, scio hac in parte esse alios: qui in rem eunt,
& ut poëta ait, ciuilibus vndis se mersant. sed mihi
ingenium meū dicitur aliud, & inprimis valetudo:
quorum neutrum suadet mihi trahere hoc iugum.
Itaq; priuatim amicus esse didici, & fidus amicus:
iuuare patriam aut rempublicam, animo & voto
possum, vix consilio aut facto. Quod me in ea loca

inuitas

inuitas:
Videbo
auet vide
Vale. x.

Aⁿ
ge
ego cum
vestra, &
nunc do
te ante fa
spirat; ce
quidem
nosce te
guntau
figere p
mur, &
hoc æter
cam Tra
ferre gau
ut nunc p
rum. xi.

EPIST
quæ
uiter &
vela pan
nino por
aut ius co

inuitas: vellem, sed valetudo nunc quidem arcet.
Videbo quid hæc æstas feret: animus quidē iamdiu
auet videre pulcherrimam & maximam insularum.
Vale. x. Kal. April. ∞. IO. LXXXVIII.

EPIST. XXI.

IOSEPHO SCALIGERO.

ADOLESCENS hic cū ad te irer, mi Scali-
ger, nefas putauī vt sine meis litteris. Vtinam
ego cum illo! sed *ἀνεμάλιον hoc votum: ita Gallia *invenit.
vestra, & nostra item, turbat. Quis prudens pedem
nunc domo: & tamen ardet mihi animus amplecti
te ante fatalem illum diem. Si vlla quietis aura ad-
spirat; certus esto, nos ad te rectā. Iādiu ne publicē
quidem nos alloqueris: quid tibi factū? Per deum
nosce te, & sperne hoc æuum maior hoc æuo. Pun-
gunt aut allatrant: qui? nēpē ij qui palum non digni
figere præ te in parietem. At nos amamus, mira-
mur, & quicumq; sumus *τῷ ἀμείνονι & πικρῷ: facturi *ē meliore
hoc æternū, ita amet me ille æternus. Ad Sene-
cam Tragicum aliquid meditatus sum. habes, nisi
ferre gauabitur hic ipse, qui olim ait fuisse tuus: &
vt nunc per me sit, rogo. Vale. Lugduni Batauo-
rum. xi. Kalend. Maij. ∞. IO. LXXXIX.

EPIST. XXII.

P. REGEMORTERO S. D.

EPISTOLÆ ego tuæ *τοῦ ἀντιπαραστήσαντος respondebo, & *prius-po-
quæstiunculam libabo quā proponis, sed bre-
uiter & cum Homero *ἐπιποχέδων. Quid enim hic *cursum.
vela pandam? hoc ipsum timidē, quod pedem om-
nino pono in hac cymbam. Quæris, an sapientis fas
aut ius consciscere sibi mortē? Olim id disputatum:

N 3

nunc

• sui inter-
fectio.
• indefinire.

• vana pro-
fero.

nunc decifum . & fcis quid hac in re ftatuant reli-
gionis noſtræ leges, quas improbè ſoliciemus. Ta-
men vis aliquid pro veterum mente? diſtinctè &
breuiter. Stoïcic adhæream; quibus* ἀντιχρησία plu-
cuit, ſed non* ἀορίστως aut ſemper. Cùm neceſſitas ſu-
prema ingruit, puta à tyranno aut aliâ vi violentâ,
nec mori tibi fas decòrè aut honeſtè: putât arbitrij
noſtri eſſe vitam noſtram. Pauculos dies aut horas
quidni præueniam, non metu aut ignauia, ſed hone-
ſto illo fine: non, inquam, vt euadam, ſed vt aliâ
viâ vadam. Quid ſi morbus etiam vrgeat difficilis,
pertinax, & ſine ſpe medicorum? videatur haud
improbum, non diu iactari in hoc mari, & tranſire
compendio ad portum. Idem in acerbitate tempo-
rum, & cùm omnia miſeriarum plena, ſine ſpe alle-
uationis. Atqui durare melius eſt, inquiunt alij: &
hoc viri fortis. Non negamus, vbicumque breue
aliquod malû eſt, & quod habere poſſit medicinâ:
vbi aliter, ô ignauiam mori toties, & nō mori! *Rebus
ſecundis ſeruare* nos poëta iubet: ſed non per aduerſa
aduerſis. Vt in domo conducticiâ ſi habitem, nihil
peccem ſi paullum exeam ante diē penſionis: ita hîc
videtur. ſed videtur: & nihil definio (abſit, abſit)
præter definita piis ſapientibuſq; viris. In Thraſeâ
noſtro locû hunc magnificè tractauimus, & vt viro
illo dignû. quem tamen premimus, quia nimis nos
premât iudicia aut voces calûnioſi cui. An iam nunc
nō pecco, quòd hæc* ἀποφώλια βάζω? ſed apud te vnû,
& ex lege dictâ. Scribis ampliùs de Galliæ rebus: quæ
hercules incertæ, & nescio an id quoq; regnû vene-
rit ad fatalè metam. Nos quieti per illas turbas: nec
præter votum etiam mors illius Albionij quem pu-
tant parum in nos fuiſſe æquum. Adoleſcēs, quem
mihi commendas, ita erit: & ex vultu ac moribus
iudico mereri. Vale. Lugduni Bat. ix. Kal Febr.

EPIST.

EPIST. XXIII.

DOMINICO BAUDIO.

DOLOREM tuum quod apud me effundis, gratum: certè apud amicū, & de amico. Collegē illi meo nō ego volo, & semper volui ex animo. nec moror quid maligni suspicentur aut effutiant pro suo more. Deus, ego, res mihi testes: & tempus quædam aperiet, quæ nunc latent. Eò dico, quia hæc res ita gesta est, ut me celata omnia sint, & nunc adeò celentur ab iis, qui nihil aliarum rerum me celarunt. Non credunt: esto. Nilum non ego deterior, sed nec tristior: qui sto apud iudicē, cui nemo mentitur. Curuæ illæ mentes sunt, quæ de me tam curuæ. At tu Baudi esto quod semper: id est, bonus & volens, & æquus in eum, qui talis in bonos. Sed de sermunculis parum est, quos nemo par mihi vitauit, nemo maior: res magis ipsa me angit, cui utinam à me medicina. Nec de causâ inquirō, quam tu tangis: vulnus ipsum quī coibit tam grande, tam patens? Auctoritas alterius partis agitur, alterius honor: & scis alioqui quā lenti cedere isti nostri. Heu multa in hoc æuo quā publicè, quā priuatim molesta! illud in primis, quod rebus miscetur, suspicione aut voluntate vulgi, illi ipsi qui extra res omnes se proiciunt animi quodam decreto. Talis ego, nec mentior. sed rarum tamen aliquid in hac vrbe, non solū Scholā, cui Lipsij nomen non insertum, verò siue falsò. Doufam nostrum ama, excusa, & inter plures scito esse vnum: aut certè ne damna (quod in hac missione maximè damnatur) inaudita causā. Ego eum à diebus aliquot non vidi: & me subtraho, & manum cum Milone haud temerè insequor inter hiantes has rimas quæ (Deus ita faciat)

coibunt, nisi, quòd ea quæ munus Recturæ & officium amici mihi imponunt, non defero, non deferam, nec cum offensâ. Salue mi Baudi. III. Non. Maij. ∞. Io. LXXXVII.

EPISTOLA XXIV. *Viennam.*

CAROLO CLVSIO.

— *Fato
seruatus
ab ipso.

SCRIBERE me ad te, mi Clusi, mirum est: & non ego, non alius quispiam id censuisset, ante mensem. Ipso enim natali meo xiv. Kal. Nouemb. acris & feruida febris me inuasit; quæ corpus per se haud validum ita duos menses pœnè afflixit, vt omniū iudicio iam in ipso Fati limine starem. Viuo tamen, clementis dei beneficio palàm — *Δάσκαλον ἔχων, κῆρος ἀλύξας. Meas accepisse te gaudeo, & quæ in Senecam adiunxi. Ea nata mihi subito, nec otium habuisse aut animum plura exemplaria cōferendi, tute facillè vides. Gratum mihi quod Excerpta tui codicis miseris, quæ inspicia oportunè. Lapidem Ancyranū accepi. & iam antè habebam descriptū à Busbequio: sed tamen gaudeo firmari eius fidem & industriam alterius etiam descriptione. Nam tua hæc, parum aut nihil mutat ab illius. Vt ei ea nobis in volumine Antiquitatum Smerij (vbi crebra tui quoque mētio) quod hīc edimus elegantibus typis, nec sine publico, vt speramus, bono. Vnde vos illud nacti inquires. Dicam quod rideas, Prædones à prædonibus. Milites, inquam, nostri in tumultu hoc Belgico res Marci Laurini diripuerunt, inter eas, hunc Thesaurum, Centurio qui habuit, in Angliam venalem detulit: emerunt illic Academiæ nostræ (cū casu pro legatis adessent) Curatores. Ego auctor diuulgādi, & adiutor. Auctarium enim addidi Inscriptionum aliquot, quas Smetius aut non

non vid
fes: nec
& bona
collegi
spectat
ac pera
misor
tur, in
scio vesi
numēta
nec adfē
Nos etia
prædēt
ad Princ
Ego illu
viro Vir
tem ei à
Amo vi
Idem te
mihi de
Postrid.

LIT
mi A
tissima
haud mi
tales: &
mentes
num aud
loquor)
dei benig
morbum

non vidit, aut omisit. Vtinam tu propior nobis fuisset! nec enim dubito, quin iuuare largiter potuisses, & bonam symbolam conferre ex ære, quod peregrè collegisti. A: nunc serum: nam liber lucem iam spectat. Quòd desides, me cruciat: & vtinam agere ac peragere tibi fas vtilissimè cœpta! Dacia non miror si tetrahit, me quoque, si deus meus pateretur, in primis delectaret ea loca lustrare, quæ trita scio vestigiis Romanis. Quot illi lapides & monumenta prisca! Lazius me docuit, qui multa adfert, nec adfert: ita exscripsit parum fidè aut curiosè. Nos etiam nunc in spe de Irene. Illa quæ Albioni præsidet, legatos missura, imò iam misisse dicitur ad Principem scuti equestris. Tu quid ais? diffidis. Ego illud cogito, *Optare liceat, si potiri non licet*. Illi viro Vincentio Pinello cùm scribes, quæso te, salutem ei à me dicito, ignoto de facie, non de famâ. Amo virum, magnû meritò apud omnes magnos. Idem te rogo de Hier. Mercuriali, quem Felicitas mihi dedit vt coràm etiam Romæ nossẽm. Vale. Postrid. Id. Ianuar. ∞. IO. LXXXVIII.

EPIST. XXV.

IOHANNI. ARCERIO.

LITTERÆ tuæ honestissimi amoris indices, mi Arceri, an gratè mihi fuerint ne quære. Gratiissimæ. & in iis ἀρετῆς illa tua & candor, quem haud minùs quàm doctrinam amo. Pauci hodie tales: & pleræque, quod doleo, * σκολιὰ aut curuæ *oblique*. De morbo meo, & eius grauitate, nihil vanum audisti. Pænissimè factum (cum Plauto meo loquor) vt irem ad beatos. Sed tamen viuo, imò & dei benignitate meliusculè etiā habeo, quàm ante morbum. Quòd autem rogas vt te quoque in co-

N 5

hortem

hortem meam adscribam amicorum, frustrâ rogas: quia reuera iam adscripsi. Notitia mihi aliqua tecûdudum fuit, & nuper instituta etiam amicitia, idq; in sacrâ mensâ: nec violabo, quamdiu me violenta illa dea non violabit. Spondeo. & arram velut patet huius mitto syntagma nostrum ad Senecam, haud magnæ rei aut molis, in quo tamen (nisi mea me fallunt) non vulgaræ aliquot Notæ. Vale mi Arceri, & vxorem tuam à me meâq; saluta. Leidæ. Kalend. ijsis Ianuarij: quas salutare tibi precor & faustas. ∞. IO. LXXXVIII.

EPIST. XXVI.

IOH. GVLIEL. STUCKIO.

QUOD gaudes & gratias mihi agis, Vir Clarissime, pro testimonio quod in Epistolis meis tibi reddidi: ego quoque gaudeo, & si pateris, gratias etiam tibi ago. Quidni pro tantâ & tam rarâ gratitudine? præsertim quam elicit beneficium à me nullum. Quid enim mi Stucki in te contuli? paucorum verborum testimonium, doctrinæ & indultriæ tuæ ita debitû, vt non qui dixerit benignus existimeretur, sed qui tacuerit, malignus. Absit autem à me hoc vitium, & absit in omne æuum. Candidum mihi valdè ingenium fateor, & quod alienas virtutes siue dotes videt facilè, & visas amplectitur atque amat. Hæc mihi causâ eius elogij, à naturâ meâ profecta: nec magis de te demerendo cogitavi, quàm sol ille cûm nobis lucet. Tamè hoc quoq; laudibus tuis nunc accedito, quòd nō solûm doctus, probus (hoc ciuimus,) sed etiam mirificè gratus esses: quod nunc disco, & eò magis exëplum exosculor, quòd rarius in hoc æuo. Passim ambitio, infidia, detractio; & commune paruis magnisque ingeniis

ingeniis vitium, ingratitude. A veteribus haurimus cotidie, quæ scribimus: quoruscunque fatetur aut meminit? A nouis multa subducimus: & dissimulamus callidi, quasi hoc vno magni, si nemo præter nos magnus. Sed quod minimis, hoc istis sepe euenit: & vestis iis detrahitur in publico hoc theatro. Sed quorsum ista? vt producam, & paullisper tecum fabuler: quem æstimatum mihi antea, certum est iam dehinc amare. Tu me quoque Vir clarissime, & salue. xi. Kal. Sept. ∞. Id. xc.

EPIST. XXVII.

ABRAHAMO MYLIO.

LITTERÆ tuæ quomodo mihi non grata? Adfectus in iis vndique elucet: sed vereor, vt adfectus. pro scriptis meis & pro famâ pugnas: sed rem audi, amanter magis quàm prudenter. Quid enim acri hoc amore tibi vis? probare me aut mea iis, qui non probant: frustrâ. & hoc est quasi cibû aliquem conciliare illis, qui abhorrent. Vt palati inclinationes quædam sunt, quas haud mutes: sic iudicij. nec in probando minùs differimus, quàm in agendo. Vt hæream in hac stili lineâ: age, quis inter veteres & inter nouos, eâdem ratione scripsit, aut scribit? Similes fortasse aliquos reperies, & id ægrè: nullos pares. Natura in corporibus rarò hoc commêta est, vt vel ab eâdem parente fætus assimilet: vis tu à diuersissimis ingeniis stilû? Quòd si ille variat: necessum est & iudicia. quia quisque optima assequi, aut certè sequi se, cêset. A fonte ingenij interno, Myli, ista sunt: & diffusa oratio, stricta; lata, seuera; quæq; delectat aut indelectat, vt quisq; est talis. Hinc nationes olim totæ discederunt de optimo genere dicendi: & nosti oratores Atticos, Asiaticos, Rhodios: quid

quid miraris homines singulos? quid hoc æuo? cum imperitissimus quisque audacissimus, & iudicij hunc calculum sibi sumit quilibet è litterariâ plebe. De eloquentiâ iudicant, qui nō dicam cuius coloris illa sit nesciunt, sed vix Latina lingua. Itaque Myli nō tu, non ego, his sermonibus moveamur: & de Apellæis istis lineis Protogenes aliquis iudicet, nō qui auersi ab hac arte aut Musâ. At Critica nostra non effugiunt etiam **ἡ κρίσις*. Gaudeo, & ideo scripsi. Præter naturam cuiquam hoc videatur, at non meam: qui tam libenter iudicor, quàm iudico ipse. Cur in tam libero scribendi genere non liber cuique sensus, dissensus, imò & lingua sit? Liuior modò absit & malignitas, quam odisse me, cum Homero, fateor

*æque atque
Orci portas.*

** ὁ μὲν δίδωκε πύλας.*
Sed in eo suaues, quod Orationes me negant scribere. Vellè dixissent, edere: agnoscerem, & causam darem cur laudem non quæram in hac arenâ. De descriptione quis abnuet, qui vel puerum me nouit? Iactantiam omittamus, sed audi simpliciter. hæc palæstra mea vetus est, hoc studium quod vñs me duxit & natura. Vix duodecennis orationes scripsi, habui: pueriles scilicet: sed quas grauior etiam ætas laudaret in illâ ætate. Nec destititi postea: & credo me specimen etiam dedisse in Batavo hoc solo. Improbulum aliquid addam. si stadium istud eloquentiæ aperuisset mihi mos mei æui, decurrere id ausus essem cum nonnemine prisce æui. Nec verbum vltra addo. erubui. Tu vale. Lugd. nostræ, Kalend. Iuniis.

EPIST. XXVIII. Coloniam Vbiorum.

CHRISTOPHORO PLANTINO S. P.

IN curâ de te fuimus, mi Plantine, ob tempestatem, quæ, præter anni tēpus, sub discessum tuum exorta.

exorta. Vti quidē prosperi, sed violenti, grandes: deus faxit, vt breui audiamus fuisse, sine tuā noxā. Imbecillitas etiam corpusculi tui nos torquebat, timentes vt parum esses ferendæ agitationi inter vndas. Solatur me vnicē tuus animus, magnus ille semper, & se maior, vbi discrimen. Apud te, vt volumus: apud me, vt possumus. Nam morbus meus non deserit etiā hanc materiam, & ignis ille interior in eā lentē ardet. Sultentamus tamen, & corpore atq; animo repugnamus. Typographia bono loco. operæ modestæ. nos Tranquillum daturi videmur cis paucos dies. Nam de Thraſeā (etsi bona pars iā parata) tardamus, offensuscularum quarundam metu: etsi non negamus multa iis inesse, quæ nō ad famam meam magis, quàm ad publicum bonum. Videbimus porrō, & statuemus. Franciscus tuus meus rediit ante biduum, mihi quidē valde gratus. Litteræ quas ad me teque adfert, testimonium de ingenio & moribus habent valde honestum. Qui hæc dedit, seruet quæso augeatque. Sed eo quid fieri vis? hîc habes, an euocas ad te? Si hîc: dabimus operā ne otio abutatur, & vt id locet in studiis benè ceptis. Si illuc traducis: (nec id fortasse, vt tempora sunt, abs te) tua hæc cura, vt collocetur apud eos, qui iuuentutem benè & peritè formant. Scis quid in sermone suaferim. Plura hîc non innouata à tuo discessu, qui nunc me sanè mordet. Ludouico Persio amico nostro, & M. Varroni, item Ximenio, Metello Sequano à me officiosam salutem nunciato. De rebus tuis & consiliis exspecto auidē. Valegoalter. Lugduni Bat. iv. Kal. Septemb.

EPIST.

EPIST. XXIX.

Lutetiam.

THEODORO MARCILIO.

¶ pauca quid-
dem, sed
fida.

CLARVM inſigne beniuolentiæ in me edis, Marcili, litteris vtrò & tam amanter ad me ſcriptis. Quæ ita gratæ mihi ſunt, vt velim omnia quæ publicè ſcribo. Nā quòd tu me ames, æſtumes, qui non amem? Ingenij tui factus vidi, noui eos qui te nòrūt: in illis omnia erudita, bona legi, & ab iſtis audiui. Hæc de te * *παύει μὲν, ἀλλὰ μάλ' αὖτε*. — Nam in me, vereor vt tu & tua Gallia parum veri. Ab amore vel ab humanitate effuſæ illæ laudes ſunt: quorū ille in te nuper natus, hæc à veteri æuo inſita præter omnes gentes huic genti. Error iſte eſt, error: ſed amicus, & neſcio quo modo ſapiētiffimo cuique etiam gratus. De tuâ meaſque patriâ quæ auguraris, vtinam ne tam certa! laetamur, imò mergimur, niſi quid adiuuat ſupera illa manus. Arcturus tuus turbat, & rex qui ſpiâ etiam ab Arcto: qui clauſo freto, minatus nobis nuper miſerrimâ omnium mortem, Famem. Quid cēſeas: niſi in totâ Europâ, ſed non ſine ſonitu, inuerti orbem hunc rerum. Id ego video & fero: non ſolūm præceptis ab arcanioribus libris firmatus, ſed malorum vſu ipſo, qui in animo iſto genuit callum. Valetudo noſtra anceps, propior tamen bonæ. qualem tibi lōgūm, longūm, mi amiciſſime Marcili, (is mihi deinceps cris) opto. Lug. Bat. iv. Kal. Iun. ∞. Io. LXXXVII.

EPIST. XXX.

PAVLO MELISSO S. D.

CERTE poſtremæ tuæ mihi traditæ, vnâ cum Exſequialibus. quæ feciſtis piè & legitimè Principi Anhaltino. Tot aliis tuis quid factū: illud, quod

quod ne
tercepra
inprimi
ſcieban
in prim
Quid
veret, n
ſic appe
duramur
rientes i
quidem
ſponte:
non dica
ſit gau
aut cōſe
nunc q
ſius no
De poē
miſiſſe,
debent,
ſtellam,
lielmij p
quia inc
diſpice,
lunus,
Grynac

L
occa
frustra p
te noſtra
ſu noſtru

quod non insolens hoc tuo, abiectæ credo, aut interceptæ. At carmina illa vestra me recrearunt, tua inprimis, sanè docta: sed & F. Iunij, quem ego nesciebam harum etiam esse Musarum. Ille autem est in primo choro. Stenius etiam vester adprobus. Quid dicam? Aonij illic mōtes, & nisi Doufa vnus vetet, nobis luridæ, imò Stygiæ paludes. Quidni sic appellem, per funesta hæc bella? Nos tamen obduramus, colimus, & vi quadam retinemus abiturientes illas Diuas. Iustitia minatur: cuius (hoc quidem loco) præses, abit & deferit Donellus. non sponte: missus enim est à Scholarchis, causis quas non dicam. Sed de Pronunciatione etiā me videri gaudeo, magis, si apertè mentem explicares, & aut cōsensum in eā re mecum, aut dissensum. Nam nunc quæ loqueris, meræ mihi ambages. Hortensius non sum, nec Sphingem accepi, quæ adiuter. De poëmatis Bargæi, monui Plantinianos. aiunt se misisse, & in vasis inclusa, quæ sunt nunc esse certè debent) Francofurti. Baronem Serotinum vidi, stellam, verbo dicam, Germaniæ vestræ. Iani Guilielmij poëmata, premis, an edis? Neutrum suadeo, quia incertum mihi an pro ceterâ eius famâ. tu dispice, & tui amantes nos ama. Lugd. Bat. Kalend. Iunius, ∞. Io. LXXXVII. V. Nob. Othonem Grynradium salutes à me velim.

EPIST. XXXI.

IOSIÆ MERCERO.

LISLÆVS apud nos fuit: cur non vnâ tu? Bella occasio erat: quam vereor vt nunc amissam, frustra postea requiras. Atqui, cū illic sis, Barauiam te nostram, & in eā Lipsium non videre, dedecus sit nostrum mi Mercere. me coniungo. Non enim
tanti

* iungam
viam diffi-
cilemq;.

* c. vii cor
habet pler-
que hominū
turba.
* eximie
* veneratio
me habet.
* stupor.

• Mentiar,
an verum
dicam? inbet
me animus.

• caducus.

tanti ego tibi? Nec crede hanc esse — * ἀρχὴν
ὁδὸν ἀρχαίῳ τε: diei vnus res est, cū leuiter fauet
ventus. Sed, spero, emendabis. Nostra ad Senecam
Tragicum iam mitto. quid censes? & an non mecū
facis in iudicio illo, quod de scriptoribus feci. Nam
* τοῦλον ἔχει ἡτορ ὁμιλῶ ἀνδρῶν ὁ πλείους, ai: Pindarus:
non etiam tu. Profecto si consideras, Thebaïs illa,
Thebaïs, * ἐξαιρέτως pulchra est: & quoties lego,
* σέβας μ' ἔχει, vel potius * ἄγῃ. Nemo vatum vifus
mihi tam altè, & tā feliciter, volasse. Iuonis Villiomari
in Titium ante paucos dies vidimus. Nescio an re-
cens lectio me ita ceperit; sed non videor scriptum
bellius legisse à multis annis. Non decima illa
Musa, Plautus, possit aliquid magis Musæum. Sed
dic sodes, quis scriptor? non enim ille falsus Iuo.

* Ψεύσσαι, ἢ ἐπὶ μὲν ἐρέω, κέλεθ' δέ με θυμός:
Scaliger noster est, lumen illud & column littera-
rum. Non diuinaui? Quæ tamen ibi correctio inter
basilicas videtur,

Discit ab hirsuto iaculum torquere Capellâ,
nondum mihi proba. Nos aliò longè ducimus Iu-
uenalis eos versus. Sed hæc talia (deus faciat) ali-
quando coram. De patriâ, valdè * πάσι μὲν, mi
Mercere, noster hîc status. Mihi parum certum
est hîc manere; imò certum non manere, si hæc
manent. Turbones nimis multi: vtinam vnus ali-
quis, qui sub Hadriano! Sed tu vale, & nos ama.
Lugduni x. Kal. Octobr. ∞. Io. LXXXVII.

EPISTOLA XXXII. Basileam.

IANO DYSTIO.

Si vlla res me delectat, mi Dysti; ea est cū vos
tales video, qui me audistis. Amantes mei, æsti-
mantes: suprà quàm meritum fortasse est: at non
suprà,

suprà quàm vos decet. Tu inter eos insigniter gra-
tus: cuius beniuolentiæ in me, iudicii apud omnes
de me, clara in litteris tuis video signa. Perge verò,
amare inquam non tam me, quàm ea quæ censes
in me, Virtutem & Doctrinam: quæ te clarum ali-
quando efficient, & mihi certè effecerunt iamdiu
carum. Studium tuum cognoscendi & compen-
landi illustres viros, laudo: & pudorem in omni re
ama, non in istâ. Hic fructus inter alios peregrina-
tionis tuæ sit, vidisse illa lumina, quæ cogitatione
ipsâ te illustrent, excitent ad sui imitationem. Ruinæ
& monumenta veterum heroûm nos commouent
aspectu: quidni istæ viuæ imagines virtutum? Itaq;
quod Italiam etiam ex Germaniâ cogitas, approbo:
cum cautione tamen illâ quam olim Lanoyo meo
(nam Epistolas meas video te vidisse) providè
præiui. Nō repeto. Hoc tantum Varronis inclamo,
CAVE CAVE CANEM. Multi in animo, non-
nulli in corpore admorsi, æternum dolorem retu-
lerunt è pulcherrimâ illâ terrarum. Tu me capis:
audi tantum, imò ausculta. Patauij si Hier. Mercu-
rialem Clarissimum Medicum, imò æui nostri pri-
marium, si inquam vides: à me saluta, & dic ad
suauissimam eius epistolam respondisse. O vtinam
anni & vires mihi quæ olim! profectò lustrarem
amata mihi loca, & amplecterer viros, quorum
nomen me recreat & diffundit. Sed coërceo exsi-
lientem animum: te rogo, vti in me sis quem osten-
dis, certus à Lipsio idem tibi fore. Lugd. Batauo-
rum, Kalendis Iuniis. ∞. IO. LXXXVII.

EPIST. XXXIII.

DIONYSIO GOTHOFREDO.

BREDERODIVS noster, dum ad vos iter affe-
ctat, desiderium & memoriam mihi excitauit tui.
O Merito

*hominum
pestem.
*ipsa pestis.

Merito te amo, qui iam dudum me: & id ostendisti non vno signo. Scripta tua, quæ in publicum elaborasti, nobis grata, tibi honesta: & in similibus edendis ut perseveres, te hortor. Vides languescere Galliam tuam, & ponere paullatim ardorem illum discendi, docendi, scribendi. Vos pauci è subsidio adeste. Malum illum deum & * *εροτολογον* abisse à vobis, gaudeo: utinam & * *λιμω*! quod, ut hæc tempestas anni est, spero. Nos pestum imus: aut valde fallor: nec sustentat scirpea illa, quam induximus, ratis. Fraudes, inscitia, calor, quid non corrumpunt? Fuit apud nos nuper Paulus Stephanus Hen. F. mitis animi adolescens: quod velim patri nuncies, & à me salutes. in primis autem Casaubonum, eiusdem, ut audio, generum, cuius ingenio & crescenti famæ valde fauceo. Placent nimis scripta eius, quæ vidi. Cetera à Brederodio nostro audies: quem ut commendem tibi, à se commendatum, non laboro. Tamen vno verbo id facio, sed serio profus. Vale V. C. & me ama. Lugduni Bat. Idib. Sextil. *cc. Io. lxxxvii.*

EPIST. XXXIV. *Antuerpiam.*

FRANCISCO RAPHELENGIO Filio.

Si paullò tardiùs, mi Raphelengi, ad litteras tuas respondere, nō miraberis, si me & te videbis. Me, qui ita cottidie interpellor & occupor, ut omne tēpus sermonibus aut colloquiis pænè dandum sit, exiguum aliquod meditationi aut stilo supersit: te, qui ipse in hoc largo otio, in flore ingenij, aut spissò ad nos scribis, aut siles. Et tamē scito affici nos tuis litteris, & hære in istis medullis semel cōceptum tui amorem. Postremæ tuæ me recrearunt, in quibus omnia beniuola in nos (de quo numquam dubitavi: nec aliter tibi facere fas est) & de te ipso plena

plena bonæ spei. Vitia vides mollioris illius præfertim & residis animi: quem vtinam, vtinam, semel excites & erigas, mi adolescens, non tam citò relapsurum. Contemni à te humana, gaudeo. quæ me quidem auctore pedibus etiam trahe: sed ita vt contemptus iste ab alto quodam animo sit, non qui ipse se contemnat. Pars illa ætherea in te viuât & vigeat: cetera illi seruiant, sed non vt cum illis ipsa. Hoc modestiam aut sapientiam censes, iacêre: nihil agere? ad nullū vitæ genus collineare? Ignauia est, magnorum etiam sæpe ingeniorū pestis. *Subit enim, vt ille inquit, inertia ipsius quoddā dulcedo, & inuisa primo desidia postremò amatur.* Vt lignum occulta teredo consumit: sic animum delimat paulatim & exedit ignauus hic affectus. Homo es, è duplici materie, cælesti & terrenâ: ad duo etiam natus, cælum & terram. Illud in primis sed nec hæc negligenda est, quamdiu es in istâ. Id est, famam, opes, amicos, doctrinam, hæc omnia modicè parare debes, quæ magna esse vides apud homines etiam magnos. Ad vanam & validam ambitionem non te voco: ad media tantum illa: quæ vsum sui varium præbere nata sunt, bonum bonis, malum malis. Per hunc omnium rerum immodicum cōtemtum, vide ne in contemptum veniat vita ipsa. Tempora me dant in languorem, inquires. quid tempora? tu semel statue quis esse debeas, illuc cogitationes actionesq; dirige: cetera eo loco habe, quo tempestates aut ventos. Munies te contra illa, vt poteris: neminem contumaciâ aut loquentiâ irritabis: cetera permittes illi, qui tempora & temporū dominos regit. Rarè allisa nauis est, quæ modico velo legit litus. Eminentia feriunt procellæ. Hæc cogita: & illud in primis, vt attemperes te ad consilia aui tui, siue iussa. Quis illo tui amantior? quis vsu rerum peritior? nec

puta prudentiam omnem à litterulis manare, aut nescio quâ hac doctrinâ. Telum ea & adiumentum acre, fateor: sed non sola.

Tua in Senecam mihi proba sunt. quid si aliud tale in alium oratorem, siue poëtam? elige. Quæ conferre cœpisti cum Ortelij nostri libro in altero Senecâ, video non mala esse: cupio vt perseueres, & vt quemque librum absolueris, ad me mittas. Ego his diebus Controversias contuli, & repperi haud pauca Censoribus non visa nec Romanis nec Gallicanis. Res nostræ fluctuant, & turbat vicinum mare: nos illi (Deo hoc debemus) qui solemus, inconcussi. Vale mi Raphelengi, & si me amas, te ama. Lugduni Bataur. propriid. Kalend. Septemb. 60. IO. LXXXIX.

EPIST. XXXV. Marpurgum.

NICODEMO FRISCHLINO.

SEROTINÆ tuæ ad me litteræ, tamen gratæ: Svel quia tam amanter ad amandum prouocas, vel quia communicas iis rebus, quæ in Germaniâ geruntur. Quam terram velut alteram parentem (origine enim nos Belgæ inde) iure diligo, atque eo magis, quod benigna ea nutrix mihi fuit per aliquot annos. Statueram regustare liquores eius, & in itinere medio fui: reppulit me aduersantis Fortunæ velut ventus. Ergo nunc iterum in aquosâ Batauiâ meâ, mihi tamen carâ, quia carus ego illi. Cû Crusio tua liticula nō nihil me cruciat, nollem in hac paucitate eruditorum eos inter se — * *ἀντι-
στοιχίαν* maxie *ἀντι-
θέσιν*. Sed tamen, liberè dicam, etsi atate ille grãdior; tu mihi in hoc certamine Achilles, ille. Troilus videtur. Plus virium in tuâ hastâ, imò

* aduersis
sermonibus
depugnare.

imò & ca-
destiam
Ego mi
præcept
viuunt.
ba & p
omni co
Crusian
ne audi
iubeo, &
Marpur
German
Non. Iar

SAL
Squer
poëta in
& tu Ce
in eo sup
pari ven
enim tot
ede. ego
Prid. K

TRES
legi
quicquid
argumen
illa vtili

imò & causâ: si tamen eam per calorem & immodestiam (quod spero longè à te esse) nō corrumpis. Ego miror homines esse, qui plus Grammaticorum præceptis tribuant, quàm illis per quos Grāmatici viuunt. Mihi probum & rectum est, quicquid proba & prisca illa ætas scripsit, etsi Grammaticorum omni cohorti aut non lectum aut neglectū. Tamen Crusiana illa nondum vidi, & ideo iure amplio, ne audiam illud, * *pudè dñu.* Te amo, & saluere ^{ne caus-} iubeo, & crebrò terere hoc litterarum iter. Agere te ^{sum.} Marpurgi gaudeo, apud Principem, qui sapientiâ Germaniæ princeps. Vale. Lugduni Batauor. VII. Non. Ianuar. ∞. IO. LXXXVII. stilo nostrate.

EPIST. XXXVI.

FRANC. NANSIO V. CL.

SALVE mi Nanſi, en habes Nonnum tuum, quem remitto lectum à me cum voluptate. Ipse poëta mirificus (vt res quidē illa & versio patitur) & tu Censor, in eo emendando. At defectus quos in eo supple, iam non defectus: cū tam felici & pari venâ carmina addideris tua, nec tua. Nonnum enim totum spirant, quem concoxisti. Perge, & ede. ego suadeo: quem scire debes tui amantem esse. Prid. Kal. Iunij. ∞. IO. LXXXVI.

EPIST. XXXVII.

ABRAHAMO ORTELIO.

THESAVRVM abs te, mi Orteli, vidi & in parte legi: verè thesaurum. Condita in eo habes, quicquid Græcia aut Latium habuit, in eâ quidem argumenti parte. Placet materies, ordo, industria: illa vtilissima, iste facillimus, hæc summa. Iam

præloquia illa & velut lumen operis, quid? bona. Bochij vestri & Vackheri versus laudabiles: quos ex vngue illo viros puto, & gratulor vestræ vrbi. Quæ iamne respirat? Diu fauces vobis premit atra & famelica illa Diua: quam pellet, nisi fallor, nata mox copia pleno cornu. Deus faxit! ciues enim certè amamus, & quicquid Belgarum est, longè ab odio quod factio gignit. Byzantina Imperatrix (Irenen dico) quando ad nos? heu, tardè. nec viam video: nisi quia Deo, cum volet, * ἅπαν ἀπορον, πένειον. Cratonem medicum abiisse audio, & doleo. amauit me vir, ego illū. At nos manemus, in extremā velut vitæ lineā stantes, & animo duntaxat, non corpore, fortes. Politica nostra pergunt, sed, vt familiaris poëta meus loquitur, testudineum gradum. Ita sæpe interpellamur, ab amicis, à munere quod sustineo, à morbis. Fero omnia, & te in pectore æternū. Vale. Prid. Non. Iulias. 66. IC. LXXXVII.

* omne in-
uium, per-
uium.

EPIST. XXXVIII. *Erfordiam.*

MATTHÆO DRESSERO.

ET IAMNE ex diffitis illis locis aura ad me beniuolentia? etiam, & spirat ea suauius in tuis litteris, quas ante paucos dies accepi amoris & honesti iudicii plenas. Vtroque gaudeo, etsi illo magis quàm isto: quia riuus hic ab eo fonte, & multum me æstimas, quia multum amas. Et verò iam pridem inter nos cognouimus; cum in Germaniā vestrā aliquamdiu lenā agerem, & ad meliores artes præirem iuuentuti. Tunc (memoriā teneo) coitum inter nos fœdus amicitia, non nisi nobiscum moritura. Perseuera: ego de me hunc affectum tibi spondeo * εἰς ἀϊώνας. Quem vtinam tempora & res nostræ ferrent, vt aut præsentis, aut certè vicini

in perpe-
tuum.

magis

magis ob-
tione, se-
in cerui
linguit
conium
epistol
Sic Cede
bit. Sa

ITAL
fateor
locum,
qui an
Sanè a
deam,
tardè n
timidus
ris? eò
paullò i
legisti: c
mare, na
reat alib
ambula
non pro
caucnd
Iactanti
omnis u
ex eo ob
plumis
quod di
Præfidi
vt ais, fi

magis ostenderemus! fruerer te non solum cogitatione, sed etiam possessione, & manum iniicerem in ceruices tam amicas. Fata negant, nec aliud relinquitur, quam arcta & arcana illa animorum coniunctio: quam magis magisque ligemus per epistolarum hæc vincla. Verba ista sunt, fateor: sed *ἀπὸ βαθύτατος θυγῆς*, & re comprobanda, cum res se dabit. *ἀπὸ profunda mente.* Salue Vir eruditissime. Lugduni Batauorum.

EPIST. XXXIX. *Putanium.*

EVER. POLLIONI.

ITALIANE tetenet? præter opinionem meam, fateor: & tamen gaudeo. Qui non amem illum locum, in quo iucundissimè viximus ipsi olim? qui ante nos, sedes tot illustrium animarum? Sanè amo, & si adire aut peregrinari in eo dissuadeam, repugnem interiori meæ menti. Tamen tardè nec libenter concessi hoc tibi, quid mirare, si timidus amor est? si iusta etiam mihi causa timoris? èd magis quia gentem & loca illa penitus paullò introspexi. Ad Lanoyum quæ scripserim, legisti: crede non scripta ea animi causâ. Mare, mare, nauigas, & id scopulosum: caue ne obhæreat alibi ista ratis. Cautè inter captatores homines ambula, te cela, linguam preme, omnia proba et si non probas. Certamen aut dissensus omnino tibi cauenda, & ut feliciter hospitem agas, age seruum. Iactantia aut libertas nobis seruentur: nobis etiam omnis tuus amor castus, purus, & nequid delibent ex eo obscenæ illæ aues. Quantumuis formâ aut plumis blandiantur, ah fuge; aut potius pugna, quod dicitur, * *οὐκ ἔστιν ἔρως*. Reuera de illis agitur. *de carnis.* Præsidium tu in motu ponis, & quod nusquam, *bis.* ut ais, figes pedem. malo ut nusquam oculum,

inprimis ne animum: & vt ille semper munitus sit in eiusmodi occurſus aut aſpectus. Hoc tamen ſua-
deo, vt vidiffè Italiam ſatis habeas, hoc quidem
tempore non placeat tibi pernouiſſe eam aut infe-
diſſe. Viros magnos regio fert, ſcio: ſed ſepoſitos
aut ſubductos: & vt prompti ſint, vix per i la diſcri-
mina adeundos. Minùs mihi ſape, & diutiùs viue.
Quibus nunc velim te innotefce: e, paucos noui.
Anni octodecim ſunt, cùm Italiam ego reliquit: &
qui tunc vigeabant, pleroſque ex iis reliquit vita. Ad
Hier. Mercurialem litteras tamen dedi: virum pro-
bum, candidum, illuſtri doctrinâ & famâ. Bononię,
opinor, nũc reperies. Romę eſt Fuluius Uſſinus, cui
ſalus à me fortafſe tibi dederit admiſſionem. Eſt
ibidem Latinus Latinus, ſi tamẽ viuunt, probiſſimus
ſenũ quos ego noui, & omni litteraturâ inſtructus.
Eum quoq; à me ſaluta. Reliqui è grandibus ſunt,
ad quos te non mitto: qui rem, vt opinor, quæris,
non ſplendorem. Quod ſupereſt, Deum, vt Comici
verbo utar, animitus rogo, cautam circuſpectamq;
mentem tibi det, & auidam ad tuos redeundi. Wilt-
zium meum, ſi illic eſt, à me ſaluta: à quo iam pri-
dem nihil audire me. ſed cohibeo. Tu vale. Poſtrid.
Kalend. Septembr. 66. IO. LXXXIX.

EPIST. XL.

PETRO ALOSTANO.

DŌVS A me ſad vos venit, & eſt in quo operâ
tuâ ei opus: quam vt benignè, & vt ingenium
tuum eſt, cõmiter illi exhibeas, te rogo. Reſp. noſtrâ
quo loco ſit, vides: & quò perduxerint nos acerba
quorundâ conſilia, nec percocta ſatis ad Prudentiæ
ſolè. Hinc immites iſti fructus, quos ciuēs illi veſtri
numquam guſtarunt, tẽ regente. Vtinam & nunc
(tibi

(tibi hoc, nec tuâ causâ dicam) eiusmodi aliquot ingenia nobis ad clauum! facillè sedarent hi fluctus. Nisi sit, mergimur, mi Aloftane, mergimur. Deus iuuert, & te Vir Clariss. seruet. Postrid. Kalend. April. ∞. Io. LXXXVII.

EPIST. XLI. . . *Burdigalam.*

MICHAELI MONTANO.

SCRIPSI ad te ante menses. &, vt tempora hæc sunt, suspicor nō vanè, parum rectè eas litteras, certè parùm feliciter, datas. Nam nec ab eo cui Lutetiam curandas miseram, responsi quidquam accepi. Itaque iterò scriptionem. non quia tuâ magni inter sit, sed quia meâ, scire te & accepisse me humanissimas tuas litteras, & eo quidem animo quod à tali viro mererentur. Non blandiamur inter nos. ego te talem censeo, qualem publicè descripsi vno verbo. Inter septem illos te referam, aut si quid sapientius illis septem. Nam externa & polita ista doctrinarum, sermonis & linguarum ad fastum & fastidium vique scientiam (audi intimum meum sensum) sperno ego valdè, nisi cum prudentiâ quadam & recti iudicij normâ coniuncta dirigantur ad vsum vitæ. Ea duo postrema in te esse vidi, & illa non deesse. Nos in Politicis aliquid meditabamur, desumptum ex veterum agro: & iam pars non scripta solum sed tradita typis, tamen differo, & sustineo me temporum horum adpectu. Ego enim, vt pericula quæ obueniunt, nō timeo aut vito; ita non temerè ea prouoco aut arcesso. Scio autem quàm facillè vel in optimis consiliis peccetur, æuo quod impetu, non consilio fertur. Intereâ in Senecam Tragicum aliquid Criticum dedi: quem scriptorem, vel ob nomen, scio & te amare. Nunc edo

Curas meas secundas (ita appello) in Tacitum. Quid faciam? aliquâ fallendum hoc otium est, si non salubri, certè non inutuli occupatione. Tu vir magne ecquid agas, & inprimis ecquid valeas in Regni vestri morbo, fac me tui amâtem scitiozem, Lugduni Batavorum, XVII. Kalend. Maias.
 60. IO. LXXXIX.

EPIST. XLII.

THEODORO BERNARDI S. D.

BENE habet, mi Theodore, de Amico illo nostro extra metum sumus, imò extra suspicionem. Ille viuit (ex litteris eius mihi constat) & viuet, vt spero, in multos annos. Heu dolorem meum, si aliter! Variis virtutibus amorem nostrum meretur, & certè amore. Quòd quæris à me de Apellais illis lineis, verâsne eas censeam, & quales? ad prius respondeo, veras: nec fas ambigere, nisi si fidem spernimus historiæ omnis prisæ. Ad alterum nunc fileo: & censeo vt priùs ab Amico illo nostro quæras, cuius ingenium grande & capax, diffusum per has quoque artes. Mirificus ille vir est, & quem *apud prudentem, variâ mente præditum.* Homeri verbis iure appelles. — * *Ναίφρον, ποιη- λομήτω.* Ego coràm aliquid tecum, quem decretum mihi visere ineunte hoc Vere, atque vnâ cum Henrico Spiegelio meo amplecti. Amo vtrumque: vterque me amate. Lugduni Bat. Prid. Kalend. Mart.

EPIST. XLIII.

THEODORO LEEWIO.

GAUDEO & gratulor (hinc enim primùm ordi-
 diar) quòd iterùm te dedisti in iucunda hæc
 nuptiarum vincla. Deum quæso, vt i felix tibi ea res
 & sa-

& salutaris sit: id est, matrimonium concors. Nam in eo voto, includi censeam reliqua vota. De quo mihi magna spes est, quòd eam non ex dote legisti, sed ex naturâ, & ex ipsâ. Sic decuit/quidquid vulgus hîc dicit:) & equû emere, non sellam aut strata. De rep. nostrâ nec ex tuis litteris mihi magna spes est, nec ex rumoribus vulgi. Si vtrîque pertendunt, quis exitus? Cedere altera pars debeat, aut potius vtraque, & sic coire in arctum & amicum fœdus. Amentia! hostis in latere, & tantum non ad portas Annibal: & nos litigamus? Atque hæc per eos eueniunt, qui sententiæ suæ tenaces, iudicia omnia & consilia spernunt aliorum. qui quam viam semel ingressi sunt, nec omittunt, etiam in errore manifesto. Pestis iam olim huius & plurium rerum publicarum: nec facilè excutienda, si aut ipsa potens, aut obsedit potentes. Felices illi Principes, quibus electio & iudiciû est hominum, quibus fidant & credant. Interea quocumque loco nostræ res: nos, mi Leewi, nostro maneamus, id est, inconculso illo & firmo. A deo & à fato eius pendeamus, certi subire sortem omnem quam ille dabit patienti ceruice. Calcitriones isti & refractarij equi, hoc consequuntur, vt verbera etiam aliquot excipiant, nec excutiant tamen iugum. Omnino lenius omne malum fit, leniter ferendo. Qui interpretando auget, qui velut scalpit suum vlcus: facit, quod qui onus ad onus sibi addunt. Ego tecum sentio. standum in hac acie, & sine fugæ vllâ cogitatione, vincendum aut cadendum: sic tamen, quamdiu palàm aliter non suadebit ille Imperator. Lugduni Bataurorum XI. Kalend. Octobris 60. ID. LXXXVII.

EPIST.

I. LIPSII EPIST.
EPIST. XLIV.

IANO DOVSA Filio.

SCALIGERVM patrem, quem sæpè tibi laudo, mi Dovsa, ipsum hîc vide. Quis depinxit? quo nemo meliùs aut veriùs potuit, se ipse. Quando? cùm fallere ei minimè libitum, paucis diebus ante summum diem. Heu, quis ille vir! pænè ausim dicere,

* sapientiã
similis diis
immortalis-
bus.

———— * σοφίῳ μὲν ἀλλ' οὐκ ἀθανάτῳ.

Tres sunt quos admirari vnicè soleo, & qui in hominibus excessisse mihi humanum fastigium videntur, Homerus, Hippocrates, Aristoteles: sed addo hunc quartum, qui natus in miraculum & gloriam nostri ævi. Scripta docent (etsi bona, imò optima, eorum pars periit:) tum hæc Epistola. quam tu mi Dovsa, quantum potest, lege, describe, remitte. Nam Pici nō ita aurum suum custodiunt, ut ego hunc thesaurum.

EPIST. XLV.

IOS. SCALIGER IVLI CÆSARIS F.
Francisco Vertuniano S.

INCIDI in Epistolam Patris mei, quam ultimam prudentissimus Senex dictavit. Agnosces, puto, manum meam. eam ille dictavit inuitissimus. hoc est, rogatu Paschalij illius qui se historici Regij non tam munere quàm nomine venditabat. Quod nisi te ex Epistolâ ipsâ cognoscere mallet, pluribus tibi explicassem. Hoc vetabat ingenuus pudor; sed officium scribendi expressit importuna hominis loquacitas. Quare, quum te videam studiosum Scaligeri nominis, non dubitavi te hanc Epistolam non solum in deliciis, sed etiam in miraculi parte habiturum. Adde quòd eam in parte officij te habere volo, quòd ad me pertinere putem te nihil ignorare eorum

rum, qu
servan
defect
omni
ama.

Q
pri
ma mil
ter, qu
fuisse
ciam fr
se obr
gifti,
terio
abit q
habean
melior
Scriptu
quum
bene me
numera
Ac qua
studuer
ret; sep
ciund
quòd ve
viri; se
illi mod
quòd ta
conscrib
causse p

rum, quæ ad amicitiam nostram aut augendam aut conseruandam spectare videbuntur. Quum Epistolam eam descripseris, remittito. Nam non tantum meâ, sed etiam omnium bonorum interest, eam non perire. Vale, ac me ama. Vlmium nostrum saluta. Abenni. pro prid. Kal. Iun.

EPIST. XLVI.

IUL. SCALIGER FERRERIO S.

QUOD tuis elegantissimis litteris non responderim, multas afferre causas possum, sed omnes quidem præter meas occupationes. Nam quemadmodum iucundissima mihi fuit salutatio tua, ita nihil mihi prius esse oportet, quam ut omnibus omnis ostendam diligenter & mihi fuisse honori, & dandam esse operam ut mutui officii eliciam frequentiore. Ceterum ad hanc usque diem nemo se obtulit nobis, qui isthuc iter faceret, nisi Quaestorum magistri, quorum tanta est superbia, ut præ se contemptis cæteris omnibus panem regnent. Podius verò noster panem prius abiit quam accessit. Atque nunc etiam ita scribo, non qui habeam quidem, sed ut ne mihi desim, si forte quopiam meliore fato nactus fuero nuntium aliquem opportunum. Scriptionis verò meæ summa in eo potissimum versatur, ut quammaximas possim gratias agam viro de nostro saculo bene merito Paschalio, qui ita censuerit, me augere posse numerum virorum illustrium, præsertim in Regia historiâ. Ac quamquam diurnam ambitione meus animus ager sibi studuerit aliquid comparare, quo se humo, ut ait ille, tolleretur; sæpe tamen sese respiciens ac sui compos factus, faciundum putauit, ut iam partem gloriæ acquiesceret: non quod vel recusem, vel parui faciam me uti beneficio tanti viri; sed satis habiturum me debere arbitror, si quantus illi modo notus sim, tantum me ostendat posteritati. Nam quod tam gratiosè atque humanè petit, de me ut historiam conscribam, quin ad id adducar faciendum, tres omnino causas prohibere. Ac primum quidem pudor ingenuus, & dignus

dignus vel familiâ nostrâ vel meâ institutione. deinde quod quammaximis atque illustrissimâ de rebus meis vbi narrauerô, tum maxime dixerint me mentiri, quicumque tantum litterarum cum tanta belli gloriâ in scipsis coniunctum nō esse indignantur. Tertium verò illud est, quum elogio simplicissimo transigendum illi video, quæ ne maiori quidem libro comprehendi possent. Pugnavi pedes, eques; adolescens, iuuenis; miles, præfectus; certamine singulari, in obsidionibus, in campo civili, ad ludos equitum ordinario, in excursionibus, in exercitiis: sæpius vici, aliquando victus sum, corpore, non animo; non virtute, sed fato: sed ita ut etiam aduersi casus ipsi maiori mihi fuerint honori propter egregia facinora, quam ipsis hostibus victoria. loca infinita non designabo. Familia nostræ merita à Taxilijsque temporibus erga regnum Gallicum ad meam usque operam notissima sunt. Quod si exempla non sunt odiosa, poterit illius erga me amor eius animum eō impellere, ut simul & Mastinissam & Xenophontem componat, quorum utriusque idea vix me vnum exprimat. Vides quam ridiculus mihi ipsi factus sim, quum vix centesimam quamque partem delibarem. De his omnibus ita ut volet. Nam familiam meam quotusquisque doctiorum neget, si nobilitas in vetustate sita est, esse omnium nobilissimam? cuius lux in Alani splendore ac virtute aduersus Attilam primum refulsit. Si ad capita Principum spectes, liberalium, magnanimorum, fortissimorum; perpaucas gentes cum eâ sint comparanda. Si quis malit intueri cognationes, deductos nos sciat multos ex Imperatoribus. Quintus enim ego sum ab Imperatoris Ludouici Bauari filiâ. Si quid verò conferunt etiam adfinitates, quis ignorat Mastini Scaligeri filiam Beatricem, Barnabæ Ducis Mediolani uxorem, decem filias peperisse, quæ omnes maximis Europa Principibus nuptæ fuerint; vna etiam Edouardo Regis Angliæ filio, quo defuncto duxerit eam uxorem Dux Andegauensum; altera verò Sicilia Regina fuerit? Sed ut

parcam

parcam historia; hic est ille Barnabas, cuius fratri nupsit
 Valentina, & quā honoris causā nomino, & quā nominatā
 finem statuo gloriæ nostræ. Nihil enim mihi honorificētius
 contingere potuit, quam vi essem sub luce Regum Franco-
 rum, nō solum tanquam cuius adscitus ab Opt. Max. Fran-
 cisco Rege diuino; verū etiam particeps benignitatis
 atque pietatis Regis incomparabilis Henrici secundi. De
 meis verò vel studiis vel scripturis nihil ad Paschaliū
 mittam. De iis moribus, qui ad vegetum robur animi per-
 tinent, etiam in hac extremā senectute, qui panē octo-
 genarius sum, perpauca poterit, nisi graue est. Omittō
 frigoris, æstus, inedia patientissimum, dies integros labo-
 ribus fregisse, noctes etiam continuasse. Hoc multis fortasse
 commune: illud non fortasse multis; vespere post expedita
 diurna negotia ad *sexaginta versus commentum esse; * Sed cxx.
 deinde cœnasse; post cœnam dictasse qua ad agrotorum fuisse, cof-
 postriduanas præscriptiones pertinerent; postea somnum que Ioni-
 cepisse; summo mane experrectum fremitu nuntiorum cos maio-
 qui opem meam petunt cottidianam, interrogasse, respon- res, Ios.
 disse, dictasse sub prandium vsque; meridie pransum illos filius dixit;
 ipsos versus quos vespere concepissem, ad verbum sine vllā nam & ipse
 hesitatione scribi iussisse. Qui hoc non mirabitur, for- describe-
 tasse ne illud quidem, decem & septem Æschyli versus bat dictare
 semel modò lectos summā fide memoriter illicō reddidisse. Patre.
 Habes quæ à Paschalio humanissimè rogatus, à me ipso
 coactus effudi; non quòd digna putarem tanti viri lucu-
 brationibus atque admiratione posteritatis; sed ne vide-
 rer barbaro fastidio tam luculentum officium contempsisse.
 Vale. Agenno. Prid. Non. Iulij.

Tuus Scaliger alienā manu. meā enim
 ægerrimā hoc tantū subscripsi.

EPIST.

EPIST. XLVII. *Patauium.*

HIERONYMO MERCVRIALI.

Ad litteras quas à te vñas accepi, iamdiu Vir
 Alme respondi. Vtinam sæpius scriptio-
 nis hoc mutux iter teramus! quid mihi iucundius?
 Sed, vt ille ait, multæ inter nos terræ sunt, & multi
 montes: qui tamen separant me à te, nec separant,
 ad quem sæpe transuolo cogitationum & desiderij
 leui alâ. O Italia, quam vidi olim, non perneui!
 quâdo te regustabo? Ita me deus amet, vt hoc auco.
 vereor vt frustrâ, cum tempora video, & valetudi-
 nem quoque istam, quæ ambigua & infirma. Sed vt
 hoc non sit, fas mihi tamen vos interdum littera-
 rum hac viâ adire & alloqui. quod facio nunc ex
 occasiunculâ, quam mihi præbuit egregius & in-
 genuæ doctrinæ iuuenis Euerardus Pollio, cui apud
 te commendando hoc satis erit, quodd vsus olim sit
 domo meâ & mensâ. Si te videt, ama iuuenem, &
 benigniore vultu excipe. nec enim aliud pretium
 quærit, aut certè non maius, peregrinationis suæ,
 quàm eiusmodi viros & hæc lumina vidisse, iisque
 innotuisse. Adolescens est * *ὁ ἴσ' πολλῶν*. Idem à te
 peto pro Henrico Wiltzio, si is quoque templum
 tuum adibit, excipias propitius & volens. Hypo-
 chondriorum meus morbus remisit. sic tamen vt
 intemperies & imbecillitas in hepate remaneat: cui
 vt possumus, non tam * *σαρμανεία* quàm diatrâ me-
 demur. Abiisse te honestissimâ vocatione Bono-
 niam audimus. ni id esset, valdè rogarem in Viri
 magni Vinc. Pinelli amicitiam me insinuare:
 quem ego iure æstimo inter Italarum primos. Va-
 le, & serid amantem tui ama. postrid. Kal. Sept.
 co. lo. LXXXIIX.

* non è vul-
 go.

* medica-
 mentaria.

EPIST.

LAMBERTO CVLENIO Icto.

Si vnquam, lubens litteras tuas & te in iis regu-
 stavi ex intervallo. Molestus mihi esse vereris?
 nunquam potes caput tam amicū. atq; hoc debeo
 Bronchorstio; qui vt beneficium à me impetraret,
 prior mihi obtulit litteras tuas: cui adfuturum me
 in omni re noli ambigere. Ipse id videbit, & scio
 scribet. Vtinam potius tibi in re simili gratificandi
 occasio esset! sed patria te & publicum munus te-
 nent, & (vt verum fatear) ita hoc rerū statu omnia
 hic & alibi ambigua, vt nesciam an amici sit alium
 temerè commouere. Dissidij semina palàm video:
 Deus ille faciat, vt opprimantur in herbâ. Animos
 magnos illa gens auxiliaris gerit, & nostris certum
 non cedere de priscâ libertate. Vtrique tamen
 vt spero aliquid remittent, nec funem hunc con-
 tentionis trahent, quod non potest sine casu & per-
 nicie alternâ. Nobis enim, quod Deus auertat, op-
 pressis, quæ illis perennandi spes? Huic rei symbola
 aliquot cōscripsi, quæ hîc vides, in vsum & gratiam
 præfecti vestri monetæ. Arcanum omnem sensum
 non explicui: nec opus, perit enim horum talium
 Venus, nisi aliquid sit, quod lector & inspector
 quærat, & inuento eo gaudeat. Comitum Dordraci
 fuisse, sed statim in Zelandiâ rediisse, credo te scire.
 De summâ rerum, nō aliud habeo quod nunciem.
 suspecta enim adhuc omnia, & mutuâ quadam
 diffidentiâ suspensa. O Belgica, hūcne redacta es,
 vt timere eos ipsos debeas, quos euocasti ne time-
 res! Impedior, ignosce. nam animus mihi certè
 diutius tecum fabulandi, quod aut coram aliquādo
 fiet, aut per litteras ocio meliore. Vale Vir Clarissi-
 me, & prorsus mihi care. x i. Kal. Sextil.

P

EPIST.

EPIST.

EPIST. XLIX.

Briclamo.

PETRO REGEMORTERO.

ERGONE meas nondum accepisti? at dedi illi-
 ipsi qui tuas adtulit, atque adeò etiam ad Bau-
 dium. Socordia hæc hominum, an perfidia? Tamen
 amorem & curam tuam amo, qui me alteris etiam
 compellas, & significas quæ gratum mihi intelle-
 gere & scire. Nam etsi, mi Regemortere, reip. non
 misceor (scis hac in parte decretum meum, quod nulla
 res mutabit) tamen non ita *μετέωρος* sum, aut ab
 communi hac vitâ abeo. vt exuam solitudinem
 omnem de patriâ & affectum. Ego illi bene cupio, &
 ex animo iis omnibus qui hanc procurant. Vtinam
 concordia illa inter nos, quæ esse debeat: & quæ nisi
 breui coit, perimus. Ego tecum quoque sentio, le-
 gum ita habendam rationem nobis, vt præualeat
 suprema illa lex. Patriæ salus, cum hæc periclitatur
 ob priuam aliquam scita siue leges, scio non solum fle-
 ctendas istas sed frangendas: & improbus, quisquis
 aliter sentit. Sed tamen videndum, nequid nimis
 tendatur: & ne acri contentione rumpatur, quod
 dicitur, hic funis. Vtrique cadimus, si id fiat. Prin-
 cipibus honorem & dignitatem seruari, æquum &
 verum est: sed, per deum immortalem, ne ita illa
 omnia ad exactam & summam rationem reuocemus,
 vt neglegamus salutem. Tempestas & venti
 in hoc mari sunt. quis ille nauta, qui vno cursu &
 certâ, vt sic dicam, lineâ peruehi conetur in por-
 tum? Flectendum est, vela conmutanda, obuertenda:
 & curandum, vt tutò potius perueniamus quò
 instirimus, quàm vt citò. Dies multa dabit quæ nunc
 ardua videntur, & ille *ὁ πάντων πατήρ* *χρὸς*. Calore
 quisquis vitur apud frigidam has gentes, fallatur &
 labetur. Duci voluit, non trahi. Ille noster *μεγαλύντωρ*,
 vti-

omnium
 pater Tem-
 pus.
 magnani-
 mus.

vinam
 dum
 hæc ad
 me in
 Si per
 maiore
 opidis,
 & quan
 De coll
 fenestrâ
 perfring
 nescio qu
 Sed nihil

H
 fol
 primit, l
 mas) pos
 negat. Li
 ciam? inq
 diè ego cr
 ni, testor
 remisse,
 faci volu
 valdè vt c
 sed non a
 ticis, quod
 magis quâ
 enim & c
 ciam? ver
 d: nunc c
 dam etian

utinam largiatur aliquid istis cum usurâ recipien-
dum, & submittat se nonnihil ut crescat! Liberè
hæc ad te scribo (sed solum) nec cælo sententiam
meâ in hoc dissidio non dissidio, quæ est, Indulgere.
Si pertédimus: è leniculis rebus veniemus ad image
maiores rixas. Cû ordinibus ut conueniatur, id est
opidis, caput rei est: de hominibus singulis, quales
& quanti illi sint, quis laboret? Sequétur, aut ruent.
De collegæ mei negotio, rogari nolo. Non dicam
fenestrâ, sed rimâ mihi apertâ, omnia conabor ad
perfringendâ hanc arcem: quamquâ ille, quod scis,
nescio quâ causâ alienior à me in totâ hoc causâ.
Sed nihilominus *μελίσις. Tu Vale. XII. Kal. Octob. *cura erit.

EPIST. L.

Leodium.

DOMINICO LAMPSONIO.

HEVS tû, quid nuntij habes non intempestiui
solum, sed infidi? Ille me in orto subitò op-
primit, litteras tuas porrigit (illas quidem optatissi-
mas) poscit illicò respõsum. Intra horulam, inquâ.
negat. Intra semihorulam. negat. Quid ergo fa-
ciam? inquit. Mitte sodes, inquit, Hagam: totum
diè ego cras illic, & in tali domo. Ego, mi Lampso-
ni, testor Genium amicitia, mihi: sed litteræ ad me
remissæ, cû ille nusquam comparuisset. Hoc præ-
fari volui, & silentium excusare. nûc ad tuas. Virges
valdè ut concinnem De institutione Iuuentutis. fiet:
sed non antè potest, quàm hoc pertexuero in Poli-
ticiis. quod sum exorsus. Valdè id opus me tenet:
magis quàm vllum meum, etsi nec meum. Colligo
enim & consarcino ex scriptis alienis. Quid fa-
ciam? vercor ut error iudicij mei fuerit in ordien-
do: nunc constantia laus est in absoluendo. Quæ-
dam etiam interueniunt, de temperie in Religionis
P 2 rebus,

* fluctuat.

rebus, & talia, quæ hoc ævo cum omnium gratiâ aut veniâ non dicas. Tamen faciam, & breui ut spero habebis. Nunc istud breue adtextum siue ~~epistolam~~ habe ad Cornelium: non gustandum, nisi illo lecto. Opus eo edito fuit, quia iterum Commentarij nostri eduntur cum hoc augmento: quos qui non habebunt, cõteati sint illo. Status publicus apud nos valdè * *κυμαίνεται*. de Pace multus sermo & multa spes fuit: nunc iterum languescit. Petrum Oranum quodd amicum mihi conciliasti (tuum hoc esse scio) gaudeo. Virum magnum, & quod caput est, bonum esse, quidni credam, qui tibi sic placeat? Itaque responde illi audacter de mutuo meo animo: quem factis verbisque ostendam, ubi res cumque feret. Sed nonne ego Oranum novi aliquem Coloniae olim? opinor, & qui erat ex Leodiensium gente apud Patres illos meos, quos nosti. Nec tamen opinor hunc esse. Tu quæ promittis, aut ut verius dicam, offers, de Institutione à Ximenio scripta, si me amas, fac videam. Valdè me iis aut adiutum iri scio, aut firmatum. Lugd. Batauor. xv. Kalend. Iul. *∞. Id. LXXXIX.*

EPIST. LI.

Dantis cum.

IANO GRUTERO.

BREVES & tristes tuas nuper accepi, de parētis Optimi fato: & nunc vberiores paulld, non lætiores. Nimis, mi Grutere, iaces. Quid te moneam? scio te hanc in rem omnia quæ me scire: hoc deest, quod non usurpas. Remedia habes, sed recondita velut in thecâ tuæ mentis, non expromis. At nunc est usus eorum, aut numquam erit. Vides publicè, vides priuatim omnia aduersa, tristitia: nec spem cuiquam nisi in se, id est, robore & contemptu quodam omnium rerum. Quid alios, quid me censes?

agere

agere se
non cu
Æger
Alius
rescere
Grute
nam su
tu idem
infra te
Alia lo
vulgum
vero pr
Descend
& oblect
Ille, ille
flamme
rum. k
enim q
vides i
Larem
bament
iam nup
quia tu
apud Æ
inuito.
planè b
quod er
Grutere
magis v

* Agitur
Semel h
rum ab
Kalend.

agere scilicet dies festos? in morbo iam biennium non cubo, sed, quod deterius ego censeo, ambulo. Ager enim omnia munia fungi cogor sanorum. Alius me scribere, legere vult, alius conuiuari, hilarescere, & omnia agere ut solebam. Et tamen, mi Grutere, apto me huic scena, & hilari vultu personam sustineo, quam imposuit magnus ille Aedilis. tu idem fac. Non es qui ille, & ille? at multi etiam infra te sunt, & qui in cælo sibi videantur, si tuo loco. Alia solatia omitto: hoc quod sapere & scire supra vulgum aliquid tibi datum est, quanti aestimas? Si vero pretio, supra omnes debes humanas opes. Descende in te, subtrahe ab circumfusus & externis, & oblectare cum interno illo deo qui in te viuit. Ille, ille melior ignis, nisi opprimis, extinguere vnâ flammulâ potest humida hæc omnia & lenta curarum. Huic rei en nouû subsidium, libros. Misimus enim quos petisti. At tu Pericula tua cur nobis inuides: irascor. Ego me velut Familiarem aliquem Larem vel primum placandum censebam hisce libamentis. Culpam vides, tu emenda. In Plautum iam nuper accepi, & sanè placuerunt. Non scripsi: quia tunc nullus videram, & hæserunt ex Notæ apud Æmilium nostrum Rosendalum, me non inuito. Amoenim & illum adolescentem, ingenij planè boni & recti, id est tui. De Constantiâ nostrâ quod etiam nunc quidam carpunt: securus esto mi Grutere. Morbus hic quidam animi est, & nocere magis volunt, quàm nocebunt.

Illam aget pennâ metuente solui

Fama superstes.

* Αὐδύτης inquam, etsi non * Αὐδύτης hoc scriptum. * *Expers mortis.*
Semel hoc dicendum fuit, ob Lentulos istos, quorum abundans ea ora. At tu vale. Lugd. Bat. Prid.
Kalend. Septemb. * *Expers inimicæ.*

EPIST. LII.

FRANCISCO RAPHELENGIO *Filio.*

PRÆFATIONEM tuam duplicem vidi, mi Raphaelengi, titulo ipso alteram mihi gratam. Ad me enim est. in quo non tam memoria mei delectat, quàm gratitudo, quâ meritò declaras in eū, qui voluit tibi semper, vult, & vult. Vtraq; proba satis: vellem paullo longior. Nā etsi breuitas mihi amica, in quo haud infelicitè me sequeris: tamen in adolescentiæ isto æuo maior quædā vbertas mihi haud displiceat. quæ ipsa etiā esse potest, sine fraude vllā breuitatis. Plura cur nō scribis, etiamsi non pluribus id est, cur non extendis siue Epistolas siue Præfationes tuas, & materiæ plusculū addis: Nam verba non desidero: & in eo mihi places. Vide ne rem tibi dicam: nec tu iudicio istud facias, sed fugā quadam laboris aut intētionis. Ingenium tuum, mi adolescens, in omnia validū. vtinam tu exerceas, & solum illud fertile magis assiduo, vt sic dicam, vomere inuertas! Diligentiam à te volo, diligentiam: nec eā cum impetu, sed stabili quodā animi tenore. Quid influere eruditionē aut virtutē ipsam censes, famam aut opes affluere, sine cōtentione & labore? erras.* *Δεὸς τ' ἀγαθὰ πόνους πωλεῖται*, vetus & vera gnomē est: quam, si quid me aut te amas, ama. Manutium & Stephanū quoties tibi ingessi? tu supra eos esse potes (verè tibi vaticinor) magnā conciliatrice Aui tui famā: quam illi non habuerunt. At tu hæc contemnis. vtinam omnia externa! sed contemnas tamen cū modo, qui nisi adest, insipiens omnis Sapientia euadit. Homini ego nihil humanarū rerum magnum esse fateor, si animum & cælestem illam particulam spectes: si corpus, & si vitā cur prorsum neglegas ea, quæ ad opes faciant aut honores?

Abiectè

*Dij bona
laboribus
vendant.

Abiectè
& aprum
stinam
clamore
non ope
liceor: v
qui docu
nitionis
in scriber
& aestima
(abii, ab)
ne dona
aquam in
Senecam
in quibus
quas dec
Ad te re
Thebaïd
bris) Me
ineprè. c
Ortelij n
gratiam c
vt video
tum damu
paulum r
Lugd. Bar

A v d
scrib
hoc casu:
hæc tua ve
relinquam
gas scripsi

Abiectè sapit, quisquis ea sic abiicit. Erige igitur te, & aptum præbe iis ad quæ Auus, Pater, Ego, te destinamus: adiuturi omnes in hoc honesto cursu, nō clamore solū & fauore, sed & rebus. Ego quidem non opem solū meā, sed & opes ad hanc rem polliceor: ut te præbeas dignum iis qui genuerunt, iis qui docuerunt. Omnino autem hæc summa admonitionis meæ est magis assiduū & crebrum te velim in scribendo, in legēdo: magis etiam tui amantem, & æstimantem. non quò ad superbiam te vocem (absit, absit illa pestis) sed ut ad tui pretium: id est, ne dona quæ magnus ille Deus in te contulit, ut aquam immotam, sordescere patiaris & obsolesceam tuū exspecto cum iis ipsis Præfationibus, in quibus nihil muto. nec in meis quidē laudibus: quas decorè tu mihi das, etsi nunquam recepturo. Ad te redeunt. Mitte quamprimum exemplar. In Thebaidē versum repperi (nescio an ita in aliis libris) *Meosq; manes manibus infestis petit Fadatq; v. Itus.* ineptè. cū legendum sit, *Meosq; manes.* De Senecā Ortelij nostri gratiam illi habeo, & tibi tamē facio gratiam conferendi. Nimis nouitium exemplar est, ut video ex iis quæ adnotasti de æuo. Nos in Tacitum damus CVRAS SECVNDAS: in Politicis paullū resistentes, in temporum hoc flexu. Vale. Lugd. Bat. vi. Kal. Maias. æ. 10, LXXXIIX.

EPIST. LIII.

IANO LERNVTIO.

AVDES, non dicam scribere, sed cogitare, quæ scribis? Ego tui obliuiscar? ego te deseram in hoc casu: Ah, mi Lernuti, pectus mihi scindunt hæc tua verba. Sol citius suum cursum, quàm ego relinquam tam diu sanctè habitum amorem. Negas scripssisse me. quī potes? Ternas dedisse me scio.

ynas famulo tuo ipsi in manus: binas misisse ad
 vxorem. Quid possum, si ea perierunt? Iam in re
 tuâ, & ad leuandum miserum hunc casum, quid
 omisi? Scripsi ad, scribi iussi ad
: nec ut pro amico, sed ut pro me ipso.
 Nihil factum, inquires. Doleo. nec nimis miror, qui
 scio ut nunc se verterunt vices) gratiâ meam leuem
 esse apud hos è stirpe Bruti. Vtinâ qui hîc potiu-
 tur rerum, ius habeant in eo loco! Lipsius nō essem,
 aut tu non illîc. Tamen scripsi in Britâ niam ipsam:
 & inprimis ad Thomam Henneagium, virum illu-
 strem & mihi amicum. Daniel etiam Rogerius re-
 dux è legatione Danicâ hîc fuit. serîd cum eo egi,
 nec solum ut ipse adniteretur; sed ut apud quos
 ipse aliquid posset. quid tamē dicam? quod res est:
 rem volunt isti. Castorum fabulam legisti? cūm
 omnia fecerimus, vsurpanda erit, & non eripies te
 nisi abiectâ tui parte. Mihi si valerudo paullūmodō
 firmior (caput hoc iuro) iam in Britannis essem, aut
 in tuis vinclis. Sed quā vacillem, & quā ægrè
 *corpusculū. *σπμάριον hoc sustineam, credo te audisse. Ceterū
 spero aliquid à promissis Rogersij, quem ipsum au-
 dio futurum inter Legatos. Tu interea, mi amice,
 esto quem esse te expedit; id est, vir, & fortis. En
 palastra & arena, in quâ Deus spectandum te præ-
 buit: exere insitum tibi robur. Clama in Fortunam,
 Nihil agis: non si libertatem mihi eripias, sed si
 ipsam vitam. Ignauī animi ad primum ictum con-
 cidunt: tu ostende aliquid in te esse altioris auræ.
 Ego, imò nos omnes quotquod hîc, planè tui sum-
 mus. si quid possumus, viam præsigna: inibimus,
 panè dixerim, vel illam quæ fert ad Orcum. Tu in-
 terea vale, & *αλχημός εἶσ', ἵνα τίς σε καὶ ὁ φιγόνων εὖ εἴπῃ.
 VI. Idus Martij, ∞. IO. LXXXIIX.

* Strenuū
 esto, ut po-
 ssima te
 quoque secu-
 lo laudent.

EPIST.

EPIST. LIV.

Romam.

HENRICO WILTZIO. S. D.

GRANDIVS CVLVM interuallum fuit à te litterarum, mi Wiltzi. Accepi nunc demum, quæ te Neapoli fuisse nunciarent. Gaudeo, & gratulor vniuersam hanc peregrinationem adhuc cessisse ex voto. Deus reliqua sic secundet. quamquam quid reliqua? Deus te ad nos reducat, quod & suadeo & opto. Satis vsui datum, satis etiam voluptati: longior emanatio discrimen fortasse habeat, non fructum. Si patriâ decretum carere vobis, donec omnia hîc tranquilla: quando fiet? In omni Europâ turbas subseri vides turbis. Tu nobis te redde, & componere ad hoc æuum: in quo ipso minùs recto, viuere semper tibi sit rectè. Externa ista vis si nos cogat, malè agatur cum diuinissimâ illâ parte. At hæc talia coram. Nam ego non confilio, non auxilio vnquam deero: & amo vos qui apud me olim, vt si ex me essetis. Meus Pollio, vbi est? audio cogitare Viennam & illum tractum. Nolim. & si propior sim, (quoniam verba nostra negligit) manum iniiciam huic erroni. Redite in patriâ, apud parentes viuite, atque ita mihi valete. Ad Franc. Bencium scripsi ante menses pauculos. O virum, quem ego olim & nunc amo! Frater mihi fuit, nec solui vnquam possit artus ille amor. Iam dotes in eo sunt, dignissimæ vel admiratione vel amore: quas tu coram vides & gustas. Da te viro. paucos meliores aut maiores dabit tibi ille tractus. Vale. Lugd. nostræ, III. Kalend. Maias.

∞. IO. LXXXIX.

EPIST. LV. *Burdigalam.*

MICH. MONTANO.

IAM semel ad te scripsi, Vir Nobilissime: nec satis certum habeo, an litteræ ad te perlatæ. Intervallum locorum grande est: & addo, quod nihil hodie tam receptum, quàm fallere fidem. Iteravi igitur. & scire te hoc volui, cum gaudio me litteras tuas accepisse, & legisse cum voluptate. Diu est cum te noui, nec noui: à mente & scriptis, non à corpore. & admiratus sum (nihil hic vanum) rectitudinē iudicij tui, quò magis fortasse quod in plerisque simillimum id meo. Nam fateor: in Europâ non inueni, qui in his talibus sensu mecum magis cōsentiret. Vtinam plura tibi scribere mens, aut otium! quamquā istud fortasse, non illa: quia auersum te ab omni gloriâ video, etiam verâ. Non debebas. & habere in oculis si non æternitatem temporum, at miseriam hominum: qui talibus monitorum auxiliis omnino ducendi, fulciendi. Me valetudo prohibet ab iis, quæ vellem. tamen, vt languidi, conor & serpo: & nescio quid in Politicis oreui dabo, meo textu, non tamen filo. Videbis inter primos: vtinam & probes! De Gallâ tuâ & te videndo, quod inuitas & offers: gratum est. sed quâ possum? valetudo me ligat: & si non illa, etiam turbæ. quas non effugiam, vt video, nisi in plenâ illâ libertate. Salue, vir nobilissime, ab eo, cui tu semper carus & magnus. Lugduni Batavor. iii. Kalend. Septemb.

EPIST. LVI.

MARIE GORNACENSI, *Virgini nobili.*

QUA tu es, quæ sic ad me scribis? Virgo? vix facis silem. Hæcne, non dicam lectio & ingenium, sed prudentia & iudicium cadant in illum sexum,

sexum
scio
caus
dere
certè
pauci
nô in
video
pris
fecisti
illum
iple va
sic sapi
ad Vir
iudici
dedissi
tu ber
detur
ne me
gas. si
centes
ample
te cand
multum
eâ lingu
At tu ia
ita non
non arg
Curios
quid pa
& tuum
scripsi a
accepiss
strum a
vera Th

sexum, in istud æuum? Cōmonuisti me virgo: & nescio an gauisus sim sæculi, an doluerim sexus nostri causâ. Accedere tu ad nos vis? imò supra nos ascēdere. atq; ita facito, deo hominibusque fauentibus: certè me. qui te ignotam amo; &, quem affectum paucis præbeo, miror. O mihi lucē, quā te propius nōrīm? non enim dicam probiùs. aded̃ satis te nosse videor è pauculis scriptis, atque aded̃ vel sine scriptis. Ex vno iudicio tuo, quod de viro illo magno fecisti, non ego de te iudicem? Non cadit hoc nisi in illum, illāve: tu ad cautionem hanc nos ducis, qui ipse valde magnus. Vt animam nisi anima nō capit; sic sapiētem nisi sapiens. Macla tu, & persta in hoc ad Virtutem & Sapientiam gradu, tum etiam in illo iudicio, quod frustra vereris vt mutem. Darem, nisi dedissem. & vellem vberiùs: imò non vellem, aded̃ tu benignè id explicas & peritè. Intellegi sæpè mihi detur à tali mente, loqui per talem linguam. Itaque ne me roga quid hic castigem: hoc vnum, quòd rogas. siue etiam hoc alterum, quòd à me illustrari censēs Græcas litteras Latinasque. Cetera in parte amplector: hoc de Græcis, omitte. Cādīdē ego apud te candidam. videmus aliquid in Græcis, sed haud multum supra vulgum: & satis mihi, si haurio ex eā linguā quæ ad animi aut scriptionis meæ vsum. At tu iam corrigenda seriò, audi. Peccasti. quid ita non plura ad me libri tui misisti? Si piguit, cur non argumentum & materiem saltem perscripisti? Curiosus enim sum, vt sciam (nouum monstrum) quid paritura sit virgo. Ad nostrum illum amicum & tuum, vt appellas, patrem Mich. Montanum, scripsi ante mensem, nisi Antuerpiensi viā: spero accepisse. Tu vtinam istas, & in iis spirantem nostrum affectum! Vale, vale, æui nostri, viue tantum) vera Theano. Lugd. Barauorum.

EPIST.

EPIST. LVII.

IANO DOVSAE.

*carpendi
cupidus*Hic tibi
ego, tibi ego
hac valdè
curaciter
edum.

*magnificè.

*vidi: nla
Et non tole-
vanda.

QVID in Bembi historiâ reprehendam. singillatim & distinctè vis tibi scribam. Eitne, mi Doussa, tanti? aut an ego natura *εἰλοψόγῳ: neutrum: sed tamen quia valdè vis, age,

*Τοὶ μὲν ἐγὼ τοὶ ταῦτα μὲλ' ἀπρεκίως ἀγορεύσω.

Stilus est quem reprehendo, supinus, languidus, & affectatâ imitatiunculâ fractus. Vt pueri pedes per delicias malè ponunt, & imitari varias discunt: sic iste, cùm rectè scribere posset, maluit prauo elegantiæ studio flectere orationem & eneruare. Magnos viros ea ætas sub magnanimo Leone tulit: sed quosdam qui in puerili illâ hæresi, vt religio iis esset scribere aut dicere aliud, quàm à Cicerone scriptum aut dictum. Inter eos Bembus. Itaque vniuersa scriptio, composita & formata ad æuum priscum: & omnia sic de re Venetâ, quasi de potenti illâ re Romanâ. Hoc fero, etiâ mne verba omnia ex illorum moribus tracta ad hos nostros? & vbi ea non sunt, nescio quid pluriû ambitu dictum, quod assequi debeamus diuinando? Hoc, vt mea quidè mens est, damno: & fallor, aut tu & viri omnes mecum. Ecce. *Patres conscripti* semper, Venetorum Senatus: ipsæ Venetiæ κατ' ἐξοχὴν, *Vrbs*. anni numerati: non à Christo nato, sed ab vrbe conditâ. qui militiæ eorum Præfectus, *σεμνῶς vbiq; Imperator: etiam tûc cùm alienis auspiciis ductuq; militat, vt in bello Neapolitano Contarenus. Atque hæc inter minores noxias. Illa iam *μελας αἶψ' ἐκ ἐπιμεντὲ: Rex Urbini, Rex Mantuæ, Rex Populonia, Rex Camertium. Quid censes eum dicere? Duces. Atque item Ducatus ipsos, Regna. Quin disertè etiam scribit, Gallorum regem ab Imp. Maximiliano impetrasse, vti se Regem

Regem
nouit
minut
gnocq
eadem
qui no
carun
ille ti
iacent
lùm ih
de Lud
*pauis
cetâ ad
inepti
diuini
non n
igni in
supero
animo
maxim
omnen
Veneru
fidat di
licem
aliquis
listerin
tus ver
sio regi
quibus in
las? Ita
voce *I
ses, ver
etiam
pergo.
canus ab

Regem Mediolani diceret. Heu vanitas! quiāne Cicero nouitium hunc titulum non nouit, confundendi minuti isti dynastæ fuerunt cum vero aliquo magnoque rege? Saltem *Regulos* dixisset, & ferrem. Ab eādē mente & causā sunt hæc: *Sophi rex Armenia*, qui nobis *Perfarum*: *Rex Thracum*, qui nobis *Turcarum*. Tuam fidem, siue frontem potiùs, Bembel. ille tibi *Thracum* modò rex, cui bina Imperia subiacent, & triginta amplius regna? Nec in titulis solum isti lusus, sed in nominibus ipsis. Quale illud de Ludouico Gallorum rege, quem *Aloysium* (magis **paupais*) scilicet) vbique appellat: & alibi cum facerā additiunculā, quem isti (qui isti? barbari nos & inepti) *Ludouicum* appellant. Quid, quodd etiam in diuinis rebus hæc sibi permittit? & Fides nostra non nisi *Persuasio* illi est, Excommunicatio, *Aqua & igni interdictio*: Peccata morituro remittere, Deos superos manesq; illi placare. Ipse Deus rarò in stilo aut animo: sed prisco risu, *Dij immortales*; idque in seriis maximè sententiis aut rebus. Atque adeò, quod omnem stultitiam superet, prudens ille Senatus Venetus ad Iulium Pontificem publicè scribit, *vti fidat diis immortalibus, quorum vicem gerit in terris.* Felicem te gentis & patriæ, Bembel quia si nostrum aliquis trans Alpes sic scripssisset, profectò non tulisset impunè. Iam quæ periphrases in eo & circuitus verborum? Senatus Venetus dono misit *Aloysio* regi Gallorum *Aquilas sexaginta, ex earum genere quibus in aucupio vti reges consueuerunt.* Quid *Aquilas*? Ita *Falcones* tibi dicere religio est? quā tamen voce **Iulius Firmicus* vsus. Accipitres igitur dixisset, vero magis etsi minùs augusto verbo. Sed addis etiam *Reges* vti consueffe. Reges tantum? rideo, & pergo. Scribis ibidem, *donatas regi pelles pretiosiores, etiam ab summo inter nigrum colorem conspersas, ducetas.*

Quæ

* Imò & ista
ter cognominata
priscæ Romanor.
Falcones.

Quæ istæ sunt? Genettas dicis, an potius Zebellinas? Quin, malum, exprimis: & res nouas nouo aliquo nomine dicis? Si puritati sermonis tui metuis, adde, *ut vulgo duimus*: nihil infuscas. At illud ambiguum etiam nunc me habet, quod Iulius Pontifex Contareno, cum classem Hostiam adduxisset, vini Corsi carros sexdecim, boues sexdecim, hircos genitalibus desectis bis totidem dono misit. Qui enim isti Hirci? maritine caprarum per delicias in Italiâ exsecantur? an vis dicere Veruices? Quod si ad Verba & Phrases etiam venio: benigna hercules materia cauillorum. Ecce scribit, *Velle se hominem suum Byzantium mittere*. Iterum: *Reip. hominē ad se missum*. quod nos diceremus, Actorem aut Legatum.

Turrin terream appellat, Propugnaculum siue aggerem è terrâ. quo exemplo? *Sumpti, Tumuli, Senati*, inflectit ad Plautinum æuum, cum reliqua omnia minimè antiquarij sermonis. *Neminem vn. am partem mununt*. pro, Nullam: quia Ciceroni alibi Nemo de fœmina dictum. *Prooppidum* sæpe, quod nos Suburbium: *Prodominus*, qui Vicedominus Venetis: itemque, *Proimperator*, & *Proordines*: putidè, ut sentio, aut nouè. *Rebus suis veritus*, crebrò & ad nauseam, pro Timens aut Diffidens: quia idem ille Cicero semel fortasse, *Vereor mihi. Senatus decreuit*, ut eorum qui fortiter atque amanter ad flumen Tarum contra Gallos remp. gesserant, ratio haberetur. Iterum: *Præfectos*, qui se omnes nec strenuè nec amanter eo bello gesserant, missos fecit. Sæpiusque. & illud *Amanter* inuitâ sanè *Venerè* amat. *Lauredanus naues onera: ias quattuor secum asserens*. Hem pro monstro est. Attulit? imò adduxit. Tamen iterat alibi: *Legatus Balaizeris equum Patribus attuli*. *peritos* & ineptè, siue mari is venerit, siue terrâ. *Pensionem annuam, quam posteri eius sequerentur, Senatus instituit*. Imò, quæ posteros

steros
posse
Idioti
Ipse v
que in
vix fe
be de

Arm D
In Mul

HENR

ILLV
da h
ego su
quis es
magis
& amic
uenis,
tum no
Tamen
qui ita r
palâm o
ad mag
non sol
dis, sed
mentem
census r
per eius
Princeps

steros eius sequeretur. *Petunt, ut quò celerius fieri potest, via se dent.* Solæcum est, nec à Latio, sed ab Idiotismo Itatorum. Plura sunt. cur ea colligam? Ipse vide. & fateberis pleraque talia affecta: è atque improbè scribi; certè indecorè. In pueris ista vix ferimus; te virum, & in tam serio scripto, Bembe deceant?

— * ἔδὲ τι σε χρὴ

Νυμφαὶ δ' ἔχουσιν ἐπὶ τῷ ἑαυτοῦ.

At tu Doufa vale, & si quid temerè culpaui, mone.
In Musæomeo. H. III.

* Neque te
oportet Pue-
rilia sectari.
non enim
ultra talia es.

EPIST. LVIII.

HENRICO BORBONIO, PRINCIPI DVMBARVM.

ILLVSTRIS SIM E Princeps, noua, & prædican-
da hæc humanitas. quâ vltro ad me scribis. Quis
ego sum? vnus aliquis è vulgo litteratorum. Tu
quis es? inter Galliæ primos, regiâ stirpe, &, quod
magis est, indole ac virtute. Atqui etiam amas me,
& amicitiam meam (ita scribis) poscis. Illustre iu-
uenis, commutas nomina rerum. officium & cul-
tum nos tibi debemus: amicitia est inter pares.
Tamen & hanc, aut certè amorem, tibi spondeo:
qui ita me cepisti, vt nihil magis in votis sit, quàm
palàm ostendere hunc in te affectum. Natales tui
ad magna te vocant, ingenium ad summa: ecce me
non solum approbatorem fautoremque tuæ lau-
dis, sed voce & stilo præconem. Deû ego quæso, vt
mentem hanc tibi, quâ ad optima optimosque ac-
census raperis, seruet, & te afflicto regno, quod nisi
per eiusmodi columnas stat, ruit. Illustissime
Princeps vale. Kal. Augustis.

EPIST.

EPIST. LIX.

ABRAH. ORTELIO.

COGNATVM tuum, mi Orteli, modestissimæ frontis & animi iuuenem eò libentiùs vidi, quia litteras à te attulit: nec eas tantum, sed & munus. Adiunxisti enim Tabulam Hispaniæ veteris, iucundam mihi & valdè opportunam hoc tempore, quo Liuium & bella Punica auditoribus meis publicè explano. Scis tu, quàm multa illïc mentio passim & bellorum in Hispaniâ & locorum. Itaque & gratias tibi habeo, & te planè hortor vt eandem operam in Galliâ etiam nobis præstes. nam de Germaniâ, iam effecisti. Tum si Illyricum voles, aut Græciâ, aut Africam, iudicij tui esto. Cessaturum enim te non esse, omnino mihi persuasi, præsertim cùm & grati labores tui sint, & otio (rebus illïc tam quietis) iam abundes. Monauij amorem in me pridem noui, & nunc ex litteris eius recognoui. Oro, saluta amanter à me virum probum, doctum, & gratum mihi inter paucos. De Thraseâ meo, tu & ipse vrgetis, quid pollicear? aliud mihi nunc sub manu: & eo absoluto, videbo quò me impetus, aut potiùs iudiciorum hæc aura feret. Nam, quidquid ego constans, tamen mi Orteli ægrè obduramus contra minutos istos & cottidianos morsus: præsertim vbi aliquid, quod tangere fines Pietatis videatur. Doctus scio, quid sit irritare hos Cãtharos: qui omnia peruolant, & olim etiã ad cælum. Nosti apologum. Nos hïc in otio, an in longum? nam minas iterum audimus & apparatus. Deo rem committo, qui publica ista ex sui numinis & nominis gloriâ dirigat, & te mi Orteli seruet. Lugduni Batavorum, IV. Id. Decembr. ∞. Id. LXXXIIX.

EPIST.

QUID QUID damnaturi me Stoici nostri sint, miseratus sum & dolui duplicem tuum casum. Illum de amisso parente: hunc nouum, de libris & scriptis. Ego scio quantum utrumque vulnus sit, utrumque expertus: & hoc postremum in nostro animo valet, quod in multorum omnes Fortunæ. Nónne hæ diuitiæ nostræ sunt? suauiam mellificia, è tot scriptorum flosculis confecta. Et multa, ut breuitas huius æui est, haud facillè refinguntur. Addo, quòd nescio quomodo delectant nos iuueniles illi & primi nostri labores, quos velut primitias libauimus & intulimus in aram hanc Musarum. Me vndecimum iam annum carentem patriâ vides, itemq; agris & opibus, quas mihi Deus modicas, sed ad meum vsum vberes dederat: tamen mihi crede, nulla iactura propius mihi cor tetigit illâ librorum, quam feci in Louaniensi vrbe. Subitò enim abeundum fuit, & nisi sic abissem, nunquam abissem. Tuas miseras narras, inquis: sic me solaris? Ego verò, mi Pawi, vel sic. Parentem alterum amisisti: ego utrumque. Libros naufragio: ego, quod magis mordeat, furto. Quid tibi igitur eximium euenit, quod eximiè doleas? Fero meum casum, quem non muto: tu quoque fac, hoc exemplo. Vis communia illa me dicere? Hominem te esse: Euenire hæc in vitâ: Deum voluisse: Dolendo nihil te profecturum? Hæc omnia verissimè possem: sed subiici ea tibi à te scio, aut certè ab iis qui apud te. Ego simpliciter & pro amico ago, & hortor te ad incommoda pari mecum mente ferenda. De munere tuo apud nos moneri nolo. semel di-

Q

cam,

cam, quidquid mearum virium erit, faciam: etsi nihil, in re quæ alieni arbitrij est. polliceri possum de effectu. Iudicium meum & commendationem largiter habebis. Vtrumque auunculum tuum amicè à me saluta: & Henrico hoc amplius nuncia. bene redditos mihi nûmos, quos Hamburgo acceperat: etsi puto eum id scire. Vale. Postrid. Idus Nouemb.

EPIST. LXI. *Lutetiam.*

IACOBO AVGVSTO THVANO.

Di v, mi Thuane, filiusti; nec cò minus tamen, vt spero, amasti. Spero? imò video, cùm ex epistolâ tuâ amicissimè scriptâ, tū ex munere quod beniuolè adiungis. Amo illam, & hoc laudo: argumento eximium, tractatu arduum, & in quo verè alti atque acris ingenij tui signum. Perplexâ illa & breuia, tam aliena non solùm à sermonibus nostris, sed à moribus, vertere magna laus sit: quid carmine & versu illigare? & id dilucidè atque eleganter? Non blandiar. sed, mihi crede, rem magnam confecisti, inuidendam celerius quàm imitadam. Nobis humilior per hos dies labor, in additiunculis ad Commentarium Cornelianum. *Curas Secundas* appellauì, ab ipsâ re. Velim non videas solùm, sed censeas: quoniam illud cuiusuis est, hoc verè amici. Cuiacius ille magnus estne apud vos? ego ita accepi. Si est, eius causâ nihil doleo: sed perit illa, cui ipse anima, Schola Bituricensis. O virum. quem miror, quem amo, quem vtinam complecti mihi fas ante excessum? Scaliger quid? valere intelligo, sed cessare. Non sic oportuit ingenium natum ad tam magna. Si piget huius sæculi (nec immeritò, at cogiter natorum natos. Res apud vos, vt audio, mirificè calent. Si vera adferuntur, nihil inuidebimus

vestrâ

vestræ quieri. Nos Velleium, Florum, Liuium ordine cogitamus: deus mihi vires, & ô vtinam copiam iudiciorum vestrorum! Nam hîc ego in solitudine: vna vrbs vestra abundat supra reliquam Europam. Librum tuum, quod volueras, misi ad I. Drusium. responsum ecce habes. Ecquid tu, ecquid alij vestri parent, velim scire: si quid tamen per has turbas. Vale. Lugd. Bat. III. Non. Iun.

EPIST. LXII.

THEODORO CANTERO.

QUOD silentium excuses apud me, mi Cantere nihil est. Siluerunt tuę litterę: at nō amor: quem viuere in te scio & spirare. Quodd tamen occupationibus meis id adscribis: nolo. Cantero meo non ego semper vaco: verē dicam. tua probitas & modestia, in litteris studium, in litteratis amor. admissionem tibi tuo iure apud me dederunt inter primos amicos. eaq; vtē: numquam non Lipsius tibi patet, leuato, vt sic dicā, velo. Iuuenalem quodd doceri totum à me velles, & probas quę in eo lēgi, gaudeo: sed verē vt id ex omnium gustu sit, qui volunt Historias & alia (vt censent) magis ardua, à me legi. Ego tamen scriptorem eum inter apprimē viles numero, & dignum serio interpretē & accurato. Itaque occasione captā Satyrā vnā publicē prælēgi. sed extra ordinem * καὶ ὡς ἂν ἐμπύρεον. Si * velut ad-
quid vltā tentabo, vtat libro quem mihi offers: etsi diu amicum,
ipse bina exemplaria habeam satis proba. Sed tu & supermen-
quid agis? nouum aliquid cogitas? an Arnobium sum.
refingis? Colligo enim ex epistolā tuā nec hanc
quidem curam te posuisse. Cupis vt ad Cuiacium
scribam pro Excerptis exemplaris Regij: quod fa-
cturum me polliceor primā occasione. Ceterum in

Q 2

republi-

republicâ an apud vos quies? ita videtur. Vtinam & concordia cum finitimis prouinciis, sine quibus firmum nihil esse vobis potest contra hostem. Bene, quod ille alibi distringitur, eoque simulates exercere vacuum nobis fuit. Classis illa magna ab Occidente, nunc apud Orcadas stare dicitur, expectare ventum quod redeat ad incepta. Videbimus quod recident magni isti & planè regij conatus. Latrocinia adhuc fuerunt, nunc bella. Heus tu, audistin' captiuum Hagæ Hispanum Doctorem Medicum esse, virum litteratum (mirare in Hispano Latine disertum, carminis etiam pangeri non ignarum? Is ad nos scripsit, & subleuari miseriam suam cupiit, vt consecrarei eorundem studiorum. Fecimus in parte. Vale mi Cantere. Lugduni Batauorum, Postrid. Kal. Septemb. .œ. 10. LXXXIIX.

EPIST. LXIII.

IOSEPHO CONSALVES, *Doct. Medico.*

ALTERA scriptione me occupas, priusquam priori responderim. Et cur silui? non tui contemptui, aut negligentia: absit. sed quia ipse venire Hagam parabam, & in sermone vberius liberiusq; tecum agere, quam litteris possem. Id consilium meum euectio vestra subita impedii: & prius audiui Medemblickæ vos esse, quam ituros cognouissem. Excusa ergo silentium à causa iustâ. At nunc scribo, & te, mi Iosephe, per deum & per salutem tuam rogo, vti animum attollas contra Fortunæ vehementem hunc ictum. In carcere es, à tuis & à patriâ remotus: quæ graua esse fateor his, qui parùm exploratos habent casus & res humanas. Te quid hîc fugiat? si vsu non didicisti, quàm fluxa & caduca hæc omnia nostra, imò & nos simus: ha-

sisti

sisti certè è litteris, & ille tibi millena exempla sup-
peditarunt casuum similibus aut grauiorum. Tricæ
& spinæ, hæc omnis vita: & falleris, si quæris in eâ
gaudiorum flores. Nos ipsi, quid?

Vt herba solstitialis, paullisper sumus.

Abeunt hæc vana & nos abimus: nec quicquam fir-
mi, nisi in firmo illo loco. A Platone tuo didicisti,

* *παρρησιαὺν τὴν εἶναι τὸν θέν.* Hæc cogita. & propriè
ad tuum casum, assiduum & pænè sollennem hunc
esse fortunæ ludum. Quid crebrius in omni me-
moriâ, quàm carcer? quæ conditio aut ordo ab eo

* *peregrina-
tionē quam-
dam esse hanc
vitam.*

liber? Nobiles, ignobiles: seruos & reges accepit, &
capiet. Perseus ille Macedoniæ rex, sceptro simul
& libertate spoliatus, spiritum non traxit solum in
carcere, sed effudit. Idem Gentio, Iugurthæ, Ptole-
mæis aliquot euēnit, & ne ad vetera te mittam, tua
gens, illi ipsi Hispani, regem Galliæ Franciscum in
custodiâ habuistis; & reges Mexicanum & Perua-
num etiam in vinclis. Heu sortem humanam! na-
sci dolere, mori. Et tamen felices inter omnes mi-
serias, hoc vno Christiani: quod via nobis per hæc
ad aliam vitam, in quâ gaudiorum nec modum vl-
lum esse scimus, nec finem. Huc aspiremus, hæc
spernamus: & vocem illam ex pectore efferamus,
Dissolui velle, & esse cum Christo. Mitto ad te libellos
nostros de Constantiâ, quos petiisti: magis tamen
ad Sacros libros te horret, è quibus vera solatia pe-
tas omnium malorum. Mittam ad te Biblia minu-
scula, vti cupis, quum primùm nâcisci poterō. Nam
Antuerpiâ petenda sunt: quoniam hic inopia eius-
modi exemplarium. Vale Clarissime Doctor, &
confide. Viuit Deus. Lugduni Bataurorum iv. Eid.
Nouembr. ∞. Io. LXXXIX.

EPIST. LXIV. Hagam.

MICH. HVRALTO HOSPITALI.

TVNE ad me vltro non scribis tantum, sed & venis: tu ille maximi viri magnus nepos? O mihi iucundum lectu Hospitalis nomen, quod nisi iure quodam sanguinis ferres, posses similitudinis & exempli. Scripta illius per te edita, dudum vidi; & habeo (certum me scito dicere) vt Homeri libros rex ille Magnus. Litterarius aliquid edi fortasse potuit, & poterit; nego quidquam litterarius & prudentius simul. Pulchra hæc coniunctio; & quæ nisi sit, abite qui in studiis queritis solidam & veram laudem: me iudice non feretis. Quod amantè Hagam vocas, imò liſtoribus miſſis penè ducis: ignosce ſi non pareo. parebo. Nam dies Mercurij, qui ſeriatuſ nobis eſt, niſi quid interuenit, tibi me liſter. Ita dico, non vt occupationeſ excipiam aut talia impedimenta: ſed vt vnicum morbum. qui etiam à vadimonio, vt ſciſ, excuſat. Ego autem iam annos aliquot neſcio quomodo non tenui ſolum, ſed incertâ valetudine: nec quicquam promittere de me non dicam in diem poſſum, ſed in horam. Tamen fauebit & faciet Genius meus, ſpero: eò inagiſ. quod non ad ſeria vocor (cum Teridate quid mihi? ſed ad riſuſ & Plauti mei ſaleſ. O te vitum argutum! qui vidifti, quo vno poſſim capi. Veniam, veniam, & hic mecum. Vale. I I I. Non. ſeptemb.

EPIST.

EPIST. LXV.

FR. RAPHELENGIO Filio. S. D.

CARMINA tua de me legi : proba & arguta.
 & in quibus hoc vnum moneo, vt videas sic
 me deinceps laudes, nequid offendas eos apud
 quos viuis. Temporum nō ignari sumus : cum qui-
 bus pugnare te nolo, et si haud seruiliter seruire.
 Apud te & interiorum tuum animum liber esto, re-
 cti iudicij & sensus: in sermone interdum tempera,
 nec offende qui possunt offendere. Sapientia vera
 firma est non tamen elata : non timet pericula, sed
 nec prouocat aut laceffit. Afcanij illius apud poë-
 tam iuuenilis nimis ardor est, qui

Optat aprum, aut fuluam descendere monte leonem.

Non ita nos, qui abundè fortes sumus si excipimus,
 non etiam incurrimus in discrimen. Plura vellem,
 non vult hoc æuum. Senecæ Excerpta tua accepi: &
 erunt vsui, si deus volet. Nam ego amo & adiutum
 seridè volo scriptorem illum, præceptis optimum
 si non vitâ. Quamquam in ipsâ vitâ, si consideras,
 præponderant vilibus aut seruilibus, recta eius fa-
 cta. Certe extremus ille Actus si in fabulis poscit
 palmam: laudabilis valdè in isto. Iure doles & cul-
 pas, quæ ad Polybium scripsit, vt opinor, exsul.
 Quid facias? verè tunc iacuit: nec credam ani-
 mo eius plenè adhuc impressum à Sapientiâ robur.
 Ego nō tam miror scripsisse ea hominem, quàm in-
 dignor edidisse. Quidam tēporibus sæpe damus,
 sed furtim & apud vnum alterumue: quod non ni-
 si propudiū aliquod hominis diuulget. Sed de isto
 aliàs, & fortasse ad ipsum. Esse qui opinionem tuam
 fefellerint in amore & honore litterarum: non mi-
 ror. Per bella ciuilia non spirant Musarū venti. Ta-
 men, mihi crede, illæ viuent, & in portum venient

Q 4

inter

inter medias turbas & naufragia multorum. Tu eis
adhære, & Pietati ac Virtuti inprimis: sine quibus
nec verè honestus vmquã eris, nec Meus. In num-
mo Orteliano (frater tuus me consuluit) nihil vi-
deo, nisi ipsum sciam & quæ adiuncta: id est, quo
tempore, quid symboli. &c. Lugd. nostræ, IIII.
Kal. Nouembr. 80. 10. LXXXV III.

EPIST. LXVI.

Burdigalam.

PETRO BRACHIO.

LITTERAS à te accepi, mi Brachi, bene amicas.
Etiamne amor ad me penetrat è locis tam lon-
ginquis? nec tamen de te miror, qui totus es ipse
Amor, sed fidus ille honestusque. Ita me Fama &
tui similes ametis, vt cor mihi tetigit tam pius ille
tuus in tuam affectus. O exemplum in omni tuo
rarum! & magis in isto, quo non solùm desimus
laudanda facere, sed etiam laudare. Liuior & obre-
tatio passim, bonorum operum impedimenta aut
venena. Quid tamen te morentur? qui vitæ delini-
menta proicere & conculcare potuisti, nonne faci-
lè ista? Mihi constantia tua admirabilis est, amici-
tia grata, scripta nuper visa & probata. Nam tulit
ea ad me noster Doufa, quem nihil eiusmodi flo-
rium, quos Musarum vsquam hortus alit, potest fal-
lere. Tu verò salue poëta, non poëta: ingenio talis,
moribus iuxta Socrates omnes aut Catones. Ab
eius filio habes carmen quale petiisti. Cur nõ à me?
iuro salutem meam, ab aliquot annis nihil tale iam
scripsisse, & vix posse. Morbi quid habeam, tenes:
& quàm non per eum alacris animus & poëtafter.
Ignosce. volui, sed hoc tantùm. Tamen aliàs vide-
bo, & si quis etiã halitus me adspirabit ex illo vestro
& veteri meo fonte; seruiet cælesti tuæ A M A T E.

Nunc

Nunc festinabat Faius Hospitalij magni nepos,
cui litteras has dabam. Vale, & qui constantis amo-
ris exemplum es, constanter etiam me ama.

EPIST. LXVII.

IANO LERNUTIO.

LITTERAS tuas ad Coluium vidi, non ad
me: nec indignor. Illud indignor, quod tam-
diu in tristissimo illo squallore sedes, & nonnullâ
tuâ culpâ. Quid expectas? liberari * *ἀποδοῖ*? num- * *siue pretio?*
quam fiet. Scribamus omnes, & ad omnes: num-
quam nisi minis extis placabimus tuum illum Di-
tem. Fuge, fuge, ab Acheronte: præsertim cùm de
Irenes accessu nulla vltâ spes. Decedet aliquid re-
bus tuis. Vbi sapientia? hoc scilicet mauis, vt tibi?
Pereant illa omnia, dũ saluus nobis noster Lernu-
tius. Quamquam nonnemini, quem non nomino,
exigua sit è magno metallo illa rasura. Sed qualif-
qualis, ferenda, subeunda. Aliâ viâ qui effugiũ tibi
esse suadent, non suadent vt amici. Torqueor cùm
hæc scribo. Tũne illis aliquid credis, quibus ne-
quid ego crederẽ, tu mihi primus auctor? Sperne,
& sape. Litterulas cogitas, & nostras deas. valdè sci-
licet gratiosas apud illos * *ἀγαπῶντες* & militares. In * *ἀγροῖς*
pretio pretiũ est, mi Lernuti: & cetera in fronte gra-
ta sunt & verbis. Verba ego tibi non dabo. siquid
possum, non pete, sed iube: siquid non possum, ab-
stine tormentum mihi dare, cui hoc satis tormenti,
quòd tu tamdiu in tormento. In Rogerfio specula
aliqua erat: ille nunc in Daniâ. Ad Tho. Heneagium
bis scripsi, sine responso. Præfectus Brielanus, &
per eum rogatus Vlissinganus scripserunt; sed non
alio effectũ, quàm vt meliusculè habereris. Ipse
mihi Brielanus coràm dixit / probè autem nouit

Q s

homi-

hominem) precibus aut intercessione solâ nunquam te liberandum. Habes meam sententiâ. utinam ad eam tua inclinet. & omittas aliquid siue de constantiâ illâ tuâ. siue de rigore! Quod mihi, hoc amicis & notis omnibus tuis videbatur. Cistas & quæ in iis, confecto rerum Indice, traditas scito Sayonio cognato tuo. ille porrò misit, quod debuit: & credo, iam appulisse. Nos cum certum aliquid in rebus nostris statuerimus te non celabimus. Vale. & illinc euade, si nos valere vis. IV. Idus Septemb. eo. ID. LXXXIIX.

EPIST. LXVIII.

THEODORO LEEWIO.

DE silentio ne excusa aut me accusas. Nonne & ego silui? Sed profecto, quod al.âs scripsi, serius & fortis iste amor delectatur quidem fomentis litterarum, sed & sine iis viuit. Noster, ut spero, æternum. Cogitatio eum pascit, cum non sermo. De pede tuo molestum mihi audire: idque ex meo sensu. Nam ego eam partem tam caram, quàm ipsum caput habeo: cui vita sedentaria, non sit vita. Scis quàm ambulatione delecter & motu. Cura eam igitur, sed lentè & molliter: quia nerui reduci ad officium volunt, non cogi. Filium tibi agnatum ex animo gratulor. deum precor ut is tibi haeres sit non opum magis, quàm animi & virtutum. Crescat crescat. Ego illum & te videbo, cum primùm se aperuerit & diffuderit stricta hæc aura. Nonne in mediâ hieme etiam nunc videmur? Quod catellum illum nuper mihi vîsum & simul amatum offers: agnosco amorem. Accipio: & habeo pro munere magis mihi caro, quàm si gemmas à te vel aurum. Non rideo, amaui à puero totû hoc genus, & video
idem

idem fecisse præstantes aliquot animas ab æto pri-
 sco. Telemachus ille Homeri in concionem etiam
 vênit, canibus duobus affeclis; & Patroclo fuisse
 nouem * *κύνες τρεῖς ἴνας*, idem vates tradit. Nô enim * *canes mē-*
 ad venationem solùm aut Dianæ studium: sed ad *sauros.*
 voluptatem & turelām habebant.

Hæc leuis omnia canum, fido cum pectore, corda.

Ad summam, mitte, sed per fidum aliquem: ego
 eum paullo ampliùs amabo, etiam tuâ mittentis
 causâ. Sed bonâ fide, vxorcula non ringitur? care-
 re eo potest, aut vult? absit vt iratam habeam tuam
 Iunonem: quamquam ea tam mitis, vt nesciam an
 habeat bilem. Sed eâ lege tamen mittito si volet il-
 la. De rep. nostrâ non vanè asseris pendere eam ab
 alienâ. Ita est. in Galliâ certamen nostrum cernitur:
 & qui ibi exitus, expectandus & nobis. Vt cymba
 magnæ alicui naui annexa, ita nos Galliæ sumus,
 imo pleraque ad eam Europa. Expectemus euentum
 fortes, erecti, & si volumus nunquam serui. Poëta
 Ennius olim egregiè:

Ea libertas est, qui pectus purum & firmum gestitat.

Alia res obnoxia nocte in obscurâ latent.

Tale pectus induamus, non concutient nos omnia
 humana. Vale, & vxori tuæ salutem dicito, pusio-
 nem etiam tuum à me suauiare. Lugd. Bataur.
 VII. Kalend. April.

EPIST. LXIX.

Lutetiam.

FEDERICO MORELLO V. C.

T VNE ille es, mi Morelle, qui amicitia meæ
 fores suauiter pulsas? ades, ades. nemo hoc
 anno gratior mihi hospes. Præsertim qui Flo-
 rente illo comitatus ad me venis: quem quis ex-
 cludat, nisi quem Gratia & omnes Musæ? Nam
 profecto

profectò illud Siculi vatis in eum conuenit

* *scripsit sa-
eva Grassi-
tina.*

* *χαίρων ἰερὸν φυτόν.*

Deus bone, quàm me delectârunt illa Tragica eius
siue Comica! Altera res tentata magno nostro Sca-
ligero, altera nec illi. Gratulare viro. cuius ego la-
bori faueo, & maximè argumento. O quando nos
& vos inuisset candida illa Diua? Si quando; certè
ego recto pede ad vos, mihi populariter tam ami-
cos. Libellos epistolæ tuæ adiunctos percurri: sed
hoc tantùm. nam here demum accepi, cùm in viâ
diutulè hæssissent. Amaui & exosculatus sum tuum
iudicium in Thebaïde, quam voluisti etiam pro-
ducere in illud Europæ theatrũ. Age, age, sic opor-
tet: inferere inquam iuuentuti non ea quæ proban-
tur maximè, sed quæ probanda. Certè illa fabula
sublimis & ætherei spiritus est, & soni in versibus
supra omnes tubas. Tu, qui legisti, agnoscis. Notas
ad eam Florentis vidi, & amaui. Cui à me dicito,
scriptum illum vnâ tecum non in externo & ambi-
tioso isto amicorum albo, sed cum paucis * *ἐν ταῖς
φρεσὶν δέλοις.* Qui quòd elogia aliquot tam amica
mihi tribuit: quædam non agnosco, in quibusdam
nec ignosco. Irascor in illo ad Thebaïdem, quòd
me Prætoris magni loco habet, se nec lixæ. Apage
immodestam hanc modestiam: & ita me nôrit at-
que æstimet, vt etiam se. Eiusmodi viri (non sinuo-
so pectore hoc dico) magnus honos mihi, si non as-
sectæ mei, sed collegæ censeantur. Illa iudicia eius
de Scaligero patre castigatiora, & planè ex meo
sensu. Laudabilior ipse apud me, ob eas laudes.
Nam quod de Tullio dixit verus magister, *Profectis-
se multum cui is placeret*: ego veriùs, Magnum esse,
cui Iulius iste magnus. Cuius ego vitam iamdiu
hæuco mittere in scripta, si aliquod mihi auxilium
ab iis qui interiora & minuta illa vitæ nôrūt. Nam

maxima

* *in animi
tabulis.*

maxima
bi atq
dam 8
tem, 1
ego qu
muner
Lugd.

Q v
nes lit
nullas
mihig
non q
lud gr
scribis
si ex a
mum in
rium &
munem
quæ ab
instilla
gumur,
ti, qui i
statu, qu
cis Euro
nerti, ne
ca nostr
aut quat
tentiqu
Opus sp
apum se

maxima nobis patent, mirâ & ingeniosâ de se ali-
bi atque alibi scriptione. Tu mi Morelle, vt clau-
dam & coërceam animum nimis se diffunden-
tem, me amare perges, vel constantiæ tuæ causâ:
ego quidem te serid, per vestigia Turnebi nostri &
munera eûtem ad illud ipsum veræ gloriæ culmen.
Lugd. Bat. VI. Id. Decemb. ∞. Id. LXXXVIII.

EPIST. LXX.

HADRIANO SARAVIÆ.

QUOD siluisse me scribis, miror & doleo: cùm
plenè & serid responderim ad priores om-
nes litteras tuas. Quas ab aliquo iam interuallo
nullas vidi, præter has querulas & breues: sed ideò
mihi gratas, quia tales. Nisi & me & mea amares,
non quererêris de officij huius intermissione. Il-
lud grauius, quòd de morte filij tui (heu vnici)
scribis: in quo, numquam ex animo gaudeam, ni-
si ex animo sum tristatus. Amabam modestissi-
mum ingenium, nec vltrâ laudandum, ne deside-
rium & caussas dolendi tibi augeamus. Scis com-
munem legem, Dei ab æterno decretum, & alia
quæ alij hauriunt à tuo fonte. Hæc ipse tibi nunc
instilla. Imus hûc omnes, mi Saravia: nec seiun-
gimur, sed leuiter alter alterum anteimus. O bea-
ti, qui in beatâ illâ metâ! nam hîc etiam in optimo
statu, quid nisi miserix? quanto magis in his publi-
cis Europæ ruinis? Nam mutari eam totam & in-
uerti, nemo prudens non vider. Censebam Politi-
ca nostra posse me mittere sub hoc tempus, trina
aut quaterna folia etiam nunc restant. Firmicris at-
tentique iudicij Lectoribus probaturum me id
Opus spero, numquam iis qui peruiolant, & instar
apum scripta saltem delibant. Thomam Hene-
gium

gium à me salutes velim, virum Musis & mihi val-
dè carum. 111. Kal. Sext.

EPIST. LXXI. *Antuerpiam.*FR. RAPHELENGIO *Filio.*

SENECA M tuum sub vesperam accepi, & cum
ipsum ad lucernam libavi. Placet seriò : perge,
perge. Malè cepisti, si hîc desinis. Salinam tantum,
quod dicitur nobis mouisti, exple desiderium vbe-
riore aliquâ mensâ. Quid tam proprium huic stu-
dio, quod auum tuum immortalem reddidit, quàm
Critice? quam si adiungis iudicio, ut cepisti, & op-
portunè : non rem solùm magnam feceris, sed fa-
mam. Neutram harum contemne, etsi aliquid ante
eas pone. In poëtis aliis velim te simile aggredi. an
in Iuvenale? iuuabo : aut in quocunque alio, quem
leges. Nam hoc Poëtices studium, & in eâ emacu-
landâ labor, non dedecet hanc ætatem. postea ad
grauiora te ducam. Hortamina quæ nuper ad te
scripta misi, credo legisti & imbibisti. O vtinam!
vtinam erigas, inquam, te, & vno certoq. tenore eas,
alacer semper & vegetus, quid non effecture? Ve-
lim ad me seriò & liberè scribas, siquid est quod te
mordeat aut absterreat. depones in fidum & ami-
cum planè sinum: nec id tantum, sed etiam auxilia-
torem. Nam ego te, mi Raphelengi, quamdiu ero,
non deferam: & iuuabo consiliis, & quâ aliâ re po-
terero. Confide, cum leni nō medico solùm, sed ami-
co tibi res erit: indica siquid est morbi. Spero sanè
nihil esse, & scio causam tibi non præberi ab Auo,
qui te amat ut ex se natum, non ut nepotem: tamen
cum interdum iacere te ex litteris tuis intellego,
suspitor nescio quid non esse ad tuum sensum. Æ-
uum & mores illos noui, torquent? indica. si con-
coquere

coquere non potes, subueniet * *ἐνδούλα*. Ego scio * *peregrinatio*.
non omni ingenio cōuenire, quod Homerus Mar-
ti suo asseribit, * *ἀνδροειδέων* &. Reperiemus quod * *huc illuc se*
ex vsu tuo fiat, & cum gratiâ tuorum. Deum rogo *flectens*.

vt te firmet iuueniles leuesque animi motus tollat:
quibus subiici te non ignoras, & vincere eosdem
debere ac paullatim atterere, hoc quoque nō igno-
ras. Vale. Ex vrbe nostrâ veteri. VI. Id. Nouemb.

Optimo Ortelio salutem.

Nos è Nundinis nec litteras, nec Catalogum. satini
seriò vestri nos curant aut cogitant?

EPIST. LXXII. *Francofurtum ad Oderam.*

FRANCISCO HILDESHEIMIO.

TAM benigna tua salutatio meritiò litteras meas
elicit, etsi breues. Multa mihi tribuis, Vir Cla-
rissime, sed vereor vt amore inductus, qui in hanc
laudis partē non bonus iudex. Ego te amo ob amo-
rem, & seriò deinceps censeo inter meos. Quòd si
in Germaniam aut loca propinquiora vinqum ven-
nero (ita autem statui:) crebrioribus istis litterarum
alloquiis fouebitur amicitia hæc herba. Sin hîc
mansero; profectò id arduum in tanto interuallo.
Rari à nobis homines illuc, nisi ad mercatus Fran-
cofurtenses: nec ij semper certi. De Plinij loco eru-
ditè disseris, nec quidquam addidero aut mutaue-
ro in tuis dictis. Maeste! virum te esse video, quales
in illo orbe pauci.

Sed, nisi fallor, breui eas quoque oras illustrabit
melior hic Phœbus. Vale. Lugduni Bataur. Po-
strid. Kalend. Sextil.

EPIST.

EPIST. LXXIII.

Amherpiani.

CHRIST. PLANTINO.

** Que illi
postrema.*

MI amice, nulla vnquam epistola tua aut gratior mihi aut grauior fuit hac postremâ. Languidâ manu scriptionem tuam nimis exosculatus sum, & seruabo pignus fidiſſimi inter nos amoris. at dolui in tuâ afflictissimâ * valetudine, quam tamen mens mihi dictat & præſagit iam eſſe meliorem. O Deus, & tu, facite me compotem huius voti! Aliud nihil ſcribo, niſi hoc. quicquid à me factum voles, etiam cùm me præcedes & in vili hac terrâ non eris, impera: non viuũ magis amaui, quàm poſteâ verè viuũ amabo. Salue, Salue, Salue.

EPIST. LXXIV.

FRANCISCO RAPHELENGIO Filio.

CERTE, mi Raphelengi, tristi nuncio percussi sumus, tristi: nec cuiquam vestrum qui sanguine iuncti estis, aut in amando cessi, aut nunc in dolendo. Annisiſti tu auum optimum, alij patrem, ego amicum, sanctum nomen & rarum hodie in terris. Heu mi Plantine, quis mihi post te alter? nemo: non magis quàm ante te talis quisquam fuit. Beatum quidem te, qui extra præſens & imminens omne discrimen, extra molestias, quæ senile etiam caput tuum circumstabant: at nos volumur & reuoluimur in medio æstu. Tu mi fili multum amiſiſti, in omni fortunâ tuâ conſilium, ſolacium, opes. Amabat te, hoc ſcio. Sed feramus, & illius maximè exemplo (in quo enim hæc virtus clarior?) prompti volentesq; ſequamur magnum illum Deum. Scripſiſſem ad Moretum & heredes, ſed ita me ſalus amet,

amet, vt ego minimè aptus sum ad folandum. Non quia iaceam (hoc dedecus Constantiæ nostræ non imprimam) sed quia haud ita firmiter stem, vt erigere alios possim. Vacillo ipse, & rationum idemtidem fulcro me sustento. Ad te nuper breuiter scripsi de Italiâ. nunc hoc addo, omnino ad nos venias, priusquam in alterutram partem aliquid decidas. Ere tuâ erit: nec quicquam suadebimus, non dicam præter vtilitatem, sed fortasse nec tuam voluntatem. Ades. Postrid. Idus Iul. ∞. I. O. LXXXIX.

EPIST. LXXV.

Romam.

FRANCISCO BENCIO.

TA NDEM, tandem, vnas à te litteras. Nam & ego ordiar à querelâ. Tu ne misisse quidem fateris: ego scripsisse serid me testor, sed tamen frustrâ. Quæ autem mea culpa est, si homines parum fidi hodie aut diligentes? Ego te, mi frater diligo: & nunquam suauissimam illam consuetudinem nostram ruminor, sine interioris animi motu. Tuæ litteræ me excitant & velut adspirant in hoc languore nostro vitalem aliquam auram. O terra, ô viri! vtinam per vires aut tempora vos regustem! Sed ego mi Benci, inclino, nō tam æuo fractus (eâ parte adhuc vireo; quàm lento & nescio quo intestino morbo. qui tamē vitæ officia atque ipsa studia leuiter interpellat. Vos iacturam ante biénium in Mureto fecistis: cuius Senecam, extremum opus, eisi non confectum, probamus. Orationem tuam in eius funere, & quidquid tuum, vidisse velim. Rarò ad nos veniunt melioris cæli illæ deliciæ: & possunt tamen per Plantinum. Ad cum virum mitte, quidquid ad me voles: & inprimis (per sacrum illum Amorem te rogo) si quid editum à te, aut edendum.

R

dum.

dum. Censuram vis? libera erit. Laudes? effusa. nec
 alius hodie id fecerit magis ex affectu. Amo, amo,
 primos illos meos ignes, & in iis puriter liquesco.
 Illustrissimum Sirletum superesse apud vos gau-
 deo, columnen perfectissimum virtutis & doctrinæ.
 Fulvio Ursino quid sit, quid Latino Latinio optimo
 feni, gratum si per te sciero: & si à me eos salutabis.
 Edidi quædam nuper, sed leuia, nec nunc mittenda.
 Vale, & me ama tui & probitatis amantem. In Bat.
 prid. Kal. Septemb. .∞. Id. LXXXIIX.

EPIST. LXXVI.

GERARDO TVNINGO.

Ad litteras tuas, mi Tuninge, breuiter respon-
 deo: & hoc ipsum amoris est, quod respon-
 deo. Nam etsi vis illa morbi me reliquit, tamen lan-
 guor & debilitas manet: nec mens aut manus satis
 apta ad suum munus. At ego te ex animo amo, &
 crescenti virtuti tuæ fauco: eoque expressa mihi hæc
 scriptio, eius iudicij mei index. In foro versari te
 iam credo: & quamquam res nondum calent (tem-
 pus ista adfert) tamen carceres tibi aperti ad cur-
 sum. Stadium hoc sub initia molestum & arduum
 fortasse videbitur: dies molliet, & scopus qui tibi in
 oculis esse debet, cum Lucro Honor. Dignitas enim
 & splendor plerumque ab isto campo. Ego ad ami-
 cos meos cum scribam, non deero te commen-
 dare de eâ notâ quâ te noui. Tu confide. sponsor
 ego tibi, si perges hac Virtutis & Modestix viâ, quâ
 cœpisti, de optimo successu. Vale, & duo illa, ac
 me vnâ, ama. Lugd. nostræ Bataur. v. Kalend.
 Decembr.

EPIST.

EPIST. LXXVII.

Ultraiectum.

THEODORO CANTERO.

CVM mutationem rerum audiui, quæ apud vos facta, lætatus sanè sum, quia omnia in melius versa & modestius: nec tamen valde miratus, quoniam veterem illum statum violètum & turbidum; sciebam non posse esse diuturnum. Illud nescio an lætari debeam, te potissimum electum qui clauum teneas in hac tempestate. honori tuo quidem gratulor, idque amicissimo animo: sed molestias video, atque adeò discrimen etiam quod adiunctum, nisi elementer te dirigat & seruet ille, qui te huc destinauit. Id quod spero, & cum ex affectu rogo. Illud ego valdè velim & suadeam, ita elementer & leniter omnia nunc administrari; vt vix appareat conuersum esse orbem rerum: appareat, inquam, dolore cuiusquam aut pœnâ. Vltio & affectus seponantur; & satis sit (meo quidem iudicio) inutiles homines remoueri ab reip. administratione. nisi si quis est vnus aut alter, qui palàm in eâ se gesserit malâ fraude. Sed nec omnia subitò mutand, etiam quæ mutari melior ratio suadet: lentè, lentè, & minimo sono. Pro nostro Arcerio sollicitor. manebit illi sua conditio: velim, quod in te sit, iuues. Non enim puto virum è calidis illis esse, qui omnia & omnes turbant. Thinnius noster an redierit, nondum audiui-mus. omnino ego opinor: & admouendum iterum rebus virum peritissimum rerum. Quod cum sciero, ad eum scribam. De Prætoris reditu, audiui: & velim meo nomine illi gratuleris. Nisi aura hæc turbida impediret, ego sanè ad vos euolarem, & facerem linguâ quod nunc stilo. De filiis tuis, ij mihi curæ erunt. Sæpe me adeant, semper mihi grati.

Vale. iv. Idus Octobr.

R 2

EPIST.

EPIST. LXXVIII. *Vratislauiam.*

IACOBO MONAVIO.

LITTERÆ tuæ à se grata, mi Monau, hoc asperum habuerunt & triste, quòd nunciârunt de morte Andræ Dudithij, magni & sapientis viri. Qui, etsi præter ætatem nihil passus videri potest, aut præter communem illam legem: tamen profectò dolori est, & amicum nos amisisse, & Germaniam in hoc statu rerum spoliata notâ modestiæ & prudentiæ viro. Nam in aulis Principum, quàm multi passim, vt sic dicam, incendiarij turbarum, & qui * πῦρ ἐν πύρρῃ addunt: à quorum ingenio aliciissimus hic noster, natus sedare ciuiles istas tempestates, non exeat. Sed deo pacis visum, vocare ad se istum Pacatorem: ideoque feramus, in Constantiæ nostræ monitis fixi. De amore tuo in me, gratiam non habeo solum, sed refero. quomodo? amâdo. atque ego te vnum hoc pretium expectare scio tui affectus. Mihi quidem iucundum & quasi pabulum quoddam studiorum est, amari non tam à magnis, quàm ab eruditis & vitâ quoque probis viris: quâ in classe te scio esse, optime Monau. Nos valdè nunc distingebamur editione Politicorum. quod opus Regibus Principibusque scriptum, vtinam vsui quoque iis sit! quod non despero, si capere tamen poterunt eius generis scripta. Sed deus videbit. ego arduo labore defunctum me scio. & soluto pede ad mitiora & planiora iturum. Thræseas noster omninò differendus est, & te aliosque rogo, nequis me roget. Vale Clarissime Monau, reliquum in iis locis affectus mei fulcrum. Nonis Iuniis.

* ignem ad
ignem.

EPIST.

EPIST. LXXIX.

LÆVINO CALVARDO.

SCRIPTIO tua mihi grata, & scribendi causa. Amor in me, & humanitas in afflictos te impulit: quorum utrumque amo, & hanc etiam laudo. At illud mihi iuxta ac tibi nouum, fuisse in eo grege Hispano hominem Latinas quoque litteras doctum, & doctorum amantem: cui auxilium, aut certe solatium, meritò debemus. Id. quod in me est, non faciam solum sedulò, tam amicà præsertim tuâ rogatione inuitatus, sed iam feci. Conueni quosdam qui cum Prætoris huius urbis agant, qui nauim eam cepit, & in cuius hic est manu. Videbo an in urbem nostram adduci possit, eamque habere pro custodiâ. Sanè Musarum illum alumnum equo iure censerî cum Barbaris, ignominia nostra sit mihi Caluarde. quem ex animo saluere iubeo. & me amantem tui quoque amare. XVII. Kalend. Septemb.

EPIST. LXXX.

DOMINICO BAUDIO.

PLVS CVLAS à te litteras accepi, fateor: ad quas silui, non voluntate aut subitâ ignauità, sed quia deinceps sic cogit valetudo. Tibi narro Baudi. frangor paullatim, frāgor: & per assiduū hunc languorem deferit ponitq; calor & vigor ille in nobis, velut ventus. Velo ferri solebamus, nunc vix remis. Politica etiam mea, serium opus, valdè me tenuerunt. Nunc ipsa absolui, nondum quæ ad ipsa: id est Notas. Inuidia fatebitur arduum & operosum opus esse, nescio an probum. Tu certò &

femel sic existima, te à me aestimari, amari: & semper id fore, siue scribo, siue sileo. donec perpetuum tamen silebo. De munere siue titulo, quo non sine fructu gaudes, tibi gratulor, & voueo atque auguror maiora. Amande ama. Idib. Iul. ∞. Io. LXXXIX.

EPIST. LXXXI.

In Hungariam.

MICHAELI FORGACZ,
libero Baroni de Gimes.

AMANter valdè me prouocas ad scribendum pariter & amandum. quis tu es? ignotus mihi, imò notus, vel ex vnâ epistolâ istâ, in quâ faciem video pulcherrimæ mentis. Etiâ nec ille vester remotus, & verè Martialis tractus, educat ac profert Palladias istas proles? gratulor tibi hanc indolem, te patriæ: quæ profectò præsidium grande & lumen exspectat ab eiusmodi alumno. Quod si hanc directam ad laudem & Virtutem viam, plerique è tuâ classe ingredi vellent: quid Europâ beatius? quæ nunc iacet misera, vndique telis confixa ciuiliū turbarum. Sed resurget profectò aliquando (& ea certa spes me tenet) eiusmodi adminiculis & fulcris. Tu perge, & te litterarum ac Sapientiæ studiis primum, mox patriæ trade: palàm facturū, quantum intersit inter doctos cultosque Nobiles, & istos, qui nihil lucis habent nisi à luce maiorum. Meam quidem amicitiam quod appetis; ita cupidè offero, vt ipse propior appetenti sim: & in tempore ostendam. Lucubrationibus nostris quod delectari te scribis, vtinam & iuuari! Spero tamen id facturum opus quod nunc edo, in quo Principem formo & eos qui ad gubernacula rerum admoventur. Laboriosè mihi opus scriptum fateor: sed vobis, vobis, non huic vulgo. qui nec capiet,

nec si capiat, fructum faciet in præceptis quæ nihil ad ipsum. Regendi imperandique munus vobis conuenit; plebi *obsequij gloria*, ut ille inquit, *relieta est*. Nobilissime Baro vale. Nonis Iuniis, ∞. 10. LXXXIX.

EPIST. LXXXII.

Coloniam.

GVLIELMO CRIPIO Filio.

Ad epistolas tuas respondere, mi Cripsi, magis volo aliquando quam possum. Distringimur nimis sæpe, nec cum nuncius appellat, vacamus illic ad scribendum. Addo, quod plerumque ille festinat. Hoc semel scito, & excusa. Aliàs, amote, tuumque ingenium: quod excitari etiam nostrâ voce nonnihil velim ad pulcherrimas artes. Etsi enim per te promptus erectusques: tamen ut equum in cursu plausus, sic optimam indolem laudes & approbatio iuuant. Quanquam quid valdè iis apud te opus? patrem habes, * *παντὶς ἀρετῆς καὶ σμύρον*, ut ait Homerus de Vlysse: virum reuera & vsu & doctrinâ inter Belgarum primos. Hunc audi. * *Αἰματὸς εἰς ἀγαθὸν πόλον τέτυκτο*: quæso ne degenera, & lucem quoque à te aliquam adfer ad illam lucem. Quod porro scribis de libris illis prisci: magis est ut voueam, quam ut credam. Sæpe iam ita decipimur. Blandi rumores sunt de *Ciceronis Republicâ*, de *Liuij reliquis*: sed rumores. — * *καὶ δ' ἀνεμώλια βάζειν*. Vale, & in virtute ac doctrinâ pariter mihi cresce. Lugduni Bat. Postrid. Idus Mart.

* *omni virtute decoratum.*

* *Sanguinis es boni care puer.*

* *malū vana discere.*

VIR doctissime, Res tuas iterum stabili loco esse, idque in ipsâ patriâ, valde tibi gratulor, ** ἡ ἀπὸ καθέας γνώμης συγχαίρω.* Præsertim cum honestissimum illud munus adeptus sis, & in locum successeris viri nobis olim amici. Ita profectò est, Deus non deserit suos, sed abducit à loco ut ad meliorem reducat, & obicit sæpe non sperata. Nos in tenui & veteri nostrâ valetudine, tamen Politica absolvimus: quæ utinam ne mecum langueant, & sint, quod dicitur, ** ἔπη γῆρας.* Mihi tamen firmum compactumque opus videbatur, & ferendo ævo: sed mihi. Vestrâ aliorum iudicia expecto, nec ante me do ad absolvendum. Nam quod ad Notas attinet, ** μέγα ἔργον ἀρεκεται,* ut ille inquit: & id quoque fecit morbus. Exemplaria quatuor ad te mitto, distribuenda pro inscriptione singulorum. De Galliâ, credo vos audisse magnum illud facinus, & inopinatam Regis cædem. Ego video Deum res magnas, res novas moliri, & conuersionem status in vniuersâ Europâ.

** ἢ ab intima mente gaudeo.*

** equisenum.*

** magnum opus imperfectum.*

** multarum urbium soluit culmina: Atque etiâ soluet.*

** πολλῶν πόλεων κατέλυσε κάρηνα,
Ἡ δ' ἐπὶ τῇ λύσει.*

Utinam saluis nobis! Vale vir ornatissime, & cum vxore tuâ à me meaque salue. Lugd. Batauorum, XIII. Kalend. Septemb, ∞, IO. LXXXIX.

EPIST. LXXXIV.

ISAACO CASAVBONO.

NON redditas tibi litteras meas, mi Casaubone, non miror solum, sed indignor. Spemnam ego te?

ego te?
accepi
diu est
in me
dum a
moue
& mul
Scalig
age ha
Sed, h
& illud
nichit
fateri d
quor
que in
confun
mi Ca
diis in
qua se
Non. 3

A c
b
acques
te im
ergo, &
quidem
adolese
*
Quò m
peccam
quoque

ego te? ne differam quidem : & respondi illicò vt
 accepi tuas. Gratè mihi & à tali ingenio, quod iam-
 diu èstimo: & à tali affectu, quem calidum profectò
 in me promis. Amo, amo vicissim; nec tam frigi-
 dum aut rigidum mihi pectus, vt non incalescat &
 moueatur ab hoc igne. Strabonem tuum vidimus,
 & multa in eo proba, perge per Deum, & quoniam
 Scaliger noster in hoc genere toto filer, tu prodi &
 age hanc personam. Decenter, mihi crede, potes.
 Sed, heu, Gallia vestra quàm estuat! vetus, florens,
 & illud regnorum, vt sic dicam, regnum, quàm pe-
 riclitatur non conuerti sed euerti! Illacrumo. nam
 fateri debemus illustrium ingeniorum iam ab ali-
 quotannis hanc matrem fuisse, aut sedem. Nos quo-
 que in veteri nostro bello: sed minùs feruido, &
 consumimur lento quodam igne. Feramus; & nos,
 mi Casaubone, istis litterarum Sapientiæque stu-
 diis inuoluamus: in quibus abductio, aut certè ali-
 qua seductio est à turbis. Vale. Lugd. Bat. Postrid.
 Non. Sext.

EPIST. LXXXV.

PHIL. MARNIXIO.

ACCEPISSE te librum nostrum, legisse, pro-
 basse, seridè ego gaudeo. In tuo iudicio quidni
 acquiescam? qui lecasti hos fluctus, & bene penitus
 te immerxisti in rerum ciuiliu istud mare. Nosti
 ergo, & peritiam tibi ingenuit ipse vsus. Qui nobis
 quidem modicus adest, & liberè cum Homérico
 adulescente fateor,

* Οὐδέ τι πομπώδεις περιέρμαι πικνοῖσιν.

Quò magis vestrum est, monere & dirigere siquid
 peccamus. Quod malles in Εὐσεβείας illà re verbis
 quoque me εὐσεβεῖν, spretis illis profanis: fecisti mihi habeo.

R s. profectò,

* Neque ego
 adhuc ser-
 monum pri-
 dentis vjum
 habeo.

profecto, si distinctius & accuratius dicendum de
his mihi putassem. Hoc omisi, aut distuli: & causam
nonne vides? Cum tam pauca & timidè dixerim,
nunc quoque vndique incurrunt, pænè dixerim,

in appositione
suis finis
les.

* ἀποτέλει τὴν ἐπιστολήν.

quid futurum erat, si magis me diffudissem? Libaui
igitur: & ideò in stilo quoque nihil mutavi, & exi-
guam illam laciniam pertexui filo quo reliquam ve-
stem. Quod si tamen tibi hîc aut alibi aliud videtur,
mone, & me deuincies. Aliorum voces siue calum-
niæ, asperæ. * ἀγαθὸν δὲ ἀντιπαρὶς εἶναι ἐταίρῳ. Tuus Ge-
deo Botzelarius mirum est quàm se nobis probet,
modestîâ, diligentîâ, profectu. Stirpe suâ dignus
euadet. Vale. Lugd. Bat. Prid. Kal. Octobr.

• bona ad-
monitio ami-
ci.

EPIST. LXXXVI.

Leodium.

DOMINICO LAMPSONIO.

IAM nunc mihi adest, qui ad vos abit. Ipse tibi
dicet, tempus mihi non fuisse ad longam scri-
ptionem: atque adeò, vt familiariter tecum loquar,
è lectulo me excitauit. Sed vigilo, vigilo cùm Lam-
psonij nomen auribus & menti meę insonuit. Iam-
dum etiam ego à te nihil, quid tum? tam scio amare
te, quàm me spirare.

• Non est
amator, per-
petim qui
non amat.

* Οὐδὲν ἐπεστὶν ὁστὶς ἐκ ἀνδρῶν φιλεῖ.

Politica nostra absoluius: cape, lege, arbitrare.
Nam iudicem aliquem te tuique similem, valdè mi
Lampsoni volo: versatum in rebus scilicet, nec à
lectione. olùm, sed ab vsu doctum. Vide sicubi er-
ramus. Breuia ista sunt, & adstricta, fateor: sed apud
te quid excusè? scio in eiusmodi rebus rem te vel-
le, non supina aliquot & natantia verba. quò nimis
fèrè inclinant, qui res Ciuiles hodie scribunt. Ni-
mis, inquam, se per disputatiunculas diffundunt,
At mi-

e.
At mihi
auton
habem
ficiem
riam a
Apud
lide a
Bacau

M
an tibi
tem, c
ex vsu
rumpi
Causa
adeò a
portum
li omin
mo loq
vt ablis
& occa
sunt, &
còrè te
stater
rum. V
fortasse
mus, vt
ipse su
haud d
tene vi
tempo

At mihi Cretenses illi probi: quos Plato ait * πο-^{* multe mēti}
 λιώσαν μᾶλλον, ἢ πολυλογίαν ἀσπῆσαι. Nos iam in manu ^{magis, quam}
 habemus Dialogum De magnitudine Romanā: & per- ^{multis verbis}
 ficiemus, si Deo visum. Epistolarum etiam Centu-
 riam alteram extrudimus, & priorem reformamus.
 Apud me ista: tu quid? scribe, scribe, nec (quod cal-
 lidæ amantes solent) desiderio nos torque. Lugduni
 Batavorum, Postrid. Idus Sext. œ. Id. LXXXIX.

EPIST. LXXXVII.

FR. RAPHELENGIO Filio.

Mi Raphelengi etiam nunc fluctuas? quous-
 que? Semel statue rationi & nobis pareas,
 an tibi. Illa suadet differri iter in proximam æsta-
 tem, ob causas multas. E famâ tuâ erit, è re tuâ,
 ex usu familiæ Plantinianæ. Tam citò solui & ab-
 rumpi illum cœtum sublato capite, sit indignum.
 Causas quas habes, ego quoque intellego, atque
 adeò approbo: sed calidè nihil fieri volo aut im-
 portunè. Ne nimis cupidè cupe quod cupis. Ma-
 li ominis sit nimia hæc festinatio. Audi me ex ani-
 mo loquentem. Ire te in Italiam ad multa vtile est:
 vt absis ab his turbis, vt videas & discas, vt locum
 & occasionem quæras emergendi. Hæc omnia vera
 sunt, & suadeo: sed hoc quoque verum, magis de-
 cōrè te iturum post aliquot menses, magis tutò sub
 æstatem, & magis providè omnia ac dispositè actu-
 rum. Vtinam antè te vidissem! id quoque è re tua
 fortasse esset, & certè ex meo voto. Sed nos ea audi-
 mus, vt verear ne breui interclusæ omnes viæ, nisi si
 ipse sub Ver proximū in Germaniā me sisto, quod
 haud despero. O iuuenis in quod ævū incidisti! sed
 tene viam rectam, haud pœnitebit. Ne pugna cum
 temporibus, & serua te ad meliora fata, sed sub
 tegmine

regmine & umbrâ semper modestæ Virtutis. Ego
desino: haud multa libet. xiii. Kal. Sextil. ∞. lo.
LXXXIX.

EPIST. LXXXVIII.

CASPARI VOSBERGIO.

DISTVLI respondere litteris tuis, sed sine tuâ
vllâ noxâ. Nunc id facio per Legatum Regis,
cuius negotia tibi commendo, & peto, quod in te
est, ea matures. Nostri quàm lenti sint, præsertim
vbi pecuniaria res est, non te fugit. Politica grata
tibi fuisse gaudeo: quæ tu quod thesaurum appel-
las, magis ex amore facis, quàm quia merentur.
Hoc tamen liberè dixi & repeto, ruminanti ea plus-
culum aliquid semper suboriturum, quàm primâ
specie visum. Hortaris me ad reliqua, & præsertim
ad Aristocratiam. quam ego quoque probo mi
Vosbergi, sed bene compositam, & qualis illa
Spartanorum fuit, aut hodie Venetorum. O quis
deus eam dabit! Tamen illam quoque conceptam
in mente habeo, & vnus omnino libri res erit. Sed
priusquam aggrediar, certum mihi audire & libe-
re iudicia de toto hoc genere scribendi. & si vni-
uersum displicebit, silere; (cur enim vela faciam
aduersis ventis?) si in parte; cognoscere, & resin-
gere siquid minùs rectè aut consideratè à nobis
scriptum. Nam id numquam pigebit. Apelles in
magnis suis laudatîsque operibus hoc seruabat, vt
ea publicè proponeret omnium oculis ac linguis,
atque ipsè velo aliquo tectus iudicia venaretur
etiam minimorum: cur nobis hoc non fas in ope-
re, quod tangit omnes? Sed nec Notas, vt vides,
plene absolui. quod caloribus istis immodicis tri-
bues, qui valde me dederunt in languorem. Te va-
lere

lere opto, & nos amare. Lugd. Batavor. XIII. Ka-
lend. Septemb. ∞. Io. LXXXIX.

EPIST. LXXXIX.

NATHANI CHYTRÆO S. D.

ASRES quasdam faces epistola tua mihi sub-
didit, quam ipse amor tibi scripsit. Non me
fallunt supina quædam aut natantia verba, & illa
quæ ab imo pectore profecta. Talia tua sunt. & jam
mihi carior noster ille Lydius, per quem tu quo-
que inter meos caros. Quid verbis me diffundam?
redamo sic amantem: virtutis doctrinæque tuæ
merito primum, sed etiam fratris aspectu, qui mihi
inter Germaniæ primos. Scripta tua & illius iam
olim vidimus, & tenuisti nos sape illâ * γλυκεία * *dulci Sirene*
Σειρήνι ψῆλόν. Non plura apud te. pergamus in *ne sermoni*
hoc cursu, & quod reliquum est vitæ viuamus
— * φίλα εἰδότες ἀλλήλους. Accipe *daqz fidem. & * mutuo*
salue. Lugd. Bat. Idib. Mart. ∞. Io. xc. *amantes.*

EPIST. XC.

MARTINO LYDIO.

AMICA tua epistola, ut semper, atque etiam
anxia pro nostrâ famâ. Agnosco amorem: sed
de purgatione, quod scribis, quæso omitte. Quid
me eluas apud eos, mi Lydi, quibus decretum qua-
cunque de causâ * μόνον ἀναΐαι? Ieiuna imò tur- * *maculans*
pia sunt quæ adferuntur (ago liberè:) & te aut me *inurere.*
non noui, si hac * σπυρίον excuso. Impiè hoc
scripsi, inquiunt, quod Religionem omnem tolero ** diligens*
in repub. modò vetus. Enân. ne gentilium? etiâm-
ne Turcarum? etiam. Vbi hoc scripsi? Verba ad-
fers. sed ô boni, ergo notulam illam graue iis le-
gere, quæ

re, quæ ad oram? Coërcui enim ecce, & restrinxi:
 MOS PROBUS & *vetus seruandus*. Satin' clara hæc
 verba? ita vetus tenendus, si probus. Iam illud alte-
 rum, in quo sæuitiæ me arguunt, bellū Quis verba
 ea bonus integerq; vir legit, qui non capiat ex meo
 bonoque sensu? At possunt aliorum flecti. Multa
 talia in omnibus scriptis: sed eos nempe carpinus,
 qui sic flectunt. Melissæ aliquæ flores nostros insi-
 deant, non istæ Arachnæ. Quid verba facio? his tali-
 bus suadeor, non vt aliter scribam, sed vt ne scribā:
 & silentio tuti sumus, quoniam ratione vix licet.

* *Multimi-
 leuoli in nos
 machinan-*
tur.

Δυσμενέες γὰρ πολλοὶ ἐφ' ἡμῶν μηχανώονται.

Ego tibi verum verbum dicam. Quosdam ex istis
 torquent non quæ scripsi, sed quæ non scripsi. In-
 tellege, & me iam olim tuum ama. Lugduni Bata-
 norum, XVI. Kalend. April.

Qui has tradet, Nansius Filius erit, vt opinor.
 Fauas ei quæso meâ causâ, & aut cœptam spem
 promoue: aut si ea mortua, in nouâ hac iuuat. Ab
 ipso audies. Saluta amicos Arcerium, Drusium,
 Eilardum. Ecce responsum etiam ad Nath. Chy-
 trzi epistolam: rogo te cures.

EPIST. XCI.

REGNERO GRUTERO.

GRATÆ mihi tuæ litteræ, mi Grutere, nec est
 quod excuses. Peccares, nisi sic peccares. Ego,
 etsi non semper respondere aut scribere vacuus, ta-
 men legere: & nimis quàm libens sermones vestros
 libo, qui aliquando in nostrâ disciplinâ. Statum &
 forinam Academiæ vestræ per te cognoui. probus
 est: sed inprimis ille vir magnus, quem iure laudas.
 Iunium intellego: cui tu, mi Grutere, adhære. & re-
 condita multa hauri ex arcano illo verberique penu.

Chrys-

Chrysm
 ligerum
 se, quæ
 Politica
 mores
 in eo ru
 dinem
 vix sper
 Vale mi
 Bal. III.

V
 quæ
 vestra
 videam
 loquunt
 aliquod

Politica
 au vel nu
 hæc præ
 me videb
 scripisse
 consiliu
 fortasse
 & tu iud
 be apud
 certè è se
 go.) quie
 Deum re

Chrysmannus aliquidne De temporibus post Scalligerum? durus ille concursus est: & tamen scio esse, quæ post eum addi illustrariq; possint. Nos post Politica edita redimus in veterem campum; & vel mores Romanos illustrabimus, vel spinas aliquot in eo runcabimus Criticâ istâ falce. Deus valetudinem modò & otium mihi det: de quorum altero vix spero, cùm tui bas video quæ in Galliâ natæ. Vale mi Grutere, & identidem me appella. Lugd. Bat. III. Id. Sextil. ∞. Io. LXXXIX.

EPIST. XCII.

MICHAELI MONTANO.

VIR Nobilissime, per epistolam rarò te alloquor, sæpissime animo & affectu. Utinam res vestræ aut nostræ quietiores! numquam ego deum videam, nisi te viderem. Nam litterarium hoc colloquium, nugæ: meri amores & mera suauitas, os aliquod amicum intueri & amplecti. Sed, ut ille ait,

Ναὺ δ' ἐτέρως ἐς ἑλόντο θεοί. —

Politica nostra tandem edidi, diu pressa, & nescio an vel nunc emissa aue satis faustâ. Æuum ego & hæc præiudicia an ignoro? sed tamen temperasse me videbis, & nihil nisi communibus præceptis scripsisse: excipio paucula de Religione. In quâ consilium nostrum nec improbum, nec imprudens fortasse apud probos. O tui similis mihi lector sic! & tu iudicium tuum liberè, & ut vires, scribe. Turbæ apud vos magnæ: si ingenium tuum noui (ut certè è scriptis noui: in quibus non fallax tui imago.) quiescis. Quod ut turò & diu possis, æternum Deum rogo. xv. Kal. Octobr.

EPIST.

ACCEPISSE te libros Politicorum mihi gratum & magis te probasse. Ex animo tibi dico. probari tui similibus lucubratiunculas nostras gaudeo, etsi pluraque scribimus non huic tuo. In illo ipso opere Politicorum, quàm multa parùm ad palatum huius illiusve partis! nec aliter fuit, aut erit, ubi sunt partes. Veritatem puram candidamque ego scio, & immunè ab omni affectu. Ut oculi, ubi glaucoma obsidet, puriter nō vident: non item mens, ubi adfectus. Præiudicium iudicium omne tollit. At in iis quæ de Fato scripsi, gaudeo quòd liberè mones. etsi ego me insistere tritam & priscam viam sentio, nec in aliâ mente esse Thomam & argutos illos in Ecclesiâ Doctores. Tamen si quid aliud, videbo: & tuo monitu libens non explicabo solum; sed, si opus, retractabo. An me pudeat? numquam. & veram rectamque viam tardè videre & inire possumus, numquam serò. Magnum illum virum nobis obiisse, doleo: & heu patria, quàm talibus nunc egēs! Impetus & calor est, qui nos perdiderunt & perdent. Sed ego longiùs progredior, cui hoc tantum propositum scribere: me te amare, & gaudere in amore tuo mei: quem ut propages deinceps ac serues. consuetudinis causâ, rogo. nam necesse non esse, facillè ex eo mihi liquet, quòd sine vlllo nomenclatore, tot annos firmiter eum in arcana istâ mente coluisti. Vale Vir amicissime. v. Idus Nouemb. ∞. 10. LXXXIX. Berchemij nostri mentio in epistolâ me excitauit, quid illo sit ubi est? amo, amo, virum.

EPIST.

EPIST. XCIV.

HVG. BLOTIO.

Viennam.

VERE diuinasti. perierunt litteræ tuæ quas
Thisio dedisti: neque ego vllas, præter has
à *συμβιωταῖς meis, vidi. An ego tam diu aliàs
siluissẽm?

*contuber-
nalibus.

*Ζεὺς τὸ γ' ἀλεξίσσει καὶ ἀθανάτοι θεοὶ ἄλλοι.

*Iupiter hoc
auertat, &
immortales
dij alij.

Meritò amantes ego mei redamo, & te mi Bloti
inter primos, verum & veterem Musarum my-
stam. Ergo scito amicitiam tuam mihi caram,
gratum etiam de scriptis iudicium: quod etsi
nimis sumit ab effectu, tamen, liberè fateor,
his talibus

*ἀλλ' ὅτι ἐνδοξὸν θυμός.

*augetur
intus ani-
mus.

Tu si me litteris tuis sapiùs appellaueris, & in iis
rerum etiam aliquid asperferis quæ istic geruntur
(præsertim siquid ad nos & hæc studia: beabis, &
reipsâ videbis prouocatum à te, quod dicitur,
*ἵππον εἰς πείλον. Vale. Lugd. Bat. Idib. Martis.

*equum in
placiciem.

Illustri Baroni Hieronymo Beck à Leopoldstorf
gratiam debeo pro affectu in me, quem ex animo
iubeo saluere. item nostrum Leunclauium.

EPIST. XCV.

EVERHARDO REIDANO.

SCRIPTIO tua me affecit, & iudicium de Po-
sulticis; quæ votum mihi præcipuum est vt
approbem vobis. Aliorum fermunculos quid cu-
rem placere iis & satisfacere in alio quouis argu-
mento magis possum, quàm in isto. Ego liberè
quod mihi visu n est dixi, & sape magis ex vsu
publico, quàm ex gustu. At sunt etiam quidam qui-

S

Bata-

Batauiæ finibus me includunt, & omnia scribi volunt pro hoc statu. Inepti! quod non Plato, non Aristoteles, non quisquam veterum fecit, qui scripsere aliquid in spem diuturnioris æui. Hic illa forma reip., alibi alia: atque utinam nobis Princeps sit, sed ille astrictus & legitimus, & qualem formo. Iam etiam quidam diffundi me voluerunt, & iuisse potius per liberam semitam & vestigia nostra. Haud difficile mihi, fateor: sed aliò me duxerunt rationes quas dixi, & quas non dixi. Faciam tamen aliquando, si vivo, & Notis meis siue Commentariolis abundè explebo hanc sitim. Mihi iam nunc materies ea parata, sed premimus, & calamum paulisper retinemus scripturientem. Ego, vno verbo, te amo, & id mihi fieri à te percipio. Vale. Lugd. Bat. xii. Kalend. Mart. 65. Io. xc.

EPIST. XCVI. *Londonium.*

LANCELOTO BRUNIO.

PADDEIVM tuum insignem virum libens vidi, & officia præstiti quæ potui prolixè. Malo ab ipso hoc te audire. Sum naturâ in omnes benignus, tum maximè in nostri gregis homines, & qui commendant se colore isto litterarum. Colore inquam, non fūco. quia reuerâ Paddeius tuus, imò iam noster, seriò se melioribus istis scientiis tinxit. Nos titulum ei dedimus, sed rem attulit ipse ad nos abundè. De valitudine meâ quid scribam? potes ex ipso audire, qui ** αὐτὸς αὐτῶν*. Tamen vos medici probè scitis, quicquid dissimuletis, leniri non tolli hos morbos. Vbi semel radices egerunt, hærent. Itaque langueo, & præsertim per hos Caniculæ infansientis æstus, qui corpus hoc per se siccum & aridum, pænè reddiderunt cornu. Animo tamen
egre-

inspector.

egregi
ment
niani
sed n
aliud
quam
to. S
Franc
Galli
elegan
illos n
diuulg
illa par
Sed
Politica
huc op
ad vos
dation
Itaque
Bruni.

egregiè adhuc sustento: & deus mihi seruet hanc mentem, numquam eâ parte succumbam. Britanniam vestram & vos amicos videre iam diu gestio: sed nescio quod impedimentum mihi nascitur aliud ex alio: & ægrè muto locum, quem nunquam tamen sine fructu & bono valetudinis muto. Sed videbo, & fortassis aduolabo * *ἔτι δὲ ξαν.* * *præter opinionem.* Franc. Vlmi *De Liene* iam diu lêgi, missum ad me è Galliâ, nam ego vestra medica, præsertim si quid elegantius, valdè appeto, & diuerto suauiter in illos naturæ hortos. Tûne in eodem argumento? diuulga, & doce nobilem aliquem vsum in nobili illâ parte.

Sed heus tu, quid Typographis vestris visum Politica mea recudere? non debebant. * *Ἀτελὲς* ad- * *Imperfectum.* huc opus est: & præterea, prima illa exemplaria ad vos missa, haud satis emaculata. Alia aut emendatiora sunt, aut præferunt certè suas mendas. Itaque factum hoc non amo: sed te fideliter mi Bruni. Vale.

LECTORI.

ERANT in editionibus aliis Epistola
 quaterna, quæ ioci aut salis aliquid
 haberent, non in gentē, sed in hospitium gentis,
 & præsertim rusticana. Aliqui morsum aut
 lesionem interpretati sunt: & quia non
 est, nec fuit is animus, nunc omisimus in-
 duximusque. Earum loco ista Centuriam
 expleant: quæ defensionem habebant,
 & sine cuiusquam malâ gratiâ, opinor,
 legantur. Vale.

EPIST. XCVII.

TYPOGRAPHVS LECTORI. S. D.

EDIMVS hanc Epistolam, Lector, etsi auctore non tam volente, quam non nolente. Nec enim eo scripserat ut ederetur, non certe sic sola: sed quia iam factum in Germaniâ ipso ignarissimo atque inuito, frustra teneri videt quod effugit. Euênit etiam, quod solet, ut fugitiua parum compia esset atque ornata, imò parum recta. quæ causâ illi maxime, ut edi pateretur iterum, minus mali scilicet si minus malam. Itaque propriam ei vestem reddidit, & qualis in arculâ remansit. Hoc tantum seriò testatur: ne nunc quidem ista quasi publicè responsa velle. quid opus in rebus leuibus? & abest alioqui animus eius ab omni non solum concertatione, sed defensione: & putat sapientius spernere hæc talia, quam refutare. Præsidium famæ, non in verbis, sed in vitâ suâ ponit: atque illam integram sperat apud eos, qui hanc norunt. Quod ad scripta etiam attinet, acrem sed æquum iudicem non recusat: in quibus siquid erroris alibi aut caloris, pronocat ad humanam conditionem, cuius hoc proprium, sicut nusquam labi diuina. Id tantum rogat, Lector, ne leues aut luidi homunciones te moueant, neu calumniis istis temerè acceptor sis: quia illud verissimè dictum, Διαβολή βῆτι δεινότατον ἐν τῇ δύο μέν ^{Herodot.} εἰσι οἱ ἀδικέοντες, εἰς δὲ ὁ ἀδικούμενος ^{v. 11.}. Calumnia res iniquissima: in quâ duo quidem sunt qui inferant iniuriam, vnus qui ferat. Tu ne alter ex iis esto, & hoc Menandri cogita.

Ὅστις δὲ διαβολᾷσι πείθεται ταχὺ,

Ἦτοι πονηρὸς αὐτὸς ὅστις τὸς ἄλλους,

Ἦ παντὰ πᾶσι παιδάρῃσι γνώμην ἔχει,

Calumniis quisquis fidem præbet citò,

Aut ipse mente moribusque est improbus,

Aut mente eadem cassus, & prorsus puer.

Vale. Antuerpiæ. Kal. Septembr. ∞. Id. XCII.

EPIST. XCVIII.

I. LIPSIVS IACOBO MONAVIO S. D.

INCOLV MEM te rediisse ex Pannonicâ peregrinatione (Ortelius indicium fecit) ex animo, mi Monavi, gratulamur, & Deum rogamus, vt in patriâ quoque talem te seruet. Nos adhuc in peregrino solo apud Eburones: vrbe, in quâ olim & nunc, in nos proni & benigni. Tamen delibera- mus sub ætatem de sede aliâ, & magis certâ: si quid tamen certi in hoc motu rerum. Nam quocunque me verti, in hoc ambitu aut palàm bella, aut eorum metus. At nos quietem, vt scis, quærehamus: vbi inueniendam nisi in superis illis locis, & æternùm quietis? Tamen de pace nunc aliqua mentio, sed mentio magis, quàm adfirmatio: & qui statum rerum peruidet, parum etiam sperant. Sed eum Poëta,

* Verum Iu-
piter hæc sicut
Olympius
æthere habi-
tator.
Homer.

* Αλλὰ τὰ γὰρ ζεὺς οἶδεν ὀλύμπῳ αἰδέεσθαι ναίων.
Ei nos hæc, & nosmetiplos permittimus: certi, quòd non magnam illam solùm orbis nauem, sed hanc quoque cymbulam dirigit Prouidentia suâ clauo. Sed quod ad Quietem, fascinare eam nuper Saturnius quidam oculus voluit, calumniis in me iactis, quas vidisti. Voluit, non fecit. nam nos hæc talia adeò ad animum non admittimus, vt vix ad oculos: & sciunt amici, quàm multis denique men- sibus post inspectus mihi hic libellus. Curiosi & auidi quid simust alium? quæ certum nobis est contemnere magis, quàm vindicare. Atque adeò, bonâ fide, nec nunc vidissem: nisi iidem monuis- sent, inesse quædam, quæ non ad famam doctrinæ nostræ solùm pertinerent, sed & probitatis. Inspeci- gitur, & quid dicam? Scriptum vniuersum est com-

compo
quan
gentes
cader
quos,
iocos
caput
nau,
in ip
rum a
tu dixi
apud ip
illa ran
tim & l
Quid
adhuc
& poss
ingen
haben
ficiis d
(verba
sanè, se
fixus, ic
stolis ill
mente
fuisse a
longius
bic pub
pectus
fuit illa
nisi in fi
excuse
nos, q
* Εὐμυ
ta. A

compositum ad inuidiam pariter & infamiam, quam mouet mihi apud homines singulos, & apud gentes totas. Deus immortalis, hanc acerbiratem cadere in Christiana pectora? idque ob leues aliquos, scænatiles, & vt grauissimè dicas, impruidos iocos? Nam in Vuestphalos ecce aliquid dixi. Hoc caput, hæc arx accusationis est. Testor fidem, Monavi, animo, & mente nihil nec luisse quidem in ipsos, sed in ea, quæ ad ipsos. Vbi virtuti eorum aut robori aliquid à me detractum? De cultu dixi, & genere vitæ externo: quod valdè elegans apud ipsos esse, nec ipsi quidem dicant. Atqui nefas illa tangere. Quid Erasmo igitur fiet, qui tam vbertim & liberè illust in hospitia omnia Germaniæ? Quid Clenardo, qui in Hispaniæ? Nec tamen vsq; adhuc vidimus, qui dicam iis scripsit. Ferri solent & possunt hæc talia, amœnitates, aut si vis, lasciuiæ ingeniorum: nec oderunt hos sales, qui salem ipsi habent. Ij sciunt, dicta à maledictis, & hæc à maleficiis differre. At iste capitis etiam me anquirrit, & (verba eius sunt) *crucem mereri hæc, crucem*. Credo sanè, sed eam, in quâ Cupido apud Poëtam adfixus, iocularum. Sed extra iocum, si quid in Epistolis illis nimium aut asperum est, quæso, è nostrâ mente molliatur: quam palàm testor nunquam fuisse ad lædendum. Verba quædam si ire videntur longiùs, reuocanda sunt, nec id me facere pudebit publicè, & vt sic dicam, in ipsis Rostris. Vtinam pectus hoc videant! niueum est, & fuit. Humida sunt illa & lapsantia quædam verba, & nata non nisi in summo ore. Quid, quod in morbo nata? ille excuset. Querulum hoc genus, & præsertim nos, quos atra hæc bilis vexat: quæ cum exarsit, ^{* ab eâ facillè vel lychnum accendere possis.} ^{Theocrit.}

* Εὐμυρίαὶς καὶ ἀπ' αὐτῆς καὶ λύχνον ἀΐσας, vt ait Poëta, Atqui Germanos etiam vniuersos læsimus,

quibus *pasim* (ita inquit) *tam stultè, quàm ferociter* *inuito*. Quæ frons tam infrunita hoc dicit? Ego Germanos? parentes illos maioresque nostros? Nam ita scio & sentio, nos Belgas plerisque origine illinc esse: & quanquam positu locisque Gallis, tamen stirpe & sanguine Saxones, & lati libentesque audimus. **INFERIORES. GERMANI.** Vbi igitur, aut cur lasi? Dicta & scripta mea excutiantur, latebra nusquam in quâ hæc calumnia delitescat. Quin contrâ, diserta & exsecta verba & laudem & elogia gentis, aliis inuidenda. Scripsi & edidi in commentario ad Germaniam Taciti: **CANDIDAM GENTEM; & CASTVM ORBEM; & MAGNAM MEAM PATRIAM;** & fastigium, si examinas, omnis laudis, **PACE ET BELLO OPTIMAM GENTEM.** Quæ vis magis honora, magis viua & spirantia verba? Tamen cumulaui, & ecce iterum ad Annalem Taciti decimumtertium, **PUGNACISSIMA ET FIDELISSIMA GENS.** Er in Epistolis: **HOMINES ETIAM ILLA TELLVS (Germania) ALIT, INGENIO DOCTRINAQUE PARES NOBIS; & FIDE ET VIRTUTE MELIORES.** Ades liuor, quis germanissimus Germanus potuit de matre suâ benigniùs? Nec vsquam lasa à me hæc pietas (ita loquor, & sentio:) nisi si quid ioculo in bibones quosdam, & vt hoc quoque ioco, **καλὸν* *καὶ ἐπέτας*. Sed ille non contentus hoc mare in me commouisse, Imperatorem ipsum concitat, & postulat me Maiestatis. Ius, inquit, eius minuisti, in laurea Poëtarum. O homo, nec per somnium in illo somnio feci. Sed tu colligis, vt video, omnium sermonum aurulas, & iis vela tua ad calumniam dum imple. Fuit res in inuidiâ aliquâ, fateor, recenti illo scripta; tracti in causam per eos qui iure lasi,

*Calicum
remiges sue
trabones.
Apu
Athen.

lasi, et
Episto
nostro
sum.
scom
107
lent
lauru
nat, i
absum
illum p
contra
nemque
meus c
iuit, I
Archid
LITIO
nos reg
alia me
ad sum
vnico i
uerso ill
sui. na
falsa, ill
loco cor
oppona
certami
& accip
bores qu
pius: &
melioris
& vt fru
nit: sic r
nitatum
tractatio

læsi, etiam qui non læsi. Sed seorsum postquam Epistolâ excusavi & aperui (existat in Saturnalium nostrorum fronte:) omnis ista bilis soluta est in risum. Quid enim aliud schemate illo (non sanè scommate) volui, quàm quod verbum vetus: *Multos Thy. sigeros esse, paucos Buchos?* Et hoc sciunt, & dolent illi ipsi, quos merito suo cinxit Phœbæa illa laurus. Ad Imperatorem quidem quid istud pertinet, si sint qui imponant & obrepant? Ego tantùm absūm, ut lædere aut illudere voluerim Principum illum principem, sacrum caput Christiani orbis: ut contrà ab adolescentiâ cultum omnem venerationemque detulerim ipsi, & eius genti. TACITVS meus cum præfatione ad MAXIMILIANVM iuit, Imperatoris huius Patrem: ELECTA ad Archiducem MATTHIAM, eius fratrem: POLITICA nostra, ad HUNGARIOS & Christianos reges. Cur non facerem? deberi mihi hæc & alia meliorum ingeniorum libamenta visa, domui ad summum fastigium gentis, arci & propugnaculo vnico in æternum illum hostem. Hæc sunt in vniuerso illo scripto, quæ digna reiectione aliquâ censui. nam reliqua sunt conuicia aut scommata insulsa, illepidâ, nata inter haras. Peponem habet loco cordis, quem ea delectent. Atque ego, quid me opponam? Spreta illa exolescent: & ut in omni alio certamine, qui vincit, coronatur, ita contrà hîc est, & accipit herbam, qui eam dedit. Nos scimus arbores quæ iuxta vias sunt, saxi & fustibus peti sæpius: & homines linguarum his telis, qui in limite melioris famæ. Non tamen ea nocent: imò iuuant. & ut frumentum triturâ folliculos exuit ac deponit: sic nos concussu unculis illis paleas, si fortè, vanitatum. quas nimis sæpe animis adhærescere è tractatione istâ litterarum non est negandum. Ora-

Liu, 111.

culum est, *Nimiâ gloriâ luxuriare, & euanescere viuida saepe ingenia*. Interueniant igitur vtiliter hæc conuicia : & quod amicorum lenis (spongia non eluit, deterat & defricet scaber his lapis castigationum. Hæc nostra mens est, nec nunc solum, *cum folia in me cadunt*, sed etiam *cum arbores* (fiet, vt hoc æuum est :) nec aliud, quàm Palladium illud scurum peccatori appresserim, NON MOVERI. Miseri quid ad hoc scamma producimur ? quid luctatiunculis istis nobis volumus ? Ecce mors supra caput, & superum istud tribunal ; vbi non scripta nostra examinanda sunt, sed facta. Sapiamus. Mihi quidem deinceps certum, Deum per maiorum vestigia constanter colere, studia & ex iis famam non negligere, quatenus tamen ea vsui Reip. esse possint, aut iuuenturi. Quodd si interea homines me contemnant, aut incurrant, contemno : & cum Achille clamo,

Spero me
honoratum
fate Iouis
esse.
Homer.

Φρονέω δὲ τιτμήσθαι Διὸς ἄσπῃ.

Ecce habes, mi Monau, longam, & pænè præter leges epistolæ, epistolam : sed prouexit me res ipsa, & filum istud responsum : tum etiam hæc caussa, quodd tibi homini Germano, & inter eos claro, probare nostram causam voluerim : maxime duplicem, quæ ad gentem, & quæ ad Cæsarem : amandam à me semper illam, & hunc colendum. Vtrumque facturus sum Monau & tibi. Vale. Leodici, Nonis Ianuarii, ∞. Id. xciii.

EPIST. XCIX.

ABRAHAMO ORTELIO S. D.

EN mi Orteli illam ad Monauium, quam legere te adeò non veto, imò volo. Scripta per hanc occasionem est, & quia quærebat ecquid in illum vellem?

vellem? Scripta inquam, de ipsâ re, & breuiter, sed fortiter satis ad me purgandum. Reliqua nolui tangere, quæ in me ferè dirigit, & nihil ad **ARAS FOCOSQUE PATRIOS**: & ea ipsa cùm glacie fragiliora sint, quid insistam? Caue autem tu aut alius aliò me traxeris: longiùs non ibo. *Si stimulos pugnis cadis, manibus plus dolet*, ait noster: non alius hîc fructus. In Busbequij morte, & tali morte, in animo meo dolui. Seruatum hunc virum per tot discrimina, apud exteros, apud barbaros, vt in limine ferè patriæ latronum manibus (ita audimus) periret? Sed cùm recogito, quacunque viâ illa venerit, mors est: & paucis viris magnis contigit illa, quam Augustus optabat & habuit, * *ἐὐδαιμονία* ^{* leuitas mortis.} *varia*. Sed loco eius * *εὐφροσύνη* contigit, & suauem ^{* fame bonitatis.} famam reliquit doctrinæ suæ, prudentiæ, probitatis. Nos quando ad hunc portum? Magis appetimus, cùm publica & priuata hæc naufragia videmus amicorum. Sed fiat quod Deo, & cùm Deo, visum: cui parère, & velle quod ipse vult, summa non sapientia solum est, sed tranquillitas & quies. Vale mi Orteli. III. Idus Ianuar. ∞. IO. XCII.

EPIST. C.

ABRAHAMO ORTELIO S. D.

VIDI epistolam meam diuulgatam, & dolui, quocumque casu aut culpâ id factum. Serio loquor. Hôcne oportuit me inconsulto? & an sic oportuit solam? imò & corruptam? Nam immutata in eâ quædam aut omiſſa, quæ vel optimè à nobis dicta. Ego Monauio non quidem irascor (quî possim tam amico?) sed tamen subitascor, quòd passus sit exscribi ab hominibus, vt res docet, parum

parum fidis. Atqui beniuoli illi mihi. Credo, sed an quisquam supra me? Vulnus ego meum optime intelligo & sentio atque vnà medendi tempus. Sed enim edi merebatur. Quis præsumit sibi hoc iudicium? mihi debebatur: nec feram in parente, si viuat, vt hac in re non dicam plus me, sed aliquid sine me possit. Tamen factum est: quid ergo faciam? nisi illud

*Peperitur,
tolerantem
animum isto
in pectore
gestans.
Homer.

Τλίσσεται ἐν στήθεσιν ἔχων ταλαπενθία θυμῶν.

Vndique mihi materies ad Patientiam, & latus campus in quo exerceam hanc virtutem. Sed iterum dico, Monauio non irascor: quem PECCASSE pronunciare non possum, sed PARVM CAVISSE. Ego in posterum: etsi quī possum, nisi vt planè stylum coërceam & hanc manum? Vnum est quod me lenit aliquid & mitigat, quòd epistolæ eius me non pudet, & recitetur vel in theatro Europæ. Tamen exempli improbi res est, nec probus aliquis neget. Vale mi Orтели. Leodici, vi. Kalend. Iul.

∞. IO. XCH.

FINIS.

L. AP.

L. APPVLEIVS.

1. *Floridorum.*

Hoc quoque genus inuenitur, qui meliores obtrectare malint quàm imitari, & quorum similitudinem desperent, eorundem adfectent similitatem: Scilicet vt qui suo nomine obscuri sunt, aliorum innotescant.

APPROBATIO.

Nihil continent hæ epistolæ fidei Catholicae aduersum, aut quod quemquam merito offendat. Actum Bruxellæ, 4. Augusti. 1592.

Cornelius VVorzel. S. Th. Licentiatius, D. Gud. Plebanus.

ANTVERPIAE,
EX OFFICINA PLANTINIANA,
APVD IOANNEM MORETVM.
M. DCI.

ANA,

V M.



E I

Ad I



E x C

Cum

IUSTI LIPSII
EPISTOLARVM
SELECTARVM
CENTVRIA
SINGVLARIS

Ad Italos & Hispanos, quive in iis locis.




ANTVERPIÆ,
EX OFFICINA PLANTINIANA,
Apud Ioannem Moretum.
CIO. IOCI.

Cum Privilegiis Casareo & Regio.

FR

B


S.



non sic
me scrip
mitus ve
Italiam
tasti ?
sapius :
nexu que
uere ego
animo,
fronte hu

3

ILL^{MO} ET REV^{MO}
FREDERICO
BORROMÆO,
S.R.E. CARDINALI, &
Archiepiscopo Mediolanensi.



NIMVS iamdiu me
impulit, munus ali-
quod ad te mittere: &
caussas habui à beni-
uolentiâ, imò & be-
nificentiâ tuâ. An
non sic interpreter humanissimam ad
me scriptionem, cùm in hæc loca pri-
mitùs venissem, quâ me non dicam in
Italiam, sed in domum tuam inui-
tasti? Et iterasti hanc benignitatem
sæpiùs: ut iure obligatum me fatear,
nexu quem profiteri magis, quàm sol-
uere ego possim. Et ecce profiteor
animo, ore, stilo: & hoc nomen in
fronte huius libri proscribo. Quem
Aa 2 non

non donum, sed syngrapham ad te mitto. quî autem donum, quod nec meum quidem dixerim? nisi collectione fortasse & ordine: cum singulæ Epistolæ singulos suos iamdiu dominos habeant, ad eos missæ & inscriptæ. Hoc tamen meum, quod sparsas vel errantes redegî in numeros & CENTURIAM: si vel eo nomine ac titulo leuîs hic miles dignus: qui ad eò arma aut ornamenta non habet, vt vix vestimenta. Simplex totum genus est, à cultu omni nudum: & quod sola extemporalitas vel commendet, vel excuset. Prodeunt tamen tuis auspiciis in lucem, imò in aciem: & quidni aciem? ita multi, velut famæ prædunculi; in subseffis hodie sunt, vt properos & incautos istos sermones excipiant. quid ad me? imò ad te iam Ill^{me}, cui perire eos deinceps aut viuere proclamo, domo ac manu mea semel missos. Tibi militent. & quam à viribus suis non spondeant vitam aut victoriam, à tuâ virtute & pruden-

5
tiâ consequantur. quæ vtraque in te clara sunt, &

— *quæ nec ventura silebant*

Lustra, nec ignota rapit sub nube vetustas.

Viuit etiam nunc in te, & heroicâ istâ indole, vel P I V S Q V A R T V S Pontifex Maximus, proauunculus tuus; vel patruus C A R O L V S B O R R O M A E V S, magnum vterque æui nostri sidus; cui alteri Concilium Tridentinum, absolutum promulgatumque, Christianus orbis æternum debebit: alter ea pietatis & virtutis eximiae signa impressit, vt non cum nostræ stirpis hominibus, sed

(*Fas mihi sanctorum veniâ dixisse parentum*)

cum illis è primâ & purâ Ecclesiæ luce comparandus, multis & præponendus, videatur. Itaque Mediolanum vestrum talem Antistitem optat semper, nunquam sperat: nisi in te fortasse, qui vt nomine & sanguine, sic virtute accedis. nam vt contingere te dicam,

bonâ tuâ gratiâ non possum. Sed illum
& te omitto: quia, vt poëta cecinit,

*Fucati sermonis opem mens conscia laudis
Abnuat:*

& vna ac verissima hæc illius laus est,
ex vero non posse laudari; tua, nec velle.

Ad me & munus meum redeo: quo-
rum vtrumque tibi confesco. istud vile
aut leue, vt dixi: me, vtinam talem, qua-
lem aut iudicas, aut optas! Louanij, pri-
die Kalend. anni noui ∞. IOCI. quem
felicem tibi, aliosque, ire voueo, vt ex
bono publico,

Ilicos aquare senes, aut vincere possis.



AD LECTOREM.

7



EN tibi, Lector, hanc CEN-
TVRIAM, nouo exemplo ad
duarum regionum populares
tantum scriptam. Causse mihi
huius abiunctionis fuerunt, tum vt confusio
tolleretur, in omni miscellaneo populo ti-
menda, tum ne iteratio ad varios, eadem de
re, eodem tempore, nauseam gigneret in ani-
mo lectoris. Est & alia causa, quam ego scio,
alius suspicetur: & tres istae effecerunt, vt
eligerem disparare. Nec sanè omnes etiam ad
eas ipsas duas gentes edo. qui possim? perie-
runt meâ aut amanuensium incuriâ multæ,
& quedam felicius fortasse natæ: nec magis
recolligam, quàm vates illa sua folia,

Quæ dispersa volant rapidis ludibria
ventis.

Quæ etiam debeam? sunt quedam graues,
seriæ, & in quibus de rep. aut consilia sunt,
aut iudicia: quæ submittere hodiernis linguis
aut censionibus, non dicam parum tutum
esse, sed & hominis parum tuti. Ego in his
paucis si pūcta suffragij tui feram, excitabor

A a 4

ad

A D

ad colligendas reliquias: tui,inquam,suffragij, qui inter bonos doctosque es, & cuius mentem luor aut imperitia non habet. Nam de talibus, quid ad me? scio & Momum, cum Venerem carpere non posset, sandalum eius obtrectasse: ita hictales tale aliquid, quod in factioso isto auro non sit ad huius aut illius gustum. Equidem inter eos esse me fateor,

— quos nec

Falsus honos iuuat, aut mendax infamia terret:

tamen si bonis etiam ista non bona, desino, nec scopum me vltra propono. Euripidem magis audio:

• Simplex
malu cum
liceat, haud
feram du-
pium.

* Απλᾶς δὲ λύπας ἔξον, οὐκ οἶσω διπλᾶς.

INDEX

IN

A

Alfonso

The

Andrea

Iesu

Angelo

& 18

Antonio

lxxvij

Antonio

lxij.

Ascanio

nali

Balthasa

gato Reg

Benedictio

Theolog

Bonauentu

nenfi, So

cisci sup

Casari Ba

dinali

Carolo La

Cyrbio Al

dinali

Emanuali

xerj.

Emanueli

INDEX EPISTOLARVM CENTVRIÆ III.

- A**ENEÆ Vifanio Do-
ctori Medico xxij.
Alfonfo Ciacconi Doctōri
Theologo vi.
Andrea Schotto è Societate
Iefu xxxvj.
Angelo Spanochio, Patricio
E Iſto xxvj.
Antonio Couarruua viij,
lxxvj.
Antonio Poſſeuino Soc. Iefu
lxij.
Aſcanio Columne, Cardi-
nali xl, lxix, lxxxvi.
Balthaſari de Zuniga, Le-
gato Regio lxxxij, lxxxix.
Benedicto Aria Montano
Theologo ir.
Bonauentura Calataiero-
nenſi, Sodalium D. Fran-
ciſci ſupremo perfectō lvi.
Caſari Baronio ix. Car-
dinali lxxi, xcvi.
Carolo Laſaillio lxxxj.
Cyntbio Aldobradino, Car-
dinali xcviij.
Emanuali Correa Luſitano
xcvj.
Emanueli Sarmiento de
Mendoça, Doctōri Theo-
logo lxxxix.
Erycio Putcano lviij, lxxix.
Ferdinando Diazio Luſi-
tano ij.
Flaminio Moro xviij,
xxviij, xxxv.
Franciſco Bencio xj.
Franciſco Houio lxxvj.
Franciſco Leonino xxj.
Franciſco Orano, XII.
viro litibus iudicandis
xxxix.
Franciſco Sfortia, Cardi-
nali liij, lxiv.
Frederico Barromao, Car-
dinali xix, lxxij, xcij.
Fuluio Vrfino xlvij.
Gabrieli Palaotto, Cardi-
nali xliij.
Garcia Figueroa, Regi à ch-
biculo lx.
Gaſpari Schoppio lxxxv.
Gaſtoni Spinula, Guberna-
tori Limburgenſi xlv,
lxxx, xcj.
Guilielmo Scarbergero ſuo c.
Hieronymo Mercuriali j,
viij, xliij, lxxviij.
Aa 5 Iacobo

70

<i>Jacobo Maria, Campanacio</i>	<i>Martino Idaqueo, Regi à se-</i>
<i>xxv.</i>	<i>cretu xxxiv,</i>
<i>Jacobo Sirmundo Societatis</i>	<i>Matthia Ouando, Doctori</i>
<i>Iesu ij.</i>	<i>Theologo l</i>
<i>Innocentio Maluasia, Nun-</i>	<i>Melchiori Zoppio xxij.</i>
<i>cio Apostolico xx,xxxj.</i>	<i>Nicolao Damantio, Braban-</i>
<i>Ioanni Baptista Hansenio</i>	<i>tia Cancellario xxx.</i>
<i>xi.</i>	<i>Nicolao Micaultio lix,</i>
<i>Ioanni Baptista Sacco xiv.</i>	<i>lxxxvj.</i>
<i>xlj,lvij, lxx, lxxij.</i>	<i>Nuno Mendozio Lusitano, à</i>
<i>Ioanni Costao, Doctori Me-</i>	<i>cubiculo Principis lxxxiv.</i>
<i>dico. xxix, xxxvij.</i>	<i>Ostauio Episcopo Tricaricēsi,</i>
<i>Ioanni Ferdinando Velas-</i>	<i>Nūcio Apostolico xxxvij.</i>
<i>cio, Comestabili Castelle</i>	
<i>xlviij, lxxj.</i>	<i>Paulo Monelia Genuēsi Pa-</i>
<i>Ioanni ab Hollandt lxxv.</i>	<i>tricio xij,lv, lxxvj.</i>
<i>Ioanni Idaqueo, ab interio-</i>	<i>Petro Enriquez, Comiti Fō-</i>
<i>ribus consilijs Regi xxxij,</i>	<i>tano, Gubernatori Bel-</i>
<i>xlvj.</i>	<i>gica xij.</i>
<i>Ioanni Michaelio, Equiti,</i>	<i>Petro Pantino Decano Bru-</i>
<i>Procuratori sancti Marci</i>	<i>xellensi lxxiv.</i>
<i>xvj.</i>	<i>Petro Pendasio xxxij.</i>
<i>Ioanni Ramirezio ab Arel-</i>	<i>Philippo Pigafetta xcij.</i>
<i>lano 1^{to} liij</i>	<i>Roberto Bellarmino Cardi-</i>
<i>Ioanni Veraflegui, Præsidi</i>	<i>nali xcviij.</i>
<i>Censory tribunalis xliij.</i>	<i>Stanislao Rescio, Legato</i>
<i>Ioanni Vincētio Pinello lxxvj,</i>	<i>Regis Polonia xij.</i>
<i>lxxvij.</i>	<i>Thoma Segeto lxiij.</i>
<i>Ioanni V Vquerio xciv, xcix.</i>	<i>Triumviris Instauratoribus</i>
<i>Iulio Casari Velio lxxxij.</i>	<i>Academie Patanina xv.</i>
<i>Ludouico Perezio l.</i>	<i>Valenti Acidalio x,xxxvj.</i>
<i>Lupo Dionysio à Castella liv.</i>	<i>Vlyssi Aldroando xvij, xxiv.</i>
<i>Lupo Soarezio, Episcopo</i>	
<i>Portalegrensi v.</i>	

IVSTI

IVSTI LIPSII
EPISTOLARVM
CENTVRIA III.

EPIST. I.

Pisae.

IVSTVS LIPSIVS HIERONYMO
MERCVRIALI S. D.



ERTE rarò inter nos scribimus,
& id pro affectu meo in te dolet.
Quid mihi gratius, quàm te affari
& alloqui, quem amo, & æstimò
vnum nunc panè Itolorum? Sed
loca nos seiungunt, vt vides; atque
etiam miseræ istæ temporum, & dissidia animo-
rum. Cui rei tamen medicina nunc in parte. Nam
ego me abduxi à locis, in quibus vixi hætenus, &
transuli in Germaniam ad loca puriora. Puto me
capis. atque occasio erit non solum sapius inter
nos scribendi, sed etiam liberiùs, remoto omni
metu illo suspicionum, quæ me frustra premebant.
Ego bonus sum, fui, & magis palàm ero. Tibi, pro
amicitiâ nostrâ, liberè hoc indicatum volui. De
Magni Ducis Etruriæ honestâ conditione, quam
mihi defert, nihil adhuc accepi, præter ea quæ lit-
teræ tuæ strictim delibant. Tamen, vt nunc valetu-
do & res meæ sunt, parere & obsequi vix possum,
etsi benignissimè vocanti. Italiam vestram amo
supra omnes terras, sed frui eâ & vobis multa nunc
vetant: vtinam tamen vel cursim iterum possem
inspicere, & vos tales amplecti! digito videar mihi
cælum tangere, & beatus esse supra omnes beatos.
Videbo

Videbo quid valetudo feret, in quâ curandâ nunc totus sum, & ad fontes acidulos me conféro, ad intemperiem hanc mitigandam aut (ô vtinam Deo visum) tollendam. Vale vir maxime, & semper mihi care. Francofurti ad Mœnum, xviii. Kal. Maijas. 66. 16. xci.

EPIST. II. *Hamburgum.*

FERDINANDO DIAZIO LVSITANO.

SICUT ij qui in suavi concentu Musico fuere, sonores & harmoniam in auribus secum ferunt; sic nobis à tuo suauissimo conuictu Hamburgi factum, & te, sermones, conuiuia loquimur etiam, non solum cogitamus. Nam, per Deam, quæ tua in nos comitas, quæ liberalitas? quæ vita & mores? Cepisti me, è pectore dico: & æternum inhabitabis hoc ipsum pectus. Enimuerdò hominem ignotum ignoto eam benignitatem & prothymias, vt cum Plauto hoc dicam, exhibere, mihi hætenus ignotum; & adscribam meritò occulto alicui ast. o, quod me tibi temperat & iungit iam mores tui, quales. non melius quàm Poëtæ verbis descripserim:

— *fecunda quies, virtusq; serena*

Fronte graui, seuusq; decor, luxuq; carentes
Delicia. —

Habes opes, industriam, litteras: sine iactantiâ, procaciâ, vanitate. Felicem animi & iudicij! mane in hoc limite, & inoffenso pede ad calcem decurre. Nec patria te moueat, de quâ in vltimis verbis tuis quærebare, & tristiora præfagebas, quàm in resunt aut erunt. Audi me. nihil noui ei factum, rediit à quibus auulsa est, & post annos cccclx. amplius, reliquo Hispaniarum corpori est inserta. At decus eius & imperium periit! regna alia considera,

fideta, non nouum. Illud Syriæ, Ægypti, Iudææ,
Macedoniæ vbi est?

— quicquid in altum

Fortuna tulit, ruitura leuat.

& sapiens ille verissimâ imagine: * πάντα τὰ ὄντα
ἀνέχουσιν, ὡς αἶψα ἐν Εὐρώπῳ, ἀπὸ καὶ κάτω σέφεται. Hæc * Omnia
meditemur, philosophemur. & sicut nube ingruē- que sunt,
te sub tectum confugimus: sic in calamitate ad Sa- velut in Eu-
pient æ hanc arcem, quam fortuna nullis machinis ripo, sursum
euehit. Mihi quoque opus, ô amice. & priuatim ac deorsum
calumniæ, incommoda, damna circumstant: sed vt
gubernator fluctus affilientes negligit, manum in
clauo habet, oculos in astris: sic nos oportet, quod
benè agimus agere, & mentem ad Deum referre.
Ego in eo sum, & consilium meum nosti. neque
profectò decebat, cui natura cum bonis esset, vitam
vltrà cum aliis esse. Vale, & nouum quidem, sed ex
asse amicū habere. Aquis Spadanis, xvi. Kal. Iul.
60. IO. XCI.

EPIST. III. Romam.

IACOBO SIRMVNDQ Societatis Iesû.

GRATIAS tibi mi Sirmonde habemus &
dicimus, quo nomine? inquires: hoc ipso, quod
tam grata illa ad me misisti. Etsi enim non à te, ta-
men per te accepi. & vt in digniore munere, etiam
grati aduersus baiulos sumus, & munusculo prosequimur; sic egote isto litterarū. cuius operâ & curâ
sacra illa donaria accepi. Estne caussa scribēdi alia?
etiam simpliciter enim agere debeo: Audiui à no-
stro Delrio ea de studio non virtutis solū, sed
eruditionis tuo, quæ excitauit me ad amorem.
Eum sēd nunc defero: si referre placet, fiet ami-
citiz nexus & copula, quæ ante extremum diem
metuat

metuat solui. Urbem vibium, in quâ nunc agis, à Bencio meo desertam, tenui famâ acceperam. cur nō autem ipsius litteris? nisi si subitum hoc iter fuit, ut solent vestra. Nos breui, nisi fallor, Louanium, idque habitandi causâ: nec aliâ re magis aut spes aut sermones inciderimus improborum. Nisi enim decreto bonus essem, an sic me darem in ipsam bonorum arcem? Et possent nos reuocare aliqua: ut quod locus nunc infrequens, quod limitaneus & parum tutus: sed Pietatis illo aspectu omnia spernimus, & cum Pindaro, * *θεῶν δὲ τῶν ἀρχῶν, ὅθεν δὴ τὸ καλὸν*. Vale mi Sirmonde, & vota pro me interpone. Leodici, postrid. Idus Iulias. ∞. 10. XCII.

• Deo divi-
gente, nihil
est quod ar-
ceat.

EPIST. IV. *Hispalim.*

BENEDICTO ARIÆ MONTANO

Theologo eximio. S. D.

MIRA & sagax tua beniuolentia. ego vix has Moras attigi, & litteras tuas video, aduentum gratulantes. Quis indicium fecit, nisi fama illa. cui adstipulari nunc possum celeritatis, vel ab hoc exemplo? Sed ita me Deus & omnes cælites, ut iucunda mihi hæc tua gratulatio. illa tantum? beneficentia adiuncta, & munus vnâ mittis. Nec hoc, sed offers etiâ alterum, & inuitas me in Hispaniam, & tuam urbem, imò domū: nec ut hospitem, aut amicum, sed (eo verbo vtendū est) quasi filium. & quis mihi crederet te viuo rerum tuarum consortium, mortuo successorem ex asse offers. O pectus benignum, effusum, & cui quid aut quomodo respondeam? Profecto redigor ad silentium, non excitatus beneficiis tuis, sed oppressus. Atque hæc delatio mihi maior, quia à tali viro. Inter vetera scitè dicta, Crispi Passieni, opinor, hoc est, *Malle si à Claudio beneficium, ab Augusto iudicium*: at à te ego ecce vtrumque accipio,

accipio,
me bea-
quem
aliter q
mittit,
munite
opitulan
dus dicit
vram di
conceper
canalem,
includit:
& benefi
illâ intim
nostris, p
sed aut b
terpretat
me ama
iam effec
Louanij,

Lypo

QUID
ver
Plantinu
gnè iudic
num, pr
minus pos
epistola tu
cupidinen
amplecter
opes non a
Itaque ed

accipio, cuius vel iudicij vnus elogio censuerim me beatum. Sed age mi Aria, tu illum imitare ad quem accedis. da beneficia, offer beneficia: non aliter quàm arbor pomis grauida, quæ ramos demittit, & quasi inuitat ad carpédum. Ego me communiter olim tuum, qui totum nomen Belgarum opitulando & subleuando in asperis illis temporibus deuinxisti, nunc propriè sic obstrictum sentio, vt non dicā paria facere, sed nec linguâ, stilo, mente concipere possim. Sicut aqua multa per exiguum canalem, quæ vult egredi, impetu ipso sistitur & se includit: sic mihi fit, qui copiâ beniuolentiæ simul & beneficentiæ tuæ obruor: atque hanc remitto, illâ intimis votis, vt in me serues, deponco. De rebus nostris, pauca adhuc scripserim, recēs etiam de viâ: sed aut bonæ erunt spero, aut ego bonas faciam interpretando. Vale vir optime, maxime: & æternum me ama tu, pænè dixerim, æterne. Certè ingenio iam effecisti, vt mortalitas tua finiri possit, nō vita. Louanij, Nonis Septembris, ∞. 10. xcii.

EPIST. V.

*Vlyssiponem.*L V P O S O A R E S I O, *Episcopo Portalegrensi.*

QUID hoc esse dicam non affectus, sed vero verbo ardoris, quodd nulla à te epistola ad Plantinum, quin de me & sollicitè quæras, & benignè iudices, & amanter salutes? Diu sustinui manum, pronam scribere, & affectum reponere (quid minus possum?) sic prouocanti: donec hæc vltima epistola tua laxauit, in quâ eò descendis, vt vota & cupidinem etiam interponas mei videndi, atque amplectendi. Significas dignitate auctum te, & opes non animum tantum esse ad benefaciendum. Itaque etiam inuitas. Maeste ô antistes! cui vtinam
similes

si niles (nam pares nolo dicere) plures Europa nostra habeat, felicius tranquilliusque regenda. Sed pretium quod artibus istis apud nos sit, pudet vel patriæ causâ dicere: iacent profectò, atque ij qui eas præferunt & profitentur. Sicut pueri trochos, pilas, pupas & leuia rerum admirantur, securi uti-
lium: sic plerique è nostris ad vana diuertunt, honesta non neglegentes solùm, sed illudentes. Sed & publicè oleû huic lucernæ parcè infunditur: quod dicere tamen magis me scito, quàm queri. Nam ego cum illo veteri,

Felicem sciui, non qui quod vellet haberet,

Sed qui per fatum non data non cuperet.

In hoc æuum nati, in hanc sortem sumus: apto me ad illud, & hanc fero, sublimi animo, vtinam corpore tam valenti! Sed illud me deferit, lentum, languidum, & abiungi palàm minatur. Quid nouum?

— ibimus omnes,

Ibimus, immensis vnam quatit Aeacus vmbis.

Atque hæc talia in Thraçæâ nostro inclusa: de quo quaris, & elicis frustra. Ille caput non profert, & in vtero abortit hic infans. Vale vir Reumæ & magis tuo merito, quàm Regis beneficio magne. Lug. Bat.
x. Kal. Ian. 60. I. c. xc.

EPIST. VI.

Romæ.

ALFONSO CIACONI Doctõri Theologo, S. D.

SVADET affectus meus, sed & tuus, vt ad te scribam. De meo; quomodo non is ad te inclinet, qui me ignotum beneficio, & quidem in re summâ, affecisti? nec enim ignota nobis sunt, quæ Romæ gesta. De tuo; illum ipsum amicum mihi esse, tum sermo quorundam, tum propugnatio eæ famæ scriptorumque meorum, palàm ostendit
Quam

Quam etsi iudicio datam arbitror, & cupio; tamen quòd tam prompta, quòd tam sollicita, adscribo etiam certè amori. Gratum me esse dicam? sum animo: verbis ægrè possum, minùs factis. Delego hoc nomen superis, & illos voto conuenio, vt pro me soluant. Sed tamen iudicij, & actionis tuæ, quòd minùs te pæniteat, hoc addo: esse me corpore, vt antè animo, apud bonos: & mansurum, quandiu hæc vita. In scriptis ipsis meis, siquid minùs lucet aut liquet; non offero solùm interpretationem aut emendationem, sed promitto. Hæc puro animo ad te: atque etiam illud. si minuta quædam offendunt quosdam (ita intelligimus) ea ipsa paratos aut corrigere, aut potius delere. Audio esse, qui de Bembo aliquid liberius dictum impatienter ferant. Atqui virum eum depressum non iniimus, sed iuuentutem retractam volumus ab imitatu iunculis quibusdam, vt nunc quoque censemus, ineptis. Scimus in versâ & prosâ oratione virum illum valuisse: sed in vtraque extra omnem iudiciorum aleam positum esse, non censuimus. Quid si cum modo & modestiâ illa ipsa diximus? mihi videor: & si ab iis abiui; nihil recuso liberâ admonitiunculâ intra limites compelli. vtinam tu vsurpes! audis enim iudicia illuc & voces nationis, quam nolo equidem offensam. Sed vellem iudicia semper, & nequid affectus officiat. quia vt oculus, in quem humor illapsus est, parum clarè videt: sic mens, in quam ille. Ego hæcenus ita censui. vt in musicâ concentus quidam discors probatur; sic esse in studiis, nec liberum aliquem dissensum improbari, si citra conuicium aut litem. Sed vno verbo, tu iudex hic atque alibi esto: & siue mitiùs ea dici, siue non dici voles, fiet. Librum tuû de *Signis cræcis* vidimus, libenter & opportunè, vt qui in simili iam argu-

mento versamur, *De supplicio Crucis*. Baronius si notus, aut potius quia notus, velim à me salueat, vir quem meritò boni & docti amant. Idem de *Consilio Pontio Leone*, cui iamdiu in pectore isto locus. Vale vir eximie, & nobis care. Leodici, postr. Nonas Iulias, co. Id. XCII.

EPIST. XVII.

Pisas.

HIERONYMO MERCVRIALI S. D.

EXCVSARI me ante omnia meritissimò cupio, quod ad litteras tuas siluisse ais: quas testor sanctè, præter illas de Etrusco negotio, vidisse nullas. Atque ad illud respondi, & ex Wittendellij litteris video meas quoque perlatas. An ego Mercuriali meo respondere grauarer, qui de plebe hominibus operam hanc defero? absit. Vtique in seriâ istâ & graui re, & quæ ab eo profecta, quem caput agnosco Reip. Christianæ. De quâ vt breuiter & candidè respondeâ (ita ingenium meû, & amicitia nostra postulant) sic habe. Ego me honore summo affici, quòd à summatis illis viris dignus loco illo in primâ vrbium iudicer, intra me sentio, & gaudeo: cum tristitia tamen illo morfu, quòd nec eorû voluntati, nec meæ inclinationi, fas mihi, hoc quidè tempore, parère. Hæremus enim, tui Mercurialis, & implicamur veteri nostro morbo: qui meliorem hunc vitæ vsum mihi adimit, & non finit esse earû rerû, ad quas aptus videor, & vos vocatis. Tu scis, quæ vis & effectus Atræ illius bilis sit: quam nos diluere & mitigare (tollere, vix ausim sperare) conamur, vfu fontium acidorû, qui sunt in hoc tractu. iuuare aliquid videntur. si plenè & bonâ fide, tû deniq; seriò agere & deliberare mihi libeat, de honestissimo munere, quod defertis. Ego Italiæ amorem
non

non exui, parentis olim & nunc ingeniorum, & al-
trix: nec stimulos volo qui illuc impellant alios,
quam internum hūc affectum. Quid etiam, quod
auctoritas, imò nutus summi mortalium, mihi pro
omni illicio & suasionē sit? meritò: qui agnosco
obnoxium & subiectū esse debere, quidquid in ter-
ris est, capiti huic diuino. Sed causa illa magna, &
verè fontica, valetudo, efficiet non ut negem, sed ut
differam obsequi: donec Deo visum, firmiorem
commodioremq; me reddere, & parem muneri, cui
destinastis. Id eum rogo, si mihi ex usu & salute est:
teque Clarissime Mercurialis animo amplector &
saluto. Leodici, xi. Kal. Iul. ∞. IO. xcii.

EPIST. VIII.

Toletum.

ANTONIO COVARRUVIAE S. D.

OMI Covarruvia, quā lætum lubentemque
Lipsium tuū fecisti! oculis opus sit ut credas,
manus hæc non est exprimendo. Ergo tam amicas,
post tam longum intervallum, litteras? ô candorem,
ô fidem! Atquin ego nec esse te, nec talem certè in
me esse, in omnium illis amicorum silentio, iam
sciebam. Causam dicis candidè, & gaudeo, atque
etiam approbo. Quid enim excusē? offendimus
diuturnā illis morā: & cum fluctus isti magni nos
eiecissent, stationem illā habere fortasse licuit, non
licuit portū. Sed purgat animus inprimis iste, Deo
teste, propior semper bonis: tum etiam fortis hæc
mea discessio, fortis? imò pænè violenta. ita me
eripui iis, quā vi quā astu, qui arctis lentisque
vinculis detinebant. Deus mi Covarruvia fuit,
Deus qui adiunxit. Ego & mea (mea, id est scripta
& libri) iam salui sumus: nec Leodici ultra, sed
quod gaudeas, Louanij in ipsa bonorum arce.

Bb 2

Nun-

Nunquid magis palàm possum ostendere me esse, qui sum? id est, pietati & regi consecratum? Atque ego (Deus faucat) hanc mentem habebo, quamdiu vitam. In scriptis nostris siquid obscuri aut ambigui est, aut siquid etiam prauis declarabitur, affirmabitur, corrigetur. Crede firmiter,

* Nam tibi
firmiter hæc,
animique ex
mente, pro-
fatur.

* Τοι δὲ γὰρ τοι πάντα μὴ ἀπεκείως ἀγορεύω.

De me hæc. Illud in litteris tuis & nouum & iucundissimum, de viro Principe Ioanne Siluâ Comite Portalegrensi: quem non amicum solum litteris, sed etiam nobis significas, rarum in illustribus illis hodie bonum. Atque is, quod meas etiam ad te miserit, quàm me deuinxit? Si occasio est, significa: & non moris dicisque causâ, sed ex pectore, pectus hoc illi dona. Amamus veneramurque meritò tales, olim in vestrà gente crebros: cur non nunc? & ad laudem militiæ, quâ per omnes, imò super omnes, gentes florent, hanc quoque adiungunt sapienciæ & litterarum? Fiet paullatim, spero; utique cum Principem nostrum ire hanc viam audio, & institui fingique optimis artibus, quæ culmen illud ornent. De studiis nostris siquid quæris; paramus ordine dare historicos plerosque priscos: & nunc velut extra ordinem damus tres libellos de *Cruce*. quo argumento? inquires. mixto, & partim sacram, partim profanam historiam iis illustramus. Quidquid in supplicio illo olim fuit,

* A pedibus
usque ad
verticem
sibi dixero.

* Εκ τῶν ποδῶν εἰς τὴν κεφαλὴν σοι παντ' ἔρω.

ut cum Aristophane dicam. Videbis breui, saluebis, & me amabis. Louanij, III. Idus Octob.
∞. IO. XCII.

EPIST.

EPIST. IX. *Romam.*

CÆSARI BARONIO S. D.

IAM DIV est cūm animo feci, quod re nunc præsto. Scripsi inquam ad te, & cōire volui amicitia quoddam fœdus. & nōne me inuitet virtus & eruditio tua multiplex, & clara per Christianum orbem? Addo iam & beniuolentiam, quam nuper ostendisti palam, in re meā curandā, & commendandā. Quod ad famam meam pertinere visum, id vltro suscepisti, & laborasti pro me, quasi pro amicissimo, aut ipso te posses. Ego hæc non scribo in obliuionis aquis: amo te iam olim magne Baroni, & deinceps magis magisque volo. Sum nunc denique purus, inter puros: & hoc quod agitatum de *Politicis* meis corrigendis, ipsi fecimus, vti amicus noster (nam & tuus certè.) *Henr. Cuyckius*, eximius Theologus, dicet aut scribet. Ad summam, amo te & colo: vt alterum mihi facias, te rogo. Louanij, III. Kal. Iun. 66. I. O. XCIII.

EPIST. X. *Patauium.*

VALENTI ACIDALIO S. D.

TV verò quid facis mi Acidali? Amicitiam meam ambis? abi, abi, frustrā: quid ita? iam diu habes. Testor Kalendas anni huius auspices, & ita mihi felix ille eat, vt te amaui cūm primum factum illum ingenij tui vidi, *Velleianas Notas*. Leuiculas, inquis. Audacter dicito, & in hac modestiā consta. O ornamentum iuuentutis, pudor: seges veræ gloriæ & doctrinæ! Alij, inquā, omnes melius de te, quā tu sentiant: & sic parua tibi videantur quæ feceris, vt maiora cottidie possis. Vix autem

Bb 3 facier,

faciet, qui facere se iam putat. Sed ad amorem. in clausula illius libelli tui, quam veri & viui ignes? sensi, tetigi, & me quoque iam tunc accenderunt. Quid nunc, cum ventilas eos velut flabro suauissimarum epistolarum? vno veroque verbo, Amo: & velut ad aras tibi, cum poëta, spondeo:

tu haud
carpet me
obliuio, qui
diu In viuis
fuero, &
mea cura
hæc membra
mouebo.

* — σέθεν ἐκ ἀπλήσθημαι, ὅφρ' ἂν ἐλθῃ
Σοῖσιν μετέω, καὶ μοι φίλα γένηται ὀρώρει.

Cerè, naturâ ipsâ duce, amo ingenia, quæ rectiora video, & ire ad bonâ famam. Ianum Guilielmium, popularem tuum, quanti fecerim, ipse sciuit, atque etiam posteri, si vita aut gratia meis scriptis. Tu succede. quoniam Deus illū eripuit, optimum & uo pessimo & constituit in felici illâ sede. Nos quoque (an aliquid vaticinabor?) breui illuc imus, ut uale-tudo hæc dictat. vacillans, tenuis: tu uine nostri memor, & vale. Louanij, Kalend. quas dixi anni
cc. Io. xciii.

EPIST. XI.

Romæ.

FRANCISCO BENCIO S. D.

M IHI verò exclamare magis lubet, O negligentiam, ô perfidiam! & nondum meas tibi redditas esse? tibi vni? imò & Baronio & Bellarmino, ad quos utrosque scripsi. Quid autem scripsi? benignè & candidè, quod in animo sentio, rem totam me permittere arbitrio ipsorum. Mihi tamen & notas, uti hîc correximus, censore publico Henrico Cuyckio approbante. Mi Benci, alibi molles fortasse simus: in re pietatis, sic ut ferrum. Prima illa & summa opinio est, nihil hîc sapere præter id quod Ecclesia præfca, id est nostra. Nam qui aliquid libauit è Patribus aut Conciliis (nos fecimus) scit illam esse ynam. Sed frustra, opinor, hæc iterò, & nostras

nostras ia
kins ad
Stanila
elegæter
cis imit
atque ea
nam ha
ras vica
plisti Le
inscribe
tuis sign
mihî est
tuasque p
Kal. Sep

STAN

OBS
coq
& retroc
tam subtr
loqui? Ca
triumphu
seruas. No
nere, qui
in laudes
nimis ber
epistolâ, &
hæc iudic
bet petere
peccatum
cum deci
quoque a
qui de rel

nostras iam accepistis: nostras, inquam, nam Cuyckius adiunxit. Accepi nunc nuper epistolam à Stanislao Rescio, Deus bone qualem, & quàm non elegàter solum, sed nouiter scriptam! Me in Politicis imitatur, & frustula sumit ex auctoribus priscis, atque ea nectit. me imitatur? imò superat, & coronam hanc è capite meo illi dono. Ecce ad eum litteras vicarias, virum & titulum probè non noui (scripsisti Legatum Regis Poloniae esse) ergo tu pro me inscribe, & decòrum hoc serua. Id ipsum proximis tuis significa, quia percolere amicitiam cù illo viro mihi est in votis. Salue mi Benci, & per te quoque tuasque preces fac me magis saluum. Louanij, XIII. Kal. Septembres, ∞ . 10. XCIII.

EPIST. XII. *Neapolim.*

STANISLAO RESCIO, Legato Regis Poloniae.

OBSTUPVI ad tuam epistolam, & vt legere cœpi, statum non tenui (rem narro) sed resiliui & retrocessi. Tène, aut quem alium, in hoc genere tam subtiliter, tam scitè, & tam familiariter etiam loqui? Cæcidisti me in meis castris, fateor; & aut triumphum de me cape, si pergis; aut ciuicam, si seruas. Non hæc sunt verba, quis tu in alio trito genere, qui in hoc subito & inopinato sic excellis? Sed in laudes tuas parco, quas in me quidem conguessisti nimis benignè. O vim amoris! nam is elucet in tuâ epistolâ, & video eum vt si in ipso corde. Ille est, qui hæc iudicia tibi dictat, ille qui ad me mittit, & iubet petere, quod debebam deferre. Sed in ordine peccatum sit: in re non præuertes, & pari passu tecum decurram stadium hoc amoris. Nam eum quoque affectum in me cadere, Bencius tibi dicer, qui de religione non celauit. Ea prisca in nobis est

(sepone omnes curas) & erit, auctore ipso fidei adiuvante, quamdiu ero. Enimvero quem modicè peritum antiquæ historiæ & ecclesiæ, in Græcis Latinisq; patribus versatum, ceperit hac novitas: quæ surrexit ad turbas, utinā non exitium, Europæ. Nos abhorremus, & claro fortique exemplo docuimus, ausi à locis in quibus ea erat. Ad bonos venimus, etsi iacentes & exhaustos: quia finis mihi nō ditiori, sed meliori esse. Gratia tibi Magne Deus esto (tuum hoc munus:) nunquam alacrior aut erectior fui, quam in iacente hac publicâ & privatâ nostrâ fortunâ. Sed publica, ut spero, resurget: & à quâ parte æquitas stat, felicitas etiam stabit. Ego interea in quiete, libris scriptisque nostri is inuolutus; quæ voluptati mihi sunt, ut pietas salutis. Hanc salutem toto animo tibi voueo, & me ipsum deuoueo deinceps tuum. xvii. Kal. Septemb. .cc. l. .xciii.

EPIST. XIII. *Antuerpiam.*PAULO MONELIÆ *Genuensi Patricio. S. D.*

ANTVERPIA vestra plures amicos mihi dedit & nuper ostendit, quosdam veteres, quosdam novos: atque inter hos te, mi Monelia, animo planè meū. Affectus tuus in me, & bonas artes, ita clarus & ardense est, ut Pyrrho si sim vix dubitem, & redamare cogar sic amantem. Facio profectò, & hoc in chartâ istâ consigno & testor. Italia vestra plura ingenia ob omni ævo dedit, & aluit: fac ut tuum inter ea censeatur, & Ligures quoq; vestri veniant in hanc famam. Habes inter tuos, qui eminuerunt, aut eminent: atque inter eos scriptorem historiæ Lusitanicæ, mihi prudentem & probum. Tua quoque vidi ad ius scripta, laudanda profectò, sed hætenus, ut gradus tibi sint ad maiora, non ut meta,

Ætas

Ætas adest, ingenium, industria, opes etiam; id est,
omnia quæ ducere te ad alta aut ad summa possint.
Hortor & faueo; si quâ possim, etiâ iuuo. Experire,
Louanij, Nonis Nouemb. ∞. IO. XCIII.

EPIST. XIII. Mediolanum.

IO, BAPTISTÆ SACCO S. D.

QUOD te non fugit, varias, & à summis etiam
viris dignitate aut doctrinâ, litteras accipio:
sed tuæ me inter primas delectarūt, & voluptatem
inopinatam animo infuderunt, Ioannes Baptista
Sacce. Quid ita? non ob causas, quæ tibi cum aliis
communes, sed ob vnâ hanc eximiam, & in te
propriam; quod in eâdem domo & familiâ egeris
magni illius viri, heu quondâ nostri. Pectus meum
mouit ea lectio. quia mortuum etiam nunc colo &
veneror, & manes illius æternum mihi sancti. Benè
fecit mihi, fateor: mihi, parum est, sed etiam rei-
publicæ, & toti, vt verbo dicam, Christiano orbi.
O consulta eius consilia! quibus vtinam aut sem-
per, aut non tardè vsi essent magni reges! Pruden-
tiæ imaginem in terris si quis pingere aut cernere
voluisset, credo eundem fuisse ad hunc nostrum.
iam animus quantus, & quàm altus? pariter vt
corpus. Quid probitas & benignitas? summa. quis
amor in artes & litteras? magnus: & eò minus mi-
randus, quod plerâsq; illas sciebat. Pulchritudinē
peruiderat, & idèd amabat. Sed vide, quàm in ipso
initio eâ extra calcem: te alloquor, & de alio loquor.
Hoc ipso discēs, quàm magni mihi illa causa,
quam amicitie nostræ prætendis, quod ille apud
me tam magnus. Serio & ex animo loquor. Amavit
te? te amo. Amasti illum? magis etiam amo. Et ac-
cedunt hæc alia, quod mea & me æstimas, & ultra
Bb 5 pretium

pretium suum (cur rem non dicam?) dilaudas. dilaudas tamen cum iudicio, & liberè etiam aliquid mones. Hoc est, non dicis te amicum, sed probas, Illa ipsa quæ de religione suggeris, iam aut vidimus, aut moniti ab aliis sumus; & *Politica* nostra recuduntur, cū immutatione aut lenitione, quæ erat opus, Tibi nihilominus gratia. & tales mihi sint amici, qui utroque calculo utantur, albo & nigro etiam cū est opus. Nam laudare in promptu est, & sine labore peragitur: iudicatio cum intentione & penitiā est, & virum quærit. Scribis deinde de iudicio quodā nostro, quod super *Consolatione* feci, falsò (ita sentio, & sensi) Ciceroni inscriptā. Moveri te auctoritate meā scribis, sed requirere tamen causas, quibus eò sim inductus. Prompti eas, mi Sacce, iam olim, & publicè vulgavit Plantinus noster in eo ipso libello, quem excudit. si voles, pete. Etsi fortasse quædam etiam illuc calida: ut est ratio mea scribendi, præsertim in epistolis, nec nego: ne excuso quidem, ne bis peccem. Verè hoc quoque notas in epistolā, ubi de eā re * *παρρησιος*: sed quid faciam? candidè hoc apud te promo, talia ista impetu & calore quodam scribimus. Neque id peccatum fortasse; sed illud, quòd vulgamus. Amici inducunt & trahunt, mollem naturā, & facilem sequi. Sed & illud audi liberè. miror vos viros tales, æui & iudicij maturos; eruditione perpolitos (talem enim & *Folium* habeo) ambigere in ista re, quæ mihi extralitem videtur. Affectus aut præsumptiones ponite: quid in eo libello, re aut dictione dignum Tullio? Vulgare aut frigidum totum negotium. nec excuset vir doctus, quòd in dolore. Ille verò faces etiam admouet, & facit omnia magis excitata. Quis auctor tamen sit, haud temerè dixerim; suspiciunculas moui. & vos vel nunc dicite, ubi verus illud & primo-

abiter.

primo
affectu
profe
nemo
seam
& nil
natur

Sic eg
no. ut
tanti
vitas ar
solum
tria ha
priscā
docere
ment
sum
dinem
vacilla
tum q
magis f
an. 60.

Ad

M
&
Sigonij,
lūm vell
uolentia
quod in
nostrā.
Cur non

primogenium exemplar? ubi repertum? à quo? quis asseruat? Vnum id argumentum commentì, nisi profertur; vna reuictio nostra, si profertur. Aliàs, nemo ab animo hoc impetrabit, vt Tullij esse censeam, in quibus vim & spiritum Tullij nō sentiam; & nihil pro illo viro, cui in facundiā simile non natum, non nascetur: post quem, vt ille verè canit,

Conticuit Latiae tristis facundiā lingua.

Sic ego sentio: nec assentiendi cuiquam legem pono. Vtrā in hoc certamen non descendo, nec habeo tanti. Iam in fine, quo magis amorem promas, inuitas amanter in tuam patriam, & in Italum illud solum: laudatum & amatum nobis semper, sed patria hæc tenet, in quam redij, & scito Louanij, in priscā Academiā (vt nunc appellamus) publicè me docere. Rex, & patriæ Ordines, honesto auctoramentoq; me habent. Inuitarunt nuper & Veneti, & summus noster Pontifex; sed excusauì, & valetudinem etiam prætexui, vtinam non verè. Illa nobis vacillat mi Saccæ, firmanda cū Deo videbitur, & tum quoque in scriptis à nobis expecta aliquid magis firmum. Vale V.C. Louanij, prid. Kal. Febr. an. 60. 103. xciiii.

EPIST. XV. *Venetias.*

Ad III. viros Instauratores Academia Patavina.

MAGNO me honore afficitis, cū in locum & successionem magnorum illorum vocatis, Sigonij, Robertelli, Bonamici, luminum non Italiæ solum vestræ, sed Europæ nostræ. Agnosco non beniuolentiam modò, sed hoc ipso beneficiū, quoniam, quod in vobis est, datis, cū capere sit in manu nostrā. In manu? addo etiam in mēte, & voluntate. Cur non igitur sit? quia vires, & valetudo, negant: ista

ista quidem pertinaciter tristis, & illæ imbecillæ.
 An decipiam & frustrer vos? Lipsium vocatis &
 expectatis, & adferam eius vmbra? bonâ fide hæc
 profero. Si benignus, & in omnia potens ille Deus,
 ista duo ex voto mihi daret, omnia essent pro voto
 vestro. Scio equidem apud vos medicos esse, peritiâ
 primos: scio benignum Patauij aërem; fontes in
 viciniâ & thermas: & quid non ad sanitatem, aut
 voluptatem? Sed chronici & diurni isti morbi,
 quàm remediis nullis aut peritiâ cedant, periti ve-
 stri medici sciunt. Ad summam, vnum hoc excuso:
 in cetera vtimini Lipsio, Ill^{mi} & Cla^{mi} Domini, tu
 nominatim Ioannes Michaeli, vt vestro. nec vulgi
 more prolatum hoc scitote. Louanij, Prid. Kal.
 Mart. 60. Id. XCIII.

EPIST. XVI. Venetias.

IO. MICHAELIO, Equiti, Procuratori Sancti Marci,
 III. viro instauranda Academia Patauina.

MVLTA ad me signa beniuolentiæ tuæ perfe-
 runt. Amici, qui inuisunt ab iis partibus,
 loquuntur; litteræ alienæ testificantur: quid opus
 est? tuæ sic palàm præferunt, vt manu tangere &
 tenere videar hunc affectum. Benè sit litteris, quic-
 quid earum in me est: quæ tales viros inclinant
 & iungunt. Atque vtinam votis tuis fas obsequi,
 quæ in Italiam & ipsam Scholam vestram ducunt!
 Perhonestum mihi in eâ luce spectari: & quiuis
 etiam tenebrio, pænè dicam, ibi illustretur. Quid
 tamen me tenet? quæ publicè dixi, & priuatim can-
 didè, imò sanctè, apud te reuelo. Valetudo mea est,
 quæ incitatum hunc animi cursum inhihet: mala
 & præceps, non solum anceps, & deterior etiam
 quàm in primò fronte exhibeo & ostendo. Sicut
 stru-

struthionem aiunt volandi speciem habere, non volare: sic de me dixerim, in adsp̄ctu sanum aut medium, in re non esse. Miserare. & ubicumque sum, tuum cense: tuum tantum? imò & tuorum cense: quia certè hoc agimus, vt quicquid possumus, diffundatur ad plures & prosit. Sicut in publicam popularemque viam omnes semitæ conueniunt: sic scribentium nostræ stipes, in commune generis humani ærarium inferuntur. Itaque vsu etiam me vestrum interpretare: animo quidem, VTI IS OPTIMVS MAXIMVS QVE EST, do me vobis ac dico. Ill^{me} Domine salue, inclytæ Reip. tutela & decus. Louanij prid. Kal. Mart. ∞. IO. XCIII.

EPIST. XVII. Bononiam.

VLYSSI ALDROANDO S. D.

NOMINE & famâ mihi notus fuisti, virexi-
mie, priusquâ scriptione. Etsi enim absumus,
locorum vasto sp̄atio disiuncti; tamen commean-
tium multitudo est, & eorû præsertim, qui è nostrâ
iuuentute ad vos se conferunt, optimarum artium
causâ. Ex eo numero Hadrianus Romanus, &
Thomas Fienus, vterque nunc medici titulo dona-
tus, sæpe mihi laudes tuas prædicarunt, & seriam
atque ab ambitione remotam doctrinam. O mi
Aldroande, quàm suaue est, variis præsertim his
epulis pasci? & animum permittere ad res superas,
medias, inferas, & quicquid spirituum aut ani-
mantium iis continetur? Tu cottidie facis, & arca-
num illum naturæ sinum excutis, fructus quoque
effusus aliquando in publicû & nostrum bonum
Atque vtinam sint Reges & Principes, qui fuerûnt
non teneret te causâ illa ab edendo, quæ nunc te-
net, & thesaurum hunc redimerent vilioribus his
thesau-

thesauris. Sed bonâ fide, languet optimatû rerum
artiumque amor, vt ipsæ res optimæ; & quidlibet
in pretio magis est, quàm quod pretio nullo digno
æstimetur. At nobis ignoscendum est nostrisque,
quos ciuilis iste Mars vexat, & auertit ab omni ho-
nestâ atq; altâ cogitatione: vestri Dynastæ, in gremio
ipso pacis, cur negligunt? cur Italiæ hanc tamam
detrahunt, non coluisse solùm semper, sed excitasse
ingenia & artes? Sed est cursus hic nunc rerum, &
lex quædam, nisi fallor, mûdi: vt honesti honestaq;
iaceant, & exsurgat quidquid turbidum est, aut
prauum. An ea quoque lex, vt optimæ artes à nobis
vobisque abeant, ad orbem secretum magis & lon-
ginquum? Mihi crede, incipiunt, & frigidus ille
Septētrio excolitur, & nouo hoc amore inardescit.
Quid ad ista me diffundo? amoris est, & iam nunc
familiariter apud te loquor. quæ amorem firmum
apud me futurum polliceor tibi, vir eximie; & te,
qui tuum aperuisti, eodē hortor. Vale. Louanij,
III. Kal. Sextiles. 66. IO. XCIII.

EPIST. XVIII. *Bononiam.*

FLAMINIO MORO S. D.

VNDE, quis, & quare, ad me scripseris, statim
in fronte epistolæ tuæ vidi. Locustæ, Bononia,
vetus & vera studiotû mater; tu, niuinè omnium
quod * diceris, sed scientiæ & sapientiæ alumnus;
caussa, amor in me & mea, quem acrem profectò
præfers. Hæc omnia, an grata mihi, quæris? sunt
mi More, sunt: & vel vna quælibet ista res traxerit
me ad redamandum. O Italia, quam olim insedi, si
nunc videam! si oculis vsurpem insignes aliquot
viros, mei sic amantes! profectò exultem, & non
capiam gaudij mei modum. Vnde tamen hic in me
fauor,

* *Morus, id
est stultus.*

fauor,
nigni
vobis,
lens, q
& inte
in hac
belli no
præcon
auitæ pi
alij sent
manum
his talib
conatur
mentem
desinam
Vale. L.

FR E

GR
Gid
manitat
trò ad se
deo, amo
affectui
hoc non
sed etiam
deest, lib
inuoluim
aut hone
imperij,
nostris in
spes est,
auxilia,

fauor, nisi à numine? Deus est qui impellit, & benigni cœlites: quos scito mi More, piè & purè à me coli, id est ritu prisco. Opiniorum hæc aura pestilens, quæ cælum nostrum infecit, me non afflauit: & inter ægros multos & caussarios sanus ambulo, in hac quidem parte. Argumentum tibi dabunt libelli nostri de *Cruce*, quos vel hâc causâ scripsi, vt præcones testesque essent, non doctrinæ meæ, sed auitæ pietatis. Ergo tu non solùm ita senti, sed vt alij sentiant facito, pro virili quidem tuâ parte. En manum meam, en affirmationem. non fallimus in his talibus, in quibus se primû fallit, quisquis alios conatur. O miser, qui aliam hîc linguam habet, & mentem! sed vt, quæ causâ scribendi tibi fuit, in eâ desinam, amo te amantem, & id quoque fide priscâ. Vale. Louanij, IIII. Kal. Sextil. ∞. Id. XCIII.

EPIST. XIX. *Mediolanum.*

FREDERICO BORRÔMEO Cardinali S. D.

GRATAM tibi fuisse scriptiunculam nostrâ, Gid verò lætor, nec tamen miror. Pro ceterâ humanitate tuâ est, quâ me amplexus & amasti, & vltro ad scribendum prouocasti. Ego verò illi respondeo, amore tantùm? imo & cultu: quorum alterum affectui debeo, alterum dignitati. O Italia semper hoc nomine felix, quod nō ingenia solùm habuisti, sed etiam qui fauerent, & fouerent! Nobis hoc deest, liberè dico, qui diurno isto bellorum æstu inuoluimur, & perit apud nos, quidquid elegans aut honestum. Vtinam illa tantùm! sed maiestas imperij, & ipsa pietas periclitantur: si vnquâ, rebus nostris infirmis, & spectantibus lapsum. In Deo spes est, atque eo solo. nam humana, non dicam auxilia, sed & consilia valdè labant. Vos auditis haud

haud dubiè, nec lubet hæc publica & tristia in epistolâ ediffertare. Illud me in tuâ pupugit, de Bencio: de quo iam antea audieram, fateor, sed parum certò, & spes adhuc aliqua frangebatur dolorem. Qui nunc erumpit, & agnosco ac toto animo profiteor, amisisse me inter amicos tempore, fide, ingenio primum, aut certè iuxta primos. Mi Benci. quæ tibi mens sic abeunti? me præcunti, qui tot iam annos langueo, & fatum meum exspecto? Sed scilicet plus impuri & terreni in me, quod depurandum sit; te ille Deus, in sanctitate istâ vitæ, vocavit ad puras & æthereas sedes. Salve, salve, & ut nos tales aliquando, aut potius brevi, precibus tuis adiuta. Quod abeo? abstrahor à te Illustrissime, sed per te, qui pectus mihi fodisti Bencij mei mentione. quod sic apertum tibi consacro, & quicquid Lipsius, aut in Lipsio, tuus est & tua. Louanij Kalend. Septemb.
 ∞. I. O. X. C. I. I. I. I.

EPIST. XX.

INNOCENTIO MALVASIÆ,
Nuncio Apostolico.

Vt legi litteras, quas ad me dedisti, variè fateor me affectum, & velut distractum. Gaudium mihi fuit, in vocatione tam honorificâ, & iudicii talium virorum de me benignis. Quid ad gloriam mihi amplius, ad commoda utilius, quàm in vetustissimam & celeberrimam Academiarum venire? quæ nō falsò se dicit, & inscribit, *studiorum Matrem*. Ego totam Italiam vestram amo, & veneror: tacitâ quadam inclinatione naturæ, tum etiam ob illa ipsa studia quæ colimus, quibus fons illinc & sedes. Quod si voto meo dirigenda vita sit: sed Deus, & id quod fatum vocamus, superant:) Italia me videat,
 teneat,

teneat, cineres etiam meos condat. At enim multa obstant, quæ pro prudentiâ tuâ, me tacente, vides. Et possum fortassis reliqua vincere: vnum illud de valetudine, forte & decretorium est, ut ita dicam. Ego ille imbecillus, in decênali amplius languore, atq; eo pessimo, & qui pertinaciter spernit curam, qui veniam in Italiam vestram? & si venerim, quid faciam? Par esse muneri imposito possum: par opinioni conceptæ diffido. Hæc causâ vna est cur tardem, & abnuam, & votis vestris non iungam mea vota. Deliberabo tamé etiam, & Deû in consilium, imò & in auxilium, aduocabo: si fortè sub vernum tempus vires aliquas maiores mihi donet, aut spem de valetudine firmiorem. Interea priuatim, gratias equidem habeo pro benignitate in me tuâ, quam ex ipsâ scriptione vestigiis totis colligo: & ex animo addictum me esse & fore, veraci calamo consigno. Ill^{me} & Reu^{me} Domine in bonû publicum, & tuû, vale. Louanij, viii. Kal. Mart. ∞. Id. xcv.

EPIST. XXI.

BONONIÆ.

FRANCISCO LEONINO S. D.

QUOD me compellas, nobilissime iuuenis, proficisci video ab amore virtutis & litterarum. Ideò te iure amo, qui sic ista. Vnâ in re nolim te falli, si eximia illa duo in me esse censes: nō sunt: sed cupido tamé eximia, & omnem vitam hoc egi, ut eas mihi parte aliquâ cōciliarem. In Italiâ vestrâ (felice artium virtutumque parente) illi viri sunt, quos meritò admireris, quos ad imitandum proponas, generosi, & honesti omnis exemplar. Siquid tamen aut ego cogitatus, aut scripta mea lecta eò faciunt; gaudeo, & perennem mihi nunc fructum studiorum opto. Vnus enim ille mihi finis, non

Cc vt

vt maior, sed vt melior fiam, & alij per me tales.
Vale nobis iuuenis. Louanij, postr. Kal. Mart.
∞. Id. xcv.

EPIST. XXII.

Bononiam.

ÆNEÆ VIZANIO Doctori Medico. S. D.

DVO me fateor in scriptione tuâ miratum, & quod scribis, & quod sic amas. De isto magis, quia me & mea qui noui, vix reperi quidquâ inagni, quod conciliet mihi viros istos magnos. At benignitas vestra est (non enim iudicij error) quæ impellit ad amandum etiam eos, qui alta & honesta amant: & cupido apud vos gratiæ locum inuenit, non solum effectus. Longum mihi hæc alloquia, hæc testimonia sint: quæ velut stimulos habeo, ad pergendum in duplici hac viâ Scientiæ & Virtutis. Iungo enim quâ possum: nec Deus ille velit, posteriorem hanc à me vnquam disungi. Prior illa voluptatem in animis gignit, hæc fructum; illa dum viuimus, hæc cum viximus etiam vtilis opportunaque est. Vtramque in te esse Vizani, vel hinc colligo, quod studiosos & candidatos earum ames. Fac mihi semper, & cum fanore affectum eundem à me refer. Louanij, postr. Kal. Mart. ∞. Id. xcv.

EPIST. XXIII.

Bononiam.

MELCHIORI ZOPPIO S. D.

QVO d me & mea amas, sed cû iudicio, id verò amo. & in animo isto laudo. Etsi enim me fortassis sine exceptione amare possis, & toto quod dicunt, pectore: tamen in meis profectò aliud est, imò clamo, cum iudicio, & alibi notâ, legenda esse. Nâ mi Zoppi, quid sumus nos omnes, qui aliquid esse

c
esse viden
partis ali
terrena
sunt nob
nulo in
berè ista
patione
tra iudic
& si villa
Modeltia
& sermon
dices, ne
Itaque de
que iam
mum vid
taliu &
in me gr
tibi reddo

VL

QVO
tard
velle non p
animi velt
me non vo
negorum
mus: quia
nò repugna
hic sistant,
colatu, vti
droande,
Bononiam
Addo vale

esse videmur: hominuli. & in quibus æthere illius
partis aliquid emicar fortasse, sed nō sine adiunctâ
terrenâ suâ face. Itaq; caligo, hēsitatō error, agnata
sunt nobis: & nihil tam eximium ab homine exi-
mio in quo non ea deprehendas: Atque ego vt li-
berè ista fateor, sic libenter inspici ac tangi ab aliis
pator: nec sum ille mei admirator ah, absit) qui ex-
tra iudiciorū aleam me ponam. Subiicio, subijcio;
& si vlla virtus placita mihi vnquam aut placet, ea
Modestia est, & apud te testor Si corā me videres,
& sermonis morumq; meorum arbiter esses: idem
dicerēs, nec aliud mihi magis vindico quā istud.
Itaque de Plauri altero loco, liberè fateor, me quo-
que iam aliter sentire: de altero hēsito, nec fir-
mum video cui innitar. . . Tuum studium rerum
talium & inquisitio grata fuit, amor & affectus
in me gratissimus; quem ita mihi serua si meum
tibi reddo. Louanij. post. Kal. Mart. ∞. Io. xcv.

EPIST. XXIII. Bononiam.

VLYSSI ALDROANDO S. D.

QUOD libente animo ad vos soleo, dolente &
tardante nūc scribo. Causa, quia quæ vultis
velle non possum, & cogor nūciare, quod sit præter
animi vestri sensum. Quid id est frustra circumeo;
me non venire. Mirum & pænè dixerim miserum
negotium, volumus vtrunque, nec fit quod volu-
mus: quia aliquis supra nos & contra nos vult, cui
nō repugnamus. Rex est, & eius Consilium, qui me
hic sistunt, qui suum esse habitatione volunt & in-
colatu, vt sum natiuitate. Succumbimus, mi Al-
droande, tam grandi auctoritati, etsi Italiam, &
Bononiam vestrā, in intimis istis sensibus amamus.
Addo valetudinem, sic aff. Etam (non mentior) vt

C c 2 credam

credam me, Homeri verbo, *ταυρὸν δάδω* & brevis vite
ac moræ in hac terrâ esse. Quid me commoueam,
quid vos alioque excitem, & mox deteriam, vix à
vobis vitus, aut certè non benè inspectus? Externa
mea, facies, verba, habitus, modica sunt, nec pro
expectatium opinione: in scriptis, & publicâ actio-
ne, fortasse aliqui sumus, & ostendit le illuc, siquid
in nobis melioris auræ. Ah, cur non licet mihi thea-
trum illud sano celebrare & vegeto? spernerem
omnia. & aut soluerem vincula aut rumperem, quæ
me ligant. Nunc vetus illud fiat & sapiens, * *ἐπεὶ*
δεῖ, & quod ille ducit aut abducit, sequamur. Quæso,
ac per sanctum Amorem rogo te, mi Aldricande,
ne aliter interpretare: & scito me afflictu vestrum
esse, cum te non possim. At tuus sum priuatim
etiam, inter primos: ne desine amare me, qui aliam
& interiorē amādī causā habuisti. Lcuanij, xi.
Kal. Iun. 60. Id. xcv.

* Deum se-
quere.

EPIST. XXV.

IACOBUS MARTI CAMPANACIO,

Boionienſi Senatui à Secretis.

Qvò litteris tuis benenolè & prudenter scri-
ptis (fateri debeo, me affaris, gratiam habeo
mi Campanaci, & sentio quantū obliget vobis, qui
velut cōsensu & cōspiratione sic me amatis. Amatis
tantum? imò & honoratis. Vocatis enim in locum,
quæ primarij Italiæ, vel Europæ potius, viri insede-
runt: quod magni equidem facio, & restor Deum)
inbet hic animus & impellit parère. Quid tamen
dissimulem? teneor & obligor à rebus meis, ab
uxore & familiâ, à Rege & Ordinibus patriæ, de-
nique à valetudinē: ne non sim expediendo. Trahi-
tis vos absentes, isti præſentes validiùs retrahunt;
& asser-

& asser-
me, tu qu
non fort
mum D
restor,
inignes
contene
cas bene
non wo
des. Se
minus ap
Kal. Iun.

Qv
Ita
inclaya il
confilio,
tuo bono
esse qui in
tue exper
tuo vis illi
sine vlla M
carpat, &
solidū hoc
nium aliq
vbi melior
ignavi atq
rare in mar
gunt: ita n
* Tis d
Tā
Hoc solem

& assertum eunt sibi. Obsecro te Vir prudentissime, tu quoque hæc considera, & cogita rumpere ista non fortis solum viri esse, sed telicis. Hoc postremum Deus fortasse mihi abnuit: quem aliqui testor, cumulum me felicitatis habiturum, inter insignes istos viros & Italiae apices, si in urbe vestra contenescam. Senatui tuo si in occasione hoc indicas beneficium mihi dederis: & maius, si pro meo non tuo sensu, id est fortiter & ad suadendum, hoc dices. Scio enim & te inter cupidos mei esse, eoque minus aptum causæ approbandæ. Louanij, VII. Kal. Iun. ∞. ID. xcv.

EPIST. XXVI. Patavium.

VALENTI ACIDALYO.

QUID tu ais? redire te? at vix etiam visa tibi Italia est: certè non eius præcipua pars, & inclita illa Roma. Faciam transiens, inquis. Meo consilio, infideas potius & inhabites, & fiet cum tuo bono. Scito certò, nescio quem genium loco illi esse qui ingenia poliat, iudicia formet: & in iuuentute experti nobis videmur. Præmia etiam ingenio tuo vis: illinc pete, & aureum vellus Iason refer, sed sine vllâ Medæâ. Addis de quodâ qui *Politia* nostra carpat, & minetur cõtrâ scribere. Itane? faciat. ego solidũ hoc corpus puto. & quod non metuit Saturnium aliquem dentem. Sed mi Valens, ita res est. vbi melior fama surgit, adhæret statim altera: & ignaui atque ignoti tantum ab eâ immunes. Ut pirata in mari onustæ naui insidiatur, vacuum negligunt: ita nobis fit. Poëta hoc pulchrè:

* Τὸς ἀγαθὸς ἀλλ' ὅ μάλ' ἀμέλειται, ἀλλ' ὅ ἐπαίει.

Τὸν δ' ἐκακὸν μνήμη γίγνεται ὀδυρία.

Hoc solemur nos, & illum mittamus: certi, nihil

Cc 3

placere

* Namque
probos alius
carpi male,
laudat at al-
ter: Præuo-
rum porro
mentio nulla
hominum.

placere omnibus, *præter placemam*, (veteri verbo) & *manu*. Sed heus, de *Martiali* quid tu monstri? edi illum in viciniâ vestî, cum meis *Nois*. Numquam scripsi, numquam misi: & miror te quasi ambigentem quærere. Nōne hîc ad manum familiares mei *Typographi* sunt, quibus commendarem? *Fraus* aliqua est & fortassè libris meis collectanea, quibus titulum hunc imponunt. Quartis in istâ occasione de poëtâ eiusdem loco, in *Corylum* quemdam qui scitus & bellus videri affectabat:

Qui sit, quam quis amet, qui per conuiuia currit;

Hirpini veteres qui bene nouit auos.

Quis iste, inquis, *Hirpinus*? non è familiâ aliquâ Romanâ, ne erres, (etsi ea quoque fuit) sed equum hîc intellegit in *Circo* nobilem, & multarum palmarum. Nam ea etiam insania, ut *stemma* & proavos equorum talium quæreret factionarij, atque inter se celebrarent. *Statis* in *Siluis*:

— *Romulei qualis per iugera Cinci*

Cum pulcher visu, TITVVS GENEROSVS AVITIS,

Expectatur equus, cuius de STEMMATE LONGO

Felix emeritos habet admissura parentes!

Ecce, vides titulos auiros, & stemmata spectata in his equis. De *Hirpino* etiâ, propriè *Iuuenalis*: — *Conthæ post: rita: & Hirpini*, sed clarissimè lapis vetus, quem *Romæ* olim vidi & exscripsi, iste:

AQV. ION. A. VI

LONIS. VICIT. CXXX

SECUND. TVLIT

LXXXVIII.

TER.

TVL.

XXX

VII.

HIRPINVS. N. AQVI

LONIS. VICIT. CXIII

SECUNDAS. TVLIT

LVI. TERT. TVL

XXXVI.

Hic in medio vir est — *(conditor factionis*
Ruffata) qui dextrâ ba-
culum, sinistra pabulum
tenet: & virum secus duo
asilentes equi.

Habes ipsum hîc *Hirpinum*, atque adeo eius auum

Aqui-

Aquilone
Vides &
Sed acc
Lib. x.
ea loqu
bu

Quid v
nihil m
auo. Na
urbis oc
illum arg
rancum x
quod val
ducat. N
tur, se to
suam spe
aut redit
rem. Lou

AN

Non
duca
mihî, mo
ne tam iu
iuris app
omittam,
vult. cum
ibi fiet, in
aurâ non
qui sic pal
non firma
despero.

Aquilonem, Nam illud. N. in lapide *Nepotem* notar.
Vides & palmas vtriusque, & plures etiam in auro.
Sed accipe & vltro locum alium in eodem poëta.
Lib. x. Epitaphium est matronæ cuiuspiam, atque
eā loquitur:

Bis nec Romano spectata est vita Terento,

Et nihil extremos perdidit ante rogos,

Quid vult? vixisse se & vidisse binos Sæculares?
nihil magni aut memorandi, in illo Domitiani
æuo. Nam Claudius ecce Sæculares dederat anno
vrbis DCCC: iterumque Domitianus quasi erroris
illum arguens, DCCCXLI. Itaque anni interfunt
tantum XL. Puto litterâ additâ scribendum, *vitta*:
quod valdè sententiam mutet, & ad matrimonium
ducat. Nam vitta, vt scis, maritarum. Itaque glori-
etur, se tot illos annos nuptam, & in theatris vittam
suam spectatam. Vale mi Acidali, & de mansionem
aut reditu tuo (sed si me audis, illâ) fac me scitio-
rem. Louanij, 1111. Kal. Octobr.

EPIST. XXVII. *Bononiam.*

ANGELO SPANOCHIO, Patricio

& 1^o primario S. D.

NON venio mi Spanochi, ne per ambages te
ducam. & statim effundam, quod tibi addo &
mihi molestiæ est aut dolori. Causæ sunt, vtinam
ne tam iustæ, & quas fonticas antiqui vestri consulti
iuris appellabant. Valetudo enim, valetudo, vt alias
omitam, inprimis vrget; & hæc venire me non
vult, cum exiguo vestro aut nullo vsu. Atqui melior
ibi fiet, inquis. posset profectò recreari aliquid ab
aurâ non tam Italiæ, quàm beneuolentiæ vestræ,
qui sic palam & ex animo amici estis: sed recreari,
non firmari, & ego (nequid celem) de eâ penè
despero. Ad aquas acidulas iam imus, siquid

iuuabunt: ceterum mens, corpus, manus, omnia à tam lento & longo morbo languet. Tu vale illustris Spanochi, loci & professionis tuæ decus. Louanij, vi. Kal. Iun. .cc. Io. xcv.

EPIST. XXVIII. Bononiam.

FLAMINIO MORO. S. D.

IN dolorem me das amicis tuis litteris, mi More. Identidem vocas & reuocas, amorē & pænē iram misces, & non spem solum sed etiam metum proponis. Ah, quàm non opus istis, si quod volo liceat mihi velle, dicere, facere! Non licet mi More, credere, nec aliud me tenet aut terret, quàm quæ nuper distinctè & largè tibi indicaui. Fidem non habes? supremum numē iuro & aduoco, ita esse. Valetudo quidem sic affecta est, vt iam nūc ad Spadanas acedulas eam, vix instaurandā illi, quī sperem? sed fouendā. Atqui alij, inquis, aliter credent, & loquentur. scio pænē quid velis. Sed cuius sapientiæ, aut etiam fortunæ sit, omnibus placuisse? omnium iudicia aut suffragia meruisse? Vt in mari alij aliās venti, gubernator tamen rectum cursum tenet, nec deflectit mentem aut oculos à proposito portu: ita nobis esse debeat, recta petere, prosequi, nec eiici viā, aduersante aliquā iudiciorū aut sermonū aurā. Caput rei pietas, salua mihi est, & (spero) erit: nec tu censeam, vbi nunc sum, ambiguam esse, aut intutam. Louanium mihi sedes, ipsam eius domicilium, arx, asylum. Quidquid turbatū in his locis, hæc firmiter stetit, & vicina omnis contagio aërem hunc non infecit. Ibi sumus, ibi erimus: & si vsquam pedem mouemus (quid tempora ferent, nescio) ad te & Italos imus fortasse, etiam inuocati. Hæc ex animo More: tu me in tuo gesta. Louanij, vi. Kal. Iunias. .cc. Io. xcv.

EPIST.

EPIST. XXIX. *Bononiæ.*

IO. COSTÆO, Doctori Medico.

TARDA & pigrâ manu scribo, me vobis negare, quod sic honestè & amanter vultis. Quid enim faciam? sum in alienâ manu, nec frontis meæ est resistere meo Regi, & Ordinibus patriæ, qui sistunt & tenent. Quid hîc sit, quid apud vos mihi futurum sit, non ignoro: sed cogor cum Vlysse Homérico, si commemini, deplorare.

*Ω' & μοι τοῦτον ἐπέκλωσαν θεοὶ ὄλβον.

* Quod non
sic mihi Dî
felicia de-
creuerunt.

Patiamur vobis quidem exigua iactura, qui & alios viros faciliè nanciscemini; & quod caput est, validiores, eoque diuturniores ad hoc munus. Nam mea vita (de ominis quidem causâ filebo) brevis est, & valetudo hæc indies afflictior, parum de eâ promittere iubet aut sperare. Te intereâ amare cogor, mi Costæe, mei sic amantem, & hunc affectum mecum feram ad meliora & supera illa loca. Vidi Illmi Cardinalis Palaoti honesta verba de me, & iudicium. Obstringor summo viro & verè inter magna lumina Italiæ vestræ. Vale. Louanij, vi. Kal. Iun. 66. 16. xcv.

EPIST. XXX. *Madritum.*

NICOLAO DAMANTIO, Brabantia Concellario,
Præsidi & Curatori rerum Belgicarum.

MILITIAM meam cùm Principi inscripsissem, nec offerre eam esset in meâ manu: ad te confugi Vir Amplissime, quem subire has vices meas & decere arbitrarer, atque aded (ignosce fiduciæ) debere. Quis nescit te eximium ibi inter Belgas esse, & patriæ nostræ res publicâ auctoritate

& missu curare? Atqui inter Belgas etiam ego sum, & corporis illius commissi tibi membrum. Suscipe me, aut potius hospitem meum librum, & ad illas aras ac sacraria te myltagogo inducatur. Placere adspectum statim posse, non assero: fortasse inspectum. & certè insunt, quæ in materiæ Principibus dignissimâ, primi produximus & misimus in clarâ lucem. Cetera Præfatio mea dicet. Ego te rogo, per communis patriæ iura, ut huic Telemacho verecundanti quasi Minerua esse velis, & apud magnum illum Nestorem sis. Cuius iudicii libram si testimonij tui momento in fauoris partem inclinas: tibi ego, & mecum litteræ debebimus, quæ nimis diu est cum apud nos, per ciuica hæc bella, iacent & languent. Erige & attolle: ita Deus te hîc felicem ad illa alta & æterna. Vale regi & patriæ, Vir Amplissime. Louanij, Prid. Kal. Sextil. ∞. Id. xcv,

EPIST. XXXI.

INNOCENTIO MALVASIÆ,

Nuncio Apostolico.

HUMANITATEM tuam, quâ præsens in me vsuses, sæpe ruminor, & dolorem aliquem in animo hoc reliquit. Quid velles cum tuis & desideratas, vidi: & idem me velle, nec tamen posse, hoc doleo & in animo queror. Quid faciam? multa occurrunt & interueniunt, quæ nō sinunt nos esse arbitrij nostri ac spōtis. Sumus sub imperio alieno, in eo nati & educati: addo vires & valetudinem non ad omnia aptam; addo vxorem & familiam, denique & patrimonium & amicos: quæ omnia in oculis habere debemus, cum de migratione, præsertim tam longinquâ, deliberamus. Et primum, quod ad imperium attinet; Regi meo subsum,

potenti,

potenti, magno, & in triplici iâ orbis parte timendo
aut verendo Ille me retinet, imò liberalitate nouâ
inuitat quæ frons mea aut pudor sit abnuentis aut
spernentis? Certè ante omnes illi me ratio, & mos
etiam, obligat: nec soluimus eiusmodi vincula, nisi
necessitas aut summa ratio impellit. Quid patria?
manus mihi iniicit, & iunctis suffragiis vetat deferri
& abire. Alterum quod posui, Valetudo est. Testor
æternum, & quod omnia videt ac scit, numen, me
ab vndecim iam annis in aduersâ eâ fuisse, lento ac
tabente morbo affectum; nec corpore solum, sed
animo & his ingenij functionibus laborasse. Atqui
ad eas exferendas à vobis vocor. Quid si brevis &
paucorum mensium, an dierum, vita mea sit? Non
ludo, seridè ita sentio, decurrissè me pænè hunc cur-
sum. Cur vobis sumptum, mihi molestiam addam;
sine certiore aliquo fructu? Tertium, Vxor, res
meæ & amici. Obsecro te, patiaris & hæc me in-
spicere, etsi priuata, in publico negotio: sed ita pri-
uata, vt sine iis. aut aduersantibus iis, haud com-
modè satis & tranquillè viuamus. Vxor igitur
ætate iam decliui, & corpore parum valido. ipsa
ignara sermonis illius & rituum, agrè transferri &
inseri velit in nouitiū illud solum. Addidi res meas,
siue patrimonium & agellos, quæ à maioribus ha-
beo: curam & inspectionem meam ista desiderant,
præsertim afflicta per nimbum hunc ciuilis & in-
testini belli. Deniq; cognati & amici non queruntur
sed increpant, & pænè impietatis me accusent si re-
linquam. Ista sunt, quæ quisque rerum humanarum
& ciuiliū gnarus, per se consideret, & causâ meæ
ac decreto suffragium fortassis nolens etiam addat.
Sed mihi opponetur aut opponitur, Cur spem igitur
fecisti? cur non abhorrere te à locis & condi-
tione eâ ostendisti? Agam simpliciter & ingenuè,

ut mos meus postulat: idēdē spem aliquam feci, quia
 mihi ipsi spes aut vo. um erat; & quia nulla vocatio
 (plures habuimus: sic de lapsa in animum hūc, non
 solum aures. Viri primores in eā ciuitate, qui ad me
 scripserunt, valde vel auctoritate vel affectu suo
 commouebant: & vno verbo, ipsa Bononia. vetus
 & fida studiorum mater & custos, incitabat. Non
 ego cogitarem locum amœnissimum pænē Italiæ,
 & vberitimum (vidimus enim, & his oculis vsurpa-
 uimus:) tum etiam viros & antecessores qui locum
 cum docendo scribendoque illustrarunt: Cogitavi,
 & velut faces subdi mihi & admoueri sensi ab hac
 memoriā, & trahi, ut pedem ponerem in vestigiis
 clarissimorum & perennium ingeniorum. Itaque
 inclinaui, non nego, & nunc profiteor: sed in litte-
 ris tamen meis ac sermone ad te Ill^{me} Domine ap-
 pello. cauta omnia & adstricta fuerunt, & deuincta
 ad duplex caput, Regiæ voluntatis, & Valetudinis
 nostræ. Velle ostendimus, sed semper cum duplici
 hac exceptione, si aut ille vellet, aut hæc pateretur.
 Repugnant vtræque, ut dixi: atque ita veniam
 mihi tribui à vobis etiam puto, si voluntati & pe-
 titiōi vestræ non do manum. Consigno hoc iam
 nunc & testor, Italiam à me amari, & in Italiā Bo-
 noniam: sed incolæ à me & insiderei, ob causas
 iam dictas, non posse. Quas ut Ill^{me} Domine bo-
 nas æquasque indices, votum meum est: & per te
 inclytus ille Senatus, cui etiam absens cultum om-
 nem defero & affectum. Vtræque hæc seorsim tibi,
 qui me priuatim humanitate tuā & comitate de-
 uinxisti. Louanij, Kal. Iuniis, .∞. Io. xcv.

EPIST.

EPIST. XXXII.

IOANNI IDIAQVEO, *ab interioribus consiliis*
Hispaniarum Regi.

IN aquis Spadanis cùm essem, bonæ sorti refero
 acceptum, quòd notitia mihi cum Gastone Spi-
 nulâ fuit, viro genere & prudentiâ illustri. Mu-
 tus & cottidianus inter nos sermo: sæpe etiam de te
 (cur dissimulem?) ut est ille vir & cognitor virtu-
 tum tuarum, ideoque mirator & præco. Is me
 impulit ut ad te scriberem, & facilius persuasit,
 quia occasio etiam esset: quòd nunc nuper libros
 DE MILITIA Principi nostro inscripsissem, &
 misissem. qui à se minus fortasse commendabiles,
 iuvari produciq̃ue possent gratiâ & auctoritate
 tuâ. Scimus enim quem locum apud magnum
 Regem nostrum meritiissimò teneas: cui consilium
 & leuamen es, & Ioui illi, ut sic dicam, Pallas. Feli-
 cem regem talibus ministris! qui præter pruden-
 tiam & fidem, probitatem etiam adfertis & mode-
 stiam in sublimi illâ fortunâ. Quod Catoni suo
 poëta adscribit, tibi conuenit:

Iustitiæ cultor, rigidi seruator honesti,

In commune bonus.

Priuatim ut etiam in me bonus sis, & trepido aut
 hærenti libro nostro manum porrigas, te rogo. qui
 multos iam annos studia hæc honestissima colo &
 orno, nec magnâ, nisi à conscientiâ, mercede. Vale
 vir illustris, & virtuti tuæ addictum, beneficio
 etiam obstringe. Louanij, VIIII. Kalend. Sextil.
 ∞. IO. XCV.

EPIST.

EPIST. XXXIII.

Bononiam.

PETRO PENDASIO S. D.

QUOD tu quoque me affaris, ô eximie, & non animum solum in me aperis, sed coniunctionem appetis, & corporibus quoq. istis vis vna esse; id mihi verò gratum, vel potius volupe fuit, & intimos istos sensus diffundi sensu, ac gaudij quadam vi tentari. Tunc ille, quem norunt & laudant, quicunque Virtutem & Sapientiam norunt? qui non solum es — * *πρῶτον μὲν αἰδέσθαι τοὺς θεοὺς*, sed cum eodem poetâ vt dicam, — * *παντοίῃς ἀρετῇσι κεχασμένον*. Debeo deinceps tibi priuato hoc nomine, mi Pendasi; & si fastus aut iactantia me tangant, videar aliquis mihi esse, quia tibi sic placemus. Sed non hoc irreat. humanitatis tuæ sit, laudasse & æstimaſſe: mei iudicii, eadem tibi, sed e. vero, rependisse. Proh Deus & omnes superi, cur non videat mihi fas istas puriores animas? cur non amplecti, & ab amplexis non diuelli? Fata vetant. & manere me volunt in hoc natali solo. nec aliâ fortassis re (venia dicto sit) nunc laudando. Nosti illud vetus

⁂ *facientia plurima noscens.*
⁂ *omnibus excelsus virtutibus.*

⁂ *Quam nil suauius est patriâ!*

⁂ *Ὅς ἐδὲν γλυκύον ἢς πατρίδος*

& accedit auctoritas siue iussio magni Regis, qui cogit. Breuiter & verè tibi ista, vir amice (talē enim habeo, & habiturus sum: ac precor, vt etiam si collegij vestri futurus non sim. sim tamen in amore consors & affectu. quem tibi fideliter offero & voueo, ita me ipsa Fides & Amor ille æternus ament. Louanij, XI I. Kal. lun. ∞. Id. xcv.

EPIST. XXXIIII. Madritum.

MARTINO IDIAQUEO, Regi à Secretis.

MIRABERIS cūm hanc manū vides. nomen legis. Quid mihi tecum? inquires. Repono, Quid

Quid ti
elogi
& info
cultor?
amore,
stimus
te mis
interpi
in parte
nostra D
nouum cl
non alud
tenebris
igitur il
atatem, i
6. Id.

M
epi
adfert, pr
ab amore
res, si fer
speciem,
caussa, ca
describet
casum: N
predonit
mè omne
legitima f
solus fuit
non ad cu
tauros illo

Quid tibi cum optimis artibus? quarum, omnium elogio, cum & amans & intelligens sis: mirum tibi & insolens, si ego adeam earundem ambitor & cultor? Iungit nos hoc vinculum: nec ut in profano amore, dissociamur & æmulamur, qui sumere gestimus ex vno riuo. Itaque ea causa fidenter me ad te misit: atque aded cum munere, quod Principi inscriptum, id est Regis filio & futuro Regi, debetur in parte etiam Regis ministris. Accipe, inquam, nostra DE MILITIA: accipe me auctorem unum, nouum clientem. siue amicum dici voles. quem, si non aliud, amare vetera & honesta studia, eadem è tenebris & caligine educere, pro virili vides: arque igitur si illa amas, me ama. Ita te Deus & Rex, iste in artem, ille in auum. Louanij, v. Kalend. Sextil.
66. IO. XCV.

EPIST. XXXV. Bononiam.

FLAMINIO MORO S. D.

MEVS es mi More, & semper eris. Posterior epistola tua amorem & benignitatem pariter adfert, priores spirabāt & iram, sed illam quoque ab amore. Acquiescis in concilio meo: magis faceres, si scires quā iustæ eius mihi causæ. Nihil in speciem, aut pro tempore, dicimus: sed valetudo causæ, causæ illa fontica, utinam non sit qualem describo! Ecce ad Acidulas iui (audi tristem nostrum casum: Nuncium illic Pontificium repperi: globus prædonum è Barauia inopinatè inuasit, & permissimè omnes nos abduxit. Quam illa excusatio legitima futura, sed non pro meo gustu! Deus solus fuit, qui eripuit, & vires atque alacritatem non ad cursum, sed ad saltum, addidit, ut Centauros illos euaderemus. Nam & equites erant: sed
trans

trans sepes aliquot ego cum comite vno salij, & contra quadrupedum impetum repagulo illo me muniui. Nuncius ipse in templo asylum habuit, nō sanctimoniā defensus, sed foribus & munitione obiectā. Ecce fortunas. Cur ad nos non venis, inquires, vbi hæc non eueniunt? Vellem, sed causam nunc, & causas alias apud te dixi: nec suspicare aliud in hac re esse. Candor in me est, atque is pro æui huius moribus nimius: & priuatim sæpè læsit. Quod quæris de Libro quē iussi diuulgari, is est de *Militia Romana, ad Polybium*: opus minimè pro vulgari gustu. Totum in antiquitate est, & scis quàm omnia tot sæculis immutarint. Quæ tunc bella & valida, hodie ridicula aut imbecilla sunt: sed vsum habeat tamen, vt volui, in historiā & scriptoribus illustrandis. Velim ad te mittere liceat, tanto intervallo: profectò hoc & alia à me haberes inter amicorum primos. Ceterùm, apud alios illuc, vt offers, me excusa, & fac vt me sentiant virum esse (de ceteris non laboro) probum. Omnia mihi detraherentur: Pietas & Virtus maneant, quæ mecum feram in sepulchrum. Eòdem & tui amorem, mi More. Louanij, postr. Kal. Sext. ∞. Id. xcv.

EPIST. XXXVI.

Romam.

ANDRÆA SCHOTTO è Soc. Iesu S. D.

ITALIAM & urbem dominam te retenturam, I mi Schotte, non opinabar, & videbaris spē fecisse nō literarij huius colloquij, sed mutui adspetus. Sed ab alieno nimirum arbitrio cum pendes, res ista in tuā manu non fuit: nec aut dissuadere aut tritari possum, te esse in luce illā loci ac hominum, seiunctum à nobis veteribus quidem amicis tuis, sed & à turbis & ciuilibus dissidiis, quæ sine inter-

missione

missione tot annos adfligunt nos & vexant. Quid quod ipsi homines per ea mutati sunt? nō est prisca illa humanitas aut comitas Belgarum, non honos aut amor meliorum artium; ferocia est in plerisque, & cōtemptus, & barbari quidam ac Martiales ritus. Utinam ille, qui expectatur. ALBERTVS AVSTRIACVS, vt animum, sic vires habeat medendi! nam de illo non dubito, & fuit egregiē etiam in ERNESTO defuncto: quo Principe nihil melius aut benignius Sol vidit: denique qui totus Pacis proles erat, eamque fortasse nobis reddidisset, nisi eum eripuisset.

*Μοίρα λυοκλώσει δαπόπης ηλανάτης.

*Parca hæc,
iustificat quæ
domina ipsa
coli est.

Pantium nostrum cum Heroë illo venire, id mihi volupe, & solatium vel auxilium erit. Quod ego etiā tibi esse velim mi Schotte, in istis ad Senecam: quæ vidi nondum, nec temerē per viam iusserim ad me deferri, & ipse Antuerpiam censeo me iturum. Ego verò cūm videro, quid censeam, perscribam; & quidquid opis meæ erit, fiet, *Vt non dispareant tui labores.* Sed Faber multa egregia notauit, & nos tamen quædam habemus: sed ita nunc toti in MACHINIS tum & POLITICIS sumus (nam & hæc cum Notis reciduntur) vt alij nulli curæ vacemus, imò vix has sustineamus. Sed vt dixi, videbimus, & omnia pro amico & publico: id quoque agitur) faciemus. Vale R^d in Christo Pater & amice. Louanij, x1. Kal. Nouemb. ∞. 10. xcv.

EPIST. XXXVII. *Bruxellam.*

OCTAVIO Episcopo Tricaricensi, Nuncio Apostolico.

IAMDIV in tuo ære me esse fateor, & inter eos quos iudicatos habes & nexos. An non sic obstrinxerit me eximia benignitas, quā Colonix in nouum tibi, nec nisi nomine notum, es vsus? Vfur-

D d

pasti

passi eam iterum Leodici, nuper Bruxellæ: & quid ad cōciliandum ego attuli? præter cultum, & egregiam de virtute & prudentiâ tuâ opinionem, nihil: quæ imputare non possum, passim & ab omnibus delata, quibus gustus aliquis & notitia est tui. Itaque in ære isto manere, fortasse & immori, debere me sentio: tamen, ut boni animi ac sanguinis debitores, confessionem, cum non solutionem, offero, & debere me ac debiturum hac velut syngraphâ configno. Cui & libellum iunxi, DE CERVCE, nuper à me editum: non ita ut dem munus, sed ut accipiam, si benignâ fronte admitis, & in vacatione aliquâ à curis legis. Spondet tua ingenita benignitas, atque eadem constantiam in me tui affectus. Da ô Deus, & idem tibi, Ill^{me} & Reu^{me} Domine, ea quæ merita tua, & vota nostra poscunt. Louanij, x. Kal. Ianuar. ∞. Io. xcv.

EPIST. XXXVIII. Bononiam.

IOH. COSTÆO S. D.

O TE virum probum! desiderasti me, inuitasti calidè, si quis vnquam: excusationem tamen accipis, & amici rationē habes, non solum affectus tui. Exosculor te absentem, sed animo, qui solidè se copulat tibi & iungit. Per fidem te rogo, ama in Lipsio, quod vbique, quod semper est: & corpus, non nisi ob illud. Isto quoque iungi volebam, & nunc vellem: sed quæ prætendi, res fuerunt, non fucus aut color. Valetudo & vires exiguæ, & in diutino languore ipse animus, lingua, stilus (quid distingar?) non qui solent. Tuis hæc, non tibi solum imprime, & vnâ cum Moro meo ito me excusatum aut defensum. Ego mi Costæe, vir Illustris, animo perseuero tuus esse, & arthereâ istâ parte in arthere spero iungi. Louanij, post. Kal. Sept. ∞. Io. xcv.

EPIST.

EPIST. XXXIX.

Romam.

FRANCISCO ORANO, XII. viro litibus
induendus in sacro Tribunali.

ANTE biduum litteras tuas accepi, quibus gratum tibi votuumque esse ostendis, Franciscū tuū apud me agere, litteris, moribus, & omni bonā disciplinā imbuendum. Quem suscepisse me haud promptè initio, fateor, & scit eius parens: non quin vestra causā omnia vellem: sed quia vetus meū decretum & mos erant, mihi viuere, nec solitudinem, & ex eā quietem, cōsortio adolescentium interpellare. Quos bonos modestosque casus dare potest: sed idem alios. & præsertim in nostrā hac Belgicā, in quā, per hæc bella, mores à priscis illis valdè demutarūt, & proteruia, vanitas, ferocia sæpe habent iuuentutem. Hac causā, vt dixi, abstinui & renui. sed peruenit denique tuus, & penè dicā meus, frater (talis & tam arctus inter nos amor est:) tū & tui aspectus, quē valdè hoc velle, idem mihi ingerebat. Feci, nec pænitet. apud me est, ex meo vestroque voto, adolescens tranquillus moribus, studiis industrius: nec quod desiderem reliquit, nisi vt perseueret. Quidni faciat, & naturæ bonitate, & à tuo illustri exemplo: quē ille & cogitat adsidue, & sæpe loquitur: meritò familiæ vniuersæ decus, & propriè ipsius spem & præsidium: quem ego (vide quò eam) commendatum mihi à te, vltro commendo, & vt in gratiā tuā firmiter ponas, rogo. Meretur, magisque cum annis merebitur: atque vtinam diem videam, quā te educente & attollente, ad fastigia honoris veniat, quò destinastis. Deum precor, vt rata hæc vota sint: te autem, Vir Amplissime, vt me tuum atque Oranorum censeas in omne æuum. Louanij, prid. Kal. Nou. ∞. Io. xcv

Dd 2

EPIST.

EPIST. XL.

*Romana.**ASCANIO COLUMNÆ, Cardinali.*

TETIGIT meum pectus tua scriptio, & effodit
 intimos istos sensus. Tène illo genere, illâ di-
 gnitate & famâ, sic benignè, sic ultro, ad me scribe-
 re? beniuolentiam tuâ testari, & offerre? hæc omnia
 honestissimis iudiciis cumulare? Verè dixi, com-
 mouisti totum Lipsium, qui non nescit & maiorum
 tuorum, & tuas dotes. At enim argumentum etiam
 totum sumis, & amoris & honoris in me plenum.
 Hortaris vt veniam in Italiam, propior vobis sim,
 & spem atque occasionem dem mutui etiam affa-
 tus. Quæ vna res, vt fatear, obnubilat serenum
 illud tuæ scriptionis, & triste aliquid adspergit
 lætitiæ iâ conceptæ. Examino & libro omnia, sedeo
 iterum ad consilij, vt sic dicam, calculos: sed cum
 dispuñxi & subduxi, negans illa pars potior esse
 videtur. Quæso te, Illustrissime Domine, mecum
 paullisper considera (si à seriis magis vacas:) & te
 iudicem in causâ hac ipsâ sumo. Ætas iam mea
 inclinât & deurgit in senium, ac proximo Octobri
 ingrediar cum bono Deo annum quadragesimum
 nonum. Mutare aërem, sedes, mores, difficile est; &
 sæpe, in huiusmodi ætate, infestum. Pono hoc, &
 vicerit, age, meus affectus. sed valetudo subsequitur
 & excipit, quæ negat quassari & commoueri. Nec
 recens ea, aut subito tristior nobis est, sed ab annis
 vndecim assiduo languore, aut tabe, afficit nos &
 premit. Quæ spes hîc vincendi, aut emendandi?
 ipsi medici vestri dicent, commorientes quosdam
 esse lentos istos internofque morbos. At demus
 etiam venire me, morbû spernere: quid, cum vengo,
 fiet? vmbra mei ad vos adferam, & hominem,

VI

ut ille ait, *monogrammmum*? quî par ero susceptæ functioni? conceptæ opinioni? atque ea res, non nego, animum istum morder. Aiunt ab Alexandro Magno inuitatum quempiam, in magnâ famâ peritè sagittandi, ut specimen coram se ederet: atque illum recusasse motum autem obstinatione Alexandrum, iussisse duci hominem, ut sui contemptorem. Illum in viâ dixisse, non pertinaciâ, sed ingenuâ verecundiâ deterritum, ne fortè in senio manus aut ars aberraret, & coram tanto Rege dedecoraret veterem famam. Idem si ego dicam & prætendam, an peccem? Scio alacritate quadam & vigore opus ad docendû dicendumque, scio memoriâ & eloquio: nec nego fuisse in me aliquas istas partes: at quin morbus etiam eas libauerit, non aulim sperare aut profiteri. Totum me reuelo & retego apud tam fauentem arbitrû: & addo minora iam alia, quæ extra me, sed me circumstant. Ecce vxor mihi, annis me maior, quæ pedem patriâ suâ nunquam extulit: quâ suadâ effecero, ut audiat me & sequatur, in terram cælo, moribus, linguâ diuersam? Deterere autem hanc comparem, non diuina, non humana lex dabit. Quid amicos & cognatos dicam, quibus solatij aliquid in me, aut cõsiliij? quid res & patrimonium meum? perdo hæc omnia, si desero: & vincula hæc etiam sunt in animo purgato, & sapiente. Denique Rex & patria etiam retinent, imò recēti liberalitate ligant. Quæ frons mea erit abeuntis, & exteros velut in ignominiam vtrorumque præponētis? Enimuerò extra honesti fines, imò & æqui, abire me censeam, si in causâ pari & commodo, istos non anteponam. Hæc in meâ parte sunt præcipua: in aliâ, ea quæ tu, Illustrissime, discretè ponis. Italia, quæ vocat; frequentia & splendor auditorum; res pacatæ; & quod super omnia mihi

D d ;

est,

est, Pontificis summi ditio & tutela, ad quā vocor. Ex animo fateor, duo hæc magna apud me esse, Pontificem & Italiam: & vt semel decidam, rumpam alia omnia, si valetudo sola com meatum det & permittat. Quid denique tua auctoritas? suades enim, & panē rogas. Suffundor rubore in hac parte, & iam scutum illud valetudinis panē abiicio, quod sumpsi. Sed enim te rogo, cuius non benignitas minor est quā auctoritas & virtus, ne eō me cōpellas, quod non dicam cōmodē, sed honestē vix eam. Vires enim identidem examino, quas dare aut reddere solus ille Deus potest: etsi animū erigere & excitare auctoritas tua. Non mentiar, plus me mouerunt binæ litteræ tuæ, & collegæ Illustrissimi Palæoti, quā omnis vocatio, scriptio, machinæ, quas priuatim aut publicē adhibuerūt. Sum enim is qui proceres reuerer; & præsertim Ecclesiæ; & præsertim istos, qui in eā eminent virtute, prudentiā, eruditione. Talem te esse, Illustrissime & Amplissime Cardinalis, & me hoc nomine cultorem tuum ac clientem, coram supremo illo numine testor. quod ipsum rogo & veneror, te talem sibi, Ecclesiæ, Italiæ diu seruet. Louanij, v. Idus Sextil. ∞. Io. xcv.

EPIST. XLI.

PETRO ENRIQUEZ COMITI FONTANO,
GVBERNATORI BELGICÆ.

ET SI coram me breui sistere, & sermone gratias agere tibi constitui, tamen profectō animus me adegit, stilo & scriptione quoque id facere, & testari deuinctionem quam in magnitudine noui huius beneficij haberem. Quid enim honestius aut aptius, dari mihi potuit? atque ego fateor, etsi nunquam id egi aut ambiui, tamen in animo &

VOTO

voto hab
potem h
Quod f
erunt; q
vsum po
fero, for
famam
ingenij
affidua
dicabit
uiter nun
EXCEL
Deus seru
& in publ
∞. Io.

H

NON
meo
testatus. M
rem, siue ac
mos, quite
rials, ille e
innotuisti
strina etia
vinculo tibi
variē etiā in
tus ille amo
villa tēpesta
ses aliquot
derem; rep
cumque in
ca fidus, &

voto habuisse semper id munus: cuius nunc compotem benignitate tuâ video & gaudeo me factum, Quòd studia mea deinceps quæta & libera à curis erunt; quòd res gestas tradere & scribere potero in vsum posteritatis; id totum tibi ego acceptum refero, fortasse & illa ipsa posteritas, si Deus vitam & famam meis scriptis dabit. A magno isto F O N T E ingenij mei riuiulus manabit, & fructus quos assidua hæc irrigatio gignet, iure merito sibi vindicabit Regis liberalitas & tua. Id testari breuiter nunc (ita mos meus est) sed fideliter volui, EXCELL^{ME} ET ILL^{ME} PRINCEPS, quem Deus seruet & dirigat in suam Regisq̃ue gloriam, & in publicum bonum. Louanij, xi. Kalend. Febr. ∞. IO. XCVI.

EPIST. XLII.

Pisæ,

HIER. MERCVRIALI S. D.

NON fefellit te noster Monelia, qui de affectu meo in te & honestis vbique sermonibus est testatus. Nihil nimium potuit dicere, siue ad amorem, siue ad iudiciũ: & in vtroque sumus inter primos, qui te vel diligunt, vel colunt. Tu verò Mercurialis, ille es qui Romæ mihi in adolescentiâ primâ innotuisti, paulò me maior, sed virtus tua & doctrina etiam disparem me cepit, & arcano lentoq̃ue vinculo tibi iunxit. Variè postea peregrinatus sum, variè etiã in his patriæ meæ turbis iactatus: sed vetus ille amor firmiter hæsit, nec Mercurialem meũ vlla tēpestas mihi excussit. Ego verò iam ante menses aliquot in eo eram, vt Italiam vestram, & te viderem; reperiendum mihi & complectendũ, vbicumque in eâ fuisses. Nec enim tu lates, illustre in ea sidus, & exteris quoque cura & notitia est tui.

D d 4 Sed

Sed id consilium cum valetudo remorata est, tum Rex meus abrupit, qui hic esse voluit, & ut honestissimè possem effecit. Præter enim munus lectionis publicæ, Historiographi me sui titulo donauit, addito in hanc rem salario annuo, in quo vel cupidior aliquis acquiescat: quid nos modestiæ & continentiæ amantes? Enimuerò res laxas aut splendidas numquam appetij, nec id vilitate aut abiectione animi, sed iudicio & decreto, quod sapientia mihi dictauit. Quid ista externa omnia, nisi in vsum meum habeam? & scio virtutis & bonæ mētis saepe naufragium factum, cum superfluunt & redundāt. Adduco vela, nec totis sinibus ea pādo, aut fortunæ adspiranti permitto. Delectatio autem nobis, sed & occupatio, quæ solet, in honestissimis studiis: quæ & tu quam ames, etiam inter tua seria, non dissimulas, cum de locis quibusdam consulis me, & quæris. de quibus seorsim, quid sentiam, hic habes. Ut me quoque porro ames, inter fastigia est votorum meorum. Louanij, xii. Kal. Mart.
 oo. lo. xcvi.

EPIST. XLIII.

IOANNI VERASTEGVI, Præsidi Censorij Tribunalis.

LÆTVM. simul & triste mihi fuit, audire de munere, quod magnus Rex noster benignè tibi donauit. Latum sanè tuâ causâ, quia dignitate augeri te videbam, triste meâ, quia diuelli à nobis, & ad loca ire quò non nisi litteræ nostræ peruenirent. Sed in pugnâ tamen ista affectuum, prior longè vicit: quia verâ amicitia inducor, tuum commodum supra meum habere: tum etiam, quia ad honestissimum locum & functionem vocaris, quò & ego nuper & nunc iterum liberalissimè inuitor.

Est

Est enim ibi Cardinalis Borromeus, decus ordinis sui, qui in cohortem familiamq, suam adscriptum me cupiat, largo & insolito sanè honorario: sed addictum iam & alligatum Regi, quod te nō fugit. Sed & alios insignes viros vrbs ea & Senatus habēt: gratulor igitur, gratulor quòd è nostris turbis, ad quietem & lucem illam ibis. Quod autem petis à me de Oratiunculâ, libens fecero, si capita breuiter ad me miseris dicendorum. Nam in talibus parum vñ doctum esse me, non nego. Qui has tradet cognatus meus est cui aliquid negotij apud Comitum Fontanum: si id tale est, vt à te decorè possit iuari, aut saltem admissionem impetrare, rogo facias: si aliter est non rogo. Deum autem, vt felix & tutum iter tibi tribuat, & in optatâ illâ metâ sistat. Ego memoriam absentis seruabo, & per litteras etiam renouabo: meritò, hominis tam cādidè mihi amici. Lquanij, v r. Idus Mart. ∞. Io. xcvi.

EPIST. XLIV. *Roman.*

GABRIELI PALÆOTO, Cardinali.

LITTERAS tuas & vnà librum, scripta aut missa ad me Decembri superiore mense, nunc denique hoc Iulio accepi: quod nō quia mirer scripti, (grande locorum interuallū est) sed vt excuser, si cogitatio fortè incidisset silentij mei, aut tarditatis. Ego verò, Ill^{me} ad tales epistolas, ad talia munera, non sileo: quæ & honorem, & gaudium, mihi adferunt. certè tuus liber, quē in serio illo & graui argumento, non libenter solū, sed auidè equidem legi. Eò sanè iam veni, & Deus, ætas, iudicium hoc mihi dederunt, vt vana aut curiosa multa studiorum incipiam spernere, & animum oblectare maximè aut pascere iis, quæ propria animi sunt: id est, quæ

D d ;

Virtu-

Virtutem, Sapientiam, & ipsam immortalitatem spectant. ad quam occulto nisu, etiam in vanis istis, aspirat. Omnis gloria, quæ scribendo quæritur, quid nisi posteros etiam cogitat, & monumentum sui? Atqui abeunt, ne diuturna quidem sunt, non dicam æterna: sola illa nobiscum perennant, quæ animus sibi è tribus illis induit, & fideliter adscriuit. Ergo, vel hoc nomine, gratus iucundusque mihi tuus liber: sed etiam argumento, etiam tractatione: quorum illud in me quoque conuenit, si non annis, valetudine senem; ista, proba & composita est, bono ordine, bonis verbis. Nam & hæc bona appello, non quæ fucum aut quæsitæ scitamenta habent, sed quæ rebus apta, grauiâ, significantia: cuiusmodi attulisti. Didici non ex libro solum, sed ex ipsâ ratione tuâ scribendi, falsum illud Lucretij de senibus:

Claudicat ingenium, delirat linguaq; mensq;.

Imò contra verissimum illud alterum, boni poetæ veteris,

Quod peritissimus in vitâ, atque vsu callemus magis.

Ita sanè est in senectute, quam iuuentus non debilitauit, nec vitiiis suis effæctum corpus illi tradidit. Ego me tibi Ill^{me} & Reu^{me} Domine trado, deuinctum reliquæ virtutis tuæ causâ, tui hoc dono: & habe me inter fidos tuos clientes. Louanij, xii. Kal. Sextil. ∞. Id. xcvi.

EPIST. XLV. *Bruxellam.*

GASTONI SPINVLÆ, Gubernatori Limburgensi.

GAVISVS sum in conspectu tuarum litterarum: dolui in primâ statim lectione, ubi cōquereris memoriam me tui deposuisse, & argumentum capis à silentio meo ad iteratam tuam scriptionem.

Primùm

Primùm hoc testor. nec si fileam quidem, amorem aut cultum tui à pectore hoc migraturum, in quo radices satis altè iam egit: deinde nec siluisse me, & nullas omninò tuas, nullas inquam (verè hoc repeto, sine responso omisisse. An ego quid te, quid me deceat ignorem? & si tu non graueris appellare me, in illo gradu positus, ego respondere parcus aut tardus sim, qui vltro omne officium tibi debeam? Ne cense; sed hoc potiùs, malè traditas litteras per incuriam aut fraudem (nam nec ea his temporibus rara) periisse. At illud deinde in epistolâ tuâ gratû, valere te, tuam, & tuos: atque etiam auctam familiam esse accessione filiolarum, quam vxor tibi peperit, Deus dedit. Iste idem seruet, & inter publicas curas & sæpè mæstitias, domestica hæc gaudia firma tibi esse velit. Equidem in rebus non Belgicæ solùm, sed Europæ nostræ sollicitor interdum, & mecum disputo: Quis exitus erit? quò fœdera hæc erumpent palàm aut occultè (scis quid velim) in nos inita? Sed & auxilia, siue militaria siue pecuniaria, tarda sunt, & sæpè post occasiones. Audimus sanè Regem classem magnā instruere, vnicū finem belli, si portum & successum deinde habeat: sed quando id quoque erit? Apparatus adhuc sunt, nec vltà: nisi quia retardant fortè, quæ scire nos nihil opus est, & quædam inter Reges occulta. Licet hæc in melius interpretari: & de N. nescio quid non solùm fama, sed litteræ ex Italiâ palam iam scribunt, à partibus nostris eum stare. O rem optandam, si ita sit! o velis remisque in auxilium eius properandum! Nam si deseritur aut differtur, metus est ne à vicinis & suis etiam opprimatur. Nam partes, vt scis, in eâ gente, & à religione factiones: quam nouam qui fouent, in nos vtique non propendent. Sanè, nisi tale aliquid ex inopinato interuenit, consilia inquam,

inquam, & auxilia occulta: res regis nostri in arctū
eunt. stipatē à tot hostibus sed tamē vi Fati & numi-
nis (ita semper mea spes & opinio fuit, explicandæ.
Speremus in favore celesti erga Austriacam domū,
tam claro, tam recenti: speremus eo magis, quod
caussæ bonitas & iustitia sustentat. In Hungariā
tamen vulnus accepimus, & satis grande: sed benè
quod hieme, alioqui metus à progressu maiore
erat. Et si in Agriā amissā damni satis est, & maioris
ferè quàm in ipso exercitu. quia hic reparari, illa
recuperari haud facillè potest. Et est sanè limen atq;
aditus in Poloniam, Moraviam, Silesiam & vicina.
An non ea res Polonos excitabit, vt in tempore se
iungant? Sed nec Itali spero, cessabunt: quorū rem
in Hungariā & Austriā agi, satis scimus, atq; etiam
Venetorum. Illum ignem vicinum habere qui vult
aut patitur, quid nisi comprehendī & comburi ab eo
vult? Nam hæc natura magnorum semper imperio-
rum, proxima amplecti. Sed, vt rem tibi dicam, ego
nec Turcam & Asiam totā metuo, si res modò Regi
nostro pacatiores aut firmiores sint: si & militia in-
stauretur, à quā sic dissolutā & turbidā vix magni
aliquid contra magnum hostem speres. Germania
re ipsā discit, & in assiduis exemplis, nihil collecti-
tium & subitum hunc militē effē, malè ducibus &
inter se notum: nihil, nisi cædem hostilem aut præ-
dam. Sed satis de publicis, in scriptione quidem:
plura & liberiora in sermone vellem. De priuatis
meis, quod ais te ex Hispaniā nil audisse: nec ego
quidem, nisi quod litteras cōmendaticias ad Car-
dinalem accepi, sed sine alio effectu. Res magnæ &
ardue facillè excusant Principes & qui iis adfunt, si
ad hæc minuta nunc non attendunt. Litteris & do-
ctrinæ laus & fama sit, præmia rara, & vt verū fatear,
nec nobis sperata. In tranquillitate animi si exigere

vitæ

vitæ ho
intelli
inui
sed pri
quos a
valere
re. Lo

IOA

ET S
les a
acceptu
impuli
gi ager
non cor
quia ne
me beni
fecisse.
quo mar
gratitud
ingressi
sam, nec
paniter
Princip
Ille qu
stati, au
quoque
struxisti
non amari
expertum
bonis stu
in honor
rutis ac p

vita hoc spatium licet, caelestia meditari, humana
intelligere & spernere; beatus sum, nec Regibus
invideo, aut omnibus purpuratis. Hic meus sensus,
sed privati hominis: vobis alius & altior esse debet,
quos ad alia & altiora Deus vocauit. Ill^me Domine
valere te & familiam opto, atque hanc à me salue-
re. Louanij, vi. Kal. Febr. ∞. IO. XCVII.

EPIST. XLVI. *Madritum.*

IOANNI IDIAQVEO, à Consiliis magno Regi.

ET si scio rare, & nisi in magnâ causâ, vos ta-
les ad eundem; tamen beneficium à Rege nuper
acceptum, qui mille aureorû congiario me donauit,
impulit vt scriberem: & per te gratias maximo Re-
gi agerem, quem humilior nostra conditio decorè
non compellat. Per te? imò & tibi gratias agerem:
quia neque hoc nescio, tuam auctoritatem, & in
me benignitatem hoc totû vel promouisse vel con-
fecisse. Quo autem meo merito? priuatim nullo:
quo magis obligor, & animus serid auct aliquo
gratitudinis signo id testari. Sed viam vitæ quàm
ingressi sumus, vides: remotâ à rebus, actione otio-
sam, nec nisi in lectione aut stilo occupatam. Neque
pænitere potest, cùm pretium aliquod iis apud
Principes meos quoque esse videam. Nam de te vir
Ill^me quî possim dubitare, qui & ipse largiter gu-
stasti, aut potius imbibisti, optimas artes: & hunc
quoque gradum ad culmen illud prudentiæ tibi
struxisti? Vetus autem est, *Qui non intelligunt artes,*
non amare artifices: & contrâ. quod in te equidem
expertum me, fateri debeo: atque vtinam tibi &
bonis studia mea approbem! quæ dirigere deinceps
in honorem Principum meorum, & bonum iuuen-
tutis ac publicum, voluntas la- giter mihi est, faxit
Deus

Deus vt & facultas. Exemplar vnum MILITIAE ROMANAE, correctæ nouiter & auctæ, ad te misimus: spero perueniet: missuri breui, ADMIRANDA, siue de MAGNITUDINE ROMANA. Deum precor, vt te Ill^{me} Domine Regi, Reip. & nobis seruet. Louanij, ix. Kalend. Maias. 1607. ID. XCVII.

EPIST. XLVII.

Romam.

FVLVIO VRSINO.

LÆTVM mihi fuit à te, Fului, amico peruerteri, nouum beniuolentiæ testimonium adipisci. Quid magis optem, quàm à magnis viris amari, & in loco aliquo haberi? Quod mihi cōtingere, etiam supra merita, in animo isto fateri debeo, & capio assidue exempla. Vel nunc, cū de beniuolentiā Ill^{mi} Sfortiæ Cardinalis ita seridè significas, & veterem etiam tuam addis & renouas: in vtraque exultare me fateor. illā, ob magnitudinem & splendorem viri: tuā, ob eruditionem & virtutem, quæ vt fax vnica in Italiā nunc lucet. Vnica, inquam. nam vbi alij illi nostri Musarum antistites nunc sunt? abierunt, & paucos superesse credo, quos ego aut fama nouit. Etsi quosdam tamē esse, qui has cum grauioribus artibus misceant vtiliter ac temperent, non nescio: sed omnium scilicet rerum suus quidam orbis, & vt sic dicam, trāsitus est: etiam studiorum, ingeniorum, quæ aliās alibi florent, aut viuunt. Sed de Ill^{mo} illo viro, equidem iam nunc destinabam ad eum scribere, & huic beneficio (sic interpretor iudicia hæc & testimonia) non gratiam, sed confessionem ponere: nisi reuocasset me, quod melius visum cum munere adire, id quod breui MILITIA mea recusa dabit. Hanc mittam, & simul deuincti animi

animi mei testes litteras ; quarum loco vocem tuam nunc assumo , & rogo vt velut legatiunculâ istâ apud eum fungare: Clientem eius esse ac cultorem, ac fore in reliquam istam vitam . Tibi quoque, Fului, de fide & amore meo recipio, quæ cœpta ante triginta annos, non nisi mecum desinent & morientur. Vale vir Cl^{me}. Louanij, xv. Kalend. Iunias. æ. 10. xcvii.

EPIST. XLVIII. *Mediolanum.*

IOHANNI FERDINANDO VELASCIO,
Comestabili Castellæ, Gubernatori Mediolanensi, Prefecto supremo militia Regia per Italiam.

ILL^{me} & EXCELL^{me} PRINCEPS,

ME verò non gaudio solùm, sed admiratione adficit hæc tua tam ingens in me (ita loqui debeo) beniuolentia : quam non scriptis solùm, sed rebus ostendis. atque id in immerentem, certè inopinantem . Non delector ambitione aut splendore isto externo , quod sciunt qui interiùs me norunt: delector tamen, fateor, & in animo isto pascor, tuâ istâ benignitate, & propensione. quid ita? quia solida & vera in te bona miramur, & ipsùm te, non solùm ea, quæ circum te splendent . Rarum in hac potentiâ & altitudine ; sed eò pulchrius, & maiori à sapientibus laude ferendum , cùm tot externa adsint, ad interna te conuerti, & censeri velle à virtute, sapientiâ, doctrinâ . Nihil tibi è coniecturâ damus, sunt in hac ipsâ Vrbe oculati olim arbitri & testes, qui te: sed hæc apud te omitto . Ad epistolam autem tuam sic benignè scriptam , & ad munus illud adiunctum è bibliothecâ Ducis Allobrogum depromptum , quid dicam, nisi quod res est, gratias & agere me, & cùm egero, debere ?

Certè

Certè publicè etiam proderit tua cura ista & liberalitas, cum POLIORCETICA nostra hoc additamento ibimus ornatum: quod breui fiet, opinor, & MILITIA nostrâ (quæ iterum cuditur) absolutâ. Habemus & alia quædam noua in manibus; sed quod verè apud te depono, valetudo nimis sæpe interpellat & sistit: tum & cotidiana occupatiunculâ, quas in lectionibus publicis aut priuatis scriptiõibus, cogimur collocare. Mihi verò vtinam vita suppetit, donec testimonium aliquod dare mihi fas tuæ virtuti, non aliâ quàm æui & exempli causâ. Nam velle & debere me scio, & adamantino, vt sic dicam, vinculo obstrictum manere tibi, Ill^{me} & Ex^{me} Princeps. Louanij, III. Non. Iun. 60. Id. xcvii.

EPIST. XLIX. Mediolanum.

IOH. BAPTISTÆ SACCO.

EN, quàm verus auctor tibi de valetudine meâ confirmatâ Puteanus! ego iam dies sedecim in morbo fui (emitto veterem meum languorem) & à quo periculum tabis non abesse medici mussant. Homo sum mi Sacce, & ex quo natus sum huc ibam. Quamdiu etiam hæsi in viâ? sanè præternicam & aliorum opinionem, quibus semper, in tenui corpusculo & viribus, *ἀντιρροῖς & visus sum esse. Sed adhuc tamē sustinui, & nunc quoque omnia potius, quàm animus relinquet: qui securus vitæ aut fati, Deo se permittit. Habes hîc libros de MAGNITVDINE ROMANA, lege & cense, si me amas. Certè argumētum pro vestrâ gente esse debet, quam laudatum iuimus & cælo panè insertum. Sed heus, noster Puteanus quid, aut vbi agit? post vnas litteras nihil de eo auditum est. Probus

iuuenis

• breuius
scrib.

iuuenis est, litterarum amans, & sciens quoque pro
 ætate: sed nondum * πολὺ ἤδη & multa ei in com- * *πολύηδη*
 muni vitâ & moribus discenda. Vale mi Sacce, & *εὐχαριστῶ.*
 valetudini breuiorem scriptionem fer acceptam.
 Ad heroëm vestrum librum misi, itemque episto-
 lam, Principem semper mihi suspiciendum. Loua-
 nij, xi. Kal. Maij, ∞. Io. xcviij.

EPIST. L. *Antuerpian.*

LVDOVICO PEREZIO.

An telum, quod quasi catapultâ missum in
 me venit, de morte optimi Ariæ, communis
 illius nostri. In quo etsi priores partes iure tibi tri-
 buo amicitia (diutius enim, & arctius iuncti estis:)
 tamen vix amoris, si meum hunc animum consulo,
 mirificè in virum illū affectum. Meruerat ita ipse
 amore, etiam beneficiis: quæ, etsi illo mortuo, æter-
 num apud me viuent. At tu solatiū à me expectas.
 ignosce, nō possum: mens, cogitatio, voluntas etiā,
 excussa aut certè concussa mihi sunt. & quamquam
 recepi & collegi me nonnihil à primo illo nuncio:
 tamen vt in mari post vehementiorem ventum,
 commotio &, vt sic dicam, crispatio adhuc manet.
 Quid tamen solatio opus est? de quo, & apud quē?
 Ariam nostrum libenter, & pænè dicam auidè, ab
 his terris turbisque abisse ausim dicere: & dissen-
 sum hunc vestrum, fortasse primum, voluntatum
 fore, si reuocas aut retentas. Diu ille vixit, & ad vl-
 timam humanæ ætatis venit: vixit in bonis, in asperis
 rebus: & gustauit abundè è duplici dolio, quod ille
 supremus Symposiarcha nobis miscet. Quid illum
 in rebus humanis delectauerit, sic gnarum earum
 & peritum? ventum, fumum, nugas esse sciebat:
 atque vtinam non verè addam, fraudem, fucum,
 Ec scelus.

scelus. Inter hæc haberi eum placet, iactari inter dissimiles: & te si non pollui, tamen aspectu vel cōtactu? Abeat, cum bono Deo se subducatur, ab isto carcere in liberum illū & lætificārem locum. Quem nunc insidere eum, beatum inter beatos, vitæ integritas & candor ille spondent. At apud nos bonam famam, & in templo Memorix scriptis suis consecratam reliquit: alteram scilicet & diuturniore in vitam. Hoc de ipso cogites: de te, quid? virum esse, cui cum omnibus concordia, cum Fortunâ semper contentio fuit, ne vi deiiceret, ne fraude supplantaret. En, magnus & celebris hîc agon. compositus es cum ingenti luctu, qui inuadit & stringit: eripe & eluctare, & Rationis auxilio nexus illos nodosque solve. Hanc nisi aduocas, & totum affectui te permittis: quis Deus adiuerit? Imò ut in tenebris ambulare & currere qui amat, impingit & ruit: sic in te, nisi præfers & præpandis lumen hoc mentis. Ea te docebit, ut folia rosas, sic v. gorem & vitam nos relinquere: atque adeò non hominem, sed nec elementa & mundū esse æterna. Cogitemus, & ipsi paremur, quandocumq. Deo visum, ad casum similem: quis scit quando subeundū? Non anni, mensis, dies, hora excepta sunt: non hæc ipsa, quâ scribo,

Et certam præsens non habet horâ fidem.

Tu vale vir Nobilis & Cl^{me}, & animo, ut soles, constas. Louanij, x i. Kal. Iul. ∞. Id. xcviij.

EPIST. LI.

MATTHIÆ OVANDO, Doctōri Theologo,
Principi à concionibus.

EPISTOLAM tuam quidni libens viderim, à tali viro testem rati in me adfectus? In gratiâ & famâ esse velle hominum, homini est insitum: sed
magis

magis ap
nito hab
erudi
gratia
Itaque
amicu
ralibus
eius est
fidei m
iplam e
lam vesti
Iadicem
æstimari
nuamim
gloriam
debent:
velut me
Dico glori
vulgi sunt
Sed ista p
tuoteneri
w. Id. xc

FRANC

BENI
quam
cognoui,
& gaudiu
non gaude
& dignitat
inter prim
Ego verò g
sensu ad por

magis apud illustres, & eos qui utramque suo merito habent. Tu is es eximie Ouande; quem virtus, eruditio, addo & eloquentia commendant, & in gratiâ apud Principes, in famâ apud omnes ponunt. Itaque oblationem amicitiae tuae sic amplector, ut amicitiam ipsam vellem, si conspiciendam se mortalibus oculis daret: sed tu habitaculum & sedes eius esto, & in te venerer hanc & colam. Vis dextram fidei meae testem? habes hinc impressam: etsi coram ipsam etiam dare & iungere mihi spes est, cum Aulam vestram videbo. Interea librorum meorum Indicem (ita petis) mitto: quos ab Hispaniâ tuâ aestimari & appeti quoddam ais, gratum est: cur abnuam? imò hoc sine scribimus, ut appetantur. Sicut gloriam mercedem boni operis habere boni non debent: ita possunt comitem, & hinc in terris eò velut melle temperare quod in virtute est amarum. Dico gloriam, id est testimonium bonorum. nam vulgi famam & auram tantum, quis sapiens captat? Sed ista praeter rem omitto, te in animo teneo, & tuo teneri voueo ac rogo. Louanij, III. Non. Iul. cc. Io. xcv II.

EPIST. LII.

Romam.

FRANCISCO SPORTIAE S. R. E. Cardinali.

BENIVOLENTIA & inclinatio tua in me, quam è Fulvii Ursini & aliorum litteris certò cognoui, duplicem affectum in animo isto genuit, & gaudium simul, & tui cultum. Nam quomodo non gauderem in iudicio & affectu talis viri, quem & dignitate, & stirpe, & animi ingeniique dotibus, inter primos augusti illius Senatus esse scirem? Ego verò gauisus sum, & velut stimulo incitari me sensui ad porro colendas eas artes, quae commenda-

Ec 2

bilem

bilem me vobis reddunt. Iam de cultu etiam & veneratione tui, verè dixi. quem iamantè fama melior, imò & adspèctus, notum in nostro quoque orbe fecerant: vbi & nomen & gloria tua viuunt: & nunc benignitate tuâ allicior, vt propiùs inspiciam, noscam, colam. Hoc enim virtutem & prudentiam sequitur, & rapimur ad eas suspiciendas, eosque qui habent. Quod iamantè indicare & scripto profiteri, in votis mihi erat: sed repressi & sustinui, donec possem cum * munusculo. quod nunc mitto, & spero ab argumento non ir gratum Italici sanguinis atque animi Principi fore. Certè affectum meum in Romam & Romanos abundè testatus sum: & siquid omisi aut minus feci, non illius, sed ingenij deliquium sit & culpa. Illuc & Reum^{me}. Domine, vt me deuotione tuum censeas, rogo, & locum aliquem vel inter infimæ classis clientes tuos adsignes. Louanij, x. Kalendar. Maij, 60. ID. XCVIII.

* De Magistri. Rom.

EPIST. LIII.

IOANNI RAMIREZIO AB ARELLANO IC^o.

SVAVE mihi fuit non mentior, & ipsum te nuper videre, & nunc à litteris tuis adiri, quæ id ipsum quod sermo, id est affectum in me, cum niveo quodam candore, præferunt & ostendunt. In me tantum: in optimas etiam artes nostras: à quo velut fonte, scio, manat ad me hic riuus. Amo, laudo. hoc magis, quòd haud multi hodie illas; & non dicam imbui, sed tingi Heliconiis aquis spernunt. At tu vel mergi, vt sic dicam, velis: & idè ad nos quoque, id est Louanium, veterem illam Musarum sedem adspiras. Quod vtinam tibi liceat Ramirezii mihi libeat, & iuuet versari tecum sapiens, & sermones miscere

animis

animis v
creandis
cumque
Sextil.
Ad disci

Lvro D

L
cula
bendum.
rituar qu
& per litter
latus sum
& ardore
genus tu
nihil dign
lo, quam
scientiam
donant. I
bus: quid
in reliqu
tisque ing
etatem; fi
disciplina
res magna
cessarium
admoueri
Mihi cred
& diuinus
bet. Neq
aut libros
& generis
externa, &

animis vtriusque nostrum vel formandis, vel recreandis. Optem ego: quid possis, tu vide, & quocumque tamen loco nos ama. Louanij, VII. Idus Sextil. 60. IC. XVII.

Ad discipulum tuum hinc habes, utinam ad bona calcar.

EPIST. LIV.

Bruxellam.

LYPODIONYSIO A CASTELLA, nobilissimo iuueni.

LITTERAS tuas, præsertim sic Latinas, exoscultatus sum; & animum, qui impulit ad scribendum. Quid enim ille, nisi beniuolentiâ mei æstuat qui aperire honestam hanc flammam voluit, & per litteras reuelare? Quas (iterum dico) exoscultatus sum: & maximè ob elucens in iis studiū tuum, & ardorem in res artesque honestas. O mi iuuenis, genus tuum cogita, ætatem tuam, sæculū nostrum; nihil dignius aut aptius videbis generi, ætati, sæculo, quàm tingi te & formari his artibus, quæ non scientiam solum, sed prudentiam, imò & sapientiam donant. Ecce genus tuum illustre, & ab ipsis Regibus: quid magis huic conuenit, quàm non censerî in reliquo nobilium grege, & dotibus ornamentisque ingenij, nō solum fortunæ, eminere? Vide & ætatem; flos ipse est, & anni isti faciles & ad omnē disciplinam sequaces. Vide sæculum; turbidum est, res magnæ in motu & expectatione. quid tam necessarium, quàm rebus magnis magnos item viros admoueri, qui administrant feliciter & gubernent? Mihi crede autem, felicitas illa ex prudentiâ oritur, & diuinus ille fauor semina & causas in nobis habet. Neque ita tamen hæc dissero, quasi ad scholas aut libros tantum te vocem: absit: memini tui loci & generis, & spei ad quam educaris: sed inter illa externa, & militaria vel aulica, locū etiam te facere

Ec 3

suadeo

fuadeo optimis artibus, quæ animum excolant & forment. Ex imbibuntur per lectionem & libros: & habes rectorem & doctorem idoneum, qui infundet. Felicem te, qui sub tali etiam Principe educaris! vide & nota omnia in exemplum: quia nihil ille facit aut dicit, quod non sit exemplum. Sed monendi nec hic locus est, nec meum munus: nisi quod amor impulit, quem iam nunc in pectus hoc unâ descriptione tuâ, velut philtro, immisisti. Itaque siquid est in toto LIPSIUS, quod totum aut in parte servire vñsibus tuis possit; habes promptum volentemque. Vale Nobis iuuenis, & animo ac corpore cresce, Deo, Regi, Tuis. Louanij, VI. Idus Sextiles, CO. IO. XCVII.

EPIST. LV.

Genuam.

PAVLO MONELIÆ, Patricio.

MEMOREM te nostri esse, nec mentem diuidi et si multi montes & terræ diuidunt, gratum est, mi Monelia, ut cum Plauto dicam, vel contra aurum. Video firmiter fundatam amicitiam nostram, nec ex leui verborum aut blâditiarum arenâ surrexisse. Pergamus inædificare, & officiorum & litterarum etiam commerciis; quas equidem istas crebrò dabo, & illa ubicunq; vsus erit. Sermonem & spem illic esse de meo in Italiam aduentu, non nolo mi Monelia: etsi quis sparsit? nihil enim decretum etiam. Iuuat tamen & me ea cogitatio; & bona fide inclino, si aut valetudo mea, aut ij permittent, qui ius in me habent. An ego non libens amatam semper, & gustatam aliquamdiu, Italiam reuisam? tot in eâ præclaros viros & ingenia? tot monumeta præclarorum operum, aut virorum? Sanè quàm libens, & non potui temperare, quin hunc affe-

affectum
DORVM
GNIT
creditan
seo sine
Certe il
scriptio
nullum
cuderat
habere
cum Cla
Louanij,

F. BONAV
Iuan

INOPIN
tua: inc
trò ad me
quid ampli
quod sani
cia mecum
cæus, &
parte redi
bere me c
magna lo
pectus, l
addam co
me erigit
Sodalitii
videor ali
in eos. qu
aut habent
de pangur

affectum his terque exprimerem in ADMIRANDORVM libris, quos nunc vulgavi. Ij sunt de MAGNITVDINE ROMANA: quam ignotam aut non creditam hodie adstruxi. & benè meritum me censeo (sine superbiâ dicam) de gente & solo vestro. Certè illa sustuli & laudaui: & quàm ex animo, scriptio ipsa mea tibi dicet. Exemplar, Deū testor, nullum mihi ad manum est quod mittam: sed recudetur mox liber, & malo te correctius vberiusq; habere. Sustine igitur paullisper, & me ama, vnâ cum Cl^{mo} Mercuriali: cui breui item exemplar. Louanij, xiiii. Kal. Iun. ∞. Id. xcviij.

EPIST. LVI.

F. BONAVENTURÆ CALATA IERONENSI, *Sodalium D. FRANCISCI supremo Praefecto.*

INOPINATA mihi accidit hesternâ humanitas tua: inopinata, sed grata. Hominem certum vltro ad me mittis, visendi à te & salutandi causâ: & quid ampliùs? munus etiam adiungis eius generis, quod sani & pij homines iure æstimamus. Beneficia mecum cōmunicas sparsi vbique terrarum tui cœtus, & ex tot virtutibus mercedes vis ad me in parte redundare. Quid ego hîc dicam, nisi non habere me quod dicam? Vt oculi, in quos subita & magna lux venit, conuiuent & clauduntur: sic mihi pectus, largâ istâ humanitate perfusum, & pænè addam confusum. Quid tamen est? aperit illud, & me erigit hic animus, cōscius sibi semper eximij in Sodalitium vestrū affectus: atq; eo saltem meruisse videor aliquem hunc à vobis. Iure eū habui. quidnî in eos, qui pietatis omnes numeros persequuntur, aut habent: & eam in aliorum animis excitant aut depangunt? Est hæc communis laus vestra: illa tua

propria, quodd in afflicto hoc rei Christianæ statu, nuper maximos duos Reges pacificasti: atque utinam inter se iunctos, religioni & reipublice instaurandæ! Quæ felicitas sit? quis splendor ex his tenebris illuceat? Neque despero fore: & Deum calido ac suspirante animo precor. Eundem etiam, ut te Reum^{me} Pater sacro tuo cœtui diu præesse, & vniuerso populo Christiano prodesse, patiat^{ur}. Louanij, VIIII. Kal. Iun. æ. Iō. xcviii.

EPIST. LVII. *Mediolanum.*

ERYCIO PVTEANO S. D.

FAVSTVM & felix sit te in Italiâ venisse, te apud illum illū Principem agere, loco & lege quam scribis. Quem Principem magnum esse scire debes, non à genere tantum aut externis: sed à veris illis internisque bonis, quæ Deus aut industria largiter ei dederunt. Tu place, & demerere: quod mihi quoque studium esse fateor, etsi non alio fine, quam ut cerni à nobis virtutem illam & coli sciat. Itaque MILITIAM meam recusam ad illum misi: in quâ recensui quædam, ut solet, & clariùs aut firmiùs dixi. in quibusdam tamen etiam nunc suspensio pede iui, & quasi super ova, ut ille ait, & aristas. Quid mirum in rebus æuo, & paucitate scribentium, obscuris? Sed alius addet fortasse, & illustrabit, & volentem me atque alios docebit. An non iam nunc facere intellego quendam,

* Qui mihi prestat, & est diuis quæque carior ipsis?

* Ο'ς μου ἀμα κρείσσων, καὶ φίλτερος ἀδελφότητι;
Faciatur lior aut calumnia in me non cadet. Otiabar nunc aliquid post ADMIRANDA nostra edita. sed fortasse ut qui saltum cogitant, recedunt; sic ego, & maior post ora hæc virtus. Saccum ibi amo, pro meo ingenio virum, & doctum simul & candidum,

si quid

f. quid li
let, certu
amo t
stare elo
dolor el
ne nobi
ure & li
Deus te
dat. Lo

Exemp

Q

TEST

TEA

stutum:

vtitius ling

bonum, vit

vtenda in eo

Mathestm,

gnisimus ej

annam, El

talibus hunc

profectum:

turum quia

turos mibi

Rogo, fides

& subsidium

nil. co. I.

si quid litterarum animum reuelant. Et quidni reuelent, certus illius (à veteri verbo) character? Te etiam amo mi Puteane, quem hortor & oro, dignum præstare elogiis & testimoniis, quæ dedi. Vt enim maior dolor est, cum nauis onusta perit, & in ipso portu: sic nobis iure, si tu ad alia eas aut mutes, qui in virtute & litteris sic promouisti. Sed non facies: ita Deus te seruet, & honestum magis magisque reddat. Louanij, Nonis Septemb. ∞. 15. xcviii.

Exemplar Testimonij, quod huic dedi.

QVICVNQVE HÆC LEGITIS,

TESTOR apud vos ex animo, ERYCIUM PUTEANVM, bene honesteq; natum, educatum, institutum: ingenio ad optimas artes facili & tenaci, in vtriusque lingua Gracæ & Latinæ peritum, versu & prosa bonum, vitæ moribusq; modestum: & plura etiam repertienda in eo, si quis peruenit, quam hic dicam. Habet Mathematicam, Philosophiam, Musicam quoque: & planè dignissimus est, cui bene velit, siue bene faciat, quisquis Doctorinam, Elegantiam, aut Virtutem amat. Commendo vobis talibus hunc iuuenem, à meâ quoque institutione & manu profectum: ac spero, vel confido potius, gratiam me debiturum quidem si quis meâ causâ bene fecerit, sed & habituros mihi si qui propius aut familiarius sibi iungent. Rogo, fides mihi sit sincerè scribenti; rogo, ipsi gratia aliqua & subsidium, in meâ scriptiōne. Louanij, III. Nonas Sextil. ∞. 10. xcvii.

I. Lipsius, Professor & Historiographus Regius ipse scripsi.

Ee 5. EPIST.

EPIST. LVIII.

Mediolanum.

IOH. BAPTISTÆ SACCO.

ANTE mensem ferè scripsi ad te & Puteanum: nunc iterum, vno hoc argumento, vt hunc quem vides Nicolaum Micaultium, libèter videas: quia & ipse meretur, & ego rogo. Vir est inter digniores Belgas, stirpe & opibus: doctrinâ & vitæ instituto Theologus, & ricu nostri cui LICENTIATI titulum adeptus. Fuit mihi amicus, & plures annos sedulus auditor. Porrectâ fronte eum excipe: & si quid visendum apud vos, ostende. Ipsum Principem videre & affari si posset (certè vel à meci notum) in voto haberet: sed non temerè peto, nec illius benignitate erga me abutor. Misi ad illum & te nuper **ADMIRANDA** nostra, per cursus publici præfectum: accepistiisne? verbo significatum velim. Ego & languo etiam mi Sacce, & senesco: atque annum quinquagesimum primum ordiri parabam (si peruenio: hoc mense Octobri propinquo. Interea epistolas meas aliquot colligo, & editioni apto. Vale, &aluebit noster Puteanus, à quo ad meas exspecto. Louanij, prid. Kal. Sept. 60. **IO. XCVIII.**

EPIST. LIX.

Romam.

NICOLAO MICAVLTIO.

ROMAM enim inscripsi: & nostro voto atque opinione iam peruenisti. Si ita est, gratulor: & vtea mansio iucunda, honesta, fructuosa tibi sit, Deum veneror & animo precor. Sed ecce, quæ te velut aduentitia excipiat, Dissertatiunculam nostram super **CVRSORIBVS**: quam in sermone, per

per occasione[m] discessus tui, agitatam misi te petente in scripta: & si vacas, hîc lege. Vides & fidem, & diligentiam? tu obsequium aut suffragium etiam adhibe, nec, vt in sermone, ambige aut repugna. Etsi quî possis? habes omnia distinctè hîc, & per suos auctores: quibus vulgus fortasse aliquid abnuat, tu rerum artiumque veterum, non debes. Audi igitur. *Cursorum tria genera facimus, hominum Peditum, Equitum, Animantum. De Peditibus præmitto, qui antiquissimi, & quos Græci (verba Liuij) *Hemerodromos vocant, ingens* ** Diarios cursores. Lib. xxxi.* *uno die spatium emetientes. Quantum? inquires. Iam dicam, si priùs aliquid de ipsis Spatiis, per quæ veteres aut nos metimur. Nisi enim iis cognitis, & comparatis etiam aut pariat; frustra, & apud suspensum te aut vacillantem, cetera addam. Græci per *Stadia* ferè computant: atque ea etsi alibi alia, tamen communi more & vsu, *sexcentorum pedum* hîc sunt. Pes autem Græcanicus Romano semenciâ est maior. Romani per *Milliaria* metiuntur, quibus à mille passibus est nomen. Passus autem *pedes quinque* continet: & pes Romanus vulgari nostro paullo est maior. *Octo stadia* paullo minus (ita Plutarchus) in *Milliare* vnum imputantur: etsi Suidas septem cum dimidio distinctiùs profert. Nos hodie per *Leucas* ferè computamus: atque eas horario spatio finimus. Nunc quæritur, quot prisca siue Romana milliaria in Leucam nostram veniunt? vulgò *tria* asserunt: nec malè, si hodierna Italica aut Romana spectemus. Si vetera, vercor vt errent. Antonini Itinerarium qui inspicit & comparat; videbit palàm, milliaria illa vinci ab hodiernis. qui lapidum intervalla, qui hodieque in veteribus viis, signa milliarium, cum numeris suis exstant, idem censebit. Idem, qui hac nostra mox produ-*

producenda comparabit. Si enim tria tantum miliaria in vnum nostrum sumes: surgent spatia diurna ab homine confecta, supra omnes humanas vires. Sed illud de lapidibus, per mihi firmum est: & exstant cum alibi hodie, tum in Lusitania, via militari ad Emeritam Augustam, ubi singula miliaria singulae suae columnae inscriptae distinguunt. Qui spatium dimensi sunt (inter alios, amicus noster Carolus Clusius:) certo asserunt, quattuor ea venire in vnam Leucam. Hoc igitur sequemur, ne nimia mira dicamus: & narrationem iam ordimur. Cursores pedites ingens spatium fecisse dixi, & exemplum primum sit in Philippida quodam: qui bello Persico ab Atheniensibus Lacedaemonem, auxilium petendi causa, missus, confecit biduo stadia mille ducenta sexaginta. Ea sint Romana miliaria centum quinquaginta septem & semis: ergo nostrae Leucae, circiter quadraginta. Fecerit in diem eas viginti: rem haud nimis magnam aut mirandam. Magis in Eubida, qui ignis sacri petendi causa, ab iisdem Athenis Delfos missus, vno die iuit rediitque, stadia mille emensus. id est, Romana miliaria cxxv: nostra, xxxi. & quod excedit. Magis iterum, in Anisti Lacedaemonio cursore, & Philonide Alexandri Magni, qui a Sicyone Elm, vno die, mille ducenta stadia cucurrerunt. Sunt Leucae nostrae, xxxvii. & semis. Sed in stuporem me dat, quod alibi idem Plinius, de hoc ipso Philonide: Ex Sicyone Elm, mille & ducenta stadia, nouem diebus confecisse horis: indeq, quamuis decliui itinere, tertia noctis horam remensum. Tota illa stadia, nouem horis: cursores nostri equi non faciunt. Sed fuisse aestiuas & longas horas, ponendum est: & de reuersione (quod rem augeat) capiendum: quinque dumtaxat horas quieuisse, iterumque sic redisse. Stupebam, sed excitat Plinius, qui ut rem notam & vulgatam tradit:

Nunc

Plin. lib.
vii. & Aemil.
Prob.

Plutarch. in
Aristide.
Plin. vii.
cap. xx.

Lib. ix.
cap. lxxi.

Nunc qui
re no igno
vno die,
causae,
idem For
rum, amet
Hem! ita
Quid dic
uantis op
sed vsus
Enimuer
zantino,
celeritate
scriptoris
ris instar,
quod iter h
rat, hoc ipse
faciebat
exemplum
Alexandri
stadia velt
rente Lysim
potuit, cum
spatio, non
panem more
res Graeca
reges Inge
Peritiano
regni vias
uallo. In c
agebant. I
illum voc
quidquid
ad proxim
ipsum incl

Nunc quidem in Circo quosdā CLX. millia passuum tolerare nō ignoramus. Audin' tu? quadraginta nostra milliaria vno die, in illis Crispi spatiis remetiendis, præmij causâ, cōfēcere quidā. Quid amplius? Nuper (addit idem) Fonteio & Vipstano Coss. annos octo genitum puerum, à meridie ad vesperam, XLV. millia passuum cucurrisse. Hem! itāne tantillum puerum? itāne à meridie? Quid dicas aut censeas, nisi Genij alicuius subleuantis operâ factum? Etsi profectō hoc non fuit: sed vsus & exercitatio, & præmij acris cupido. Enimuerō & posteriore æuo, sub Leone Imp. Byzantino, Indatus quidam fuit, homo & robore & celeritate præstans. qui in cundo conspectus (veteris scriptoris verba, apud Suidā) subito evanescebat fulguris instar, nec currētī magis quam volanti adsimilis. Certē quod iter homo, mutatis equis, vno die conficere non poterat, hoc ipse suis pedibus, & SINE MOLESTIA, conficiebat. Licet his mirandis adnectere singulare exemplum Philippi, nobilis iuuenis in cohorte Alexandri. Is pedes (incredibile dictū) per quingenta stadia vectum regem comitatus est. saepe equum suum offe-
 rente Lyfimacho: nec tamen vt digrederetur à rege effici potuit, cūm LORICA indutus ARMA gestaret. De spatio, non nimis miror: de armis, magnum est & pænē incredibile, vt Curtius dixit. Atque hi cursores Græcanici, quibus vsu, non opēiā similes, quos reges Inga nuper habebant, in vasto illo noui orbis Peritiano tractu. Iis casulæ dispositæ, per publicas regni vias, erant, dimidiati milliaris quæque intervallo. In casulis duo cursores, cūm suâ quisq; vxore agebant. Re igitur aliquā nunciandā, ad primum illum voce (nam litteris carebant) deferabatur, quidquid hoc erat. Ille cursu intento, à suâ casulā ad proximam pergens, iam vicinior altā voce hoc ipsum inclamabat: atque alter accipiens, item per-
 gebat

Suidas in
vid. anox.

Curtius
lib. VII.

P. Cieca 1.
cap. XIII.
August. Sa-
rut. I cap.
XIII.

Lib. VII.

gebat ad proximā: ac sic per manus ad fines regni. tantā celeritate, ut Hispani scriptores fateantur, omnium equorū cursum ab iis superatum. Neque dissimilis ratio, quam maiores nostri Galli usurpabant. de quā Cæsar: *ubi maior atque illustrior res incidit, clamore per agros regionesq; significant: hunc alij deinceps excipiunt, & proximis tradunt, ut tunc accidit. nam quæ Genabī Oriente sole erant gesta, ante primam confectam vigiliam, in sinibus Aruernorum sunt audita: quod spatium est milium passuum circiter CLX. Nihil nimium est: & miror esse, qui diffidant. Quid? nōne longè mirabilius, quod Diodorus Siculus, in rebus Eumenis, tradidit: cū ille milites & arma expediret, quosdam Persarum, qui xxx. dierum spatio abessent, eodem illo die hoc cognovisse? Fide maior res videtur: sed ille ita denarrat. Persis, inquit, pleraque montana est & vallibus interrupta. in montibus, opportunis locis specula sunt, in quibus consistunt homines maxime vocales: specula autem ita diuise, quantum vox ab unā ad alteram venire & excipi potest. Re igitur nunciandā, unus inclamat: proximo, ille alteri, & sic deinceps per omnes Satrapias, ad extrema regni. In numero tamen illo Τεταράκοντα ημερών siue triginta dierum, subsisto: & vereor ut Τετάρη, siue trium, sit satis. Habes Hemerodromos, & pedites cursores: nisi quod Turcarum Πεῖχῃ me etiam sistunt. Hi in comitatu Principis & antecursores, cū opus est huc illuc mittuntur: tantā velocitate currentes, cū securiculā in manu, & item phialā odoratā aquæ, ut adfirmant eos Byzantio Hadrianopolim die ac noctu peruenire. quod intervallum est milliarium Romanorū circiter CLX. At diuersum genus videtur quod Λαόνικος describit, & *Ψλκιδας* appellat. Hi, inquit, citatissimo gradu magnum iter peragunt. & si foris eques occurrat, eum deiecit, ipse equum conscendit: iterumq; si*

Lib. IX.

aliū,

alium, idem facit, & defessum equum ei tradit. Corpus
 succingunt, ne doleat in cursu. Ex Peloponneso Hadriano-
 polim scimus regios istos cursores venisse, intra quinque
 dies: quod iter xv. dierum spatio agere eques peregerit,
 etiam fessimus & expeditus. Mixtum hoc postremum
 genus, & Equitibus assidet, ad quos nunc imus. Ve-
 tus id inuentum, vt per dispositos equos, & certas
 stationes currerent: quod Cyro, in Perside quidem,
 Xenophon adscribit. Is considerans, inquit, quantum
 spatij vno die equus posset conficere, sic vt labori non
 succumberet: in tali isto intervallo Equilia constituit,
 inque iis equos & eorum curatores. Tum etiam in quoque
 loco virum idoneum, qui acciperet literas, & cursu ita per-
 ferret: quem nec noctu interdum intermittunt. Nota de
 die, & rationem nostrā hodie diuersam, qui dispo-
 nimus ferē per horas. Atque isti sunt, quos Persæ
 Angaros appellarunt, itemque Astandas. Græci an
 vsurparint hoc genus, firmiter nescio. in Liuius ta-
 men lego: Ti. Sempronium Gracchum acerrimum iuue-
 nem, per dispositos equos, propē incredibili celeritate, ab
 Amphissâ Pellam tertio die peruenisse. Quid Romani
 veteres? & de iis ambigo: etsi in eodem Liuius lego,
 Censores locasse currules equos præbēdos: sed ego ad Cir-
 censes traham. In Cæsare etiam scriptum: Tibullium,
 omnibus opidis mutatis ad celeritatem iuuenis, ad Pom-
 perium contendisse. Iterumque in eodem: Nuncios, per
 dispositos equites, de victoria Cæsaris, Messinam allatos.
 Fuit ergo res in vsu: sed vix publico sumptu aut
 curā. ac dixerim priuatos, lucelli causā, equos sic
 elocasse & præbuisse, præsertim magnatibus no-
 tisque viris. Illud certum, Augustum rerum com-
 potem, cursum denique publicum ordinasse. de
 quo Suetonius: Quo celerius, ac sub manum, annuntiari
 cognoscij, posset, quid in prouinciā quaque gereretur: iuue-
 nes primo (nota Perilianam illam rationem dictam)
 modicis

Lib. viii.
 itē Herod.
 Lib. viii.

Lib. xxxvi

Lib. xxiv.
 111. Ciuil.

Ibid.

Cap. xlix.

modicis intervallis per militares vias, dehinc vehiculâ disposuit. Commodius id visum est. ut qui à loco idem perferrent litteras, interrogari quoque, siquid res exigeret, possent. Ergo in vehiculis, Augusti instituto, is cursus: in quibus commodius molliusq; sanè trāsuehi, quàm singularibus equis aut Veredis, qui tamē postea etiam accessere. Sed de modo huius cursus, quod præcipuè institui, videamus. Liuius tradit, M. Cato

Lib. xxxvi. *nem, quinto die Hydruntum Romam, IN GENTI CVRSU peruenisse.* Ea sunt milliaria, opinor, paullo plus

Cap. lvi. cccc: sed alij longè vicerunt. Cæsar ipse Iulius, de quo Tranquillus: *Longissimas vias incredibili celeritate confecit, expeditus mentoriâ Rhedâ, centena passuum millia in dies singulos.* Nota de mentoriâ Rhedâ: & nondum igitur publicè fuisse. Assidet huic spatio, quod Plutarchus ut magnum prodidit, *Cæsarem octavo die ab Vrbe ad Rhodanum venisse.* Nam ea sunt milliaria circiter octingenta. Supra Cæsarem longè Icelus ille Galbæ libertus (in Plutarcho) qui ut patronum imperij nuncio, & cæde Neronis, primus lætificaret, *septimo ab Vrbe die Cluniam, (ferè in mediam Hispaniam) peruenit.* Etiam vicit Cæsarem Mithridates, quem Appianus, *mille stadia vno die, mutatis equis, confecisse* tradit. Sunt milliaria cxxv. Supra istum Annibal (in eodem Appiano) qui victus à Scipione, *Adrumetum vno comite venit, biduo & binotio tria admodum stadiorum milliis cemsus.* Sunt milliaria cccclxxv. ergo in diem noctemque clxxxvii. & semis. Vicit & hunc nuncius ille, qui à Maximo Romam missus, ut eadem Maximini narraret, *tanto impetu (verba Capitolini) mutatis animalibus cucurrit, ut quartâ die ab Aquileiâ Romam veniret.* Atquin, ex Antonino, spatium interest dclxxxviii. milliarium. ita in noctem diemq; imputes cc. ferè milliaria: quæ ipsa iusta confecit

Tibe-

Tiberi
mi cur
Ger
haculu
suum.
tribus
haculu
in equ
iple h
vno sp
transig
millia p
bano duc
dictio in
incomm
& milita
atq; ita
les curri
Procopi
in Ecce
Palladiu
qui ridu
eques in
ea sunt
dccc. ac
Polsintr
horariz
cursui ap
Galliaru
Artesia &
ierum in
miraculo
tium con
nuandum
equus Se

Tiberius Cæsar, pro exemplo (Plinio iudice) summi cursus. Nam is, inquit, cùm frater Drusus in Germaniâ ægrotaret, nocte ac die longissimum iter, vehiculis tribus est emensus: in quo suere ducenta millia passuum. Obserua, quod admirationē augeat, vehiculis tribus: id est, ter tantum mutatis equis. Imò & de Vehiculis mirum; atque omnino expeditius videatur in equis: quod Valerius etiam vult ita factum. Nam ipse hoc narrat: *Iter quam rapidum & præceps, velut vno spiritu corripuerit, eo patet: quod Alpes Rhenumq; transgressus, die ac nocte, mutato subinde equo, ducenta millia passuum, per modo deuictam Barbariam, Nandabaiò duce solo comite contentus, euasit.* Tamen Plinij dictio instituto Augusti magis firmatur: & quid incommodi tunc in Vehiculis? cùm vias publicas & militares, stratas vbiq; lapide aut glariâ sciamus: atq; ita æquabiles, & sine salebris, faciles & meabiles curribus fuisse. Equi tamen, vt antè dixi, & ex Procopio aliisq; liquet, successere. atq; ita Socrates in Ecclesiasticâ Historiâ scribit, *sub Theodosio fuisse Palladium quemdam, animi & corporis viribus eximium, qui tridui spatio, ab vrbe Constâ:inopoli ad fines Persarum eques iret, totidemq; diebus iterum rediret.* At Hercules ea sunt (ad Eufratem si numeras) miliaria plus dcc. atq; essent in diem nostratia paullo minus xx. Possintne cursores nostri hodie, nescio: etsi ratio ista horariæ mutationis percommoda est, & maximo cursui apta. Cui auctor apud nos Ludouicus xi. Galliarum rex fertur; dum Carolo Audace cæso, Artesiæ & prouinciis nostris imminet, & nuncios rerum in horas exspectat. En de *Equitibus*: addatur miraculum de ipsis *Equis*. quorum vnus aliquis spatium confecit sensibus fideique nostræ ægrè insinuandum. Probo Imperatori oblatus è captiuus equus Scythicus, (Vopisci verba) *nec decorus, nec*

Lib. vii.

Lib. v.
cap. v.Lib. vii.
cap. xix.

ingens, qui centum in die milia curere diceretur, ita
 ut ad octo aut decem dies continuaret. Exclamas, te non
 Lib. VIII. Sarmata, inquit, longinquum iterum acturi inedia pridie
 praparant eos, exiguum tantum potum impertientes: atque
 ita per centena milia & quinquaginta, continuo cursu
 eum ibus insident. Vides Pegasus alatos: atque ab
 iis ad ipsas Alites (quid enim aliud superest?)
 veniamus. Eas præcipue intellexi, cum Animantes
 dixi currere: quidni celeriter istas, per liquidas &
 ubique peruias cæli oras? Regi Aegypto Martha
 fuisse cornix ab Aethio proditur, sic edocta, ut lit-
 teras quaquaversus præpete volatu deferret, indicio
 tantum loci facto. Cui etiam mortuæ sepulchrum,
 meritissimæ memoriæ ergo, rex condidit. Colūbas
 olim & nunc hoc officium subisse, præsertim in
 obsidionibus, *alibi docui. & addo, quod bello Sa-
 cro cum Tyrus à Christiano exercitu clauderetur,
 colūba sapius emissæ, immissæ, litteras & alloquia
 hostibus ferrer. Quæ observata denique à nostris,
 clamore tanto à terrestribus nauahusque copiis
 simul excepta est ut trepida ales, tamquam turbine
 moti cæli acta in terram delapsa, prædæ & gaudio,
 & mox etiā vsui esset. Nam de præpita epistolâ lecta-
 que, cum inscriptum repperissent, Breui auxilia ad-
 futura, iumerent animos, atque expectarent: nostri, Bar-
 baricis item litteris exararunt, Virtuti & fidei satis
 eos fecisse, Fortunam derisse: nec spem auxilij, interclusis ab
 hoste numeribus. Ita colūba demissa subditiuam char-
 tam retulit, & dolo non suo urbem referauit. Legi
 & in Bernardo quodam Bredenbachio, qui maio-
 rum æno Syriam atque Aegyptum perlustrauit:
 Alexandria præfectum (Sarraceni tunc tenebant)
 quem ipsi Amir alium vocabant, semper apud se columbas
 habere, sic edoctas, ut quocumque delata fuerint, mox ad

* Saturnal.
 I. cap. V.
 & adde
 Plin. lib. x.
 cap. xxx.
 v. l.

eius domum mensamq; reuertantur. Itaque earum duas aut tres, speculatores, qui emittuntur cotidie scaphis in mare, ad naues explorandas que peregrè adueniunt, nemiles aut fraus lateat, eos inquam speculatores, columbas secum ferre: & cognitis qua vsui, statim scidam inscriptam collo columba illigare, ac dimittere: hanc autem ad præfeti mensam bonâ fide statim se sistere. Idem fit in alterâ, tertiâq; si quid aliud forte incidit: eoque inuento portum eius vrbis aditumq; egregiè tuentur. Sed à cælo ad terram iterum redeo, & venia mihi esto Canis etiam huic narratiunculæ inferendi. Is quoque, Orosius
Lust. Hist.
lib. 11. inquam, defert litteras, fideliter ac celeriter, hoc exemplo. Rex Fessæ, subitario milite collecto, Tingin properabat, erepturus eam, vt censebat, Christianis. Improuisa res erat, & Menesius tamen per occultos indices rescivit, qui præerat Arzillæ. Quid faceret? volebat, nequibat, ad Tingitanû præfectum mittere, & periculi iam instantis admonere, viis omnibus obseptis. Excogitat astum. catella relicta, proximis diebus, per obliuionem Arzillæ erat à ciue Tingitano. Hanc litteris illigat ad Præfectum illum, & sub noctem in litore destituit, acriter ibi verberatam. Catella iam libera cursum, quantum potest, Tingin intendit: manè peruenit, litteras ostentat, & ciues militesque periculi admonet, liberatque. Hoc spatiû est milliarium circiter LXXV. nisi me Io. Leo Afer fallit. Sed hem, hem, quò eo? hoc est epistolam scribere, an Chimæram pingere? Triplici facie certè habes è *Pedire*, *Equite*, *Alite*: tu lege, nec lege, vt voles. Vale mihi saltem. & in beatâ Italiâ benè beateque age. Louanij, prid. Kal. Octobr.

∞. IO. XCVIII.

Carmen, quod honori tuo scripseram, hic habes.

Reuerendo & Nobili viro

NICOLAO MICAVLTIO

NICOLAI F. cū SACRA LAV-
REA donaretur, ODE SYNCHA-
RISTICA.

QVISNAM hic, quis nouus occupat
Ardor? quis trepidum rapit

Docti ad culmina montis

Phæbo operatum?

An verus verus est amor

In te clare MICAVLTII?

Clare à stirpe, opibus, magis

A probitate.

Ille est. ille meum ferit

Thyrso pectus, & intima in-

Fundit gaudia, cū videt

Inclyro honore

Augendum. date lilia,

Floreis spargite duplices,

Sertos siue solutos,

Thura adolete.

Iam scandit Sophia arduas

Arces, iam capiti decus,

Aeternum veniet decus,

LAVREA SACRA.

Qualis Scipio, murice

Inignis, Capitolia,

Victis hostibus Afris,

Aurea scandit.

Plebes atque patres fremunt,

Hic cingit, subit, hic praei:

Illius

Illius noua tentat

Gloria pectus.

Perge o tu quoque numine

Dextro victor, & affere

Antiqua fidei sacra,

Heu violata.

Qua non flagitia adspicis?

Quas labes scelerum? ruit

Doctrina illa vetus patrum, &

Patria virtus.

Vt cum praecipiti iugo,

Currus non reuocabili

Impete fertur, equi negant

Obsequi habenis.

Nec spes vlla super, nisi

Nostra, o Belgica, bellicis

Tandem libera curis,

Munia pacis

Amplectare. cape, o cape,

Quam CLEMENS hominum pater,

Quam Regum ille PHILIPPVS

Maximus offert.

Qua mora vos Bataui tenet?

Qua vos Mattiaci? date

Dextras, & veteri iugo

Subdite colla,

Tunc tristes superum mina,

Tunc Mars & Furor impius

Ibunt, atque redibunt

AVREA SÆCLA.

I. L.

FF 3

EPIST.

EPIST. LX.

Madrítum.

GARCIAE FIGVERÖA, Regi à cubiculo.

DUPLICI dolore, & quasi ictu, sum affectus, cum tuam epistolam accepi. Etsi priorem non tam intulit ipsa mihi, quam illatum renouauit, mentione mortis Aræ Montani nostri, ô magni rarique viri, & nobis etiam longinquis & exteris ob virtutem & doctrinam cari! Inò credo nobis in pretio panè maiore, quam vobis fuisse: vt ferè solent in leui (non dicam in vili) haberi viri magni, apud notos & populares. Certè ego à multis annis amabam virum, amatus etiam ab ipso: & in isto animo sentio doloris hanc plagam, prudètiâ tamen & constantiâ minuendam, aut sanandam. Quod idem & te facere hortor, Illustris Garcia. qui sine fructu vilo lugere eum potes at cum magno fructu non lugere. quo illo? roboris, quod animo tuo indues, & paullatim assuefacies ad humanos istos casus. In theatro hoc magno sedemus, spectatores aut actores; & eximus alij, inimus alij: nec mirari aut indignari debemus, in cõmuni & receptâ ab æternitate lege. At vulnus alterum, quod cum epistolâ tuâ venit, non tamè in ipsâ. Is enim qui tuam mihi mittebat, idem de fato maximi regum Philippi nunciabat: quod me percussit, vt quod publicam Christiani orbis salutem, aut certè quietem, spectaret. Videbatur enim ille Rex, certo iam & firmo consilio, ad Pacis metam sua omnia dirigere: & in parte effecit. magis pleniùsq. fortasse, si vita etiam aliqua ei fuisset. At ô clare Sol occidisti, & nos in caligine istâ reliquisti & nimbis ciuiliū bellorum. Etsi non occidisti, sed in filio tuo isto PHILIPPO TERTIO vixis & luces: quem vouemus salubrium consiliorum tuorum, vt potentia atque opum,

opum, h
educatio
e. ortu
tandum
diar: &
cernend
cia. quo
est in viâ
ta ven n
& panè
ad te mis
nostra est.
nimus per
casus mar
non ignor
TA ET I
uum &
tunc Prin
missam, n
ignoro, Si
percupian
geim: sper
atque eo n
& amici b
animo te g
x. bres.

Io. FER.
Ca

M IN
nol
reddantur
Principu

opum, heredem. Quidni autem erit? tali stirpe, educatione, indole: imò vt nouum & salutare fidus exortum eum speramus, ad illustrandum & vegetandum vtrumque orbem. Deus vota nostra audiat: & illi consilia atque animos donet, benè decernendi, fortiter patrandi. Hæc publica mi Garcia quod ad me sum in veteri iterum languore, id est in viâ quam Arias noster decurrit. Esi paullo tamen nunc melius: sed ætas hæc valde me affecit, & pænè adeò confecit. ADMIRANDA iamdiu ad te misi, & ad vtrumque Idiaqueum: nec culpa nostra est, si litteræ aut libri non sunt perlari. Curauimus per bonos & fidos amicos Antuerpiæ: sed casus maris & manus vbique sparsas prædonum, non ignoratis. Nunc parabam me dare ad MONTA ET EXEMPLA POLITICA: si Deus tamen æuum & otium dabit. De imagine aureâ nostri tunc Principis, nunc Regis, quam significas ad me missam, non equidem accepi: & per quem ea missa, ignoro, si videtur, vno verbo indicabis. Scire etiam percipiam, quo loco nunc sis apud nouum Regem: spero equidem bono & virtutibus tuis digno: atque eo nomine (si ita est) iam nunc tibi gratulor, & amici bona, mea puto. Vale Illis Domine, & in animo te gestari à nobis scito, Leuanij, xii. Kalend, x. bres. 66. Io. xcviii.

EPIST. LXI.

IO. FERDINANDO VELASCIO, *Magistra equitum
Castella, Gubernatori Mediolanensi.*

MINVS mirari, aut indignari debeamus, si nostræ plebeio ū litteræ pereant, aut tardius reddantur, cū ea sors per hæc tempora vestras Principum etiam tangat. Nam priores quidē quas

misisse te adsignificas, vnâ cum libro Puteani nostri, planè perierunt; alteræ succedaneæ tardiùs etiam ad me venerunt. Quod præmitto, ne accusari tacitâ cogitatione cessatio mea possit: cui apud talem Principem nullum alioqui velum sit aut color. Vidi autem postmodû *Puteani Reliquias*, & cultum illum tui sanè amaui. Adolescens est, sed specimen ingenij præfert, ad magna surrecturi, si ætas & peritia rerum dirigunt etiam & formant. Ego ab aliquot mensibus solito languidior eram, & eâ causâ, tum etiam quia affectus iamdiu suadet, statui seridò Italiam reuiscere, idque sub annum iam instantem Sæcularem. Præter ea quæ dixi, Religio etiâ vocat; & quod non diffiteor, cupiditas tui coram videndi, & cultum officiaque mea deferendi. Virtus tua in meo animo maiora meretur, & id sine omni blanditiâ vel adulatione scribo. Inuitant me etiam Romanam viri in sacro ordine Principes: quibus parebo, sed dumtaxat vt peregrinatio non emansio sit, & mei me Principes ac patria habebunt. Itaque si viuo, & vel modicè valeo, in proximo autumno me vobis sistam. Deus faxit; vt te, Ill^{me} & Excell^{me} Princeps, saluum, atque in iis locis reperiam: alioqui desiderium hoc peregrinandi valde minuat, & languescat. Louanij, XII. Kalend. Febr. 60. ID. XCIX.

EPIST. LXII.

Mantuan.

ANTONIO POSSEVINO Soc. Iesu.

VIDI iam nunc epistolam, quam ad P. Sallium dedisti, & in eâ benignam honestamque mentionem nostri. Non est nouum. publicè ostendisti quid de me & religione meâ sentire: quæ postrema attestatio pergrata mihi fuit. Nec eius pœnitent-

tentiam ages, ita Deus me seruet. sum enim, & ero in veteribus militiæ sacræ castris, nec transfuga vnquam ad nouitates vllas ibo. Tranquillo animo hîc viuo, Deo & studiis me consecrans. studiis, quæ pro ingenij mei copiâ adiutum, aut illustratum eo, etsi non in arduo illo genere, quod vos tractatis. Tu verò nunc etiam ingrauescente ætate non omittis: ô laudabilem conatum, atque operam! nam speciem, & ideam operis vidi, quod paras, varij, laboriosi, vtilis, quod ab interiore animo restor. Deus tibi vires, annosque ad emoliendum det; & mihi largiatur non scripto solum, sed sermone te affari. Id enim meditor, & si valetudo patitur, sub annum sacrum Sæcularem in Italiâ vestrâ me sistam, & vel de viâ flectam, vt te complectar. Optime Pater salue, & me precibus tuis apud superum numen velis adiutum. Louanij, iv. Kalend. Febr. ∞. l. xcix.

EPIST. LXIII.

Patauium.

THOMÆ SEGETO.

GAUDEO in Italiam incolumem venisse, gaudeo in domû magni Pinelli admissum: quem virum, æuo & gloriâ iam veterem, Italia vel inter veteres suos præferat & iactet. Quod id beneficij à me habes, & imputas, iucundum est: & libes equidem adiutum eo istos, qui cultum aliquem animi nobis debent. Sed & libens audio, agnoscere eos & fateri. Tu fac & enitere, vt quem te promissi præstes: nec abripiant te aut vana illic aut praua, quorum copiam etiam beata illa regio donet. Sed vt in vrbe, vbi lues est, si agas, vites domus aut vias totas eâ infames: sic hîc moneo, fugere te homines & loca vitiis nota & infecta. Ætas tua allicit? frænna. Populares abducunt? resiste. denique te &

Ff 5

posteri-

posteritatem cogita: nec posse, quin illa infamiam cum noxâ pariter apud te relinquant. Ah, quàm suauis animo iam maturo erit, meminisse pugnae & victoriæ: integrum sese à labe, & corpus ab ægritudine asservasse! Hæc moneo, mi Segere, non quia opus fortasse: sed quia amor inducit, cui agnatam curam aliquam, imo & metum esse, non ignoras. Quidni autem in ætate istâ sit?

«Mēs homi-
ni sit ver-
tior in pube-
atque im-
mensa»

*H' eni xgā vōtōns dñm xgā? et vbov dñs pōs:

ait poëta ille sapiens. Quidni etiam in regione eâ sit? Iuani bellâ, diuite: sed in quâ deliciæ aux luxur sui hærent. Vita, vita, & horridulam virtutem & me ama. Deum ita precor, & eundem in ambagine omni aut caligine ducem tibi & lucem. Louanij, v. Kal. Ianuar. co. I. c. xcviij.

TESTIMONIUM.

QVI HÆC LEGETIS,

TESTOR apud vos seriò, hac mea manu, THOMAM SEGETVM gente & domo Scotû, notum mihi a pluribus annis fuisse; imò ab ipsâ prima eius adolescentia, meû v. l. discipulum, vel ut ditor em. Eo omni tempore, probis se prob. ss., ut mihi in primis, ob acre & excellēs ingenium, ardorem studi inq; discendi: atque ita profecisse; vi in meliori omni literaturâ, paucos sibi æquales habeat, in æquali ævo. Addo & moribus modestum ingeniumq; esse, & dignum quem tales omnes æstimant atque ament. Peto igitur atque absens rogo, uti hunc in occasione adiutum velitis, favere animis, consiliis, factis: bene locaturi beneficium, quodcumque in eum conferetis. Stirpes istæ fouendæ & attollendæ sunt, in commune reip. bonum, cui bñi omnes studemus. Louanij, vi. Kalend. Sext. co. I. c. xcviij.

I. L.

EPIST.

EPIST. LXIV. *Romani.*

FRANCISCO SPORIÆ, S. R. E. Cardinali.

EGO verò tertium scribo, nec indecorum est in
 tantâ tuâ benignitate. Nam & Micaultius iam-
 nunc indicium mihi fecit sermonis & curæ, quam
 de me & itinere meo habes. Quod iter, ita me Deus
 seruet, suscipiam, religionis quidem primum sed
 & tuâ causâ; qui ultro hanc prolixam beniuolen-
 tiam in me ostendis: qua nisi capi & molliori me
 fatear, sim profectò lapis aliquis aut ferrum.
 Quamquâ & ipsum ferrum ut à magnete trahitur,
 & occultâ vi allicitur, sic me à tuâ virtute testor. O
 verè magnum, & ut verbo dicam. ROMANVM tuum
 animum! qui vel hoc argumento valdè virtutibus
 abundas, quòd alienas sic excitas aut amas. Nihil
 blandè aut apud te tua causâ dicam, sed numen
 supremum appello, esse me & fore cultorem tuum,
 quamdiu terræ me huius esse idem numen volet.
 Sed ut de re dicam, ad iter me paro in Autumnum
 proximū, & Septembri (cū bono Deo) dabo me in
 viam. Ideò enim paullo maturius, quia & amici in
 viâ alibi tenebunt fortasse: & exigua spatia cōficere
 suadet hæc valetudo. De essedo quod offerebas pla-
 nè opus non est mitti. Hic enim facillè paramus, &
 comites item honestissimi non deerunt, atque adeò
 quidam etiam è contubernio aut disciplinâ nostrâ.
 De ratione itineris totâ, certò nondum dixerim:
 quia incidere aliquid potest quod turber. tamen, ut
 nunc est, censebam per Germaniam me iturum, &
 Alpes Tridentinas, quæ molliore cliuo esseda
 & currus etiam transmittunt. Si non; Galliam
 transiero & obiter videro, ubi amici item plures
 qui inuitant. Sed Romam cum venero, certum
 mihi

mihi est rectà ad te Ill^{me}. & vt Iuno illa Homericā,
in concilium Deorum veniens, à nemine poculum
nisi à Themide accepit ; sic ego tuo inter omnes
hospitio & beneficio vtar, quod mihi comiter & li-
beraliter offers. Tum denique in sermonibus ea,
de quibus scribis. Deus modò Ill^{me} & Reu^{me} Prin-
ceps te seruet, & me voti mei duplicis dānet : prisci
illius, Romam reuifendi ; & huius noui, te visendi,
quod animus iste (vt vero verbo dicam) ardet. Lo-
uanij, xii. Kal. Maijas, co. Io. xcix.

EPIST. LXV.

Mediolanum.

IOANNI BAPTISTÆ SACCO S. D.

AVDI rem latam, vt est tuus amor, cui fideli-
ter equidem respōdeo amore. Rem, inquam,
latam, meum in Italiam aduentum. Quando? in-
quies. sub Autumnum proximum, ne lōgius etiam
hoc producam. Lubet esse in anni Sæcularis initio
Romæ, quò magnates aliquot inuitant; & inter eos
Cardinalis Sfortia, haud dixerim quā in me pro-
nus. Audistu ista? crede firmiter, nisi Vita, aut Va-
letudo prorsus destituit, sic futura. At illum Prin-
cipem, & heroem nostrum ante omnes videbo, qui
in ditione vestrà præstet. Præsit etiam tunc modò,
nec in mutatione rerum istà aliquid mutetur. Sanè
id mihi triste esset, quia acre desiderium concep-
ius videndi, ac venerandi; atque id merito solo
virtutis. POLIORCETICA nostra recusa sunt,
cum figuris additis, quas ille Princeps mihi sub-
misit, quem breuiter, sed fideliter laudaui. Mi-
caultium, quem commendaueram, sic benignè &
honestè à te habitum (ipse largiter scripsit) quidni
later? At non hoc, silere nostrum Puteanum, à quo
iam à pluribus mensibus ego nihil. Viuit, valet,
apud

apud vos agit? per te sciam, si tardat etiam ipse. At tu vale, mi Sacce, & salueat à me Cl^{mus} Septalius, qui melius de valetudine istâ ominatur, quàm ego. Sed viuam, valeamque in paucos menses modò: videbor, & videbo. Louanij, xii. Kalend. Febr. ∞. Io. xcix.

EPIST. LXVI. Patauium.

Io. VINCENTIO PINELLO.

Si quis Italiâ hodie veteri & meritâ famâ est, Seum ego te censeo Vincenti Pinelle: & ideo iam à pluribus annis tacito quodam affectu & colo & amo. Non fuit occasio sermone aut litteris declarandi: vtrumque fortasse erit, certè nunc alterum; & stilo te vt conuenirem, duplex mihi causâ fuit. Prior, vt gratias agerem pro benignitate quam in Thomam Segetum, ex cõmuni quâdam cõmendatione meâ, contulisti: quod ex eius litteris intellexi, & eâ re debere me tibi obstrictumq; esse, & sentio & testor. Altera etiam causâ, vt hunc adolescentem Franc. Sassenum, in vrbe istâ natum bonis honestisque parentibus, ipsum bene educatum & institutum, hactenus tibi insinuarem, vt videndi adeundi que tui copia aliquando sit, & consilio, si opus sit, etiam iuues. Nam cetera ei non desunt, & dumtaxat studiorum & rei medicæ causâ, ad loca illa venit. Sed de sermone quod initio dixi, nec id quidem despero, & valdè certè opto. Spero autè idcò, quia pænè decretum mihi, sub annum instantem Sæcularem in Italiâ me sistere: & absit, vt eâ exeam, nisi vt te videam & amplectar. Quid exeam? imò cum inibo hoc fiet, opinor: & inter prima & calida desideria mea est, vt hoc reddam effectum. Viue, viuam: nisi casus aut vis impedit, videbo. Louanij, vi. Kal. April. ∞. Io. xcix.

EPIST.

EPIST. LXVII.

Genuam.

PAVLO MONELIÆ S. D.

SILENTIVM aliquod fuit, mi Monelia; sed quod ego vnica ista scriptione, & nuncio pensauero, & dabo te in gaudium, si amorem tuum noui. Quid igitur nuncio? veniurum me in Italiam, ante annum hunc Sæcularem si Deus vitam, & aliquas vires donet. Ita planè decretum est, idque sub aurumnum proximum, vt otium sit Italia ipsius, & amicorum videndi. Atqui non domicilij causa nec res, sed pietatis primò, tum etiam animi causâ veniemus: & inuitante item Cardinali Sfortiâ, qui in me se exhibet valde benignum. O quàm libes te quoque inter amicos complectar! etsi tu à via procul: sed aut ego deflectam, aut tu excurres, & omnino fruemur mutuo aspectu ac sermone. Eâ spe pauciora verba faciam, de rebus aut scriptis meis nihil addens: quid opus, cum tibi me sistam? Ita faxit ille Deus, & te meque in paucos illos saltem menses seruet. Scribe autem interea de ratione itineris optimâ, si quid habes, & has ad Mercurialem nostrum mitte. Louanij, Kal. Febr. ∞. Io. xcix.

EPIST. LXVIII.

Pisas.

HIERONYMO MERCVRIALI S. D.

CONSTANTEM amorem tuum amo, quem numero inter Italia veterrimos, suauissimosque. Et hortaris vt scriptione eum excolamus: quod lubens fecero. sed quid si aliud etiâ epos tibi cantem? inopinato tibi fortasse, & hoc gratius erit. Ego, mi Mercurialis, statui certò (Deus modò & vita velint) in Italiam vestram venire, non habitandi, sed visendi,

visendi,
& verba
breui, t
dabo &
stra. An
eum v
amici t
tum de
sermo n
exlatia
mem, v
pauca n
tuas item
strum pro
te, scio,
∞. Io. x

ASCAN

Mic
ber
buisse.
mihî dicu
monio ve
mentior,
sacrum d
solum me
repender
O beatam
fideribus
luce prop
ian: diu an
nere in ha
pius: ac

visendi, & regutandi causâ. Vultum tuum videre,
& verba audire videor exclamantis, Quando iam
breui, iam intra quinque aut sex menses ad iter me
dabo & lubet esse in fine ætatis in aditu Italiæ ve-
stræ. Annus sacer Sæcularis me vocat maximè, sed
etiam viri quidam principes qui inuitant; & vos
amici trahitis, omnino ante excessum videndi.
tum de valetudine, tum de descriptionibus, & studiis,
sermo nobis sit vel in multam noctem, si dies non
exsatiat: & ceriè explere oportet desiderium & fa-
mem, ut sic dicam, diu ieiuni & audi amoris. Ergo
pauca nunc scribo. tuas ad Wirtendellium misi,
tuas item ad me exspecto, ecquid consilium no-
strum probes. sed quid ambigo? ore, stilo, pecto-
re, scio, probabis. Vale. Louanij, Kalend. Febr.
∞. 10. XCIX.

EPIST. LXIX.

Romam.

ASCANIO COLVMNÆ, S. R. E. Cardinali.

MICAVLTIVS significauit mihi de honesto &
beniuolo pariter sermone, quem de me ha-
buisses. Et si quid opus fuit? ipse tuæ litteræ hoc
mihi dicunt, quas ante bienniū ad me, illustri testi-
monio vel iudicij vel affectus dedisti. Quas ego, nō
mentior, ut Palladium aliquod Romani olim, aut
sacrum depositum, asseruo. Itaque non credere
solum me par est, sed affectum aut potius cultum
rependere, quod dignitas tua postulat & fortuna.
O beatam, o illustrem Romam his, ut sic dicam,
sideribus! quæ non splendore generis solum, sed
luce propria virtutum & laudum uicant. Ac mihi
iam diu animus est & cælum illud Italiæ (liceat ma-
nere in hac imagine;) & vos in eo astra intueri pro-
pius: ac fiet sanè breui, si vitam mihi in paucos
menses

menſes proroget ſupremus ille rector. Nam annus ſacer Luſtralis cū inſtet, occaſio ſiue cauſſa eſt veniendi: & ſimul ſacris, ac deſiderio meo, litandi. Quod ſignificare me tibi Ill^{me} Princeps cultus hic animi adgit: animi, æternū virtutibus tuis deuoti. ita propitius mihi ſit ille Æternus. Louanij, XII. Kal. Maijas. ∞. 10. XCIX.

EPIST. LXX. Mediolanum.

IOANNI BAPTISTÆ SACCO S. D.

N I HIL ambigebam, mi Sacce, quin latificaſſem te nuncio mei aduentus: ita mihi notus & ſeriō creditus eſt ſerius tuus amor. Et tu quā eum oſtendis? nec celari ſanè ſolet hic ignis. Inuitas in domum tuam; & hoſpitiū molle, vbi ego curer, tanquam Regi Antiocho oculi ſolent (liceat iocari) offers. Accipio mi Sacce, accipio: & vbi ſim libentiūſ, addo etiam liberiūſ? Accipio tamen ita, niſi imperio aliter cogimur, cui leges non damus. Scis me de Principe intelligere, qui perbenignè certè in nos eſt affectus: & fortasſe apud ſe etiam volet eſſe, aut ex eius metatione accipere domum. Quicquid erit, vtinam tuam! Sed in paucos tamen dies, quia in amatā illā Italiā plura loca homines, quē videndi nobis ſunt: & ante omnia, inclyta illa Roma, in quā etiam nunc animi & virtutes Romanæ. Nam percurrere Italiam nobis decretum tantū, non hercules inſidere. Cuius rei ſi vel ſuſpicuſcula proceres noſtros tangat, non dimittat proſectō, nec vllō titulo impetrem commeatum. Atqui nihil tale eſt. ſacra & amici trahunt, & ipſe meus Genius, qui loca ea & homines neſcio quo naturā ductu amat. Tu me mi Sacce, & hunc etiam adoleſcentem libens aſpice, mihi auditorem
& ami-

& amicum, in litteraturâ, & Poësi præsertim, inter paucos præstantem. Louanij, vii. Kal. Maijas. 66. 10. xcix.

EPIST. LXXI.

Romani.

CÆSARI BARONIO S. R. E. Cardinali.

QUOD animo & voto sæpè facimus, vt te alloquamur, & quasi coràm videamus; id nunc stilo vsurpo & repræsentò, in occasione quam NICOLAUS MICAULTIVS mihi præbuit, iste quem vides. Putat gratiæ mihi aliquè locum apud te esse (nec diffido, in animo isto conscius, quanti te faciam Christiani orbis fidus:) putat, inquã, aliquid apud te cõmendationem meam posse, eò libentiùs dandam, quia tali. Nam vir est, & claris apud nos maioribus, & ipse planè probus, industrius, & vetus auditor meus: et si illum Deus & animus ad diuina studia traxerunt. Nam in Theologiã eò iam peruēnit, vt etiam titulum & testimonium publicè acceperit: & nunc in Italiã & vrbem sacram se contulit, videndi discendiq̃ue causã. Beabis eum, si & tuo interdū aspectu frui, & vel breui colloquio, liceat: quod longum, scio, occupationes tuæ non donant. Hæc pro Micaultio: de me an aliquid addam? addam. Pietate impulsus, & cupidine vos illustres viros videndi, in Italiam venturum sub annum hunc sacrum & Lustralem, qui instat. O Deus mihi det caput illud Ecclesiæ, non dignitate magis quàm meritis inclytum, veleminus intueri & venerari: vos autem propiùs adire & alloqui! quod inter præcipua mea vota esse fateor, & animus mihi dicit, FIET. Ill^{me} & Reu^{me} Domine, idem Deus Ecclesiæ suæ lucem & tutelam te seruet, cui sincerè testor me toto animo addictum & consecratum. Louanij, vii. Kal. April. 66. 10. xcix.

Gg

EPIST.

IO. BAPTISTÆ SACCO S. D.

NE ambige, ego venio. cum vnâ exceptione Fati. Si publica mortalitas, aut priuata mea, Italiam non inuidet; ipsam videbo, vos amplectar. Ad illum Principem parco nunc scribere, donec de tempore & totâ viâ meâ certò scribam. Et si de tempore propemodum scio, & statui ipso mense Septembri: sed de viâ aut limite mutant turbæ, contagia, & eiusmodi euentus. Quacumque viâ, certum est Mediolanum vel per ambages deficere, illius Heröis & vestrâ causâ. Statui & Antuerpiani breui ire, & scripta mea quædam apud Typographum deponere, vel mortuo me edenda, si quid humanum contingat. Mihi litteras nuper ad te alteras, sed per adolescentem nostratem N. N. quem commendauì obiter. neque nimis velim, & ambigo (vt apud te liberè) de moribus & vitâ. Et si certum nihil, sed ex suspicionibus habebam, quibus vir probus nō nimis indulget. Idem ille ad Puteanum à me habet, cui in studiis commilitauit. Cardinales Romani, inter eos Sfortia, in me sunt benigni: videbo illa lumina, nisi Deus hæc mihi claudit, vt initio dixi. Vale mi Sacce, cui iam nunc animo circumfundor. Louanij, Pridie Kalend. Maijas, 10. IO. XCIX.

Nostri hīc agrè me dimittunt; tamen temporarium hunc comiteum à præcipuis Aulæ iam impetraui, in senos dumtaxat menses.

EPIST. LXXIII.

Romam.

FREDERICO BORROMÆO S. R. E. Cardinali.

ANIMVS me iussit, & hic cultus quem tibi deuoui, significare consilium, quod in re meâ cepi.

cepi. Statui enim serio, instante iam anno sacro Se-
culari, Italiam vestram & in eâ urbem Dominam
inuifere: quò pietas me primùm, sed & cupiditas
aliqua (non nego) vos illustria orbis lumina viden-
di, inuitat & trahit. Inter ea cùm clarâ luce fulgeas,
& iam olim honore me beniuolentiæ & litterarij
affatus tui affeceris; iure inter primos ad osculum
manus tuæ veniam, & domicilium ostendam, cui
animus includitur virtutibus tuis seriò deuotus.
Deus mihi det perficere, & te Ill^{me} & Reu^{me} inco-
lumem diu Ecclesiæ superesse. Louanij, Prid. Kal.
Maijas, ∞. IO. XCIX.

EPIST. LXXIV. Mediolanum.

PETRO PANTINO Decano Bruxellensi.

GRATVLABOR? animo feci, & nunc scripto:
Get si venisse te Mediolanum, fama adhuc, non
litteræ tuæ mihi dicunt. Sed gratulor, & veram
hanc famam, quia valdè cupio, puto. Ah mi Pan-
tine, quàm Principes illos novos patria desiderat!
quàm brachia aduentantibus, vt sic dicam, pandit!
Non illeipse Albertus sic nuper ad suam sponsam;
quàm nos ad illum & illam anhelamus, tot malo-
rum medicinam & leuamen. Venite, & nouam lu-
cem Belgicæ infundite, tu Sol, tu Luna, & diem
noctemque nostram pariter illustrate. Quàm cali-
da vota nostra sint, potes scire, quia suprema. Quæ
enim spes, præter hanc, vltrâ superest? lacta est è fa-
tiscente naui nostrâ sacra hæc anchora: & ea duplex
nisi sistit, cum Tragico exclamo,

* Οἱ μοι, μέγας θναυρὸς ὡς ἀνὸς ἡντινα
κακῶν.

vno verbo, perimus. Sed abite malè ominata verba:
illa quoque Iunonia auis nobis cecinit, * Ἐστὶ πάντα

Gg 2

* Hec me,
malorum
quenam
abyssus pau-
ditur?
* Erunt o-
mnia recte.

καλῶς. Et profectò erūt, si nostri illi bonis prouidisset, que consiliis vrentur: quibus nimis est opus. Nam affectus & obsequia nostra non adsunt, sed supersunt: adsit ille auriga modò, qui peritè moderetur & tēperet, & cui Minerua aliqua illa illa, vt spero, Isabella) in consilio adsistat. Sanè prudentiâ opus, & si distinguere placet, prouidentiâ, in hoc articulo temporum. quia vt iis qui è puteo extrahuntur, tunc maximè periculum lapsus est, cū ad oras summas venerunt: sic nobis, qui educi iam incipimus, ne à spei culmine ad barathrum * *δοσελπίας* relabamur. Vera ô magne Deus, & benigno semel oculo Belgas tuos vide. Sed vt cumque cadet, magni animi hoc regis vtriusque factum: illius, qui dedit, huius qui approbavit. & ingens gloria, non esse solum magnos & felices, sed fecisse.

* *desperationis.*

Habere regnum, casus est, virtus dare.

Sed publica sepono, de quibus coram affatim, quia tu prudens eorum es, quæ ibi acta: nunc audi & priuata. Valemus, vt solemus: id est, viuimus magis quàm valemus. sed quî noster Couarruuia, ille senex senis Homericæ æuo dignus? sed non etiam Homeri fato, quo tamen audio & doleo eum affectum. O virum corde mihi, non ab annis, sed à lustris iam amatum!

* *Quem manibus propriis finxit cordata Mierida.*

* *Ὅν δ' αὐτὴν πολύμητις ἀνέπαυσε χερσὶν ἀθίην.*

Inuideo tibi, qui vidisti & amplexus es, vtinam medio me par illud diuellente! Sed heu, quàm diuulsus à nobis Winckelius! ô spes & destinationes humanas! Ille diu luctatus cū suâ sorte emerferat, & iam terram nō videbat, sed tenebat: in ipsâ terrâ spei suæ ac nostræ naufragium fecit, atque adeo ipsius vitæ. Nam Genuæ fato suo functum audiui-mus, & suspiriis persecuti sumus: quid iuuat? magis hæc vota, vt vir quietissimi animi, in quietis illis locis,

ocis, fru-
etiam a
sum, li
primar
vrbem
mul an
spedan
inquam
nandun
& loca r
nobis &
teneant,
men vale
aenea inc
liberabit
nouum v
saluum f
Da pa
Vale vir
Sext. 60

ITT
Latque
gaudere
mentem
omito:
ego nunc
& hunc q
piâ) præf
tudo aute
vincula h
dir, Quid

ocis, fruatur æternâ & beatâ pace . At tu de me
etiam audi * *ρήματα ἢ δαύματα* ? vt ait Orator . In eo <sup>* verba, an
portenta</sup>
sum, si vel leuiter moramini, vt vos in locis iis op-
primam . Qui potest? inquires . potest . quia statui ad
urbem sacram sub sacrum hunc annum ire, & si-
mul animû à noxis lustrare, simul perfundere eum
spectandi illâ honestissimâ voluptate . Spectandi,
inquam, & illustres aliquot viros in iis Io. Ferdi-
nandum Velascium, regiâ ibi vice Gubernatorem)
& loca regionesque, antiquitatis gratiâ, sic amata
nobis & culta . O quàm desidero ! nec mei aut mea
teneant, — * *ἐδ' ἐπ' ἐπ' τε σιδήρεα δέσματα ἔχουσιν* : si ta- <sup>* non si me
vel vincula
ferrea strin-
gant.</sup>
men valetudo non sistat, illa mea Ate, quæ in turri
æneâ inclusum iamdiu me habet . Quis Iupiter
liberabit? an ille summus, & sub nouo Principe
nouum vigorem dabit? O fiat, & ego te hîc, aut ibi,
saluum saluus videam!

Da pater omnipotens, atque istæc omnia firma.

Vale vir R^{de} & amicissime . Louanij, III. Nonas
Sext. ∞ . Io. xcix.

EPIST. LXXV. Bononiam.

IOH. AB HOLLANDT S. D.

LITTERÆ tuæ loquuntur multum te in libris,
atque etiam Senecâ nostro esse: quod ex animo
gaudere me fateor, & gratulari tibi hanc bonam
mentem . Si ab vlllo haurienda ea est (sacra semper
omitto) eum Senecam esse certum habeo . quem
ego nunc meditabar illustratum & correctû edere,
& hunc quoque fructum dare (pro ingenij mei co-
piâ) præsentî & futuro æuo . Totus in eo sum . Vale-
tudo autem semper anceps, plurimûm aduersa; &
vincula hæc euolanti ingenio summus arbiter de-
dit . Quid nisi feramus, & ferendo ad eò vincamus?

Gg 3

quia

quia in pugnam hanc compositi cum Fortunâ siue Fato sumus : atque vna hîc victoriæ ratio est, arma submittere, nec pugnare. Nâuius olim:

Pati necesse est multa mortalem mala.

Te in florenti Italiâ esse, gaudeo : florenti ingeniis, pace, opibus. vide, vt vidisse te olim iuuet : id est, quæ bona, & in rem tuam, excerpe, cetera nec tange, nec deliba. Nam & rosis suæ spinæ adhærent : atque illas legere licet, & ab his non lædi. Animus mihi erat, & acris cupido loca ea reuifendi hoc anno sæculari : Deus vetat, vt verbo dicam. Vale mi amice. Louanij, ix. Kal. Octobr. ∞. 10. xcix.

EPIST. LXXVI.

Bononiæ.

FRANC. HONIO S. D.

TESTIMONIUM hîc tibi curauimus, quod ad parentem misimus, atque ad te per illam. Finem impone, meo iudicio, & ad nos tuos ex longâ peregrinatione redi. Quod familiariter mihi scribis de iudiciis ibi aut sermûculis, gratum est, quod ad tuum affectum : nam quod ad me, ne scire quidem cupio, aded non diluere aut excusare. Tantû si quid in Religione erit, fortiter purga & pugna, vt debes. Scis enim falsò & insidiosè me peti. de aliis, permitte Famæ & posteritati, quæ Genius meus mihi spondet non iniqua. Illi, qui se opponunt, aut sistere conantur benigniorem hunc cursum, nihil agunt sese edunt aut atterunt, me aut mea nò delibant. O quietem in hac parte nostram & securitatem ! Optimo animo feci, dixi, scripsi, quæ vsui reip. aut iuuentuti fore censui : si quis meliora se putat posse, largiatur & promat. ego sum inter eos, qui sinum pudent, & supinis manibus excepta in eum recondent. Illud tantû nisi de Aristotele, non legisse

legisse me
mea vbi
modò d
trienniu
sed Rom
Improb
quos ego
hoc dica
ad iter m
nec alian
Titium an
eius testim
tollendam
mutatione
iacet. Fota
ab Hollan
ec. 13, x

ANTO

BENE
qui n
beneficiu
& vsui fu
enim Gra
nostrum
tum & an
gua & fil
Europam
te comm
rum meur
& te in e
Hispania
à reditu

legisse me? à puero penè, verè ita dixerim: & scripta mea ubique habent notas. Sed mittamus, illud modò dicitò, POLITICA illa iam recusa ante triennium, probata non nostris modò Cenforibus, sed Romanis. An & eos culpant, aut suspiciunt? Improbos, non solùm inuidos, si ita faciunt: & quos ego non magis curo, quàm, vt cum Homero hoc dicam, — * *εὐγυνὴ βάλει, ἢ παῖς ἄφρων*. Quod * si me mulier, vel verberet infans. ad iter meum omissum, Valetudo sola est in causâ: nec aliam tu aut alij quærite, non reperietis. Rob. Titium amare me puto, ex quibusdam publicis eius testimoniiis: ego eum video sedulò niti ad attollendam rem litterariam, quæ certè in iis locis (ô mutationes à Leonino sæculo!) nunc squallet & iacet. Fota viderint, tu mi Houi salue, & per te Io. ab Hollandt, quem amo. Louanij, vi. Kal. Octobr. eo. Io. xcix.

EPIST. LXXVII. Toletum.

ANTONIO CÔVARRUVIÆ S. D.

BENEFICAM tuam naturam, ô Couarruua, qui nec petenti, quid petenti? nec cogitanti beneficium offers: quod & cupiebam maximè, & vsui futurum studiis meis censebam. Accepi enim Græcanicos libros manuscriptos, quos per nostrum Pantinum misisti: quo nomine quantum & animo huic tuo & muneri debeam, lingua & stilus mihi hærent efferre. O cur non pax Europam respicit! cur non maria & terræ apertæ commeantibus sunt! profectò interius votum meum sit, Hispaniam vestram cursim semel, & te in eâ, visere: te * (*μαλ' ἀρεκείως ἀρρέυστω*) * — valde hoc veraciter edam. Hispaniæ tuæ magnum lumen. Pantinum ipsum à reditu nondum conueni: haueo valdè, & de

te tuisque audire, quæ opto. Ego nunc in Annæo Senecæ eram, & perpetuum *Commentariolum* ad eum scribebam. Scis quid voueam? apud te & in tuâ bibliothecâ paulisper esse. Nam habere te vel à libris, vel ab ingenio, rariora & selectiora, præferim in *Senecam patrem*, mihi constat. Hoc nunc agebam: postea ad alia me daturus, si vita & valerudo erit. Tibi illam longam, & hanc bonam, merenti à Numine posco. Louanij, xv. Kalend. x. bris. ∞. Id. xcix.

EPIST. LXXVIII. *Patauium.*

IO. VINCENTIO PINELLO S. D.

MALO fato & raro factum est, ut vna epistola bis missa nec semel peruenerit. Haud magna alioqui iactura, nisi quoddam testimonium cultus mei & affectus retardarit, non tamen oppresserit, vel nunc ecce reuelandum. Nam ego tuum nomen ab adolescentiâ primâ & noui, & amaui, & veneratus adeo sum: ut debui eius, qui virtutem & doctrinam eximie coleret, & in se haberet, in aliis exciteret. Sunt istæ breues, sed veræ tuæ laudes: quas in his annis & maturiore æuo quia pernoui, magis etiam amo. Si aliqua similis affectus tui scintilla in me; triûpho, non solum gaudeo: & esse cum aliorum litterarum, tum tuarum loquuntur, ante duos menses plus minus ad me amanter scriptarum. Ergo amare amatum me possum dicere; & ut semper possim, te per Genium tuum Virtuti & Honori sic amicum, rogo. Louanij, Kalend. Decemb. ∞. Id. xcix.

EPIST. LXXIX. *Patauium.*

ERYCIO PVTEANO.

IT A est, fraudes aut iniuriæ in nostris litteris intendis interueniunt, & pereunt, aut certè eunt; quod

quò non mittuntur . Per amicos inprimis vide ne
 umquam, quas saluas quidem voles . Nam illi aut
 negligunt, aut resignant & abiiciunt, aut vt optimè
 cedat, tardè reddunt . De meis ad Pinellum, inpri-
 mis dolui . nam diu est, quòd virum illum inter
 primos Italorum, & qui verâ virtute nitent, habui;
 eoque amari ab eo, sicut amabam, hauebam . Benè
 tamen de affectu cecidit, quem in eo parem ais , &
 ego ex litteris etiam eius vidi . Itaque iterum nunc
 ad eum scribo, felicius, spero, dâdas . Quod ad stu-
 dia nostra, sum totus in Senecâ Philosopho, quem
 perpetuo Commentariolo, sed manu facili, illustro
 aut emendo . Spero grauib; cordatisq; viris haud
 illaudatum hunc laborem , & publicè nec infru-
 ctuosum fore . De meâ hîc mansione dolere quos-
 dam ibi, non doleo : affectus signum est. obloqui
 alios fero, etsi scio quòd iniustè, nec nisi valetudo
 me tenuit toto animo eò anhelantem & propen-
 dentem . Quid autem nunc tu ? apud illum virum
 vide sis, vt dignum aliquid; tum & illud, vt in gra-
 tiâ eius esse perseueres . Mihi crede, verè & sine
 fuco, magnus vir est. Principes nostri noui hîc fue-
 runt , iurauimus in verba, publicè coram iis dixi-
 mus: sed pænè ex tempore, cùm ipsi paucis horis
 antè ita imperassent . De successu tamen non que-
 ror: tu vale mi Puteane. Louanij, Kalend. Decemb.
 ∞. 10. xcix.

Carmen mitto, subitò etiam mihi hîc natum in-
 ter gaudia publicâ.

G g s IN

IN IGNES STRVCTOS
INGRESSV PRINCIPVM,
ALBERTI ET ISABELLÆ,
LÆTITIÆ ET AVSPICII
INDICES,

EPIGRAMMA.

AEMVLVS assurgat Pharus vel turribus ignis,
Igne fora, igne via, templa quoque igne micent.
*Qua causa? ignis, amor: flagrant nunc omnia amore,
Princeps, ipsa vxor Principis, & populus,
Ille atque hæc, vtriusque, atque vltimus ille, vtriusque.
Dij facite, æternum mutus hic sit amor.*

IDEM *ἰδαρυτέρον*.

QUOD latis flagrat ignis in plateis,
Quod fora occupat, & domus sacratas,
Quod domus simul occupat profanas:
Non miraberis hospes. ecce flamma
Multa huc vënit. & ipse flamma Princeps,
Vrit. vritur; idem & eius vxor.
Ille hanc, hæc magis illum, vtrumque Belgæ.
Nam suos amat ille & illa Belgas,
Suos obsequio & fide perenni.
Quid Belgæ ij quoque amant & illum & illam,
Et colunt sibi cælitus dicatos
Principes Dominosque. flamma felix!
Vre atque vrere tu caterua triplex,
Donec machina dædala ista mundi
Fatali ruet & peribit igne.

I. LIPSIVS calore deuotionis effudit.

EPIST.

EPIST. LXXX.

GASTONI SPINVLÆ S. D.

AFFECTVS quoque meus ferebat, vt tibi valedicerem. & ratio decori impellebat: sed vterque excusamur (ego certè. nā de te nihil opus) cū subitus tuus, & iussu Principis discessus, eripuerit hanc facultatem. Atqui animo officium hoc præbui, & eodem defero tibi & deferam omnem cultum. De PARVTA ego iam compingi iussi, vt commodè possit legi. Opus grandiusculum est, nec habeo adhuc quod de eo in alterutram partem dicam. E Senecā quæ publicè dixi, ea decerpta fuerunt è lib. I. DE CLEMENTIA, Cap. III. verbis, quorum initium; *Illius demum magnitudo stabilis fundataq; est, quem omnes tam supra se esse, &c.* Exemplar eorum quæ dixi (etsi subitanea ea, me iudice, nō tanti, dedi D. Petro de Toletto, atque etiam Ill^{mo} Legato Regio quem virum cum gaudio meo noui: & tibi quoque in parte beneficium hoc debemus. Vtinam Hispania plures tales mittat! Quod autem de Senecæ libris quæris, quem excellere sentiam? sunt sanè plerique omnes eximij & viles: sed EPISTOLÆ tamen, meo animo, eminent: deinde DE CLEMENTIA libri duo: tum DE TRANQVILLITATE ANIMI, & vno verbo ceteri vix infra istos. Magnus & magni animi illi vir fuit, & hunc certè lectoribus suis infundit. Spero me breui publicaturum eum, cum nostro Commentariolo, qui vobis lucem plerisque locis dabit. Nam adstrictum scribendi genus habet, eoque subobscurum. Ill^{mo} Domine, tuum me cense & tuorum, quibus obsequia mea defero, nominatim Dominae & liberis. Louanij, IIII. Non. Decembris, .∞. IO, XCIX.

EPIST.

EPIST. LXXXI.

Bononiam.

CAROLO LAFAILLIO S. D.

QUAE à Titio misisti, lubens vidi: sed vidi adhuc tantum, & celeri oculo libaui. Placent, & ego pariter mea misero, cum noui aliquid erit. Senecam in manibus habebam, Commentariolo perpetuo illustrandum: & intra paucos menses videbit lucem, si tamen tamdiu ego. Quod ad imaginem nostri, ego Velio eam mitto, cum breui epistolio. Sed heus tu, nos hic in triumpho. Principes Louanij fuerunt, solennia auspicioꝝ fecerunt, Scholas quoque viderunt, & me audiuerunt dicentem. Rarum exemplum & nobile in feminâ. nam & ea interfuit, & tota illa **γυναικωνίς*. Subita tota res fuit, nec meditationi nostrâ spatium: sed Deus adfuit, & illo propitio, Principes habuimus propitios & volentes. Houius noster mihi scribit de quorundam tibi parum dextris iudiciis aut vocibus, & præsertim super nostrâ hîc mansionem. Nolum vos contendere, nec protectores mihi esse: quid enim opus? nec sentio illa tela volatica; & nec lædare, si sentiam. Qui in publicâ aliquâ famâ sumus, aut vtramq; excipere debemus, aut nullam: & satis, si melior præponderet. O ita sit, & hætenus certè censi. Vale mi amice. Louanij, postrid. Nonas Decembr. .∞. 10. XCIX.

• muliebris
ceteris.

EPIST. LXXXII.

Bononiam.

IULIO CÆSARI VELIO S. D.

AMOREM tuum video, mi Veli, & parum sim qui sum, id est, humanitatis & virtutis studiosus, nisi eundem tibi reddam, & æquâ, nisi fallor, lance.

lance.
esse
amitu
sparg
imagi
dam. i
me pla
esse &
vindict
propen
idæ de
niolent
Aquilon
spirante
lunt. Pa
alto hoc
& b. l. v
cembt.

BAR.

LITTE
luben
mihi fun
gas. & c
vita, vt
aut vota
felicitas
me habe
sed perp
cum put
uiculum
exocasi
nore in

lance. Non nego erga plures mihi hunc affectum
 esse: sed ut sol radios latè emittit, & lucis nihil
 amittit: sic ego amoris, ut ita dicā, hos radios variè
 spargo, & lucere aut ardere ipse non desino. Petis
 imaginem meam mitti, inter illustres viros ponen-
 dam. illud facio, hoc non postulo, imò nec mereri
 me planè scio. Sumus aut erimus, quos fama nos
 esse & æternans ille Genius vult. at illud mihi
 vindico, toto puroque animo ad bonum publicum
 propendisse, & dotes ingenij mei (quas ille * *δωτὴρ* * *bonorum*
ἰδών dedit) huc contulisse. Nec queri adhuc de be- *dator, id est*
Deus.
 niuolentiâ publicâ possum: etsi interueniunt etiam
 Aquilones aliqui aut Noti, qui secūdantes & suauè
 spirantes Fauonios istos turbant, nec tamen pel-
 lunt. Parum est, nihil liquidi in rebus humanis: in
 alto hoc erit, quò te inèque, mi Veli, Altissimus ille
 & *ἰσχυρὸς* ducat. Louanij, postrid. Nonas De-
 cembr. ∞. IO. XCIX.

EPIST. LXXXIII.

BALTHASARI DE ZVNIGA, *Legato Regio.*

LITTERAS quas Antuerpiâ ad me, sanè quàm
 beneuolas misisti, lubens legi, & gratulatus
 mihi sum de serio tuo in me affectu. Ut utar eo, ro-
 gas. & quidni faciam si occasio sit? Sed meæ res &
 vita, ut scis, in tranquillo consistunt; nec spes meas
 aut vota ad magna aut longinqua mitto. Hæc est
 felicitas mea, in paucis esse felicem. Studia solita
 me habent, & nunc totum SENECA: quem breui,
 sed perpetuo, Commentario illustratum dabimus
 cum publico, ut spero, fructu. Interea fortasse bre-
 uiculum aliquid ad novos nostros Principes: & id
 ex occasione natum, quòd audiendi nuper nos ho-
 nore in publico affecerunt. Concepi, si pergo &
 perago,

perago, inter primos scies. Gaudeo conuentum à te
P. Schottum, veterem amicū meum, & ante annos
xxv. etiam hīc auditorem. Sed & Antuerpiam pla-
cuisse, & eius pompam, gratum est, nec tamen no-
uum. Præsumebam enim animo omnia splendida
& decora, & ab ingenio ciuium, & à genio ipso vr-
bis: quā vnā gloriari Belgica nostra potest, ocello &
velut gemmā in hoc orbe terrarum. Librum, cuius
mentio in ADMIRANDIS, hīc adiunctum Ill^{me}
Domine habes. Illo meisque (quicquid erit) vtere;
& me, si non ex merito, ex benignitate tuā ama.
Louanij, x. Kal. Ianuar. anni noui. 60. DC. quem
votiuum decurrere tibi, Nuinen precor.

EPIST LXXXIV.

NVÑO MENDOZIO Lusitano,
à cubiculo Principis.

AFFECTVM tuum, qui ad scribendum im-
pulsit, quomodò non gratum habeam? Ego
verò valde ab humanitate, & iis studiis quæ profi-
teor abeam, nisi & illum amplectar, & meum vi-
cissim tibi reponam: quod facere me, hāc scriptio-
ne sedulò testor. Pauci profectò sunt, & præsertim
ē vestrā nobilitate, qui optimis honestissimisque
studiis se applicant: & vestra etiam gens magis
adhuc armorum gloriam æmulata est, quàm Mu-
sarum. Itaque eo magis amplectendi & æstimandi
nobis sunt, qui vestrum amplectuntur eas & æsti-
mant: etsi fructus vobis est, etiam sine approbatio-
ne aut iudicio nostro. Te & animum tuum appello.
scio internā & solita voluptate perfrui, cū ad amœ-
nos illos hortos, vt sic dicam, Musarum diueris:
atque ibi lectione aut meditatione pascaris rerū vel
elegantium, vel sublimium, & à profano isto vulgo
remo-

CENT. III. EPIST. LXXXV. - III

remotarum. Nam de prudentiâ, imò & sapientia, quid dicam? quæ originem & fontem istum habent: sicut & ipsa probitas, & honesti amor, siue à præceptis illis saluberrimis manat, siue à pulcherrimis exemplis. Itaque gratulor tibi, Vir Ill^{me}, verâ nobilitate dignam hanc mentem: & felicem prædico, qui præceptotem habueris melioris mentis ac iudicij virum, qui ad meliora & altiora hæc duxit. De me verò sic statue, & amantem vicissim tui esse, & cupidum etiam videndi ac fruendi, vbi prima occasio erit: quam post istas peregrinationes Principum aut inueniam, aut faciam. Vale. Louanij, x. Kalend. Februar. ∞. 160.

EPIST. LXXXV. *Romam.*

GASPARI SCHÖPPIO S. D.

ROMÆ te esse, mi Schoppi, & gratulor & gaudeo: Romæ, id est, in luce illâ gentium, in arce olim imperij, nunc pietatis. Quam pietatem veterem & puram te amplexum esse, quis non in tali indole atque ingenio gaudeat? Macte adolelescens, decurre hanc viam, quæ & hîc gloriam tibi pariet, & postea illam æternam. Quod calamum autem stringis in illos qui deflexerunt; facito, sed (meo monito) cum modestiæ semper, imò & amoris, erga eos hotis: vt allicias magis quam alienes, & docere videaris non pugnare. O utinam plures è tuâ Germaniâ æmulentur hoc exemplum! regione semper mihi amatâ, ob gentis ingenium naturâ rectum, probum, & virtuti candidæ amicum. Deum ex animo precor eam respiciat, & caliginem hanc nebulasque nuper offusas dispellat. DE ADMIRANDIS meis illis recudendis, fiat vt vobis & magnis ibi viris

viris (ita scribis) visum: sed exemplar secundæ editionis tamen sequendum sit, in quo & mutauit aliquid, & auxi. Mutauit autem de Frumentatione, in quâ fortasse aliquid parum ^{*negligens} dixeram, nec firmo auctoritatem fulcro nixum. Sed & quædam alia infirmiora stabiliui: & omnino ea vobis habenda, atque vulganda sit. De rebus tuis scire aueo, satîsne ex voto sint? spero, neque Romæ certè defuerunt vnquam, qui ingenia talia fouerent attollerentque. Raphelengium vtrumque nostrum, fillic, saluere velim: & te longùm, mi Schoppi. Louanij, in acri frigore & insolenti. vii. Idus Februarij. cc. ioc.

EPIST. LXXXVI. *Romam.*

ASCANIO COLVMNÆ, S. R. E. Cardinali.

TARDE admodum in manus meas Oratio tua venit, in Hispaniarum regis funere scripta; & ideo excusandus sum, si tardiùs de eâ scribam. Gratam fuisse & ipsam, & hunc animũ in me tuum sue iudicium, quidni fatear? & legi auidè, & quid censeam, breuiter & apertè dicam. Video inuentione fecundam esse, ordine dispositam, verbis figurisque politam, numeris rotundam, membris & periodis suis plenam: atque vno verbo, magno vel Oratore, vel Rege dignam. Hoc magis, quod à te scripta. id est, viro loci generisque dignitate inter Principes, in assiduis arduisque semper occupationibus: vt concipere vel conari talia, admirationem habeat; quid sic agere, quasi vnum hoc ageres, & semper egisses? Felicem ingenij prædico, & Româ illâ vetere dignam prolem: hâc quidè in parte. Nam & nouam hanc etiam ornas, & pietatis munia, quâ dore cõmendatur, ipse vsurpas, atque illustri exemplo

plo aliis pręis. Audio iam nuper adeò, augustis illis
 sacratifque myfteris initiatum esse: quod gratula-
 mur, & toto animo faustum ac salutare comprecamur.
 Simul illud optamus, plures eiusmodi in hoc
 Christianę reip. ædificio C O L U M N A S: quod si
 esset, tui bines isti ventique parùm in illud possent,
 qui nunc quatiunt validè & mouent, præsertim in
 misero nostro axe. Deus sedabit, cùm volet, & Te
 Illme & Reume Domine, longùm bono publico, &
 decori tui ordinis seruabit. Louanij, vi. Idus Fe-
 bruar. ∞. I O C.

EPIST. LXXXVII. *Romam.*

NICOLAO MICAVLTIO S. D.

AMARE debeo diligentiam tuam, natam haud
 dubiè ex fonte affectus, vel potiùs amoris.
 Semper à te litteræ, semper gratæ: etsi vereor vt pa-
 ria faciam, aut facere possim (nostri occupatiùculas)
 in respondendo. Nam de amando, securus esto: vel
 æquo, vel antecedo. N. N. litteras tandem vidi.
 nihil secreti aut magni erat, cur opus illo à Secretis
 tam diu expectato. Sed quisque vt volet. ego vana,
 aut quæ eò inclinant, aspernari incipio, & vela mi-
 nùs minùsque pandere non dicam ambitioni, sed
 famæ. Quid hæc omnia sunt, opinio, laudes, elogia?
 venti. In quiete maneamus, quæ à Deo & virtute
 sit: & huic cibum litteras, aut sapientiæ potiùs stu-
 dia, demus: in quibus nunc sanè eram. Nam Sene-
 cam totum edere parabam, perpetuo Commenta-
 riolo illustratum, atque ipsum & verba eius impri-
 mis correctæ & probè distincta. Gaudebo, si ab-
 soluero. Præmisi autem (ita volentibus amicis)
Dissertatiunculam ad Principes extemporaneam; & vt
huic breuiculæ & leuiculæ pondus adderem, ad-

H h

iunxi

iunxi *Panegyricum Plinij*, immortale opus, item
 Commentariolo illustratum. O legant Principes,
 ô delectentur, & æmulentur! Sed quando tu ad
 nos? iamdiu animo te reuoco, & nunc etiam hoc
 calamo: redi ad nos tuos. satis visioni, satis & reli-
 gioni est datum. Ad Card. Columnam litteras misi
 per nostrum Houium, qui serió à me ad illū Prin-
 cipem petebat. Nor dubito quin & te conuenerit
 (nam ad te prius ire iussi, siue monui: & epistolam
 illam iam destinari. Quod ad Pigafettam, scio sim
 hîc habes quod ei legas. Vale mi amice, & saluent
 à me Lombardus & Desboysius. Louanij, III. Kal.
 Mart. -∞. IOC.

EPIST. LXXXIIX.

BALTHASARÒ DE ZVNIGA, Legato Regio.

CVM meus iste Bruxellam iret, litteris salutem
 libare tibi libuit, & reditum gratulari ex pe-
 regrinatione, quam cū Principibus nostris obiisti.
 Quid reditum? an & abiturum precari prosperum,
 nisi fama nos fallit? Nam ea nobis insusur-
 rat, pa-
 rari conuentum & actionem super pace Britanni-
 cā, atque ei te quoque inter primos interfuturum,
 aut præfuturum, vt locus iste est, quem tenes. Si
 hoc fit: toto animo precor, & exitum eius rei tibi
 gloriosum, & patriæ salutarem, quæ profectò &
 consiliis & solatiis, si vnquam, eget. Ego, quod
 nuper scribebam agitare me, nunc decreui, & ad
 Typographum *Dissertationiculam* meam coram Prin-
 cipibus misi tum etiam (ne per se leue illud munus
 sit) *Plinij Panegyricum*, breui Commentariolo illu-
 stratum, quem Traiano dixit optimo Principum,
 & claro sideri gentis vestræ. Rogo te, Ill^{me} Domi-
 ne, vt vel hac causâ opusculo meo faueas; tum &
 illā,

illâ, quodd auditorem te illius Dissertatiunculæ merui, & postea approbatorem. Librum *De offi. iis aulæ Constantinopolitana* nuper misi, & spero recepisse: mittam & mea, siue ad præsentem apud nos, siue & absentem, si vera fama est, quam talem opto. Louanij, Kal. Mart. 66. DC.

EPIST. LXXXIX. *Salamanticam.*

EMANVELI SARMIENTO DE MENDOZA,
Doctori Theologo.

TALES ne epistolas ex iis oris, & à Theologo? plures accepi, fateor, & amicos illuc alibi habeo: sed Deum testem inuoco, non aliud scriptum literatius, aut tersius, & toto genere eruditius vidisse. O pax, cur nos non aspicias? ego per te profectò tales viros, & doctrinæ & mihi sic amatos & amicos. Sed iactamur veteribus illis procellis, nec duo illa sidera adhuc sedarunt, quæ Hispania vestra misit. Fatales & diutinæ nostræ turbæ, inter alia mala cladesque, hanc occultam perniciem intulerunt, spernendi Pacis omnes artes: id est, nostra studia, quæ, mihi crede, à paucis vel perpauis potius, hinc non dicam coluntur, sed æstimantur. Atque ut est rerum omnium orbis, futurum video atque auguror, atque etiam opto (cur dissimulem?) ut ad vos & longinqua loca migrent: loca iam olim sic feliciter illis infesta: & quis Græciæ Helicon aut Parnassus, super priscam Hispaniam fuit? Scripta & diuina illa monumenta loquuntur æternorum ingeniorum: in quibus Seneca, quem nunc cum maximè in manibus habebam, & perpetuo Commentariolo illustratum ibam. Cur non auidè & pænè iuste hoc facerem? Dederam Tacitum, prudentiæ (tuo quoque iudicio) patrem: debui, certè volui, &

Hh 2

Seneca

Senecam, sapientiæ fontem. Sed de Tacito, dici non potest quàm me tua elogia delectent. Nā quosdam esse, qui prellum illū eant vel abiectum, non ignoras: à quibus ita dissentio, vt æternæ Prouidentię beneficio datum, seruatumque in parte scriptorem illum arbitrer, ad ingenia & consilia vel illustranda vel dirigenda. In eum quas Notas commentatus es vidi, & subtilitatem vbique, iudicium non semper (verum amo dicere, & tu audire) probaui. Nam scalpro aut cultro nimis interdum indulgere mihi visus, nec ausim sic recidere veteres omnes membranas. Franciscum Sanctium Brocensem, iam anni multi sunt, cū noui, amo, colo. Probitas & eruditio viri merentur, & te rogo non salutare tantum, sed collum illi inuadere, & pro me amplecti. Ille Mercurius, ille Apollo est, Hispaniæ vestrę. atque vtinam multos excitet trahatque ad splendidas verasque artes; neque armis tantum, vt semper, sed ingeniis etiam, vt olim, floreat ille tractus! Vale vir Reume & Eximie, cum quo amicitię fœdus libens iam nunc coëo, non nisi cum animâ (si tu voles) discingendum. Louanij, prid. Idus Mart. ∞. Idc.

Qui has defert, honestus est vir, & inter meos Auditores, nunc Licentiatus iuris. Pater eius, inter primores Aulæ administros, ad visendam Hispaniam ablegauit. Amplectere.

EPIST. XC.

Romam.

IOANNI BAPTISTÆ HANSENIO
S. D.

GRATVM est, quòd scribis mi Hansenii, neque ingrata quæ scribis. Primum illud, de viro summo (ita loquendum est) in cuius contubernio

bernio:
benefic
ctum a
litteris
adeo ex
cio de m
bani opra
que iux
cipum i
nostras:
sunt, iam
quem leu
nouo Pri
obsequat
quàm ege
ita res no
ruunt. Se
probitate
& quanqu
silia itura
sape aspi
redit: se
teneri me
niant, qu
arcent. It
& eâ sape
fertim in
tempore
mus, cuiu
nec operæ
quod fice
honestior
muto equi
& Becani
ita palam

bernio agis, valdè tibi gratulor, & tu diuinum hoc beneficium habe, & fruire æterno tuo bono. Affectum autem eius quòd etiam in me nūcias, iam ex litteris eius didici: & gaudere me in eo fateor, atque adedò exultare. Nam is sine meliore aliquo iudicio de me esse non potest: cui autem magis probari optauerim, quàm viro quem Deus hominesque iuxtà probant? Pluris hoc mihi, quàm Principum isti aduentus, vel interuentus, in Scholas nostras: quibus tamen quæ tunc dixi (etsi pauca sunt) iam vulgamus, cum *Plinij Panegyrico* addito, quem leui manu illustramus. Ipsum opus Plinij nouo Principe dignum: atque vtinam legat, capiat, obsequatur! Heu, consiliis in hoc statu rerum quàm egemus! Quid statu dixi? fluxu debebam. ita res nostræ labuntur, & nisi Deus sistat, iam ruunt. Sed in eo, in causâ, in Principum pietate & probitate (vtramque vterque habet) confidimus: & quanquam initia vacillant, paulatim res & consilia itura in exitum meliorem. Hæc mœsto oculo sæpè aspiciamus, & quietæ Italiæ vestræ desiderium redit: sed quid dicam, nisi iniectâ manu sisti & teneri me à Fato? Ita valetudo, amici, alia interueniunt, quæ iam in procinctu pænè arcuerunt vel arcent. Itaque omitto, mente & cogitatione adeo, & eâ sæpè me oblecto. Officia quæ defers, & præsertim in Vaticanâ Bibliothecâ, non refuto, imò in tempore fortasse vtar. Nunc quidem in Senecâ eram, cuius exemplaria plura vidimus, & alij alibi: nec operæpretium sit te inspicere, nisi vnum aliud quod sit eximîæ notæ. Quòd autem iniicis de loco honestiore dextro, in Electis à me scriptum: non muto equidem, etsi concussit me tamen ille tuus, & Becani hâc in re, patronus. Sed quædam à nobis ita palàm sunt, vt refelli vix videantur. sicut illud

Hh 1 de

de Latre claudendo, quod certò est Sinisterioris, & minùs honesti. Docui ibi ex Suetonio & Eutropio: & adde si vis, veterem Iuuenalis Scholasten à Pythæo editum, qui in hunc versum, *De istis serui claudunt latrunc: Aut in median: (inquit) ærui mittit, aut in sinistra ambulat.* Iudæos ita habuisse olim, Sacra docent: & Christianos veteres, nisi fallor, D. etiam Maximus Episcopus Taurinensis, in Homiliâ de Sanctâ Pentecoste. Scribit ad verba illa, *Dixit D.D. meo, sede à dextris meis.* Cur autem ad dextram filius esse dicatur, moneat aliquem fortasse. Licet enim dignitate gradus non sit, ubi plenitudo est diuinitatis, tamen idèò ad dextram sedet filius, non quò præferatur patri, sed ne inferior esse credatur. Et statim: Pater Christo filio throni sui offert **SUBLIMEM** confessum, & **HONORIS** gratiâ ad dextram suam illum eternâ sede constituit. De Ouidij versu scripsi in Electis, quæ visa: & ægrè muto ob Horatij illum — *nec tamen illi Tu comes exterior, si iusserit, ire recuses.* Vbi exterior palàm est inhonoratior: ergo contrâ interior. Alioqui valde placeat illud Vaticanæ codicis, *anterior.* Sed in Electis meis recusis, aliquid etiam refinxi, postea tibi videndum. Hæc, si tanti, diiudicet ille magnus arbiter, à quo non appello. De Gallorum in nos bello quod scribis, nihil equidem inaudui: nisi quòd N. N. quædam in me dictæ iam pridem legi. Sed ille in me ita ex superuacuo & sine causâ incurrit, vt credam hoc ipso minùs grauem gratumque iis esse, quibus antea fuit. Equidem nec la si nec lædam quemquam, pacis ingenium habeo: si me alius, videbo. & in leuib, silentij tenorem seruabo: si quid grauius aut dignius, forrassè sumnam. Vale, mi Hansen. Louanij, VII. Kal. April. 1600. Ioc.

EPIST.

EPIST. XCI.

GASTONI SPINVLÆ, *Gubernatori
Limburgensi.*

DOLEO, & pænè indignor, me præuentum
rogatione tuâ, in re quam sponte & vltro fa-
ciebam. An non libri mei exemplar ad te mitterem,
vt soleo, atque etiam (ita loquor, vt debeo? Nam be-
niuolentia certè tua in me insignis. & palàm testa-
ta, ita postulat: & mea etiam observatio, & tui cul-
tus, impellebant. Faciebam ergo vltro: sed cur
distulis simpliciter rem dicam, quia pauca exem-
plaria compacta &, vt sic dicam, vestita habebam:
nudum autem mittere verecundabar. Quid, quòd
nec ad Principes alios viros misi (Legatū Hispaniæ
exipio) ad quos solebam? Itaque de morâ ignosce
& fac mihi gratiam: quam aliàs sanè libens emen-
dabo, cū videam lucubratiunculas nostras sic
gratas tibi esse, non à sui pretio sed accipientis affe-
ctu. Quòd portò Spadam aut & Limburgum
tuum me inuitas: mentiar, nisi dicam me velle, aut
potius gestire. Sed quid promittam? omnes pericu-
la mihi obiciunt, & liberas grassationes hostium
in Eburonum solo. Neque nego terreri me, vt qui
semel periculo nimis fuerim propinquus. Tamen
valetudo mea anhelat ad illas salutare Aquas:
etiam ad te ego Ill^{me} Domine, & cupiam pasci ac
refici suauibus simul ac prudentibus sermonibus
tuis. Nam ista quæ in rep. nostrâ video, haud sanè
vsquequaque mihi placent: & loquamur liberiùs
de iis, quàm scribamus. Vale cum Dominâ & libe-
ris, quos Deus corpore atque animo attollat. Loua-
nij, viii. Kal. Iunij. ∞. Idc.

EPIST. XCII.

Romani.

FREDERICO BORROMÆO,
R. S. E. Cardinali.

SICUT Telemachus ille, apud Homerum, Nestorem videt & affatur cum subductione & pudore, sed incitat & persuadet Minerva: sic mihi fit in isto alloquio, quod etsi non primum ad te, tamen cunctanter profero, nec nisi Micaultio incitante. Ille à te recens, de puro affectu tuo in nos ea retulit, quæ suauiter in pectus hoc illapsa me recrearunt: & simul impulerunt, gratias has & preces ad te deferre. In præteritum, gratias; in futurum preces, ut sic in me perseueres, non mei meriti, sed constantiæ tuæ, causâ. Nam de me quid dicam? nisi aut à famâ te, aut tuâ benignitate falli: qui parum ex propinquo me aspicias, & in lumine claro cernis. Sicut eminus stannum, argentum, plumbum, conspicienti eadem videantur, admotus discernat: sic vereor ut in meis dotibus, & longinquitas pretium iis addat. Itaque cautè à me factam igitur, qui venire ad vos distuli, & conspicium me dare: manete in suauis mihi errore, & vel immetentem amate. Etsi quid mentior? nulla hinc cautio. ardor est, qui fuit: sed valetudo intercessit, & alas mihi iam subuolanti incidit. Itaque, ut iterum ille Telemachus,

*ut ipse procos
inter meriti
corde sedebat.*

* *Ἡ γὰρ μὲν ἐν μνηστῆρι, φίλον περιμένει ἡ πόλις:*
sic ego istuc maneo, non procis tamen, sed procacibus militibus circumuallatus, qui nos & nostra valdè turbant. Audistis, ne sentire vobis sit, & ut tibi Ill^{me} Domine longum valere, supremum nomen precor. Louanij, IIII. Idus Iun. 66. 166.

EPIST.

Romam.

EPIST. XCIII.

Romam.

PHILIPPO PIGAFETTÆ S. D.

LITTERAS à te legi, quas ipsa Humanitas tibi dictavit. Quidni autem benignè ita scribas, qui benignè in me & famam meam is consultum? Nam MAGNITVDINEM nostram ROMANAM significas te vulgare in Italicâ vestrà linguâ: quod iam aliunde didiceram, sed libentiùs certiusq; te nunciante. Mi Pigafetta, an mereatur à me hunc laborem, nescio: à se meretur, & quamuis fidenter apud te, eius scientem & amantem, dicam. Ecquando tale, tam diuturnum, tam compositum imperium aut fuit, aut erit? Vel illa res argumento, quòd plerisque logos & fabellas narrare videmur: nec verisimilia quidem adferre, cùm vera, & vt sic dicam, oraculis certiora dicamus. Incomprehensa est (de vulgaribus ingeniis loquor) illa MAGNITUDO. Quid de vulgaribus? me ibidem pono. Omnia feci, culmen non attingi. sed tamen vt in magnis signis, vbi caput non est tangere,

Ponitur hîc imos ante coronâ pedes:

sic ego ingentem illam Romam veneratus, sertum hoc ingenij vel ad pedes eius consecraui. Tu aut alius caput ei coronabit. Sed tu tamen ista magnificas & attollis, & eminere inter scripta nostra, vt Homeri illam Nausicaam (eâ imagine vteris) inter alias virgines censes. Nescio, & velim, pro affectu meo in Romam, ita sit: tamen hoc scio, plusculum me iudicij & dispositæ collectionis in hoc opus contulisse, quàm celeri mente aut oculo aliquis arbitretur. Qui insisteret & rimabatur, non culpabit. Nisi quòd quædam tamen omissa etiam nobis, quorum partim in secundâ Editione (eam habere

te velim) iam addita: partim in sequenti addenda. Sicut illud, pro ambitu magno urbis. quod Plutarchus in Niciâ scribit, *vibem Syracusas fuisse Athenis non ingustiores*: atqui Syracusæ *CLXXX*, stadia in ambitu habuere, Strabone teste: ergo & Roma, quam cum Athenis Dionysius comparauit. At enim illa tot stadia iustè efficiunt *XXI I. milliaria* *et cum sensisse*, à me adstucta. Item de numero illo populo in quo passim audio abnuere, etiam qui obloqui non possunt: de illo, inquam, Suetonius valde affirmat, sed me emendante. Leges in Nerone eius, cap. *XXXIX*. inter magnas arasque clades, *Pestilentiam Romæ vnius Autumni, quâ triginta milia funerum in rationem Lulirine venerunt*. Tuam sagacitatem! hæccine res magna aut memoranda, toto Autumno in tantâ vire? Ego adtero, & res est, in viâ aliquâ nostrarum urbium hanc pestilitatem, in paucis mensibus. sic fuisse. Ne ambige, quin *recentia* *mihi* scripserit: & meis, si voles, in fine Dialogi *III. lib. III.* adde. Sed & percussit quosdam de laxitate domorum, quod scripsi *lib. III. Dialog. VI.* Audiant Senecam: *Non habebant (prisci illi) domos instar urbium: ut nos scilicet habemus. Iterum audaciùs: Adisipri priuata, laxitatem magnarum urbium vincunt.* Plura sunt talia: & tu à te, atque aliis ibi fortasse, quædam habes, me volente inferenda. Nam iuuari, moneri, doceri, cur abnuam: à quocumquè volo; & cum Euripide,

* Παράς ποτ' ἐστὶ τῶν' ἐμῶν δὲ θυμῶν.

Hoc etiam, te talem amare, atque adeò colere, inter eximios Italiæ fœtus. Non enim lectio tibi solum multa, sed peregrinatio dedit: varia & multiplex, ut audio, per Europæ nostræ, atque etiam Asiæ oras. Faueo. tu nobis priuatim & publicè: id est,

in 6

* Dudum
ista fuit
animo huic
sententia.

me ama
Sextil
Haud a
me alian
dè hæc

Io A

O vo
anti
proba pol
ad illa pur
tura tua,
hoc nunc
lum vitæ
accendant
tiz decret
cothea vi
tutus à tu
tiz te præ
et Smilax
& quando
nes iunge
video, qu
de Seneca
imò nihil
hæc man
ita consili
miles tur
liberè quæ
improbi
quævis lib
æternum
dij, III. I

me ama, me cum aliis doce. Louanij, prid. Kal. Sextil. ∞. Ioc.

Haud absimili sententiâ (non verbis) epistolam à me aliam habes: si tamen accepisti. Si non, prouidè hæc submissa.

EPIST. XCIV.

Hispalim.

IOANNI WOVERIO suo S. D.

O VOLVPE mihi, te esse saluum! ô magis, te animo esse sanum, nec inter inepta, vana, improba poilutum! O sic semper, ô magis magisque ad illa pura, æterna, alta: quò melior Deus & natura tua, addam & institutio mea, vocarunt. Mihi hoc nunc crede vsu perito, quò magis te in hoc salum vitæ penetrabis, amara plura reperiēs & quæ aceſcant: quid remedij ſcire, ſpernere, & Sapientiæ decretis ſe munire. Vt Vlyſſi illi naufrago Leucothea vittam ſub pectore ponendam dedit, quâ tutus à turbine & tēpeſtate eſſet: ſic tu hâc Sapientiæ te præcinge, & audies — * εἰς τὸν τοῦ πατρὸς εἰς δὲ τὸν ἀπολῶν. Sed hæc domi olim ſēpiùs: at nūc recole. & quando iterū licebit? quando vultus & ſermōnes iungere? Pænè diffido, cū valetudinem meam video, quæ præcipitat & ruit ad metam. Itaque & de Seneca penè diffido, etſi mediū opus peregimus: imò nihil etiam egimus (ita mea ſunt) niſi extrema hæc manus accedat. Patria videtur animam agere, ita conſilia omnia Principum & optimatum ferox miles turbat. Plura nolo, nec te ſuadeo vltrà tam liberè quàm nuper. quid ſi recludantur? non quia improbi aliquid (abeſt ab utroque noſtrū) ſed quæuis liberior cenſio odium hodie habet. At nos æternum inter nos amorem. & ſic mihi vale. Louanij, III. Idus Iunias. ∞. Ioc.

* nil vere
pati, nec
morte perire.

EPIST.

EPIST. XCV.

Romam.

CÆSARI BARONIO, S. R. E. Cardinali.

PIETAS, & quidem duplex, hanc scriptionem à me expressit: siue quam Deo, siue quam Patriæ debemus. Sacrum lustralem annum qui obire in ipsa Vrbe & sanctis locis non potuere, siue morbo, occupatione, inopiâ, aut alio vinculo impediti: benignitas S. S. Pontificum iis quoque, iam more veteri, subuenire consuevit, & Iubilæum ad alias exterâsque oras propagare. Opidatim solet institui. & quia Louanium nostrum, & inter vetustissimas Brabantiae vrbes est, & religionem veram & priscam semper (quod non aliæ) habuit illibatam: videtur mereri prærogatiuam istam, vt sacri illius beneficij publicatio illuc instituat. Senatus & Academia valdè velint, & apud S^{mum} nostrum agi per certos homines procurarunt. Sed quia commendatio etiam vestra, Illustrissime Domine, facere huic negotio potest, & me aliquid apud te posse celsuerunt: rogarunt, & rogo, vt suffragij tui calculus piæ petitioni accedat, & nos publicis meritis iam diu obstrictos, etiam hoc priuato arctius velis deuincire. Ill^{me} & Reu^{me} Domine, Deum precor, te Ecclesiae suæ, magnum & rarum lumen, diu lucere patiatur. Louanij, vi. Idus Sept. 66. 166.

EPIST. XCVI.

Vlyssiponem.

EMANVELI CORREA Lusitano.

ET epistola tua me exhilarauit ac diffudit (ita loquor) & is qui eam dedit Nunus Mendozius, olim in tuâ disciplinâ. Nam epistolâ tuâ quid mei amâtius? quid in iudiciis honestius? vt ruborē mihi

lectio

lectio p̄nē incuteret, naturā modesto, & gnaro
 alioqui nō esse in eo culmine, in quo me ponis. Sed
 ponis per amorem: nec iudicij tui censeo hunc er-
 rorem. Iam ipse nobilissimus vir qui attulit, scrip-
 tione mihi antea notus, sermone sc̄, & addogestuz
 ac vultu ipso, probauit: planē melioris commatis
 ac monetæ, v̄: Græci loquuntur, & qui genus suum
 illustret atque etiam gētem. Gentem illam vestram
 dico, id est, Lusitanos: iam olim armis, imō & lit-
 teris inclytos. quas primus Sertorius intulit, &
 Græcis iis Latinisq̄ (Plutarchus auctor) imbuit
 vestram iuuentutem. Crede mihi Correa, semina
 eius instituti etiam nunc fructificant: & ardet in
 animis vestris semel accensus honestior ille ignis.
 Audimus certē, non in alio Hispaniæ tractu magis
 veteres artes coli: & exempla ac scripta sunt, quæ ad
 nos quoque manant, & testantur. O Deus, cur bella
 in haud magno intervallo nos dirimunt! terras &
 maria intuta reddunt? Absque iis esset; iamdiu in
 voto, nunc in leui habeam, ligneo equo ad vos
 currere: videre loca & homines, in quibus bona &
 boni, atque etiam ego sic amor. Te mi Correa vi-
 deam, pectori applicer, collo adstringar, atque ipsā
 hāc cogitatione liquefco & moueor: quid si te frui
 detur? Sed vt tempora fluere, vt meam valetudi-
 nem labi video: non dabitur, nec nisi sub umbrā
 voluptatis hāc ludam. Sed tamen hoc datur, ani-
 mis adire, affari, iungi: id est, optimā & cælesti illā
 parte nostri, à qua est, si quid in me amasti. Et hanc
 igitur veloci alā iam nunc ad te mitto, & pange-
 re iubeo

Fœdera, non vllā dissoluēda die.

Vale vir optime & doctissime, Louanij, viii. Kal.
 Nouemb. ∞. Ioc.

EPIST.

EPIST. XCVII.

CYNTHIO ALDOBRANDINO,
Cardin. L. tit. S^u Georgij.

EFFABOR ex animo, Genium aliquem videri mihi impulsorem esse ad te scribendi. Bonum hand dubiè, ad omnium vocibus sic bonum, & qui eximiè vnus retinet priscam & Romanam illam non probitatem solùm, sed libertatem & candorem. ita ad me omnes qui illinc veniunt, qui illinc scribunt: & addunt, quod propriè me tangit, inclinantis tui animi in me affectum. Beatum me qui habeo, nec merito vllò meo conciliatum, sed tuâ benignitate oblatum. Sicut arbores fructibus grauidæ inclinant ramos & demittunt & offerunt carpi: sic vos isti verâ virtute vberes, & beniuoli & benefici vltro estis, & inuitatis ad fruendum. Ego verò & coram frui, & videre, hoc anno sacro Sæculari censebam: Deus aliter, qui tenuit, & Valetudinis hoc vincolo ligauit. Venit tamen iste è disciplinâ olim meâ Io. Hemelarius, gente Batauus, mente & pietate Romanus: quem ego seridò commendare ausim (apud viros Principes quâ fallam?) & ingenij doctrinæ que titulo. & edecumata, vt sic dicam, honestatis. Rogo, Ill^{me} Domine, in hunc quoque fauoris tui libra deuergat: sed in me maximè, eius si non merentem, certè cupientem, & fide atque obsequio semper meriturum. Deum testem aduoco, & eundem Ill^{me} & Reu^{me} Domine, virtutis tuæ atque æui propagatorem. Louanij, VII. Idus Septemb. *ca.* Icc.

EPIST.

EPIST. XCVIII.

Romam.

ROBERTO BELLARMINO,
S. R. E. Cardinali.

GRATULARI non tibi, sed nobis & Eccle-
siæ dignitatem tuam & hanc purpuram, ani-
mus iamdiu fuit, nondum occasio: & fateor me
inter eos esse, quos Verecundia aut Modestia
continent, nec temerè protumpunt. At nunc os
& stilum mihi soluit adolescens iste quem vides,
olim è meâ disciplinâ, qui inter omnes te elegit
cui vellet offerri & commendari. Facio libens,
& pænè dicam securus de successu. quia ingenium
eius noui, industriam, progressum in optimis
artibus, & addo (caput rei) probitatem morum,
cum puritate religionis coniunctam: quæ omnia
amari à te scio, & in titulis laudum spectari. Fac
periculum Ill^me Domine, plura prædicatione
meâ reperiēs: & in ipso homine nescio quid ve-
nustum & lepidum, quod occulto velut vinco
ad se ducat. Quodd si fortè ad alium eundum sit,
rogo, vt fiat te auspice: ego me & debiturum
gratiam fateor, & fortasse (liberè dixerim) eum
mihi, qui me tradente compos gemmulæ huius erit.
Sed, quod initio proposui, ego Ill^me & Reu^me Do-
mine, honorem hunc tibi corde gratulor, non do-
num, sed præmium: & Deum rogo, velit te in eo
Ecclesiæ suæ tutorem & vindicem diu superesse.
Louanij, vi. Idus Septembr. ∞. Ioc.

EPIST.

EPIST. XCIX.

Hispalim.

IOANNI WOVERIO suo.

TRISTE mihi (rarum in tuis litteris) quod significas meas non accepisse. Scripsi tamen, & bis quidem in Hispaniam. Ad te neglegerem? è tuo affectu puro sinceroque noris & æstima meum. Itaque nec excusatione vtor, quâ iure apud alios, Occupationis aut Valetudinis: tu mihi eximius, & nescio quomodo animo huic insitus es & innexus. Semel dictum, semel crede. At gratum, quod iam arideat magis illa ora: gratissimum, quod Sapientia studia non deseris, solum nepenthes in tristitiâ huius aui. Perge, perge mi Woueri, alta aspice, & vnde veneris, quid veneris, seriò attende. Cælestis tibi origo & imago: quid terrenum aliquid delectet aut teneat? Occupatiunculæ sunt? non abiice, sed subduc semper aliquid aut eripe: & illas tamen potiùs, quàm te relinque. Sed philosophare maximè in feriis, id est, quæ mores, vitam, & ipsum te tangunt. Immutare hoc leuiter lubet apud Euripidem:

* Que maxime opus
est, hæc mihi
erat Sapientia

* Α δὲ μάλιστα, ταύτ' ἐγὼ μὲν ἦν σοφός:

tibi hoc sit, & quæ opus est, non quæ discunt, discere. seriò autem, & in facta discere. Vt pluuia illa inutilis, quæ in lapides aut rupes cadit, & supernè irrigat tantum: sic doctrina, quæ in ore & verbis, in pectus non descendit. Sed heus, coméne tibi in honestissimis studiis Lucianus Negronius? laudas mihi ex animo virum, & ego iam nunc in animum huc demisi. Saluta, amplectere: atque vtinam in Hispaniâ, bonâ ingeniorum matre, plures! Ingenia certè super sunt: nescio quo fato institutio aut æstimatio defecit, sed hæc quæque (Deus audiat) accedent. De
repu

republic
que rec
Heroin
men et
mus: &

Vale mi

GVI

In silent
aliquen
aut fortun
qui casus
pietibus,
aut euer
hæc scrip
valuisse.
stituta hæc
mi Scarbe
prole; sic
afficior, &
ac gesto.
indue, & a
fari & sed
gignat? Æ
es: veni,
apud nos

Vxor

cius fami
que Ætas
(heu res hu
lium apud
ingenium

republicâ nostrâ, audisti n' cladē? sed animum viref-
que recepimus, Principe ipso animosè præeunte.
Heroicum illud, & à stirpe sublime, ibi ostēdit. Ta-
men etiam languemus, longo lentoq; bello tabesce-
mus: & auxilia ab iis oris tarda, si non fera.

— * Τὸ δὲ μέλλον, ἴσον ἀπαξίᾳ λέγω: ait ille.
Vale mi Woueri. Louanij, IIII. Kal. Septembr.

* Quod dif-
feras, non
facto simila
censeo.

EPIST. C.

Romam.

GVILIELMO SCARBERGERO suo.

IN silentio tuo, vt scribis, curam imò angorem
aliquem habui; & suspensum tenuit valetudo
aut fortuna tua. In longo & vario isto itinere, scio
qui casus interueniant: inopinati sæpè etiā sa-
piētibus, & res nostras & nos ipsos sæpè inuoluunt,
aut euertunt. Sed liberaſti me omnis sollicitudinis
hâc ſcriptione: quâ ſignificas valere te, etſi minùs
valuiſſe. Benè eſt quòd ſilueris, & gaudere de reſ-
titutâ hâc malo, quàm timere in affectâ. Enimuero
mi Scarbergere, vt parens aliqua in abſente ſuâ
prole; ſic ego in vobis à domo & diſciplinâ meâ
afficior, & omnes in ſinu iſto pectoris circumfero
ac geſto. Sed morbus ille fuerit, tu nouum robur
indue, & ad nos (ſi me ſolens audis) redi. Diu inuer-
ſari & ſedere in iis locis, quem ſolidum fructum tibi
gignat? Ætas tua iam maturuit, vnus es, ſed & orbus
es: veni, veni ad quæ vota noſtra te vocant, & hîc
apud nos tuam aliquam cape. Cum poëtâ inquam,

Vxorem quare, firmamentum familie:

Afran.

cuius familie, niſi à te propagatur, ſtemma ſilum-
que Ætas iam incidit. In me idem, & vltimus ego
(heu res humanas!) omnium Lipſiorum. La-ſail-
lium apud te eſſe gaudeo, bonum modèſtumque
ingenium: an non & ille ad ſuos? fortaſſe tecum.

Ii

Do

De bello Sabaudico, hem malè narras. sed fatin' vt
certò? Hic quoque rumores; quos tamè auersamur,
& scintillas, vt huc etiam peruolent, timemus illius
ignis. Apage, apage. vni huic lento Marti vix resi-
stimus: ille alter feruidus & ὀμβροδύμῳ accedet?

*Heu nostros
luctus, heu
patria ge-
mitus.

Αἱ αἱ ὀμβροδύμων ἡμετέρων ἀχέων.

Sed fata viderint: tu vel ad res turbatas veni, sed
non (meo consilio) perturbata ea loca. Gallia aliàs,
aut non, lustrator. Vale, mi Scarbergere. Louanij,
vii Idus Septemb. Nostri omnes valent, Oranus &
Baronius honore & titulo consultorum iuris mox
augendi. Antonius, nisi fallor, te cum fratre Lega-
to ibi opprimer.

APPROBATIO.

*Tertia hac selectarum Epistolarum Iusti Lipsij
V. Cl. Centuria, vtiliter admodum enul-
gabitur.*

Gulielmus Fabricius Nouiomagus,
Apostolicus & Archiducalis
librorum censor.

R

Ang

Cratia,

die, Siria

Comes In

Ivsto

quam inter

mondo de

quam liber

licet homin

expertibus

ina distingui

temis vide

stant, qui di

ponunt, pra

causa exco

preferant, e

Quos exci

nostra mun

sumus, impi

is, quorum

posunt, acce

ribi a natu

terarum a

nasse, vt oli

minimeq

obscuram

quam lustra

depravata

Latina ant

singulari ar

& ratam d

PRIVILEGIUM CÆSAREVM.

RUDOLPHVS SECVNDVS diuina fauente
 Clementia electus Romanorum Imperator semper
 Augustus, ac Germania, Hungaria, Bohemia, Dalmatia,
 Croatia, Sclanonia Rex, Archidux Austriae, Dux Burgun-
 dia, Stiria, Carinthia, Carniola & VVirtembergæ, &c.
 Comes Tirolis, &c. Nostro & Sacri Imperij fidei dilecto
 IUSTO LIPSIO gratiam nostram Cæsaream. Post-
 quam inter alia, quæ DEVS immortalis hominibus liberali
 manu dedit dona, illustra inprimis illa & quasi diuina sunt,
 quæ in literis liberalibusq; disciplinis consistunt, quibus sci-
 licet homines non tantum ab animalibus ceteris rationis
 expertibus, sed à rudi etiam & imperito hominum vulgo
 ita distinguuntur, vt tanquam Dij quidam splendescere in
 terris videantur: rem sanè præclaram seq; dignam illi præ-
 stant, qui diligentem iis ipsis in literis ac disciplinis operam
 ponunt; præclarissimam verò & Reipub. vtilissimam, qui
 eas ita excolunt, vt aliorū menti docendo, scribendo lumina
 præferant, eosq; ex ignorantia tenebris quasi manu educāt.
 Quos excitare, quos amare atque animare ad dignitatis
 nostræ munus, ad quod Diuino vocati beneficio, concessuq;
 sumus, inprimis pertinere existimamus. Cum itaque ab
 iis, quorum nobis spectata fides, quiq; indicare de Literis
 possint, acceperimus, insignes te animi ingenijq; tui dotes
 tibi à natura insitas à primis temporibus ætatis tuæ ita li-
 terarum ac disciplinarum studiis excoluisse atque exor-
 nasse, vt olim iuuenilibus adhuc annis præclara florescentis
 minimeq; vulgaris eruditionis specimina præberis, dum
 obscura in antiquis scriptoribus loca, quæ quadam tan-
 quam lustra erāt, illustrasli, quæq; in iis iniuria temporum
 deprauata & corrupta fuerunt, restituisli, dum vetusta
 Latine antiquitatis rudera in nouam subinde structuram
 singulari artificio eleganter cōuertisti: ad exquisitam adeo
 & raram doctrinam, quæ magnam de te apud doctos quos-

que viros opinionem excitavit, peruenisse, eamq; variis abs-
te libris acri & graui cum iudicio scriptis atque in lucem
editis ostendisse, vt in eo quod tam feliciter tractes sci-
ptionis genere paucos tibi pares hodie reperire sit: iam verò
matura te atate virum, viro magis magisq; digna, & viris
doctis grata ac Reipub. vtilia scribere, quaq; a primis illis
Romanis olim auctoribus scripta fuerunt, à mēdis purgare,
& lectissimos quosq; ex Musarum hortis, in quibus assidue
verseris, flores colligere, cōcinnare, quibus Lectores mirtificè
recrees, & eorum pectus ad prudentiam, probitatēque
informes; haudquaquam pratermittere volumus, quin
Reipub. ad quam hac abs te ornamenta conferuntur, cau-
sa, Caesarco te nostro elogio decorandum, & quamuis per te
satis ipse animatus sit, animandum magis patrociniog; no-
stro defendendū pro benigna nostra in te susciperemus vo-
luntate. Quoniam verò lucubrationibus atque operibus tuis
in lucem edēdis, peculiarem te eligere velle Typographum,
accepimus, Diplomate hoc nostro priuilegiog; te & Typo-
graphum tuum aduersus quorumcunque fraudem, qui
lucri causa, quod fieri solet, eadem excudere aut typis imi-
tari forte velint, munitos cupimus. Quamobrem pro au-
thoritate nostra Casarea decernimus, statuimus, vetamūs-
que, ne quis Typographorum, Bibliopolarum, aut aliorum,
qui librariam negotiationem exercent, eos libros, quos tu
editurus es, quocunque modo, charactere, aut forma, siue
integros, siue aliquam eorum partem typis imitari, edere,
excudere, aut venundare intra sacri Romani Imperij, Re-
gnorumq; ac Dominiorum nostrorum hereditariorum fi-
nes triginta annis proximis à primo editionis die compu-
tandis, absque tuo tuorumve heredum consensu audeat:
Hac autem lege addita, vti tria vt minimum cuiusq; libri
exemplaria, quemadmodum moris est, ad Imperialem no-
stram Cancellariam mittantur. Si quis verò editū hoc
nostrum transgredi, violare, aut contemnere deprehensus
fuerit, cum nō solum eiusmodi libris, tibi, heredib; siue tuis,

auxilio

auxilio Ma-
dis, priuile-
gia, causis
vindicta: al-
pauca vel
sacri Roma-
dispositio
ordis exte-
constituti,
ius dicunt,
legium nos-
patiantur:
a nobis mu-
curent, ni-
re indignat-
stra subscri-
confirmam-
ma mensis
simo, Non a-
decimo sep-
decimo sep-

Ad man-

Ad

auxilio Magistratus, vbicunque reperti fuerint, vendican-
 dis, priuari, sed triginta etiam Marcharum auri puri mul-
 cta, cuius semisis quidem Fisci nostri Procuratori, fraudis
 vindici: alter vero semisis, tibi hereditasue tuis pendatur,
 puniri volumus. Mandantes vniuersis & singulis nostris &
 sacri Romani Imperij subditis & fidelibus dilectis, tam Ec-
 clesiasticis quàm Politicis, cuiuscumque status, gradus aut
 ordinis extiterint, praesertim verò is, qui in Magistratu
 constituti, vel suo vel superiorum suorum loco aut nomine,
 ius dicunt, iustitiamue exercent, ne quemquam hoc Priui-
 legium nostrum impune violare, spernere aut negligere
 patiantur: Sed, si quos contumaces compererint, constituta
 à nobis multa, eos puniri & quibuscumque modis coërceri
 curent, ni & ipsimet grauissimam nostram in se conuerte-
 re indignationem velint. Id quod hoc Diplomate, manu no-
 stra subscripto, & Caesarei nostri sigilli impressione munito,
 confirmamus. Datum in arce nostra Regia Praga, die pri-
 ma mensis Augusti. Anno Domini Millesimo, Quingente-
 simo, Nonagesimo secundo: Regnorum nostrorum Romani
 decimo septimo, Hungarici vigesimo, & Bohemici itidem
 decimo septimo.

Subsig.

R V D O L P H V S.

Iacobus Curtius à Senftenarv.

Ad mandatum sacrae Caesaree M^{is} proprium.

Io. Baruitius.

Additum sigillum Caes. M^{is} in cerâ rubrâ.

Ii 3

SVM:

SVMMA PRIVILEGII REGII.

PHILIPPVS Dei gratia Hispaniarum, &c.
Rex Catholicus, diplomate suo sanxit, nequis,
Iusti Lipsij Historiarum in alma Vniuersitate Lo-
uaniensi Professoris, & item Historiographi sui li-
bros quoscunque, à Cenforibus legitimis approba-
tos, præter ipsius, hæredumve eius, voluntatem,
intra triginta annos à prima singulorum librorum
editione computâdos imprimat, aut alibi terrarum
impressos, in has inferioris Germaniæ ditiones im-
portet, venalẽsve habeat. Qui secũs faxit, præter
librorum confiscationem triginta marcharum auri
puri illatione mulctabitur. Vti latius patet in litte-
ris, datis Bruxellæ XIV. Febr. M. D. XCVI.

Verreycken.

Tibi IOANNES MORETE, pro amicitia qua
mibi cum Plantino (heu, quondam meo) & Planti-
nians est ac fuit, tibi, inquam, permitto, vti **EPISTO-**
LARVM mearum **CENTURIAS** typis tuis excudas
ac diuulges. Nequis alibi alius præter te, cupio sine iubeo,
ex lege quam magnus Caesar & Rex meus dixerunt.

Iustus Lipsius.

EX OF

APVD

E GIL

rum, &c.
it, nequis
ritate Lo-
aphi sui li-
approba-
luntatem,
librorum
terrarum
iones im-
it, præter
rum auri
et in litte-
I.

niciat qua
& Planti-
PISTO-
is excudat
sue inbeo,
erunt.

ANTVERPIAE,
EX OFFICINA PLANTINIANA,
APVD IOANNEM MORETVM.

M. D C I.

E H


I


Except

Adm

E x C

Cu







SPI.

GUSTAW

W
KSIĄŻK

na stał

MÓW

NAUKI

przy Sakramentach

pisane o

wydanie drugie

NOWE KAZ

łutkiem mów póg

ramowicz. Wars

PULLERZYŃKA


WIR. edycja przez

ki. edycja przez M

1837. Zp. 18.

ROZUMIAJĄC

1837.



Liprius Justus

Epistolica institutio


Introductio

Apud Joannem Noletum

1601

8^o str. 31-A-A5-B-36

Off. freg. epist. & translationum
in epistolam.



Liprius Justus

Epistolarum selectarum

211
i. o. o. o. quibus locis
in in lucem emi-
na


Interpice

Apud Joannem M et in

1000

8^o cent. 1^a 4 K. + str. 158 - 1 - d - d 3
" 1^a str. 118 - d₅ - M - S S₅ + 1 K. n.
" 2^a str. 128 - A₂ - M₅ - H₅ - J₁ + 2 K. n.

ps. orig. notine 2. Epistolica in 10



Lipsius Jussus

Epistolica institutio

Interpice

Apud Joannem Moretum

1601

8. H. 31. A A - B B.

op. prof. v. p. 2. "Epistolarum selec-
tionum"

